

ვალან ხუროში

კრიტიკული წერილები

რედაქტორი პროფ. ვ. რამიშვილი

გამომცემლობა „ჯანათლება“
თბილისი — 1986

ვარლამ ხუროძის წინამდებარე კრებულში განხილულია ქართველ მწერალთა შემოქმედება და მათი სწავლება სკოლაში. ამას გარდა იგი თავის კრიტიკულ ნაწერებში ეხება ლიტერატურის თეორიის, სტილისა და ქანრის საკითხებსაც.

შეადგინა, წინასიტყვაობა და შენიშვნები დაურთო
ალექსანდრე სიგუაშვილმა

რეცენზენტები: ფილოლოგიურ მეცნიერებათა დოქტორი ნ. კოლოკაევა, ფილოლოგიურ მეცნიერებათა კანდიდატი ნ. რუხაძე.

წინასიტყვაობა

მწერლობა, ლიტერატურული მოღვაწეობა ხალხის, სამშობლოს სამსახურია. სამშობლო კი ძალიან ფართო ცნებაა. ამიტომ მწერალს ნიჭთან ერთად უნდა ჰქონდეს სათანადო განათლება, მომზადება, შრომისმოყვარეობა და მამულის სიყვარული. სხეანაირად ვერ შექმნის ვერაფერს ღირსეულ მხატვრულ ნაწარმოებს. რამდენადაც ვითარდება საზოგადოებრივი ცხოვრება, ტექნიკა და მეცნიერება, იმდენად წინ მიდის მხატვრული ლიტერატურა, ფილოსოფიური აზროვნება. ამიტომ დღეს არ კმარა გქონდეს ინფორმაციული ხასიათის ცოდნა ამა თუ იმ საგნისა და მოვლენის შესახებ. თუ ღრმად არა ხარ განსწავლული, ეს შენს შემოქმედებას, შენს ნაწერს დაემჩნევა და, როგორც ილია ამბობდა, იგი მსუბუქი, უღლეური გამოვა.

ვარლამ ხუროძეს, რომლის ლიტერატურული ფსევდონიმია ვარლამ მალაქიაშვილი, არც ნიჭი აკლდა, არც შრომისმოყვარეობა და არც მამულის სიყვარული. ამიტომ გახდა ის ცნობილი მწერალი და საზოგადო მოღვაწე.

ვარლამ ადამის ძე ხუროძე დაიბადა 1883 წლის 14 ოქტომბერს სოფ. მათხოჯში (წულუკიძის რაიონი), ღარიბი გლეხის ოჯახში. წერა-კითხვა დედამ შეასწავლა. შემდეგ სწავლობდა იმავე სოფლის სამონასტრო სკოლაში და ხონის ორკლასიან სასწავლებელში. 1901 წელს იგი ჩაირიცხა ხონის საოსტატო სემინარიაში (მაშინ ხონში იყო გადმოტანილი ქუთაისის სამასწავლებლო-საოსტატო სემინარია); 1904 წელს, ხონის საოსტატო სემინარიის დამთავრების შემდეგ, ვ. ხუროძე დაინიშნა მასწავლებლად სოფელ მერევეში (ქიათურის რაიონი), ერთი წლის შემდეგ კი გადავიდა ლანჩხუთში. 1907 წელს რევოლუციური მოღვაწეობისათვის ის მასწავლებლობიდან დაითხოვეს, მაგრამ მაინც მუშაობს სოფ. შუქურეთის (ქიათურის რაიონი) შავი ქვის სამრეწველო სკოლაში. ქიათურაში მასწავლებლად ყოფნის დროს ვ. ხუროძე ახლოს გაეცნო იქაური მუშათა კლასის მიძიმე მდგომარეობას, რომლის შესახებაც ის ათავსებდა წერილებსა და ფელეტონებს მაშინდელ ჟურნალ-გაზეთებში.

1910 წელს ვ. ხუროძე უმაღლესი განათლების მისაღებად მიემგზავრება მოსკოვს და იქ შედის შანიეესკის უნივერსიტეტში ისტორია-ფილოლოგიის ფაკულტეტზე, რომელიც დაამთავრა 1913 წელს.

სტუდენტობის წლებში ის არალეგალურად განაგრძობს აქტიურ რევოლუციურ მოღვაწეობას და იბრძვის კალმით თუ პრაქტიკული საქმიანობით მუშათა კლასის ინტერესების დასაცავად.

1913 წელს, უნივერსიტეტის დამთავრების შემდეგ, ვ. ხუროძე ქუთაისში ცხოვრობს და ეწევა რევოლუციურ მოღვაწეობას. 1913 წლის დამლევს ვ. ხუროძე მეფის მთავრობამ დააპატიმრა და ? წლით გადაასახლა ქ. ასტრახანში, მაგრამ 1914 წელს გადასახლებიდან გამოიქცა და ქუთაისში არალეგალურად ცხოვრობდა და მოღვაწეობდა.

1914 წლის შემოდგომაზე ის კვლავ დააპატიმრეს და გადასახლეს ასტრახანში, სადაც დაჰყო 1917 წლის თებერვლის რევოლუციამდე.

გადასახლებიდან დაბრუნების შემდეგ ვ. ხუროძე მუშაობს ხონის საოსტატო სემინარიაში ქართული ენისა და ლიტერატურის მასწავლებლად.

ლიტერატურული მოღვაწეობა ვარლამ ხუროძემ სკოლის ასაკიდან დაიწყო; ის ჭერ კიდევ ჰაბუკი იყო, როდესაც შეუდგა ფოლკლორული მასალების შეგროვებას, ამ მასალებს ის ათავსებდა ქართულ ჟურნალ-გაზეთებში. ხალხური შემოქმედების მასალებზე მუშაობამ გამოავლინა მომავალი მწერლის ნიჭი. მისი პირველი ორიგინალური მოთხრობა „დედის მსხვერპლი“ გამოქვეყნდა 1904 წელს გაზეთ „ცნობის ფურცლის“ სურათებიან დამატებაში. ამის შემდეგ კი ხუროძეს ფართოდ გაუღდეს რედაქციის კარები და ისიც დიდი სიყვარულით წერდა მოთხრობებს, რომანებს, ფელეტონებს, კრიტიკულ-თეორიულ წერილებს ლიტერატურისა და პედაგოგიკის შესახებ.

ვარლამ ხუროძეს აქვს რამდენიმე მხატვრულად ძლიერი ნაწარმოები, რომლებმაც სახელი-მოუხვეჭეს მწერალს. ეს არის ორი რომანი „შოთა ბროლიძე“ და „სამნი“, „შოთა ბროლიძე“ ეხება მუშათა კლასის დიდ ბრძოლას 1905-1907 წლების რევოლუციის დამარცხების შემდეგ. რომანში შოთასა და თამროს სიყვარულის ფონზე გაშლილია მომავალი ბრძოლების სურათი — „მთელი ქვეყანა რომ ჩემი წინააღმდეგი იყოს, ყველას ვძულდე და ყველა მღვენიდეს, შენ მაინც ჩემი მომხრე უნდა იყო, ჩემი აზრები და გრძნობები უნდა გწამდეს... შეიძლება, არც დეღამ თანამიგრძნოს, არც მამამ, არც ძმამ, მაგრამ შენ კი ჩემთან უნდა იქნე. სხვაფრივ შეუძლებელია“. შოთა ბროლიძე ემზადება დიდი ბრძოლებისათვის და ამ ბრძოლებისაკენ მოუწოდებს მის შეყვარებულ თამროსაც.

პირველად ეს რომანი გამოქვეყნდა 1911 წ. 3.600 ტირაჟით. რომანის მთელი ტირაჟი რამდენიმე დღეში გაიყიდა. საცენზურო კომიტეტმა რომანი აკრძალა, როგორც მაშინდელი ხელისუფლები-

სათვის მიუღებელი ნაწარმოები. მეორე რომანი „სამნიც“ რევოლუციურ თემაზეა დაწერილი და ეხება 1917 წლის თებერვლის წინ პეტროგრადის მუშების აჯანყებას. რომანის მოქმედ პირს შალვა ღრუბლიანს ციხეში მოუსწრებს თებერვლის რევოლუცია, მაგრამ მას ჯერ კიდევ არ სჯერა რევოლუციის გამარჯვებისა. ბოლოს ის დაიჯერებს ამ ამბავს და ამბობს: „დიახ... კუზმას მიერ მოტანილი ამბები შეუძლებელს არას შეიცავენ, ცეცხლის ასაბრიალებელი მასალა ბლომად იყო დაგროვილი.“

გამანადგურებელი ომი, ხალხის საერთო უკმაყოფილება, უუფლებობა, დამონავება, ბიუროკრატიის აღვირახსნილი თვითნებობა... დიახ, ყოველივე ამას თავისი უნდა ექნა; ეს ცხოვრების კანონია“.

1910 წელს ვ. ხუროძემ გამოაქვეყნა მოთხრობა „სოფლის სურათები“. ამ მოთხრობის წაკითხვისას წარმოგიდგებათ იმერეთის გლეხობის ცხოვრების გულშემზარავი სურათები: შიმშილი, სიღატაკე, ლუკმა პურისათვის ხეტიალი, დედების გოდება, ბავშვების ქვითინი, ავტორს სჯერა, რომ დრო შეიცვლება, ყველას დააეიწყება შავი წარსული და „ხვალ მეტად, უფრო მეტად ისიამოვნებ, ჩემო საყვარელო ადამიანო, გაიხარე, გაიხარე,—თითქო ეუბნება ადამიანსო და სიცოცხლის ძარღვის ცემას მატებს, ფრინველს აჯიკიკებს, მცენარეთ ლურჯ კაბას უშლის, წალკოტს თექას უზურმუხტებს... ხარობს დედამიწა, ხარობს ადამიანი! ბედნიერების აკვანი ირწყევა, ახალი სიცოცხლე დულს და გადადულს. ახალი ძალა ფრთას შლის, როგორც ბუნებაში, ისე ადამიანში... ბედნიერების ტახტია ბუნება! ღვთაებრივი ძალით და ძლიერებით აღჭურვილი ადამიანიც მედიდურად ჯდება ამ ტახტზე, ფლობს ქვეყანას, მშრომელი მაჯა შლის გამარჯვების აღამს“.

ვარლამ ხუროძის მხატვრულ შემოქმედებას აქ მოკლედ იმიტომ შევეხეთ, რომ იგი ადრე წავიდა შემოქმედებითი მოღვაწეობის ასპარეზიდან და მინდა მკითხველმა გაიგოს და იცოდეს მისი მხატვრული შემოქმედების ზოგიერთი ეპიზოდი. და, მეორეც, მწერალი თავის კრიტიკული აზროვნებით დგას იმ მოწინავე პოზიციებზე, როგორც მისი რომანის გმირები შოთა ბროლიძე და შალვა ღრუბლიანი. მაგრამ, სანამ ვარლამ ხუროძის კრიტიკულ ნაზრევს შევეხებოდეთ, მინდა ერთი ეპიზოდი გავიხსენო მისი ცხოვრებიდან.

1931 წელს პედაგოგიურ პრაქტიკას გავდიოდი თბილისის სამრეწველო-ეკონომიკურ ტექნიკუმში, რომელიც მდებარეობდა კეცხოველის ქუჩაზე, საჯარო ბიბლიოთეკის პირდაპირ. ამ სასწავლებელში ვარლამ ხუროძეს რამდენიმე საათი ჰქონდა ქართულ ლიტერატურაში. მოგხსენებათ, იმ წლებში, განსაკუთრებით უმაღლეს სასწავლებლებსა და სკოლებში იმართებოდა მოხსენებები, რომლებიც ძირითადად მიმართული იყო ქართველი კლასიკოსების წინააღ-

მდეგ, განსაკუთრებით კი ილია ჭავჭავაძის წინააღმდეგ. და აი, ერთ დღეს სამრეწველო-ეკონომიკურ ტექნიკუმში გაიმართა მასწავლებელ-მოსწავლეთა გაერთიანებული კრება, სადაც მომხსენებელმა გააკრიტიკა შოთა რუსთაველი, ილია ჭავჭავაძე და ქართული ენისა და ლიტერატურის ზოგიერთი მასწავლებელი, რომლებიც მარქსისტულად არ ასწავლიდნენ ქართულ ლიტერატურას და ილია ჭავჭავაძეს, ლატიფუნდისტს აცხადებენ რევოლუციონერად, ბატონყმობის მოწინააღმდეგე მებრძოლ პოეტად, განსაკუთრებით გააკრიტიკეს ვარლამ ხუროძე და მოითხოვეს გამოსულიყო კრების წინაშე და თავისი შეცდომები ელიარებინა. და აი, ის დინჯად აღის ტრიბუნაზე და კრების წინაშე მტკიცედ და დამაჯერებლად აცხადებს, მე ჩემს კრიტიკულ წერილებში არავითარი შეცდომა არა მაქვს დაშვებულიო, და მომხსენებელს თავაზიანად უთხრა: ჯერ კარგად შეისწავლეთ მარქსიზმ-ლენინიზმი და მერე ილაპარაკეთ ჩემს შეცდომებზეო. ამ სიტყვის შემდეგ ტრიბუნიდან ჩამოვიდა და კრება დატოვა.

ვარლამ ხუროძეს მომხსენებელი ედავებოდა „ქართული ლიტერატურის თემატიურად განხილვაში“, ილია ჭავჭავაძის შემოქმედების არასწორ შეფასებასა და გაგებაში. მაგრამ ავტორი მართებულად არჩევდა დიდი პოეტისა და მოაზროვნის შემოქმედებას, რასაც ჩვენ ქვემოთ დავინახავთ.

ჩვენს წინაშეა ვარლამ ხუროძის კრიტიკული წერილების კრებული. პირველ ორ წერილში („ვეფხისტყაოსანი“, როგორც მებრძოლი წიგნი“ და „ვეფხისტყაოსნის“ ეთიკა და სოციალური იდეალები“). ავტორი ღრმა ცოდნითა და დაკვირვებით გადმოგვცემს, თუ რა დაგვიხატა, რა შინაარსი ჩააქსოვა რუსთაველმა თავის გენიალურ ქმნილებაში. ვინ არიან ტარიელი, ავთანდილი, ნესტანი, შერმადინი და ასმათი. თითქოს ყველაფერი წაკითხული გვაქვს რუსთველოლოგების ნაწერებში, მაგრამ ვ. ხუროძე საყურადღებო აზრს გამოთქვამს ამ გენიალურ ქმნილებაზე.

ვარლამ ხუროძე ილია ჭავჭავაძის შემოქმედების განხილვის დროს სწორ პოზიციაზე იდგა, როგორც ეროვნული, ისე ბატონყმობის საკითხის გარჩევის დროს. ავტორის სამი წერილი, სადაც მას განხილული აქვს ილია ჭავჭავაძის შემოქმედება, ჩვენ გადმოვებუდეთ „ქართული ლიტერატურის თემატიურად განხილვიდან“ და როგორც შენიშვნებში გვაქვს აღნიშნული, წერილები ერთმანეთისაგან გამოვყავით სამი ვარსკვლავით, რადგან ავტორს თავის წიგნში წერილები სხვადასხვა ადგილას ჰქონდა მოთავსებული. პირველ წერილში კრიტიკოსი ეხება ილიას ეროვნულ შეხედულებებს და წერს: „ილია ჭავჭავაძე ეროვნული გოდების უდიდესი გამომხატველია. თავისი დიდი ნიჭი, ღრმა ჰკუა და მძლავრი შემოქმედება მან სამშობლოს დაცვის იდეას ანაცვალა. მთელი თავისი სიცოცხლე ემსახურა იგი

შშობელ ქვეყანას, რომელსაც „აჩრდილში“ მოხუცის პირით ეუბნება: „მარად და ყველგან, საქართველოვ, მე ვარ შენთანა“. ქეშმარიტად, მარად საქართველოსთან იყო ილია, ყოველ წუთს „მისი ბედით, თუ უბედობით ეწოდა გული“ და თავისი სისხლიც მოწამებრივად დაანთხია წიწამურის მიდამოებში“. ილიამ კარგად იცოდა 'საქართველოს ისტორია, მისი მძიმე წარსული, თავდასხმები, შემოღსევები, უთანასწორო ბრძოლები, ერის კენესა და გოდება, მაგრამ, როგორც სამართლიანად წერს კრიტიკოსი, „დიდი ხნის ტანჯვისა და გონებრივი ანალიზის შემდეგ ამ დასკვნამდე მივიდა:

მას ნულარ ესტირით, რაც დამარხულა,
რაც უწყალის დროთ ხელით დანთქმულა;
მოვიკლათ წარსულ დროებზედ დარდი...
ჩვენ უნდა ესლით ვხლა სხვა ვარსკვლავს,
ჩვენ უნდა ჩვენი ვშეთ მყოობადი,
ჩვენ უნდა მივსცეთ მომავალი ხალხს...

მართალია, „აწმყო არ გვეწყალობს“, მაგრამ „მომავალი ჩვენია“.

ახლა შევეხოთ, თუ რას წერდა კრიტიკოსი ბატონყმობასთან მწერლის დამოკიდებულების შესახებ. „თათქარიძე — ისეთ არსებად გადაუქცევია ბატონყმობას, რომ მართლა საკითხაეია: კაცია იგი თუ არა, ადამიანია, თუ პირუტყვი, ფიზიკურად ის ვეებერთელა ზორცი და ქონია, „ერთ მონაბერი სული“ ამ ღირსეულ სამკაულს ერთნაირად ჩაეკლა და არაფერი ადამიანისა მასში არ არის. ზანტი, მოდუნებული, გამოყეყეჩებული, უტვინო, ცრუმორწმუნე, უეცი, ღორმუცლა, შურიანი, — აი რას წარმოადგენს თათქარიძე, რომელიც ყმების ნაოფლართ ცხოვრობს, თვითონ არას ჰქმნის ცხოვრებისათვის, სხვის მიერ შექმნილს კი თავისი უსარგებლო სიცოცხლის ჯანსაგრობად ანადგურებს“. ბოლოს კრიტიკოსი დაასკვნის:

ა) თავადობა ერთიანად დაავადებული და გახრწნილი წოდებაა. იგი ერის ზორცმეტია. ეს წოდება ერთიანად ანტისოციალურია და უკან მიდის.

ბ) გლახობა ჯანსაღი, ცხოვრების ღირებულებათა შემქმნელი, ერის დედაბოძი და მაცოცხლებელია. იგი უპარესად სოციალური და პროგრესულია.

გ) ამ ორ წოდებათა შორის შეუბრალებლი ბრძოლაა, არსად დანდობა, არსად გატანა.

დ) ამ ბრძოლის დამწყები და გამამძაფრებელი მხოლოდ დაუვადებული წოდებაა — თავადობა, რომელიც ერთიანად ჩაფლულია წოდებრივ ეგოიზმში და ქვეყანას დალუპვისაკენ მიაქანებს. მისი ყოფაქცევა ერის დამლუპველია.

ასე აქვს წარმოდგენილი ილიას ქართველი ერის მდგომარეობა, როგორც ბატონყმობის დროს, ისე მისი გადავარდნის შემდეგ“.

ილია ჭავჭავაძის შემოქმედების ასეთი გარჩევისათვის, როგორც აღვნიშნეთ, ვარლამ ხუროძეს თავს ესხმოდნენ და ავიწროებდნენ, არა მარტო სკოლებში, არამედ მწერალთა კავშირშიაც. მე კარგად მახსოვს, ჯერ, როგორც მის მოწაფეს და შემდეგ კი მის მეგობარს, რომ მას მწერალთა კავშირში დისკუსიის დროს ერთმა ჭკუათხელმა კრიტიკოსმა შინაგანი ემიგრანტი უწოდა. ამ სიტყვებზე ვარლამს რეაგირება არ მოუხდენია და უხმოდ გასცილდა მას. კრიტიკოსი თავის აზროვნებაში, თავისი მსჯელობის სისწორეში ღრმად დარწმუნებული სტოიკურად ხვდებოდა ასეთ გამოხდომებს და არავის წინაშე ქედს არ იხრია.

ილიას შესახებ აქ ცოტა გამიგრძელდა საუბარი, მაგრამ მკითხველს მინდა გავახსენო აკაკის სიტყვები ილიას ცხედართან წარმოთქმული: „როგორც სიცოცხლე, ისე სიკვდილიც შენი გახდა მიზეზად ხალხის ამოდრავებისა და, აჰა, საქართველოს ყოველი კუთხიდან თავმოყრილნი გეხვევიან გარსს!.. და ვინ იცის, ეგება სიკვდილით მაინც განამტკიცო ის, რასაც შენი სიცოცხლე შესწირე: ერთობას, თანასწორობას, ძმობასა და სიყვარულს“.

აკაკის, ლირიკა, აკაკის პოეზია მთელი ქართველი ხალხის სიმღერა იყო. არც ერთი ქართველი პოეტი ხალხთან, თავის ერთან ისე ახლოს არ ყოფილა, როგორც აკაკი წერეთელი. „ამიტომ იყო, — წერს ვარლამ ხუროძე, — რომ მთელი საქართველო, განუჩრეველად წოდებისა და მიმართულებისა, სულგანაბული უსმენდა ნახევარი საუკუნის განმავლობაში ამ დიდებული მგოსნის ღალადს.

ამიტომ არის აკაკი წერეთელი დღესაც ჩვენი დიდება და ეროვნული სიამაყის მწვერვალი.

და ასე იქნება მანამ, სანამ ამ ქვეყნად არსებობს საქართველო და მშვენიერება. ამ ორი ცნების შედუღება ჩვენ გვაძლევს აკაკის ხატებას“.

ავტორი დიდი ცოდნითა და ღრმა დაკვირვებით განიხილავს ვაჟა-ფშაველას, ალექსანდრე ყაზბეგის, გიორგი წერეთლის, იროდიონ ევლოშვილისა და სხვა ქართველი მწერლების შემოქმედებას, მათ დამოკიდებულებას, როგორც სოციალური, ისე ეროვნული პრობლემებისადმი.

ვარლამ ხუროძეს ლიტერატურის დანიშნულება, ლიტერატურის საგანი ფართოდ ესმის, ფართოდ გაეგება, რომ მწერალი არ არის ცხოვრების მარტო უარყოფითი მხარეების მშრალი აღმწერი, ლიტერატურა ასრულებს საზოგადოების ცხოვრების გარდამქმნელის როლს. კრიტიკოსი თავის ნაშრომში „წერილები ლიტერატურის შესახებ“ მკაფიოდ და გარკვევით წერს: „ხელოვნება არა მარტო

ცხოვრების სინამდვილის სარკეა, არამედ უდიდესი იარაღია ცხოვრების უკუღმართობასთან საბრძოლველად. ცხოვრების უარყოფითი მხარეების დაბატვა და იმავე დროს აქვე განახლების ნაპერწკლების აღმოჩენა, ზიზღი ბნელეთს, სალამი განთიადს, წყევლა და კრულვა მას, ვინც იდეალს შეუარაცხოფს, თავდადებითი ბრძოლა იდეალური ქვეყნის გასამეფებლად. აი, უდიდესი საგანი და დანიშნულება ხელოვნებისა“.

მას კარგად ჰქონდა შეგნებული და შეცნობილი, რომ „პოეზია და საზოგადოდ ხელოვნება უდიდესი აგიტატორია, — ამაზე ძლიერ გულის განმგმირავ და მთელი სულიერი ცხოვრების ამაფორიაქებელ სიტყვას ვერც ერთ ტრიბუნთან ვერ გაიგონებთ, — ხელოვნება უდიდესი რევოლუციონერია“ — დაასკვნის ავტორი.

გალაკტიონ ტაბიძის სალიტერატურო ასპარეზზე გამოსვლის პირველ დღიდანვე ქართულ ჟურნალ-გაზეთებში ბევრი წერილი დაიბეჭდა პოეტის შემოქმედების შესახებ, მაგრამ გალაკტიონ ტაბიძის შემოქმედება იმ დროს ისე ფართოდ, ასე ღრმად არავის განუხილავს, როგორც ვარლამ ხუროძეს.

1919 წელს კრიტიკოსმა დაწერა წერილი „გალაკტიონ ტაბიძის შემოქმედება“, რომელიც ერთი წლის შემდეგ, 1920 წელს დაიბეჭდა ჟურნალ „ცისარტყელაში“ (№ 2). ავტორს წერილში მთელი თავისი სიყვარული, მთელი თავისი განცდა ჩაუქსოვია. მე აქ არ ვეხები მარტო გალაკტიონ ტაბიძისადმი კრიტიკოსის დამოკიდებულებას, არამედ, საერთოდ, ხელოვნებისადმი მის დამოკიდებულებას. კრიტიკოსი იგივე მწერალია და ვარლამ ხუროძე აქ გამოჩნდა, აქ მოგვევლინა, როგორც მწერალი, მხატვარი და კრიტიკოსი: „ტაბიძის პოეტური ნიჭი, — წერს ავტორი, — იმდენად ძლიერი და მომჭადოებელია, რომ ყველას დაიმორჩილებს, თქვენ შეგიძლიათ არ გაიზიაროთ ტაბიძის მსოფლმხედველობა, მაგრამ იმას კი ვერ უარყოფთ, რომ მისი ლექსების კითხვის დროს სწორედ იმ გრძნობას განიცდიდით, რასაც თვითონ პოეტი განიცდიდა, სწორედ ისე უყურებთ მას. შინ ამქვეყნიურ ცხოვრებას, როგორც მგოსანი... მუსიკისა და რითმის მხრივ ტაბიძის პოეზია უმაღლეს წერტილზე ასულად უნდა ჩაითვალოს. ამ მხრივ ტაბიძე პირდაპირ აკაკია“. შემდეგ კრიტიკოსი წერს: „ტაბიძეს უთუოდ მოელის დიდი პოეტის გვირგვინი“. ავტორი გალაკტიონ ტაბიძის პოეზიით ისეა გატაცებული, რომ მექაში მიმავალი მლოცველივით ხელები აღუპყრია და ბიბლიის სიტყვებით მკითხველს ეხვეწება:

„თქვენ გთხოვთ საკურთხეველიდან აღსავლის კარებში ბარძიმით ხელში მორწმუნეთა საზიარებლათ გამოსული მღვდელი, რომელიც მოწიწებით ამბობს: „შიშითა ღვთისითა და სარწმუნოებით მოვედით“. ასეთნაირად მესატება თავის ნაწერებში მგოსანი, რო-

მელიც ღაღადებს: კრძალვითა ხელოვნებისათა და სიყვარულით მოხვედრიო, და ვაი იმას, ვინც ბინძური გულით მიეგებება მას, ვინც შეურაცხყოფს პოეზიის წმინდათაწმინდას“. ასე წერდა ვარლამ ხუროძე ამ 75 წლის წინათ და დღეს, ცოცხალი რომ იყოს, როგორ გაუხარდებოდა, რომ მისი აზრები, მისი სტრიქონები პოეტის მიმართ გამართლდა. გალაკტიონი იმ დიდ მწერალთა რიგებშია, რომელსაც ერის ლიტერატურის ისტორიაში სიყვდილი არ უწერია.

ვრცელი და მრავალფეროვანია ვარლამ ხუროძის კრიტიკული აზროვნების დიაპაზონი. ის არ კმაყოფილდება ამა თუ იმ მწერლის მარტო კრიტიკული განხილვით, იგი აგრეთვე თავის ნაწერებში ეხება ლიტერატურის თეორიის, სტილისა და ჟანრის საკითხებს.

ვარლამ ხუროძის კრიტიკული წერილები ნიმუშია იმისა, თუ როგორ უნდა იმუშაოს მკვლევარმა, კრიტიკოსმა მწერლის ტექსტზე, რომ მკითხველს ნათლად დაანახოს მწერლის მხატვრული აზროვნების სიღრმე, ნიჭი, საგნის სწორად განქვერეტისა და გაგების უნარი.

წინამდებარე კრებულში დაბეჭდილი ვარლამ ხუროძის რჩეული კრიტიკულ-პუბლიცისტური წერილები მკითხველს ნათელ წარმოდგენას მისცემს ავტორის კრიტიკული აზროვნების ნიჭზე, საერთო ერუდიციაზე, იმ დიდ სიყვარულზე, ინტერესსა და სათუთ დამოკიდებულებაზე, რასაც კრიტიკოსი იჩენდა ქართული ლიტერატურისადმი.

**„ვეფხისტყაოსანი“ როგორც მებრძოლი.
წიგნი**

„მე იგი ვარ, ვინ სოფელსა
არ ამოუკრეფ კიტრად ბერად;
ვის სიკვდილი მოყვრისათვის
თამაშად და მიჩანს ზღერად;
... ვინ ღამბაღა, შეძლებაჲ
მანვე მომცა ძლეველ მტერთად.“

ამ სიტყვებს ავთანდილი ამბობს. ეს არ არის უშინაარსო ქაღი-
ლი: ბრწყინვალე რაინდის ყოველი სიტყვა საქმით არის გამართლე-
ბული. შოთა რუსთაველი, როგორც მგოსანი, უპირველეს ყოვლისა
მებრძოლი შემოქმედია, ავთანდილი მისი იდეებისათვის თავდადე-
ბული რაინდია. „ვეფხისტყაოსანში“ დანთებულ კოცონს ავთან-
დილი აჩაღებს. ამ კოცონის ალია, საუკუნეთა მანძილზე რომ ანა-
თებს და თავისკენ იზიდავს ყველას, ვისაც რაიმე მაღალი იდეის-
თვის უძგერს გული, ვისაც შეუძლია იგრძნოს საკაცობრიო იდეის
სიდიადე და ვის არსებაშიც იმდენად ძლიერად სცემს სოციალური
გრძნობის ანკარა წყარო, რომ კაცობრიობის დაჩაგრული ნაწილის
გაბედნიერებისათვის იბრძოლოს, „მოყვრისათვის სიკვდილი“ „თა-
მაშად“ და „მღერად“ მიიჩნოს.

რუსთაველის ორეული, ავთანდილი, მაღალი ეთიკისა და სოცი-
ალური გრძნობების მატარებელი პიროვნებაა, რომელსაც სწამს,
რომ ადამიანთა ურთიერთობაში „სიცრუე და ორპირობა ავნებს
ხორცსა, მერმე სულსა“; იგი გმობს „კაცსა აუგვიანსა, ცრუსა და
ღალატინასა“. ეს მაღალი და ყოველი ადამიანის პიროვნების დამამ-
შვენებელი გრძნობა უკარნახებს მას თავი დასდოს უბედურებაში
ჩაეარდნილი ტარციელისთვის, ხელი აიღოს პირად ბედნიერებაზე და
დაუშრეტელი ენერჯით ეძებოს ნესტან-დარეჯანი, რომელიც უდი-
დესი უსამართლობის მსხვერპლია.

ავთანდილი ყოველდღიურ ცხოვრებაშიც მაღალი ზნეობის ადა-
მინია: შერმაღინი, დაბალი ფენის ადამიანი, მან თავისი პიროვნების
თანაბრად იცნო და გაზარდა „ვითა ძმა და ვითა შვილი“. ამ უბრალო
ყმაში, მონაში, მან იმდენი ადამიანური თვისება ჰპოვა, რომ დრო-
ებით სამეფოც კი ჩააბარა, თავისთავს გაუთანასწორა. ყმა და მეფე—
პრინციპულად ორივე თანაბარი არსებაა, — აი რუსთაველ-ავთანდი-
ლის შეხედულება იმ ეპოქაში, როდესაც ოფიციალური აზროვნება

ადამიანებად მხოლოდ მეფე — დიდებულებს სთვლიდა. ავთანდილი არ თაკილობს აგრეთვე ვაჰრებთან გაამხანაგებას, ვაჰრის ტანსაცმლისა და სახელის ტარებას. ამავე დროს ბოგანოთა და გლახაკთა შებრალება მისი ზნეობის ძირითადი დასაყრდენია.

ტარიელიც უმწიკვლო რაინდია, რომელმაც თავი გასწირა სატრფოს გულისათვის, „მისთვის დასთმოს ყველა კაი, მისთვის ველად გამოეარდეს“. მონა ქალი ასმათი მის თვალში ისეთივე ადამიანია, როგორც ავთანდილისათვის ყმა შერმადინი. ასმათის პიროვნება მანაც მეფობის ღირსად სცნო, მისი ნამოქმედარი საზოგადოდ ადამიანის ყოველგვარ ნამოქმედარზე მალა დააყენა:

„რაცა შენ ჰქმენ, არ უქმნია
არ გამზრდელსა, არცა ზრდილსა.“ —

ეუბნება მას ტარიელი.

„თუცა ქალია, ხელმწიფედ,
მართ ღმრთისა დანაბადია,

... ლეკვი ლომისა სწორია,
ძე იყოს, თუნდა ზეადია.“ —

ასე უთხრეს ვაზირებმა როსტევან მეფეს თინათინის გამეფების შესახებ. მათ თანასწორად აღიარეს მამაკაცი და დედაკაცი. ამ ეაზირთა შორის, ალბათ, ავთანდილიც იყო, რომელმაც მონა მამაკაცი და მეფე ერთმანეთისაგან არ განასხვავა, მაშასადამე, ქალისა და მამაკაცის თანასწორობის გვერდით, მან პატრონისა და ყმის თანასწორი ადამიანობაც აღიარა. ყველა ამათ მხარს უმშვენებს აგრეთვე ტარიელი, რომელიც ასმათის პიროვნებას ეგზომ მალა აყენებს.

ფრიდონიც შეუბღალავე რაინდია, რომლის ეთიკა არაფერში არ ჩამოუვარდება ტარიელისა და ავთანდილისას.

რუსთაველის მეფე-დიდებულთა მორალი და ჰუმანიზმი უაღრესად კეთილშობილური ხასიათისაა, პირადი ყველგან გზას უთმობს საზოგადოებრივს:

„მეფეთა შიგან სიუხვე,
ვით ედემს ალუა, რგულია...
... რასაცა გასცემ, შენია;
რას არა, დაკარგულია!...“

უხვად გავსცემდეთ, ვავსებდეთ,
სიძუნწე უმეცრულია...“ —

ასეთია მათი სამოქმედო ღოზუნგები, დევიზები წარწერილთ მათს დროშებზე.

ეს იდეები კლასობრივ საზოგადოებაში წარმოშობილი იდეებია, მაგრამ მათი ნიშანდობლივი თვისება შორდება კლასობრივ გან-

საზღვრულობას, შოთას გენიას არ შეუძლია ვიწრო წრეში მომწყედვეა, არ შეიძლება მისი იდეების კლასის საზღვრებში ლოკალიზება.

გაბატონებულად ითვლება უკედავი პოემის დედააზრის ასეთი განმარტება: შოთა აქებს და აღიღებს იდეალურ სიყვარულს ქალისადმი, მეგობრობას, ძმობას, მოყვრისთვის თავდადებას, შოთა სიტყვის გენიალური ოსტატია... მაგრამ... ზემონათქვამი მაინც ვერ ახსნის სავსებით შოთა რუსთაველის მნიშვნელობას, ვერ ახსნის იმ როლს, რომელიც „ვეფხისტყაოსანმა“ წარსულში შეასრულა და დღესაც ასრულებს ჩვენს ცხოვრებაში.

მარქსი და ენგელსი ამბობენ, გაბატონებული კლასის იდეები მოცემულ დროში მთელი ეპოქის გაბატონებულ იდეებს წარმოადგენენო. მაშასადამე, ავთანდილისა და სხვა პერსონაჟების მიერ გამოქვეყნებული კლასობრივი მორალი და იდეები მთელი ერის, ე. ი. ყველა ფენისთვის მისაღებ მორალად და იდეებად არის პრესაში განსახიერებული.

პოეტმა მშვენივრად იცის, რომ საზოგადოება კლასებად არის დაყოფილი და ამ კლასთა შორის სიძულვილი არსებობს; იცის, რომ მონები პატრონების წინააღმდეგ ხშირად ხმალს მიმართავენ...

ამიტომ უნდა შეიქმნეს რაღაც პარამონიული საზოგადოება, სადაც ყველანი ბედნიერნი იქნებიან.

ასეთი საზოგადოების დაარსებაზე ოცნებობდა ჩვენს წელთაღრიცხვამდე მე-5 საუკუნეში მცხოვრები საბერძნეთის ფილოსოფოსი პლატონი, ამაზე ოცნებობდნენ ძველი „ქრისტიანი კომუნისტები“. „ქრისტეს ასწლოვანი“ მეფობის, ანუ ამქვეყნიური სამოთხის, განხორციელებაზე ფიქრობდნენ ე. წ. ხილიასტური მოძღვრების მიმდევარნი. ყოველივე ეს უტოპია იყო, ხშირად რეაქციულიც, მარქსის შეფასებით, მაგ., პლატონის „კომუნისმი“ ეგვიპტური კასტურ-მონური საზოგადოების „ათინური იდეალიზაცია იყო“, მაგრამ თავისი სუბიექტური მიზნებით უსათუოდ რევოლუციური, ვინაიდან არ კმაყოფილდებოდა იმით, რაც იყო და უკეთეს შერმისს ეძებდა „დაკარგულ სამოთხეზე“, პირველყოფილ კომუნისმზე ოცნებისათვის არასოდეს არ დაუნებებიათ თავი კაცობრიობის საუკეთესო შეილებს, რომელთა შორის შოთა რუსთაველსაც ბრწყინვალე ადგილი უჭირავს.

შოთას გმირები რომ. სიყვარულისა და მეგობრობისთვის იბრძვიან, ამის უარყოფა ვის შეუძლია? რუსთაველი ხომ გენიალური მხატვარია, მაგრამ არც სიყვარული, არც მეგობრობა და, მით უმეტეს, არც დიდებული სტილი შოთასათვის მიზანს არ შეადგენს, ყოველივე ეს არის საშუალება დიდი იდეისთვის, რომელიც შარავან-

დედის გვირგვინს ადგამს „ვეფხისტყაოსნის“ ავტორს და მთელ მის შემოქმედებას.

ნესტან-დარეჯანი გამოხსნილია, ტარიელს და მის სატრფოს „მიხვდა მათი საწადელი“, ბოროტება დაითრგუნა, ფარსადანებისა და დავარების ავად ნამოქმედარი გასწორდა, ავთანდილიც გაბედნიერდა თინათინთან შეყრით, ბედნიერია ასმათ, ბედნიერია შერმადინ, მაგრამ საქმე ამით როდი მთავრდება. აქ რომ წერტილი დასმულიყო, „ვეფხისტყაოსანი“ ბევრს დაკარგავდა, მისი მნიშვნელობა არ იქნებოდა ასე ძლიერი და ჯადოსნური, მის იდეურ შინაარსს არ ექნებოდა სისრულე და შარავანდედით მოსილი ლოგიკური დასასრული. პოემის ბოლოში შოთა გვამცნობს, რომ

„მათ სამთავე ხელმწიფეთა
ერთმანერთი არა სძულდეს,
ერთმანერთსა ნახვიდიან,
საწადელნი გაუსრულდეს,
ბრძანებისა შემცილენი
მათთა ხრამლთა დავეწყულდეს,
მოიმატნეს სამეფონი,
გახელმწიფდეს, გამორკმულდეს“.

მაშასადამე, ტარიელი, ავთანდილი და ფრიდონი უძლიერესი სამეფოების მპყრობელნი არიან... და ეს სიძლიერე მათ გამოიყენეს თავიანთი სამეფოების გასაბედნიერებლად:

„ყოელთა სწორად წყალობასა,
ვითა თოვლსა მოათოვდეს,
ობოლ-ქვრიენი დაამდიდრნეს
და გლაზაკნი არ ითხოვდეს,
ავთა მქმნელნი დააშინნეს,
კრავნი ცხვართა ვერ უწოვდეს,
შიგან მათთა საბრძანისთა
თხა და მგელი ერთად სძოვდეს“.

პროზაულად რომ ვთქვა, ამ ძლიერ და ბედნიერ მეფეთა მიერ გაცემულ მოწყალებას ქვრივ-ობლები და ბოვანონი გაუმდიდრებია, ავის მქმნელნი და ხალხის ცხოვრების ხელისშემშლელნი დაუთრგუნავს, მდიდარი და ღარიბი ქონებრივად შეურიგებია, უკვე არ არის მათ შორის ბრძოლა, თხა და მგელი ერთად სძოვენ; ერთი სიტყვით, შექმნილია ჰარმონიული საზოგადოება, სადაც ყველა კმაყოფილია და არავინ ბედს არ ემდურის.

როდესაც როსტევანი და „ვეფხისტყაოსნის“ სხვა მეფეები სიუხვეს იჩენდნენ მოწყალების გაცემით, ეს თითქოს პატარა მასშტაბის ქველმოქმედება იყო, ხოლო, როდესაც რუსთაველის სათაყვანო გმირებმა გაიმარჯვეს და სამეფო ტახტებზედაც დამკვიდრდნენ, მათი ქველმოქმედება მთელ სამ სამეფოზე გავრცელდა: სიყვარულისა და

მეგობრობისათვის მებრძოლებმა გამარჯვების შემდეგ ჰარმონიის, სიყვარულისა და მუდმივი მეგობრობის სამეფოები შექმნეს.

ჩვენ ვიცი, რომ არაფერი ამის მსგავსი სინამდვილეში არ მოხდებოდა, მაგრამ ის კი ცხადია, რომ შოთას სურდა ასე მომხდარიყო, ვინაიდან ეს იყო მისი სოციალური იდეალი. ეს დიდი მოაზროვნე, რომელიც თავის ეპოქაში ყველაზე დიდად გრძნობდა სოციალურ უსამართლობას და კლასობრივი საზოგადოების წინააღმდეგობებს, ვერ კმაყოფილდებოდა არსებული ვითარებით და ოცნებობდა იმ დროის დადგომაზე, როდესაც ხალხის საუკეთესო ადამიანები, მაღალი ზნეობისა და აზრების მატარებელი პიროვნებები ჩაიგდებენ ხელში მეფობას და გააბედნიერებენ მაშვრალთა და ტვირთმძიმეთა. ეს იყო შოთას საოცნებო საგანი და მისი საყვარელი გმირებიც ამ იდეალებისთვის იბრძვიან...

და სწორედ ამ მაღალმა და საბრძოლო იდეამ გახადა „ვეფხისტყაოსანი“ ქართველი ხალხის უსაყვარლეს ნაწარმოებად. „ვეფხისტყაოსნის“ იდეა მუდამ საბრძოლო იდეა იყო და, როგორც ასეთი, ყოველთვის იტაცებდა უკეთესი მერმისისთვის მებრძოლებს, იმათ, ვინც არ იყო არსებულით კმაყოფილი და ვინც მუდამ იბრძოდა ნესტან-დარეჯანის გამოსახსნელად — დასახული იდეის მისაღწევად. „ვეფხისტყაოსანი“ უპირველეს ყოელისა ბრძოლის სულით გაჟღენთილი წიგნია: ის იბრძვის ქალთა თანასწორობისათვის, ის გვიჩვენებს იდეალურ დამოკიდებულებას ყმასა და ბატონს შორის, როდესაც ხორცს ისხამს ყოველგვარი მდგომარეობის ადამიანთა თანასწორობის იდეა, ის აქებს და აღიღებს აეთანდლის მუდამ მაძიებელ სულს და, ბოლოს, გვაჩვენებს იმ ფეერიულ სამეფოს, რომელიც შეადგენს შოთას იდეალს, — სამეფოს ჰარმონიულს და ყველასათვის ბედნიერად საცხოვრებელს.

ეს ბედნიერებით აღსავსე ჰარმონიული საზოგადოება ამქვეყნიური მოვლენაა, არაფერი საერთო არა აქვს მას ორტოლოქსალური ქრისტიანობის „იმქვეყნიურ ბედნიერებასთან“, სამოთხესთან.

ამ დასკვნის გაკეთებით რუსთაველი საბოლოოდ გამოეთიშა საშუალო საუკუნეების ქრისტიანულ სქოლასტიკას. მისი საყვარელი გმირების საბრძოლო იდეალები თავიდან ბოლომდე მატერიალური ხასიათისაა, ამქვეყნიურ იდეალებს ემსახურება: არსად რელიგიური მიზნები, არსად სარწმუნოებისთვის ბრძოლა. ქრისტიანული რელიგიის თვალაზრისით, სააქაო ცხოვრება „საიქაო ცხოვრებისათვის“ მოსაწადებელი საშუალებაა. შოთამ კი შეაბრუნა ეს იდეალი: ღმერთი და მისდამი რწმენა ამქვეყნად ჰარმონიული საზოგადოების დასამყარებლად გამოიყენა, რელიგიის მიხედვით ადამიანი საშუალებაა, შოთას რწმენით კი ადამიანი მიზანია... ასე დაშორდა რუსთაველის იდეოლოგია ქრისტიანულ მოძღვრებას. ყოველგვარ ექვს გა-

რეშეა ისიც, რომ ბოროტი ძალა — ფარსადანების და დავ...
მომხრენიც — შოთას იდეების მღევნელი იქნებოდნენ.

...და ამიტომაც იღვენებოდა „ვეფხისტყაოსანი“ ბნელეთ... მო-
ციქულთა მხრივ... მაგრამ შოთას ბრწყინვალე იდეალები ვერ...
მა ვერ დაჩრდილა.

„ვეფხისტყაოსნის“ ეთიკა და სოციალური იდეალები

„ვეფხისტყაოსანი“ ძველი საქართველოს უნივერსალური ენ-
ციკლოპედიაა. იგი შექმნილია ერთი პიროვნების მიერ, მაგრამ ამ
პიროვნების მხატვრული ნიჭის სიღრმე და განჭვრეტის უნარი გა-
ნუსაზღვრელია.

შევეცადოთ ამ ენციკლოპედიიდან ამოვიკითხოთ მისი ავტორის
აზრი იმის შესახებ, თუ როგორი ურთიერთობა უნდა იყოს ადამი-
ანთა შორის და რაგვარად უნდა იყოს მოწყობილი მისი მომავალი
საზოგადოებრივი ცხოვრება.

როსტევეან მეფემ ასეთი დარიგება მისცა ტახტზე აყვანის დღეს
თავის ქალს — თინათინს:

„ვარდა და ნეხეთა ვინათგან
მზე სწორად მოეფინების,
დიდთა და წერილთა წყალობა
შენმცა ნუ მოგეწყინების“.

ასე ესმოდა შოთას მეფობა და მეფის როლი. მისი წინამორ-
ბედნიც — იოანე შავთელი, ჩახრუხაძე და სხვები ამ თვალსაზრის-
ზე იღვნენ.

ძლიერი ჰუმანურ-საზოგადოებრივი გრძნობა ახასიათებთ დი-
დებულებსაც — ავთანდილს და ტარიელს. განსაკუთრებით გამოირ-
ჩევა თავისი მაღალი და კაცთმოყვარული გრძნობა-აზრებით ავთან-
დილი, რომლის ცალკეული აზრები და ანდერძი ზნეობის ნამდვილ
კოდექსს წარმოადგენს.

ზნეობის კანონები, ეთიკა, კოლექტივთან ან პიროვნებასთან ურ-
თიერთობაში მოითხოვება. ამ დროს, ავთანდილის აზრით, სიცრუე,
ღალატი და პირადი კეთილდღეობის წინ წამოყენება „თავია ყოვ-
ლისა უბედობისა“, ადამიანთა გამთიშველი და საზოგადოებრიობის
დამრღვეველი.

ავთანდილმა იცის თავისი ადამიანური მოვალეობა არა მარტო
ნებაყოფლობითს სფეროში — ძმადნაფიცულისა და მეგობრის მი-
მართ; არამედ სახელმწიფო ორგანიზაციის წარმომადგენლის წინა-
შეცხ: იგი თავისი ზნეობით და მოქმედებით სახელმწიფოებრივი იდე-
ის, ე. ი. უმაღლესი საზოგადოებრივი ორგანიზაციის, ერთგული

ის ნამდვილი სახელმწიფოებრივი ეპოქის ადამიანია, მას-
ამალიც კი არ არის თემური ღროის ადამიანის თვისებებისა,
კუთხედით: რობის ცნებიდან მის არსებაში არაფერი არ დაჩინილა. ამი-
ტომ 'ას, რომ იგი ასეთ აზრს გამოთქვამს:

„ხაშს მეფეთა ერთგულება,
ყოფა გემართებს ყმასა — ყმურად“.

ავთანდილის ეთიკა კლასობრივია, ეს ურყევი მოვლენაა კლასობრივ საზოგადოებაში. ავთანდილი მარტო ისეთ მორალს როდი ქადაგებს, რომელიც მეფეებს და დიდებულებს უნდა ახასიათებდეს, იგი საყოფაქცევო კანონს, სამოქმედო ეთიკურ პრინციპებს აძლევს აგრეთვე კლასობრივად მოწინააღმდეგე ფენებსაც — ყმებს და მონებს:

„ეთი მოიხმაროს მონამან
პატრონსა ზედა ხრამლა“.

საიდან გამომდინარეობს და რას ეყრდნობა რუსთაველის ეთიკა? ემპირიული ხასიათისაა იგი და ადამიანთა შორის არსებულ ურთიერთობიდან გამომდინარეობს თუ ზებუნებრივია?

„უხვსა ჰმორჩილობს ყოველი,
იგია, ვინ ორგულია...
რასაცა გასცემ შენია,
რას არა — დაკარგულია“.

აშკარაა, რომ რუსთაველის ეთიკური კანონი — „რასაცა გასცემ შენია, რას არა — დაკარგულია“ განსაზღვრულ ურთიერთობაშია წარმოქმნილი, მიწიურია და არა ზეციური, ადამიანთა ურთიერთობის ნიადაგზეა აღმოცენებული და არა ღეთის მიერ შთაგონებულ „უმალღეს ზნეობრივ მცნებას“ წარმოადგენს.

მაგრამ „ვეფხისტყაოსანში“ არის ისეთი ადგილებიც, სადაც აშკარად ჩანს აპრიორიც, წინასწარგანსაზღვრულობა, ბუნებრივი ძალის მოქმედებაც. მიჯნურობა მეუფისაგან მონიჭებული თვისებაა და მისი წესებიც, — ე. ი. მიჯნურის ეთიკა და რეგულირებაც — ღეთის მიერ არის დაწესებული:

„ღმერთო, ღმერთო, გეაქები,
რომელი ჰფლობ ქვეყნად ზესა,
შენ დაბადე მიჯნურობა,
შენ აწესებ მისსა წესსა“.

ამბობს ავთანდილი. სიცრუე და დალატი, რაც ძირს უთხრის კაცთა შორის კეთილი ურთიერთობის განმტკიცებას, იმავე ღროს ღეთის გმობაც არის:

„ყოელი ცრუ და მოღალატე
ღმერთსა გმობს და ეგრე ცრუობს“.

გამოდის, რომ კაცთა შორის არსებული ერთგულება და პირი-
ანობა ღვთის მიერ დაწესებული მცნებებია.

ავთანდილი გაიპარა ტარიელის მისაშველებლად. გაპარვაც
ღვთის საწყენი საქმეა, მისი მცნების დარღვევა: „გამოპარვით წა-
მოსვლითა“ ღვთისგან „კარგს არას მოველი“. — ამბობს იგი. ღვთა-
ება, „ვეფხისტყაოსნის“ გაგებით, ყოველგვარი ავისა და კარგის წყა-
როა. ავთანდილი ასე ლოცულობს:

„ზოგჯერ მამცემო პატყთო,
ზოგჯერ კეთილთა მზათო,
უცნაურო და უთქმელო,
უფალო უფლებათაო“.

აშკარაა, რომ ადამიანთა ყოფაქცევის ხელმძღვანელი და ზნე-
ობრივი წესების მომცემი, ამ სიტყვების მიხედვით, ღვთაებრივი ძა-
ლაა.

ამნიარად, „ვეფხისტყაოსნის“ ეთიკა, ერთი მხრით, ემპირიულ
მოვლენებს ეყრდნობა, მეორე მხრივ — ზემოპირიულს, ერთი აზ-
რით, ადამიანთა მიერია, მეორეთი — ღვთისმიერი.

„ვეფხისტყაოსანი“ ფეოდალური ქრისტიანული საქართველოს
ეთიკის წიგნია, რაინდულ-ქრისტიანული ზნეობის კოდექსია. მაგრამ
შოთას ქრისტიანიზმი არ არის ორტოდოქსალური.

ფილოსოფიის ისტორიაში ცნობილია, რომ ანტიურმა ბერძნებ-
მა მაშინ მოჰკიდეს ხელი ეთიკის საკითხების დამუშავებას, როცა
მათი ცხოვრება გართულდა და მრავალფეროვანი გახდა. ეს მოხდა
ირანელებზე გამარჯვების შემდეგ (მე-5 ს. ქრ. წინ).

ამ მომენტიდან საბერძნეთში სრულიად ახალი და მრავალწახ-
ნაგოვანი ცხოვრება წარმოიშვა: ადამიანთა შორის ურთიერთობა
ძალზე ძნელი მოსაგვარებელი შეიქნა, აზროვნება ერთიანად პრაქ-
ტიკულ საკითხებზე გადავიდა, სოციალური მოვლენების გამოსარკ-
ვევად მოიპარათ; ძველად გაბატონებული ნატურ-ფილოსოფია იჩრ-
დილება და პირველ რიგში ადამიანისა და მისი ცხოვრების შესწავ-
ლა ღვება. ამ ეპოქაში მცხოვრებმა სოკრატემ (469—339 ქრ. წინ.)
სთქვა, რომ ზეები კი არ შესძენენ მას ცოდნას, არამედ ადამიანები,
რომელნიც ქალაქში ცხოვრობენ.

„ვეფხისტყაოსნის“ კლასობრივი ეთიკა უაღრესად განვითარე-
ბული და გართულებული ცხოვრების პროდუქტია. იგი აჯამებს იმ
დიად ისტორიულ წარსულს, რომელიც ძველ საქართველოს ჰქონია,
ამასთან წარმოდგენას გვაძლევს იმ სოციალურ ფუნქციაზე, რომელ-
საც ეს უკვდავი პოემა ასრულებდა თავის ეპოქაში.

აშკარაა ისიც, რომ ეს ეთიკა არ არის კლასობრივად შეზღუდული და შემოფარგლული. მარქსისა და ენგელსის აზრით, გაბატონებული კლასის იდეები მოცემულ დროში მთელი ეპოქის გაბატონებულ იდეებს წარმოადგენენ, მაშასადამე, შოთას აზრები არის მთელ ხალხში გაბატონებული იდეებიც.

რუსთაველს არ შეუძლია მოთავსდეს კლასობრივად შეზღუდულ და წოდებრივად ლოკალიზებულ აზრთა მიმდინარეობაში. მისი მძლეთამძლე არსება მთელ ქვეყანას უნდა გადაჰყურებდეს. ამიტომ არის, რომ რუსთაველი საერთო საკაცობრიო აზრებს გამოსთქვამს, ისეთ აზრებს, რომლებითაც ყოველი კლასის, მდგომარეობისა და ერის ადამიანს შეუძლია იხელმძღვანელოს.

ამავე დროს რუსთაველი ხედავს კლასობრივი საზოგადოების ტკივილებს, კლასობრივ ჩაგვრაზე აღმოცენებულ სიძულვილს და კაცთა გათიშვას, მტრობას, ამას ვერ ურიგდება მისი ფართო შეგნება, მისი გენია და, როგორც კაცთმოყვარული გრძნობებით დატვირთული არსება, ის შეტრფის წოდებათა მშვიდობიან დამოკიდებულებას:

„სჯობს ყოველთა მოყვარულთა
პატრონ-ყმანი მოყვარულნი“, —

ამბობს იგი.

რუსთაველი პრაქტიკაშიც გვიჩვენებს ერთმანეთის მოყვარულ პატრონ-ყმებს, ესენი არიან ავთანდილი და შერმადინი, ტარიელი და ასმათი.

შერმადინისა და ასმათის პიროვნებებში ავთანდილი და ტარიელი უპირველეს ყოვლისა, ადამიანურ ღირსებას ხედავენ, მათ პიროვნებებს ისე აფასებენ, რომ სამეფოებსაც კი ანდობენ სამართვაგამგეოდ. ეს იმას ნიშნავს, რომ პატრონი და მონა მათ ადამიანებად მიაჩნიათ, ერთნაირად გონიერ და ღირსეულ არსებებად სთვლიან ისინი.

კლასობრივი ეგოიზმი და შეზღუდულობა, შოთას რწმენით, უნდა გადალახოს სიყვარულმა, ადამიანის ადამიანისადმი ერთგულებამ და, საზოგადოდ, კაცობრიულმა გრძნობებმა, სოციალობამ.

რუსთაველს თავისებური კონცეფცია აქვს: უნდა სიყვარულის მეშვეობით უწამლოს სოციალურ უბედურებას, ეთიკის გზით ცდილობს იგი კლასობრივი ბრძოლის შენელებას. „ვეფხისტყაოსანი“ თავიდან ბოლომდე ამ შემარიგებლობითი გრძნობებით არის გაყვანილი. კლასობრივად გაყოფილ საზოგადოებაში შოთას ყოველთვის ერთგვარი შემათანხმებელი და ჰუმანიური მორალი შეაქვს. იგი ხედავს, რომ ადამიანთა ცხოვრება მოუწესრიგებელია, ადამიანი ვერა გრძნობს თავს ბედნიერად:

„აწლა ვცან, საქმე სოფლისა
ზღაპარია და ჩმახია“.

მაგრამ შოთას ისიც სწამს, რომ:

„ქირსა შიგან გამაგრება
ასრე უნდა, ვით ქვიტიკისა“.

ამიტომ მისი პოემაც ბრძოლის სულით გაჟღენთილი ქმნილებათა: ბოროტებას ებრძვის სიკეთე, ადამიანთა გამაბედნიერებელი უღიადესი გრძნობა — სიყვარული.

დამარცხდა ფარსადანისაგან მომდინარე ბოროტება, ბედნიერების ემბლემა — ნესტანი — გამოსხნილია. სიყვარულმა ყველგან გაიმარჯვა: შეერთდნენ თინათინიცა და ავთანდილიც...

და კიდევ ჩადგა ორი სახელმწიფო ახალ კალაპოტში. ამათ მიემატა მესამე სამეფოს — ფრიდონის სამეფოს ბედნიერება. გამარჯვებულმა სიყვარულმა და მეგობრობამ სამი სახელმწიფოს ცხოვრება ერთიანად გარდაქმნა და გააბედნიერა:

მათ სამთავე ხელმწიფეთა
ერთმანერთი არა სძულდეს,
ერთმანერთსა ნახვიდიან,
საწადელნი გაუსრულდეს,
ბრძანებისა შემცდილნი
მათთა ხრმალთა და-ვე-წყულულდეს,
მოიმატნეს სამეფონი,
გახელმწიფდეს, გამორკმულდეს“.

სამი სამეფოს სახელმწიფოებრივად და პოლიტიკურად განმტკიცებამ მათი საშინაო ცხოვრების გარდაქმნა და სასურველი მოწესრიგება მოახდინა:

„ყოვლთა სწორად წყალობასა,
ვითა თოელსა მოათოედეს,
ობოლ-ქვირენი დაამდიდრნეს
და გლახაკნი არ ითხოვდეს,
ავთა მქმნელნი დააშინნეს,
კრავნი ცხვართა ვერ უწოვდეს,
შიგან მათთა საბრძანისთა
თხა და მგელი ერთად სძოვდეს“.

„ვეფხისტყაოსნის“ ეს ადგილი ასრულებს და აგვირგვინებს იმ ეთიკას, რომელიც მთელი პოემის შინაარსისათვისაა დამახასიათებელი.

გადაკრით შეგვიძლია იმის თქმა, რომ სინამდვილეში ასეთნაირი გარდაქმნა მაშინ არ მოხდებოდა, მაგრამ ის კი ცხადზე უცხადესია, რომ შოთა რუსთაველს უნდოდა ასე მომხდარიყო, ვინაიდან ასეთნაირად გაბედნიერებული სახელმწიფოები შეადგენდნენ მის

იდეალს. ჩვენი დროის ტერმინებით, რომ გამოეთქვათ, შოთას სწაღ-
და სოციალური პარმონიის შექმნა, შექმნა ერთნაირად კმაყოფილ
ადამიანთაგან შემდგარი სახელმწიფო ორგანიზმისა, სადაც არ არის
კლასობრივი ბრძოლა და ყველა ერთნაირად კმაყოფილია.

ამიტომ სრულიად ბუნებრივად უნდა მივიჩნიოთ ის, რომ შო-
თა რუსთაველი, როგორც თავისი დროის უდიდესი პროგრესიულად
და ჰუმანისტურად მოაზროვნე, თავის საყვარელ გმირებს მიაწერს
ყველაფერ კარგს და ყოველგვარი დიდებული საქმის შესრულებას.

რუსთაველის იდეალური სახელმწიფო ამქვეყნიურია და მას
სრულებით არ გადაჰკარავს რელიგიურ-მისტიკური ხასიათი. გამო-
დის, რომ ადამიანთა არსებობის მიზანი ამქვეყნიური ცხოვრების
მოწყობაა და არა იმქვეყნიური იდეალი, არა სულის ცხოვრებაზე
ფიქრი, რასაც ასე თავგამოდებით ჯადაგებდა ქრისტიანული საზო-
გადოება. მართალია, რუსთაველის მსოფლმხედველობა, როგორც
დავინახეთ, ქრისტიანულ დუალიზმზეა დამყარებული — კომპრო-
მისულად ცდილობს სულისა და მატერიის, იდეალისტურისა და მა-
ტერიალისტურის შეთავსებას, მაგრამ მთელი პოემის სივრცეზე მა-
ტერიალისტური საწყისი ჭარბობს.

სასულიერო წოდების მხრით „ვეფხისტყაოსნის“ დევნის მთა-
ვარი მოტივი აქ უნდა ვეძებოთ და არა სხვა რამეში.

რუსთაველმა მრავალი თაობა აღზარდა ამ ბედნიერ საზოგა-
დოებისთვის მებრძოლთა პანგებზე და სწორედ ამიტომ არის, რომ
მთელი ხალხი აღტაცებით იგონებს მას.

შოთა რუსთაველის საკაცობრიო ბედნიერებისთვის მომართუ-
ლი ჩანგის უღერა მხოლოდ სოციალიზმის მშენებელმა ეპოქამ შე-
აფასა შესაფერისად. „ვეფხისტყაოსნის“ ავტორი, როგორც უმაღ-
ლესი კაცობრიული ეთიკის მქადაგებელი და კაცთა შორის ბედ-
ნიერების დასამყარებლად მლაღადებელი მგოსანი, დიდების გვირგ-
ვინით დგას მსოფლიოს მოწინავე მოაზროვნეთა და მებრძოლთა
პირველ რიგებში.

ნიკოლოზ ბარათაშვილი

(1817—1845)

ნიკოლოზ ბარათაშვილის შემოქმედებასაც ის ატმოსფერო
ჰქვებავდა, რომელშიაც აღიზარდნენ ალექსანდრე ჰევჭავაძე და
გრიგოლ ორბელიანი. მოაზროვნე ადამიანისათვის საშინელი უდრო-
ობისა და მარტოობის დრო იყო ეს ხანა, როდესაც ქართული ერ-
ოვნული გემი ნელ-ნელა და შეუმჩნეველად იძირებოდა.

„ვისაც საგანი აქვს, ჯერ იმის სიამოვნება რა არის ამ საძაგელს

ქვეყანაში, რომ ჩემი რა იყოს, რომელიც, შენც იცი, დიდი ხანია
ობოლი ვარ. — არ დაიჯერებ, მაიკო! სიცოცხლე მამძულეებია ამდენ-
ნის მარტოობით, შენ წარმოიდგინე, მაიკო, სიმწარე იმ კაცის მდგო-
მარეობისა, რომელსაც მამაცა ჰყავს, დედაც, დებიც, მრავალნი მო-
ნათესავენი და მაინც კიდევ ვერვის მიჰკარებია, მაინც კიდევ ობო-
ლია ამ სავსე და ვრცელს სოფელში!” — ასე შესანიშნავად და
მოჭრილად ახასიათებდა ბარათაშვილი თავის დროს და საკუთარ
სულიერ განწყობილებას.

ამ უსაგნობამ და ობლობამ ტრალიკულ განმარტოებამდე მიიყ-
ვანა ბარათაშვილი, რომლის ძლიერმა სულმა ღრმად ჩაიყურყუმე-
ლავა თავისავე „მე“-ში. ზეზეული და მსუბუქად მოაზროვნე ადა-
მიანი უსათუოდ შეეწყობოდა ამ უღროობის ხანას, ის არ ეტყოდა
თავის თავს, „არც კაცი ვარგა, რომ ცოცხალი მკვდარსა ემსგავსო-
სო“. მაგრამ ბარათაშვილის აქტიური არსება მოწამლულმა გარემომ
სულ სხვა გზაზე შეაყენა და მისმა მდიდარმა სულიერმა საღარომ
უდიდესი პროტესტი და ბრძოლა გამოუცხადა შემმუსვრელ გარეშე
პირობებს. ამიტომაც მისი შემოქმედების დედაძარღვი სულ სხვა
სივრცეში იქნა გადატანილი: მისი ნიჭის ხომალდი ფილოსოფიური
საკითხების ზღვაში გაცურდა საკმაოდ მძლავრი ხელით.

ამის შესახებ ჩვენ ქვემოთ გვექნება ლაპარაკი. აქ კი ნ. ბა-
რათაშვილის შემოქმედების ეროვნულ მოტივებს შევეხებით.

ნ. ბარათაშვილმა ეროვნულ საკითხს „ბედი ქართლისა“ და ორი
ლექსი — „საფლავი მეფის ირაკლისა“ და „მწირი და სუმბული“
უძღვნა. ამ თხზულებებში ბარათაშვილი უმთავრესად იმ საკითხს
არკვევს, თუ რამდენად აუცილებელი იყო რუსეთთან საქართველოს
შეერთება.

პოეტს სწამს, რომ სუმბული უცხო მხარეში ვერ იხეირებს:

„მწირო, ხომ ხედავ, მოეკლებივარ ჩემს სამშობლოს გულს,
ჩემთ სწორთა ყვაეილთ, მშვენიერს ცას და ჩემსა ბულბულს“.

ამიტომაც, დასძენს იგი:

„მაგრამ ამას ეწუხ, რომ უეამოდ მეღების ბოლო!“

ამავე აზრს გამოსთქვამს იგი „ბედი ქართლისაში“, სადაც სოფიო
ამბობს:

„უცხოობაში რაა სიამე,
სადაცა ვერ ვის იკარებს სული
და არს უთვისო, დაობლებული?
რა ხელ-ქერის პატივს ნაზი ბულბული,
გალიაშია დატყვევებული...
ესრეთ რას არგებს კაცსაც დიდება,
თუ მოაკლდება თავისუფლება?...“

ეპქს გარეშეა, რომ მგოსანი სოფიოს აზრებს თანაგრძნობით ეპყრობა:

„პოი, დედანო, მარად ნეტარნო,
კურთხევა თქვენდა ტპილსახსოვარნო
რა იქნებოდა, რომ ჩვენთა დელათ
სულიცა თქვენი გამოჰყოლოდათ?“

ასე შენატრის ამ სიმჰათიურ მანდილოსანს მგოსანი, მაგრამ ისიც ცხადია, რომ პოეტი ფატალურად იხრის ქედს ერეკლეს წინაშე და ამბობს:

„დიდი ხანია გულს ირაცლისა
გარდუწყვეტია ბეღი-ქართლისა!“

ალბათ ამით უნდა აიხსნას ის გარემოება, რომ სოლომონ მსაჯულის აზრებშიც ერთგვარი წინააღმდეგობაა და ბოლოს აქაც ასეთივე დასკვნაა გაკეთებული.

„მაგრამ შენ, მეფე, ვინ მოგცა ნება
სხვას განუბოძო შენთ ყმათ ცხოვრება.
მისდევდე შენსა გულისკვეთებას
და უთრგუნვიდე თავისუფლებას?
შენ ერმან მოგცა პირველ ღირსება,
რათა დაუცეა ყოფა-ცხოვრება,
და რად ივიწყებ, რომე მარადის
ერსა ეკუთვნის გულის თქმა მეფის.“

ამ სიტყვებიდან პირველად გამოდის, რომ მეფე მართავს „წყალობითა ხალხისათა“, ამიტომ მხოლოდ ხალხის მიერ გამოთქმული სურვილი უნდა აასრულოს მან. მაგრამ ქვეყნით მოყვანილი სიტყვები კი აშკარად ჰყოფენ, რომ მეფე ეგების „წყალობითა ღვთისათა“ კი მოქმედებს:

„მაგრამ ვინ იცის! იგი იქნება
უკეთ ფიქრობდეს, რაც გვეპირება,
ბეერჯერ ღვთიურსა ზრუნეასა მეფის
გონება ყმათა ვერა მიხედვებს!“

ასე ფიქრობს სოლომონი. აშკარაა, რომ პოეტიცა და სოლომონიც ერთნაირად აზროვნობენ. ე. ი. რუსეთთან საქართველოს შეერთებას აუცილებელ აქტად აღიარებენ. თუმცე ეს გარემოება სრულებით იმას არ მოასწავებს, რომ ბარათაშვილი საქართველოს ბედს სამუდამოდ გადაჭრილად სთელიდეს და მისი მდგომარეობა არ აღონებდეს. ფაქტის აღიარება სრულებითაც არ ნიშნავს მის სამუდამოდ დადასტურებას. შეიძლება კაცმა ფაქტი ცხოვრების ერთ საფეხურზე პროგრესიულ მოვლენად აღიაროს და იმავე დროს ამ გამოსავალ წერტილიდან ამავე ფაქტის საწინააღმდეგო ბრძოლა დაიწყოს.

„ბედი ქართლისა“-ში გამოთქმულმა იდეამ გაგრძელება ჰპოვა ლექსში: „საფლავი მეფის ირაკლისა“.

„მოვიდრეკ მუხლთა შენს საფლავს წინ, გმირო მხოვანო,
თაყვანსცემ შენსა ნაანდერძებს წინასწარად თქმულს!...
აჲ აღსრულდა ხელმწიფური აჲ აზრი შენი...
ეჲ-ვითარებით გადახვეწილთ შენთ შეილთ მი და მო
მოაქეთ მამულში განათლება და ხმა საამო...
სადაც აქამდინ ხმლით და ძალით ჰფლობდა ქართველი,
მუნ სამშვიდობო მოქალაქის მართავს აჲ ხელი...
აჲ მიხედა ქართლი შენსა ქველსა ანდერძნამაგსა...“ და სხვ.

ღიან, ამ სიტყვებით დადასტურა ნ. ბარათაშვილმა ირაკლის ღვაწლი რუსეთთან საქართველოს შეერთების საკითხში.

თუ ბარათაშვილის შემოქმედების ღვაწლს მივწვდებით, იგი ისეთი პოეტია, რომელიც თავგანწირულად ებრძვის შავ ბედს:

„ვერ შემაშინოს მისმა ბასრმა მოსიხსლე მტერი!..
თუ აქამოდე არ ემონა მას,
არც აჲ ემონოს შენი მხედარი!“ — ამბობს იგი.

აქაც ფაქტი აღიარებულია, მაგრამ მის წინააღმდეგ ბრძოლის წყურვილიც აშკარაა. იმავე „ბედი ქართლისაში“ კრწანისის ველზე დახოცილ გმირთა მიმართ პოეტი ამბობს:

„მაგრამ, პოე, გმირნო, ნუ შეშფოთდებით,
თქვენ სახსოვარი გაქვთ თვით განგებით:
რაც ერთხელ ცხოვლად სულს დააჩნდების,
საშვილიშვილოდ გარდაეცემის;
ქართლი თქვენს ღვაწლსაც ვერ დაიდუმებს,
აღა მაჲმად-ხანს ვიდრე ახსენებს...“

ამ გმირებმა საქართველოს დამოუკიდებლობის იდეას შესწირეს თავი, ამ იდეას კი ნ. ბარათაშვილი „ცხოვლად სულზე დაჩენილად“ სთვლის და საშვილიშვილოდ აღიარებს. რატომ? იმიტომ, რომ უცხოობაში არ შეიძლება იხეიროს სუმბულმა, მის თავისუფლად გადასაფურჩქნად აუცილებლივ საჭიროა მშობლიური მიწა-წყალი.

მართალია, ბარათაშვილმა კანონიერად და მიზანშეწონილად სცნო რუსეთთან საქართველოს შეერთება, მაგრამ ისიც აშკარაა, რომ აწმყო მასაც გულს უშხამავდა და მოსვენებას არ აძლევდა. ყოვლად შეუძლებელი იყო არ ეგრძნო მის სათუთ არსებას ის უბედურება, რომელიც ირგვლივ მძვინვარებდა. მისი დაექვებული სულის დამახასიათებელ ლირიკულ განცდად უნდა ჩაითვალოს პოემიდან „ბედი ქართლისა“ შემდეგი სტრიქონები:

„სახელმწიფოსა სჯელის ერთობა
 არარას არგებს, ოდეს თვისება
 ერთა მის შორის სხეადანსხეობდეს.
 ეინ იცის, მაშინ როგორ მოუხდეს
 რუსეთის ძალი ქართლს აწინდელი:
 ეით შეითვისოს რუსმა ქართველთ,
 ეით შეიწყნაროს რუსთ მეფობამა,
 რაც მოისურეოს ქართველობამა?
 მაშინ, მეფეო, რავდენთ კაცთ მართალთ
 მოუკლან გულნი ტანჯეთ იღუმალთ?“

ეჭვი არ არის, რომ ბარათაშვილსაც ეს იღუმალი ტანჯვა უწყამ-
 ლავდა არსებობას, მასაც ისე ეთუთქებოდა საქართველოს აწმყოთი
 გული, როგორც მის თანამედროვე მოწინავე საზოგადოებას და შეგ-
 ნებულ პირებს „საშვილიშვილოდ“ და „ცხოვლად სულზე დაჩნეუ-
 ლი“ იღეა და მისი ხორცშესხმა ბარათაშვილისათვისაც უდიდეს
 იდეალს შეადგენდა.



ბატონყმობის ხუნდებში ჩაქედილი ფართო მასა, მომკედარი
 საზოგადოებრიობა და სამხედრო ღებების წკრიალი პირადი ბედნი-
 ერების საძიებლად, — აი რა ახასიათებდა ნ. ბარათაშვილის დროს-
 ყოველივე ამას დაერთო, თვითონ მგოსნის პირადი უბედურებანი;
 სიღარიბის გამო უნივერსიტეტში ვერ მიდის, დაკოქლებული საყვა-
 რელ სამხედრო სამსახურში ვერ შევიდა, საზოგადოებრივ უბედუ-
 რებას პირადიც ემატება და ჩვენი მგოსანიც იძულებულია გულმოკ-
 ლული ჩაიკეტოს თავის სულის სიღრმეში და იქ ეძიოს მიუღწეველ
 სურვილთა დაკმაყოფილება.

აი რა ტრაგიზმით აღსავსე წერილს სწერს იგი 1842 წელში თა-
 ვის დას: „ვისაც საგანი აქვს, ჯერ იმის სიამოვნება რა არის ამ საძა-
 გელს ქვეყანაში, რომ ჩემი რა იყოს, რომელიც შენც იცი, დიდი ხა-
 ნია ობოლი ვარ. — არ დაიჯერებ, მაიკო! სიცოცხლე მამძღლებია
 ამდენის მარტობით, შენ წარმოიდგინე, მაიკო, სიმწარე იმ კაცის
 მდგომარეობისა, რომელსაც მამაცა ჰყავს, დედაც, ღებიც, მრავალ-
 ნი მონათესავენი და მაინც კიდევ ვერვის მიჰკარებია, მაინც კიდევ
 ობოლია ამ სავსე და ვრცელს სოფელში! ვინც მაღალის გრძნობის
 მექონი მეგონა, იგი ვნახე უგულო, ვისიც სული განვითარებული
 მეგონა, მას სული არა ჰქონია, ვისიც გუნება მრწამდა ზეგარდმო ნი-
 ჰად, მას არცა თუ განსჯა ჰქონდა; ვისიცა ცრემლნი მეგონებოდენ,
 ცრემლად სიბრაალულისა, გამომეტყველად მშვენიერის სულისა,

თურმე ყოფილან ნიშანნი ცბიერებისა, წვეთნი საშინელის საწამლაი-
სა! სად განისვენოს სულმა, სად მიიდრიკო თავი?“.

შესანიშნავი დახასიათებაა. მკვლარი საზოგადოებრივი ცხოვ-
რება სწორეთ ასეთის სახის არის და მგრძნობიარე ადამიანს ქეშმა-
რიტად არ შეუძლია ამგვარ გარემოში დასაყრდნობის მონახვა. ნ.
ბარათაშვილის აზრით, წუთისოფელი სავსე და ვრცელია. მართა-
ლია, ბევრი უბედურებაა „ამ საძაგელს ქვეყანაში“, მაგრამ ადამი-
ანებში მაინც რომ არ მოტყუებულებოდ, კიდევ შეიძლებოდა სულის
თქმა და განსასვენებელის მონახვა. მაგრამ უბედურება ის არის,
რომ ადამიანში ადამიანური არაფერია და მგონის კეთილშობილუ-
რი ბუნებაც თავისივე „მე“-ში იკეტება და პირადი არსებობის მი-
ზანს არკვევს. ზერელედ მოაზროვნე ადამიანი შეიძლება ერთიანად
შეიწიროს, გაანადგუროს და გააუფერულოს ასეთმა მდგომარეობამ,
მაგრამ ბარათაშვილის მებრძოლ სულს ვერაფერს აკლებს. ის ვერ
დააკმაყოფილა მისმა წრემ, მაგრამ დალუპვისაგან მისმა მედგარმა
ბუნებრივმა ნიჭმა დაიცვა.

პირველი საკითხი, რომელიც სრულიად ბუნებრივად უნდა
დაბადებოდა ასეთნაირად განწირულ და განმარტოებულ პოეტს,
უსათუოდ ეს უნდა ყოფილიყო: ვინ ვარ მე? საიდან მოველ და სად
მივდივარ? რა არის ჩემი დანიშნულება? ქედი უნდა მოვიხარო სი-
ნამდვილის წინაშე და წაეშალო, ჩემი ინდივიდუალობა, თუ რაიმე
სარგებლობა უნდა მოვეუბნო ქვეყანას და ამიტომ სიცოცხლე უნ-
და შევიწარჩუნო?

ლექსში „ფიქრნი მტკვრის პირას“ პოეტი ცდილობს, გამოარ-
კვიოს ადამიანის ხასიათის რაობა და იმ დასკვნამდე მიდის, რომ

„მაინც რა არის ჩვენი ყოფა — წუთისოფელი,
თუ არა ოდენ საწყაულო აღუვსებელი“.

რატომ არის ადამიანის ბუნება აღუვსებელი საწყაული? იმიტომ
რომ

„ვინ არის იგი, ვისთვის გული ერთხელ აღვესოს,
და, რაც მიეღოს ერთხელ ნატვრით, ისი ეკმაროს?“

ნატვრით ადამიანი ბევრს რასმე ინატრებს და ესეც რომ აუს-
რულდეს, მაინც მისი არსება დაუკმაყოფილებელია, „გული კრულია
კაცისა, ხარბი და გაუძლომელი“. არათუ პატარა ადამიანები, არამედ
ქვეყანათა მპყრობელი მეფეებიც კი არ ცხოვრობენ მოსვენებით,
სულ ერთია — კეთილია ის, თუ ბოროტი; კეთილი მეფე მუდამ იმის
ცდაშია, რომ თავისი სამეფო კიდევ უფრო გააბედნიეროს და ბორო-
ტიც იმას ფიქრობს: როდის იქნება ის სამეფოცა ჩვენი იყოსო და
სხვის ჩაყლაპვაზე ოცნებობს.

„მაგრამ თუ ერთხელ უნდა სოფელს ბოლო მოვლავ,
მაშინ ვილამ სთქვას მათი საქმე, ვინ სადღა იყოს?“

ეს აზრი რომ სხევანაირად ვთქვათ, აი რა გამოვა: თუ ადამიანის სიცოცხლე ბოლოს მაინც სიკვდილით თავდება, თუ ამ საშინელ ბოლოსაგან „ყოველი გასწორდეს, სუსტი და ძალგულოვანი“, მაშინ რა საჭიროა ესოდენი წვალება და კაპანწყვეტა? რად ვცდილობთ „აღუესებელი საწყაულის“ ავსებას და ვიმწარებთ წუთისოფელს?

კითხვა ნათლად არის დასმული, მაგრამ პასუხის გაცემა სხვადასხვანაირად შეიძლება. თუ წუთისოფლის წვალებიდან მაინც არაფერი გამოდის, — მაშინ უნდა უარყოფით იგი და გავშორდეთ მას, — ერთი პასუხი ასეთი იქნება. არა უარის ყოფა, არამედ მისი მიღება, ბოროტებაზე თვალის დახუჭვა და პირად სიტკბოებაზე ფიქრი, — არის მეორე პასუხი:

„სანამ ცოცხალვარ, ეხარებ
ჩემს ვარსა, ჩემსა იასა“.

შეიძლება ასეთნაირი პასუხიც იქნეს გაცემული: მივიღოთ აქაურობა, როგორც ფაქტი და ვეცადოთ მისი უარყოფითი მხარეების გაუმჯობესებას. მოკლედ რომ ვსთქვათ, პასუხი შეიძლება ორნაირი ხასიათისა იყოს: პიროვნული თვალსაზრისიდან გამომდინარე და საზოგადოებრივ მოსაზრებაზე დამყარებული.

პოეტისათვის აშკარაა, რომ ცალკე პიროვნება, თუ მარტო პირადი ინტერესების თვალსაზრისიდან გამოდის, უსათუოდ პესიმი-სტურ დასკვნამდე უნდა მივიდეს, უარყოფითად უნდა დააფასოს აქვეყნიური ცხოვრება და თავისი არსებობაც ანტისოციალურად უნდა გაათავოს: ან თავი მოიკლას, ანდა პირადი სიტკბოების ძიებას ემსახუროს.

მართალია, ნ. ბარათაშვილი, პირადად, უარყო მაშინდელმა ჩვენმა ცხოვრებამ, მაგრამ თვითონ ბარათაშვილის პიროვნებაში იმდენი გამძლეობის ძალა აღმოჩნდა, რომ ის არ დაემონა წუთიერ გავლენას, ღრმად განჭვრიტა ადამიანის ცხოვრების დანიშნულება და ინდივიდის თვალსაზრისიდან საზოგადოებრივზე გადავიდა. დიდი რამ არის პიროვნება და მისი ინტერესი, მაგრამ ბოლომდე მის თვალსაზრისზე გაჩერება არ შეიძლება, ინდივიდი სოციალური არსებაა და მისი ინტერესის გამორკვევის დროს ამ მომენტის უგულვებელყოფა ყოველად შეუძლებელია.

„არც კაცი ვარა, რომ ცოცხალი მკედარსა ემსგავსოს,
იყოს სოფელში და სოფლისთვის არა იზრუნოს“.

გარდა პირადი ჩვენი ინტერესებისა, ჩვენ იძულებული ვართ საზოგადოებრივსაც ანგარიში გავუწიოთ.

„მაგრამ, რადგანაც კაცი გვექვიან — შეილნი სოფლისა,
უნდა კიდევ მივდიოთ მას, გვესმას შობლისა“.

ყველა დროის ღრმა და საღი მოაზროვნენი სწორედ ასე სწყვე-
ტდნენ ამ ურთულეს საკითხს და, პირდაპირ გასაკვირველია, თუ სა-
იდან აღმოაჩნდა თავის დროზე ყველასაგან უმნიშვნელოდ მიჩნე-
ულ ნ. ბარათაშვილს ამდენი უნაგავანი მორალური ძალა! ირგვლივ
უაზრობა და ფუქსაეატობაა, საზოგადოებრივი უიმედობაა, პირად
ცხოვრებაში კი ინარჩუნებს სულიერ სიმხნევეს, მაღალ რწმენას.

ადამიანის ბუნება რომ „აღუესებელი საწყაული“ იყო, ეს საკუ-
თარი განცდით იცოდა ნიკოლოზ ბარათაშვილმა. მთაწმინდის ბუნე-
ბა ლამაზია და წარმტაცი, დამატკობელია მისი მაცდურობა და
მომხიბლავია ცის ხატება, მაგრამ მგოსნის სულისათვის ეს როდია
საკმაო და არც ისვენებს იგი.

„აწყა რა თვალნი ლაქვარდს ვიხილვენ,
მყის ფიქრნი შენდა მოისწრაფვიან“.—

მიმართავს იგი ზეცას.

„მე, შენსა მკერეტელს, მავიწყდების საწუთროება,
გულის-თქმა ჩემი შენს იქითა... ეძიებს საღვურს,
ზენაართ სამყოფს, რომ დაშოს აქ ამოება...“

ასეთია მგოსნის სულის აღმაფრენა, მაგრამ, ვაი, რომ მალე
ფრთები ეკვეცება მას და მიზანს ვერ აღწევს: მისი ფიქრნი ცამლე
ვერ მიიღწევენ და ჰაერშივე განიბნევიან, მისი გულის თქმანიც
„ვერ სცნობენ განგებას ციურს“. აქაურ ამოებისაგან თავდა-
საღწევად მგოსანი ზენართ სამყოფს ეძიებს, უნდა შეიც-
ნოს ბუნების საიდუმლოებანი, ყოველივე იცოდეს, უკვდავად
იქცეს, მაგრამ ყოველივე ეს ადამიანისათვის მიუღწეველია და ბა-
რათაშვილის სულსაც სევდა ეუფლება. მარად უამს მაძიებელი სუ-
ლის მიერ მოსწრაფებათა მიუღწეველობა, — აი ბარათაშვილის სევ-
დის მთავარი მიზეზი.

II

ნ. ბარათაშვილის ყოველი ლექსის კითხვის დროს ჩვენს წინა-
შე დგას შუბლშეკრული და ჩაფიქრებული მგოსანი, რომელიც წუ-
თისოფელში ყოველ ნაბიჯზე უსამართლობას, იდეალთა მიუღწე-
ლობას და კაცთა სიივეს ხედავს. ხრის წამი, როდესაც უსასობა
კი იპყრობს მას. ეს გრძნობა უკიდურესობამდგა მისული „სულო
ბოროტოში“. იყო დრო, როდესაც პოეტს ღრმად სწამდა ამქვეყ-
ნიური სიკეთე და პქონდა „ყმაწვილის ბრმა სარწმუნოება“, მაგრამ

გადის ხანი და მის ნაცვლად მგოსნის არსებას სული ბოროტი და-
ეუფლა „გონების და სიცოცხლის აღმამფოთრად“.

„ამას უქადლი ჩემს ცხოვრებას, უმაწვილკაცობას?
თითქოს მაძლევდი ამა სოფლად თავისუფლებას!
ტანჯვათა შორის სიამეთა დამისახადი
და თვით ქოჩოხეთს სამოთხედა გარდამიქცევდი!“

ასეთი გულის წყრომით მიმართავს მას მგოსანი, რომელიც კენესის:

„რა ვარ აწ სოფლად დაშენილი უსაგნოდ მარტო,
კვუთი ურწმუნო, გულით უნდო, სულით მახერალო“.

ამავე მოტივზეა უმთავრესად აგებული ცნობილი ლექსი „მერა-
ნი“. გარეშე პირობებით მოშხამული მგოსანი, რომელმაც მთელი თა-
ვისი საშინელებით განიცადა სულიერი ობლობის საშინელება („სუ-
ლი ობოლი“) გიჟურად. მინდობია ზღაპრულ მერანს.

„გააკვეთე ჭარი, გააბე წყალი, გარდააარე კლდენი და ღრენი,
გასწი, გაკურცხლე და შემომოკლე მოუთმენელსა საეალნი ღღენი“.—

შექლადლებს მას თავგანწირული მხედარი, რომელსაც თით-
ქოს ერთნაირად დაჰკარგვია ადამიანებისადმი რწმენა და „მხოლოდ
ვარსკვლავთა თანამავალთა“ ამცნობს გულის საიდუმლოებას.
გამწარებული პოეტი არ ინაღვლებს, თუ არ დაიმარხება „წინაპართ
საფლავებ შორის“, თუ არ დაიტირებს სატრფო გულისა და შოაკლ-
დება სწორთა და მეგობართა, ყოველსავე დაჰკარგავს მგოსანი, ყვე-
ლაფერზე უარს იტყვის, — მას დამტირებელნიც აღმოუჩნდებიან:

„სატრფოს ცრემლის წილ მკვდარსა ოხერსა დაშეცემიან ციურნი ცუარნი,
ჩემთა ნათესავთ გლოვისა ნაცვლად მიეალალებენ სვაენი მყივარნი!“

ღიახ, მიზანტროპიით შეპყრობილი მგოსანი უტყვთა შორის
იშოვის ჰირისუფალთ და ამიტომ, ღეე, მოწყდეს სამშობლოსაც, —
ოღონდ მერანი კი მიქროდეს, რათა

„კენესა გულისა, ტრფობის ნაშთი, მივცე ზღვის ღელვას,
და შენს მშენიერს აღტაცებულს, გოჟრსა ლტოლვას!“

ამას ეტრფის პოეტი და ამიტომ სურს, რომ გასწიოს მერანმა და
„შეუშოკლოს მოუთმენელსა საეალნი ღღენი“.

მაგრამ ამ სასოწარკვეთილების უამსაც მის არსებაში მხსნედ,
ფეიერვერკად გაიღვებს სოციალური გრძნობა და ისიც მსწრაფლ
ივიწყებს თავის „მეს“, როგორც ლექსში „ფიქრნი მტკერის პირად“,
აქაც საზოგადოებრივ თვალსაზრისზე დგება და იმედმოცემული ამ-
ბობს:

„უღადად ხომ მაინც არა ჩაივლის ეს განწირულის სულის კვეთება, და გზა უკალი შეგან თელილი, მერანო ჩემო, მაინც დარჩება; და ჩემს შემდგომად მოძმესა ჩემსა სიძნელე გზისა გაუადვილდეს, და შეუპოვრად მას ჰუნე თვისი შავის ბედის წინ გამოუქროლდეს“.

ნ. ბარათაშვილის აზრით, პიროვნების ხსნა ისევე საზოგადოებრიობაშია, ცალკე ინდივიდი მულამ უნდა გრძნობდეს თავისთავს მთლიანი კოლექტივის ნაწილად, მონაწილეობას უნდა იღებდეს საერთო ბედნიერების შექმნაში; უნდა სწამდეს, რომ „უღადად არ ჩაივლის“ მისი „განწირული სულისკვეთება“ და მის შემდეგ სხვათათვის იოლად სავლელი გზა მაინც დარჩება თელილი.

ნ. ბარათაშვილის შემდეგ მალე ერთი საუკუნე გაივლის, დიდ მანძილზე დაეშორდით ჩვენ მას, მაგრამ ჩვენი დიდებული მგოსნის ნააზრევი ისე ღრმია, რომ დღესაც, სულ სხვა ეპოქაში და სხვა პირობებში, ყოველი ჩვენგანი ქედს მოიხრის მისი აზრების წინაშე. ჩვენი დროის ისტორიის ხელისუფალი და მომავალი ცხოვრების მდგრად გადამფურცლავი — მშრომელი მასა — ამავე კოლექტივისტურ თვალსაზრისზე დგას და პიროვნების ხსნას ისიც ბარათაშვილივით კოლექტივის სულსა და გულში ჩაქსოვაში ხედავს: მას სწამს პიროვნება და მისი ინტერესები, მაგრამ არც საზოგადოებას გაურბის იგი, — ქვეყნიერების გარდამქნელად სწორედ ეს ფაქტი მიაჩნია მას. პროლეტარიატის მსოფლმხედველობა ძირიანად უარყოფს ცალკე ინდივიდის ანარქისტულ გარეწრობას, — ობიექტიური პირობები ქმნიან ამგვარ მის შეგნებას, — და მის მისწრაფებას სოციალურ პირობებს უთანახმებს.

ნ. ბარათაშვილი, როგორც ამ თვალსაზრისზე მდგომი მგოსანი, პროლეტარული აზროვნების წინამორბედი, ამისი უარისყოფა არა-ვის არ შეუძლია. მაგრამ მარტო ამით არ თავდება ამ დიდებული მგოსნის წინასწარმეტყველური განცდა და აზროვნება. ბარათაშვილი ამავე დროს თავგანწირული მებრძოლი და რევოლუციონერის სულით დაჯილდოებული შემოქმედი.

ბევრის აზრით ბარათაშვილი ამ ცხოვრებას უარყოფითად უყურებს, პესიმისტია და ფატალურად ემონება ადამიანის გარდუვალ ბედს, რომელიც ჭერ კიდევ განვითარების პირველ ხანიდან დასტრიალებს მას.

III

რას ნიშნავს სიტყვა პესიმისტი? ეს არის წუთისოფლის უარყოფითად შეფასება და, საერთოდ, მისი უარყოფა. აზრთა და გრძნობათა ასეთი განწყობილება ძველისძველია. ცნობილი სარწმუნოება — ბუდიზმი — მსოფლიოს პესიმისტურ გაგებაზეა დამყარე-

ბული. ახალი დროის მოაზროვნეებმა, — შოპენჰაუერმა და ჰარტ-
მანმა დროის შესაფერი დასაბუთება მისცეს ასეთ შეხედულებას.
ბუღას მოძღვრებით ადამიანის არსება ტანჯვაა, რისი მიზეზიც
უაზრო და უმიზნო ნდომაა — აღუესებელობა, ამ ტანჯვისაგან ჯერ
ბუღას ზნეობრივ დარიგებათა ასრულება გვიხსნის და მერე სრული
გაქრობა. არსებითად ასეთნაირადვე აზროვნებენ ახალი დროის პე-
სიმისტურად განწყობილი ფილოსოფოსებიც.

რა არის ამ მოძღვრებასა და ბარათაშვილს შორის საერთო?

ჩვენი მგოსანი რომ გარე სამყაროს უარყოფითად ახასიათებს,
ეს აზრი უდაოდ უნდა ჩაითვალოს. „ჯერ იმის სიამოვნება რა არის
ამ საძაგელს ქვეყანაში, რომ ჩემი რა იყოს“, — სწერს იგი თავის
დას. ადამიანი გარეგნულად არის დიდებული და თვალის წარმტაცი,
თორემ ზოგი უგულოა, ზოგიც განუსჯელი და გაუტანელი, ზოგიც
ცბიერი და „წვეთნი საშინელის საწამლავისა“. პოეტი ისეა ამ ცხოვ-
რებაზე გულაყრილი, რომ ბუნების მეტს არავის არ ენდობა და არ
ენათესავება. „მერანში“ მან უარყო ტოლ-ამხანაგი, ნათესავეები და
მშობლები, უარყო გულის სატრფოც კი და მათ ნაცულად „სეაენი
მყივარნი“ გაიხადა ჰირისუფლად, ქარიშხალს დაუნათესავედა და
„ეარსკველავნი თანამაველნი“ იწამა. იგი გულამოსკენილი დასტირის
თავის სულიერ ობლობას და მხოლოდ მთაწმინდის ბუნებაში და
მტკვრის დუღუნში ეძებს სევდიანი ფიქრთაგან გართობას.

ბუღასავით ბარათაშვილიც იმ აზრის არის, რომ ადამიანის
მუდმივი ბორჯვა და მოუსვენრობა მისივე მისწრაფებიდან — აღ-
უესებელ საწყაულიდან — გამომდინარეობს.

„მე, შენსა მკვრეტელს, მავიწყების საწუთრობა,
გულის-თქმა ჩემი შენს იქითა... ეძიებს სადგურს“, —

მიმართავს პოეტი მთაწმინდის მალლობიდან ზეცას.

„მაგრამ ვერ სცნობენ გლახ მომაყვლავნი განგებას ციურს“.

მგოსნის ნდომანი და ფიქრნი ზეცამღე „ვერ მიალწევენ და პა-
ერშივე განიბნევიან“.

პირადივე უძლურების შეგნება უსაზღვრო სევდას იწვევს ბა-
რათაშვილის არსებაში. ადამიანის მისწრაფებათა მიუღწევლობავე
ათქმევიანებს მას:

„მაგრამ თუ ერთხელ უნდა სოფელს ბოლო მოეღოს,
მაშინ ვიღამ სთქვას მათი საქმე, ეინ საღლა იყოს“.

ადამიანის ამქვეყნიური ბედი მკაცრი და დაუნდობელია, ის
მუდამ მრისხანებს და ავის მეტს არას უქადის ადამიანს, ყოველივე
ამით მოშხამული მგოსანი მერანის ფრთებით საღლაც გადაკარგვა-
საც კი ლამობს, მაგრამ, მიუხედავად ყოველივე ამისა, ბარათაშვილი

მანც არ მიდის ბუღიზმის მაგვარ პირადი გაქრობის დასკვნამდე და ზრულებით არ მიილტვის სიკვდილის წიადში საუკუნო განსვენებისკენ. არა, ბარათაშვილი თავიდან ბოლომდე ცხოვრების უარყოფით მხარეებთან მებრძოლი მგოსანია და არსად მკაცრი ზვედრის წინაშე ქედს არ იხრის. მან იცის, რომ წუთისოფელში ბევრი რამ არის ცუდი, მაგრამ სრულებითაც არ უდგება საკითხს მეტაფიზიკურად და ყველგან და ყოველ პირობებში ერთსა და იმავეს არ იმეორებს. ბარათაშვილმა მშვენივრად იცის ცხოვრების დიალექტიკა და იმ დროსაც კი, როდესაც მის სულსა და გულს სევდით გაეონავს მთაწმინდის სულის შემხუთავი დარდი, როდესაც გგონია, რომ სასოწარკვეთილი პოეტი უიმედოდ დაემხობა პირქვე, აი ამ დროსაც კი მას სწამს, რომ ამ საშინელ ცხოვრებას მიმზიდველი მომენტიც აქვს:

„მწუხრი გულისა—სევდა გულისა—ნუგეშა ამას შენგან მიიღებს,
რომ გათენდება დილა მზიანი და ყოველს ბინდსა ის განანათლებს!“

ეს დასკვნა სრულიად ეწინააღმდეგება პესნიმისტურ მსოფლგაგებას, თუ მსოფლშეგრძნებას: წინა დებულება, მართალია, მსოფლიოს უარყოფელია, მაგრამ დასკვნაში იგი ისევ არის მიღებული, თუნდაც ერთის, მაგრამ მაინც მიმზიდველის და დამხსნელის — დიამზიანი — მომენტისათვის.

ბარათაშვილის გული უკვე შეეთვისა ბედის ვარსკვლავის მოღრუბვლას, „შეეჩვია გული სევდათა კრთოლუას“, მაგრამ იგი სრულებითაც ხელს არ იღებს ბრძოლაზე:

„ნუ გგონია ბედსა მით დამიმწარებ,
რომ უეცრად ბუქით ნისლს მოიფარებ“,—

მიმართავს იგი ბედის ვარსკვლავს.

არის წამი, როდესაც პოეტი „პკუით ურწმუნო, გულით უნდო, სულით მახვრალია“, მაგრამ ბედის — ბოროტი სულის — მონად მაინც არ აცხადებს თავს. „განვედი ჩემგან“ და ისევ დამტოვეო, — ეუბნება მას. მას სრულებით არ უნდა დასამარება და ასე მიმართავს ბედის ვარსკვლავს:

„მოციმციმდი, მოდი, გამომეღარე,
შენგან ბნელი გული გამომიღარე,
კვლავ ციური ცეცხლი გარმოსიარე,
ნაბერწყალნი ეშხისა მომაყარე“.

ჩვენ ზევით განვიხილეთ ბარათაშვილის ორი შესანიშნავი ლექსი: „მერანი“ და „ფიქრნი მტკერის პირას“. როგორც ვნახეთ, ორივე ეს ლექსი თავის დასკვნებში სრულებითაც არ არის პესნიმისტური და პოეტი თავის წმინდა მოვალეობად თელის ამქვეყნიურ ცხოვრებასთან ბრძოლას მისდა გარდასაქმნელად.

„მიგრამ, რადგანაც კაცნი გვექიან, შეილნი სოფლისა, უნდა კიდევთ მიედიოთ მას, გვესმას შობლისა. არც კაცი ვარგა, რომ ცოცხალი შედარასა ემსგავსოს, იყოს სოფელში და სოფლისთვის არა იზრუნეოს“.

ეს აზრი საეცებით ეწინააღმდეგება პესიმიზმის ჩვეულებრივ გაგებას და, სასტიკად ცდებიან ისინი, ეინც ბარათაშვილის მეტრძოლ სულ უიმედობის ლეჩაქში ჰხვევენ.

„ცუდად ხომ მაინც არა ჩაივლის ეს განწირულის სულის კვეთება, და გზა უვალი შენგან თელილი, მერანო ჩემო, მაინც დარჩება, და ჩემს შემოღობად მოძმესა ჩემსა სიძნელე გზისა გაუადვილდეს...“

ამჟაერაა, რომ არც ეს აზრია ბუღიზმისებური დასკვნის მატარებელი და უკეთილშობილესის გრძნობით გაქლენთილ სოციალურ ორგანიზმში გათქვეფთვას ამქვეყნიური ცხოვრების დედააზრად აღიარებს.

ცხოვრების მკაცრი ანალიზი, მისი აეისა და კარგის გადმოშლა და ამ უკანასკნელისათვის თავგანწირული ბრძოლა, — აი რა ახასიათებს ბარათაშვილის შემოქმედებას. და სწორედ ამიტომ ეუწოდეთ ჩვენ მას რევოლუციონერი და თანამედროვე პროლეტარული იდეების წინამორბედი, რომლის მუდამ მაძიებელი, მეტრძოლი სულის მიუღებლობა არც ერთ რევოლუციონერს არ შეუძლია. რევოლუციონერობა უპირველეს ყოვლისა ისაა, რომ იგი ჯერ აღნუსხავს ცხოვრების უარყოფით მხარეებს და მერმე თავგანწირულად იბრძვის მათ შესაცუელელად, გარდასაქმნელად.

ბარათაშვილიც ასეთი ტიპის მგოსანია.

ამას წინეთ ერთმა კალმოსანმა დაწერა: ბარათაშვილი კლასიური მწერალია, თავად-აზნაურულ დეკადანსს გამოხატავს და ამიტომ პროლეტარიატისთვის იგი მიუღებელიაო. ამაზე ხეპრული აზრი ჯერ არავის უთქვამს ამ დიდი მგოსნის შესახებ. ყოველი მწერალი, რასაკვირველია, რომ განსაზღვრულ კონკრეტულ პირობებში ჰქმნის თავის თხზულებებს, მაგრამ ვანა შეიძლება იმისი თქმა, რომ თვითველ საზოგადოებრივ ჯგუფს მარტო თავისი პირადი ინტერესები აქვს, მისი მოქმედება მხოლოდ და მხოლოდ ეგოისტურია და საერთო საკაცობრიო მომენტს არ შეიცავსო? ყოველ კლასს თავის ნაგრძნობ-ნააზრეში, გარდა პირადად მისთვის სასარგებლო მომენტისა, ობიექტური და ყველასთვის საპირო რაღაცაც აქვს. საკაცობრიო კულტურის საღაროში მასაც შეაქვს ყოველი ადამიანისთვის სასარგებლო რაღაც წვლილი, რომელიც მარტო მის საკუთრებას არ შეადგენს. ბარათაშვილის შემოქმედების ანალიზმა ჩვენ ამჟაერად დაგვარწმუნა ამაში. აქ მე უნდა შევნიშნო ისიც, რომ ბარათაშვილის დროს ჩვენი თავად-

3. გ. ხუროძე

ახნაურობა დეკადანსს სრულებით არ განიცდიდა და დიდი უვიცობაც არის ბარათაშვილის შემოქმედების ამგვარი შეფასება.

დასასრულ უნდა აღენიშნოთ, რომ ბარათაშვილის მსოფლმხედველობაზე გავლენა ჰქონდა საერთოდ იმ უიმედო სულიერ განწყობილებას, რომელსაც „მსოფლიო გოდება“ ეწოდება და რომელიც საფრანგეთის რევოლუციის დამარცხების ნიადაგზე წარმოიშვა ევროპაში. ამ რევოლუციისაგან მთელი ქვეყნიერების გარდაქმნას გამოელოდნენ, მაგრამ რევოლუციამ ეს იმედი მაშინვე ვერ გაამართლა, ქვეყნიერების განახლების საქმე არც ისე იოლი შეიქნა, როგორც გულუბრყვილოდ განწყობილთ ეგონათ და ამ ნიადაგზე დროებით ერთგვარი უიმედობაც კი გამეფდა მთელ ევროპაში. ამ ნიადაგზე აღმოცენებულ უიმედობის ლეჩაქში გახვეულ ლიტერატურას „მსოფლიო გოდების“ გამოშხატველს უწოდებენ. მსოფლიო გოდება ევროპაში გამოსთქვამდნენ შატობრიანი, ბაირონი, გიოტე, ნოვალისი, ლეოპარდი და სხვ. რუსეთში უმთავრესად ლერმონტოვი, ჩეხოვი და ბარათაშვილი.

ამ ლიტერატურული მიმართულების თვისება იყო ადამიანის უძლურებისა და არარაობის გამო წუხილი და გოდება, ამქვეყნიური ცხოვრების წარმავლობა და უაზრობა, უკეთესი მერმისისაგან სასოწარკვეთით ლტოლვა და სხვ.

ამ მიმართულებას გამოხატავდნენ ისეთი გენიალური ნიჭის პატრონი მგოსნები, როგორც იყვნენ ბაირონი და გიოტე. მათ მხარს უმშვენებდა დიდი ნიჭის მქონე მგოსანთა მთელი რიგი. ამ მიმართულებამ მოიარა მთელი ევროპა და ყველა ერის გულში ჰპოვა გამოძახილი. მაშინდელი სოციალური პირობები ისეთი იყო, რომ მთელი მსოფლიო ახალი ეპოქის მიჯნაზე იდგა: ფეოდალურ ევროპას ადგილი უნდა დაეთმო ბურჟუაზიისათვის. არ შეიძლებოდა, რომ ამ უდიდეს პროცესს უმტკივნეულოდ ჩაეველო და მთელი მაშინდელი კაცობრიობა არ აეფორიაქებია როგორც ეკონომიკურად, ისე ფსიქოლოგიურად.

ამ მოძრაობას, როგორც ესთქვით, გავლენა ჰქონდა ნ. ბარათაშვილის შემოქმედებაზედაც.

ლავრენტი არღანიანი

გიორგაშვილი და ლიტერატურული მოღვაწეობა

სამოციანი წლები ღირსშესანიშნავე ხანაა აღორძინების გზაზე შენდგარ საქართველოს ისტორიაში, ქართველი ხალხი დამშვიდებულნი გულთ შეუდგა ახალი ცხოვრების კაპანის წევას. ახალმა ვითარ-

რებამ ჩვენში შემოიტანა ისეთი რამ, რაც არც სპარსეთის თარეშს მოჰყოლია ჩვენში და არც ოსმალეთისას. თანდათან მომწიფდა ფსიქოლოგიური ნიადაგი იმისათვის, რომ საქართველოს საუკეთესო შვილს ილია ჭავჭავაძეს ეთქვა:

„მას ნულარ ესტირით, რაც დამარხულა,
რაც უწყალოს დროთ ხელით დანთქმულა;
მოვიკლათ წარსულ დროებზედ დარდი...
ჩვენ უნდა ესლიოთ ეხლა სხვა ვარსკვლავს,
ჩვენ უნდა ჩვენი ეშვათ მყოობადი,
ჩვენ უნდა მივსცეთ მომავალი ხალხს!“

თვითმპყრობელურმა იმპერიალიზმმა, რომელმაც კავკასიის ქედის გადმოდმა გადმოსვლით თავის მოსიხსლე მტრებს, სპარსეთსა და ოსმალეთს, გემრიელი ლუკმა გამოსტაცა პირიდან როგორც კავკასიის სიმდიდრეთა, ისე ორივე ზღვის — კასპიისა და შავის — ნაპირებზე დამკვიდრებით, — საქართველოში თავის დამკვიდრების პროცესში 60-იან წლებამდე შემდეგი ცვლილებები გამოიწვია: 1) მოისპო დაქსაქსულობა და ერთ პოლიტიკურ ხელისუფლებას დაუმორჩილა დასავლეთი და აღმოსავლეთი საქართველო, 2) მასვე შემოუერთდა რუსული ხმლის საშუალებით მუსლიმანური საქართველოც, ახალციხის მხარე, ბათუმი და აჭარა, 3) შემოიჭრა რუსულ-ევროპიული სავაჭრო კაპიტალი, რასაც მოჰყვა ადგილობრივი ძალების ამოძრავება, 4) გაძლიერდა ევროპის კულტურის დენა, რაც ჯერ კიდევ ადრე დაიწყო ოსმალეთის გზით კათოლიკე მისიონერების საშუალებით. ამ პატივცემულ გვამებს დიდი ხანია გვიგზავნიდა ოსმალეთი, რომელსაც ჩვენი დენაციონალიზაცია ამოძრავებდა: თუ ქრისტიან ქართველებს გაამაჰმადიანებდა, ხომ კარგი, თუ არა და კათოლიკობაზე გადასვლას უადვილებდა, რადგან ქართველი ერი ორივე შემთხვევაში უძლურდებოდა. როგორც ვიცით, ამ ვერაგმა პოლიტიკამ რამდენიმედ მაინც მიზანს მიაღწია: აჭარა-შავშეთ-ერუშეთი გამაჰმადიანდა და ახალციხის მხარე კიდევ „გაფრანგდა“, და ბოლოს, 5) საქართველოც მოჰყვა იმ რეფორმაში, რომელსაც ადგილი ჰქონდა 60-იან წლებში, ეს არის ბატონყმობის გადაყარება.

ყოველივე ეს კი მოხდა ქართველი სამეფოების მოსპობისა და ქართველი ხალხის მიერ დამოუკიდებლობის დაკარგვის ნიადაგზე. ვამეორებ, ყოველივე ეს თანდათან დასანახი შეიქნა და სამოციანი წლებისათვის — შეიძლება ცოტათი უფრო ადრეც — ერთგვარი მშვიდობიანობა და ნდობა მყარდება ხალხსა და მთავრობას შორის. ქართველმა ხალხმა, ასე ვთქვათ, მიიღო რუსული თვითმპყრობელობა, როგორც ფაქტიურად, ისე იურიდიულად, აღიარა ყოველის მხრივ ფაქტი, მაგრამ სრულებითაც არ უწყამებია მისი გარდუვალო-

ბა და მყისვე შეუდგა თავის ეროვნული „მე“-ს ძიებას. ეს იყო ახალი პორიზონტი, რომელიც გამოჩნდა სამოციან წლებში, როდესაც საქართველო ეკონომიკურად და ფიზიკურად მოლონიერდა მუდმივი ომებისა და რბევის შემდეგ.

II

ამ პროცესებმა გამოხატულება ჰპოვეს ჩვენს ღარიბ, მაგრამ ფრიად იდეური და სოციალური მოტივებით ამოძრავებულ ლიტერატურაში.

ეროვნულ დამოუკიდებლობას მოჰპირსუფლედ გამოუჩნდნენ ისეთი დიდი მგოსნები, როგორც იყვნენ ალექსანდრე ჭავჭავაძე, გრიგოლ და ვახტანგ ორბელიანები, ნიკოლოზ ბარათაშვილი, ილია ჭავჭავაძე, აკაკი წერეთელი და სხვ.

ბატონყმობა აგვისახეს გიორგი ერისთავმა, დანიელ კონჭაძემ, ილია ჭავჭავაძემ, აკაკიმ და სხვ. ამავე მწერლებმა დაჰკმეს იგი და სელი შეუწყვეს ამ საშინელი ინსტიტუტის მოსპობას.

საქართველოს გავერობიელების გზაზე შედგომა და მის წიაღში ახალ სოციალურ ფენათა შთასახვა დაგვისურათა გიორგი ერისთავმა. მისი სატირული ლექსები: „ღედა და ქალი“ და „ფიქრი ყმაწვილი ქალისა“ ეეროპული განათლების შემოშუქებას გვიჩვენებს: „ჩვენი ბიჭი საქუა ლიბერიით მოირთო“ — „გოსტინაში“ სანთელი მოსკოვისა აინთო“, მისსავე კომედიებში, ერთი მხრივ, მექრთამე მოხელებთან გვაქვს საქმე, მეორე მხრივ, ძველი თავადების — ანდუუაფარების გვერდით, ახალი ინტელიგენციის მერცხლები — ივანეები ჩანან და, მესამე მხრივ, კი საეაქრო-საჩარჩო კაპიტალის უგვან შვილებსაც ვხედავთ; ესენი არიან კარაპეტები და მიკირტუები.

ამ სახელოვან მწერალთა გვერდით დგას ლაერენტი არდაზიანიც, რომელმაც ერისთავის კარაპეტების ახლო გაშალა თავის სამხატვრო ტილო და შესანიშნავი სურათიც დაგვიხატა ზედ. ამ დაუეიწყარი სურათის სახელია სოლომონ ისაკიჩ მეჭლანუაშვილი.

გაეიციოთ ამ სურათის აეტორის ვინაობა.

ლაერენტი არდაზიანი სასულიერო წოდებას ეკუთვნოდა, დაიბადა ტფილისში 1818 წელს. განათლება მიიღო სასულიერო სემინარიაში. სწავლის დასრულების შემდეგ მსახურებდა სახაზინო პალატაში და თანაც ეწეოდა ლიტერატურულ მოღვაწეობას. როდესაც გ. ერისთავის „ცისკარის“ გამოცემას 1857 წლიდან ივანე კერესელიძე შეუდგა, არდაზიანიც ამ ორგანოს მუდმივ და ნაყოფიერ თანაშრომლად გადაიქცა გ. რჩეულიშვილის, ა. ერისთავის, ალ. ორბელიანის, დ. ყიფიანის, ალ. საეანელისა და მიხ. თუმანიშვილის

გვერდით. „ცისკარში“ 1861 წ. (№№ 1, 2) მან მოათავსა შექსპირის „ჰამლეტის“ თარგმანი. 1863 წელს ამავე ჟურნალის მთელ რიგ ნომრებში დაბეჭდილია პოლემარიდან ლ. არდაზიანის მიერ ნათარგმნი პოლიტიკური ეკონომიის ხასიათის ნაშრომი: „ყოველივე მოიპოვება შრომითა“.

გარდა თარგმანებისა, „ცისკარში“ მან დაბეჭდა ორი თავისი ორიგინალური რომანი: „სოლომონ ისაკიჩ მეჭლანუაშვილი“ (1861 წ.) და „მორჩილი“.

არდაზიანი პოლემიკას ეწეოდა აგრეთვე ბერძენოვთან, რომელმაც სასტიკად გააკრიტიკა „ცისკარი“ რუსულ გაზეთ „კავკაზში“. არდაზიანი სხვათა შორის თავის საპასუხო წერილში სწერს: „ჩვენ, ქართველებს, მამებისაგან არა გვისწავლია რა, სხვას არა უსწავლებია რა ჩვენთვის; წიგნები არ დაგვრჩენია, რომ გვესწავლა, სითგანლა უნდა ვიცოდეთ წიგნი, წერა!... ხედავთ, როგორ ხალხი განსწავლულა თავის თავად“. „ეს კრიტიკა, ანუ განხილვა, ჩვენ გვეჩვენს სასტიკად, უსაფუძვლოდ, უდროოდ, იმიტომ რომ ახლად მოსწავლე ხალხს პირველში მომატებული ვერ მოეთხოვება“. ამ სიტყვებში ბევრი სიმართლეა ჩამარხული, თუმცა ამით ჩვენ სრულებით არ ვამართლებთ არდაზიანს ბერძენოვთან პოლემიკაში: ბერძენოვმა უსათუოდ დიდი სარგებლობა მოუტანა „ცისკარს“ თავისი შენიშვნებით: არდაზიანმა ბერძენოვს ისიც უსაყვედურა — რისთვის ქართულად არ წერო. ბერძენოვს რომ ქართულადაც კარგად შესძლებია წერა, ეს იქიდან ჩანს, რომ არდაზიანს მან პასუხი „ცისკარში“ გასცა.

გარდა დაბეჭდილისა, არდაზიანს აქვს დაუბეჭდავი ხელნაწერებიც: — ერთში აღწერილია საქართველოს ისტორიიდან მე-18 საუკუნის ამბები და მეორე არის თარგმანი — „ცხოვრება ქრისტესი“, რენანისა.

როგორც ჩვენი დიდი მგოსანი აკაკი წერეთელი ამბობს თავის მოგონებაში¹, არდაზიანის „კრიტიკული სტატიები გ. ბარათაშვილის სახელით გამოდიოდა. სალაყბოში, რომელსაც ვაბო სულხანიშვილი წერდა, ბევრი ერია მისი ოხუნჯობაც“².

არდაზიანი გარდაიკვალა ფილტვების ანთებით 1870 წელს, დასაფლავებულია ტფილისში, ვერაზე, ნიკოლოზის სასაფლაოზე, სადაც ეკლესიის კარების წინ მიწის სწორად დასულ მარმარილოზე არის შემდეგი წარწერა: ლავრენტი არდაზიანი.

ამ ბიოგრაფიიდან ჩვენ თვალწინ იხატება ფრიალ ენერგიული, გონება განვითარებული, უანგარო და ნიჭიერი პიროვნება, რომელ-

¹ აკაკი, რჩეული ნაწ., ტ. I, გვ. 85, სახელგამო, 1925.

² ჩვენ ბევრი ვეძებთ, მაგრამ გ. ბარათაშვილის მიერ დასტავებული „ცისკარში“ ვერაფერი ვნახეთ.

საც მთელის თავის არსებით უყვარს თავისი სამშობლო, უყვარს მშობლიური ლიტერატურა, ისტორია და ვატაცებით ემსახურება აღორძინების გზაზე შემდგარ თავის ქვეყანას.

აკაკი დასახელებულ მოგონებებში ასე ახასიათებს არდაზიანს: „ის იყო საღდაც ჩინოვნიკად. ჩუმი კაცი იყო და სათნო. მის ქართველობას საზღვარი არ ჰქონდა. ერთი შეხედვით არაფრად მოგვეჩვენებოდა, მაგრამ შესანიშნავი მწერალი იყო“. ჩვენთვის ყველაზე უფრო საინტერესოა არდაზიანი, როგორც ორიგინალურ, ქართულ ნიადაგზე აღმოცენებულ ნაწარმოებთა შემქმნელი, ამიტომ ჩვენ აქ განვიხილავთ ორ მის რომანს: „სოლომონ ისაკიჩ მეჯღანუაშვილსა“ და „ნორჩილს“. არდაზიანის სახელი უკვდავყო მისმა ერთმა რომანმა — „სოლომონ ისაკიჩ მეჯღანუაშვილმა“, რომელსაც, ისტორიულ დამსახურებასთან ერთად, დიდი ლიტერატურული ღირებულება აქვს. რომანის მთავარ მომქმედ პირს წარმოადგენს მილიონერი სოლომონ მეჯღანუაშვილი, რომელსაც შთაბრძნავლობით ერთი კაპეიცი არ მიუღია და მთელი თავისი ქონება ვაჭრობის უნარითა და მოხერხებით შეუძენია. ცხოვრებაში გამოსვლის დროს მას გახვერტილი გროშიც კი არ ებადა, თითქმის ყოველის მხრივ უმწეო იყო და საკუთარის ძალ-ღონით, სხვის დაუხმარებლად შეუდგა ცხოვრების კაპანის წვეს. მთელი თავისი ცხოვრება მეჯღანუაშვილმა ბრძოლასა და მოძრაობაში გაატარა, ყოველ წუთს ძარღვებდაჭიმული დგას სინამდვილის ასპარეზზე და კაპეიკს კაპეიკზე აწიბებს. „ქვეყანაზე არა არის რა საკვირველი, გარდა ერთისა: ეს არის თვითმდგომარე ხასიათი, ვინც სცნობს თავის ღირსებასა და დაიცავს პატიოსნებასა“. ასე უთხრა კნეინა რაინდაძისამ მეჯღანუაშვილის დედას — გაიანეს. ეს სიტყვები თითონ არდაზიანის აზრსაც გამოხატავენ: თვითმდგომარე, ანუ დღევანდელის ტერმინით რომ ვსთქვათ, დამოუკიდებელი ხასიათი, მისი აზრით, დიდი განძია ადამიანისათვის და მისი რომანის გმირიც კეშმარიტად დამოუკიდებელი ხასიათისაა: შინაგულ ფეოდალურ წრეში, სადაც გაბატონებული იყო ლუარსაბ თათქარიძისებური მუცელზე გდება, იგი არავის არ ჰგავს და ყველაზე განსაკუთრებით გამოირჩევა. არდაზიანის ტერმინი „თვითმდგომარე“ იმავე დროს სიმტკიცესაც ნიშნავს. დააკვირდით სოლომონს — ხასიათის დამოუკიდებლობასთან ერთად მას ახასიათებს ნებისყოფის სრული სიმამრე: მან თავიდანვე შესძლო საკუთარი თავის მოვლა და ხიფათიანად გადარჩენა, მოიგონეთ პირველი მისი მარცხი — გარყვნილი ადამიანების ქსელში რომ გაება: გარდა ამისა, შემდეგ ყოველთვის მტკიცედ მიიწევს დასახულ მიზნისაკენ, შინაგანი რწმენით მოქმედებს და გამარჯვებაც მის მხარეზეა.

ის ეკონომიკური ურთიერთობა, რომელშიაც სოლომონმა თავი ამოკყო, მუდმივ შრომას, სიფხიზლეს, მოძრაობას და გონების სიმახ-

ვილეს მოითხოვს. ჩვენი სოლომონიკ განხორციელებული მოქმედება და ენერჯიაა. ის ინსტინქტურად გრძნობს, რომ მას ოდნავი დასვენებაც კი დალუპვისაქენ გააქანებს, თათქარიძისებური ძილი და უღარდელობა მას არ გამოადგება და ამიტომაც განუწყვეტლივ ხელჩართულ ბრძოლაშია: ხან ბაზარში დალალობს, ხან ქართლის სოფლებში ჩარჩობს და ხანაც კახეთსა და ბორჩალოს მიექრება თავისი მეჯახშეობით. სოლომონი არაფერს არ თაკილობს — არც წვრილ საქნეს და არც მსხვილს: ვარიებსაც ყიდულობს ორიოდ გროშის მოგების მიზნით, მეჯახშეობს, ღვინოს იძენს ბითუმად და სხვ. მის ოჯახშიც შრომის სრული ატმოსფერა მეფობს: ცოლი და შვილები მეწვრიმანეობენ. სოლომონი ძალზე მომჭირნეც არის; მას სწამს, რომ ნაშოვარს შენახვაცა და მოვლაც უნდა: თავს იწვალებს შამშილით, ასეთსავე მდგომარეობაში ჰყავს ცოლ-შვილი, არ იცვამს, არ იხურავს.

ამავე დროს მისი მოღვაწეობა მოფიქრებული და გეგმიანია, მას არ შეუძლია უკომპასოდ ხეტიალი და ყოველ ნაბიჯს მკაცრად მოფიქრების შემდეგ დგამს. სარქისბეგაშვილი სწორეთ ასეთის მოფიქრებით დასაჯა, მეჯახშეობის ქსელიც ამ გზით აქვს დაგებული; იქ კი, სადაც აჩქარდა და გონების მაგიერ გრძნობა ამუშავა, კიდევ დამარცხდა: მაგ., ცოლის შერთვაში. მეჯღანუაშვილი მარცხდება მაშინაც, როცა თავის სფეროს თავს ანებებს, ცოლისა, ქალის დაეინებას აყვება და რაინდაძის თავის სიძედ გახდომა უნდა.

დასახული მიზნის მიღწევის საქმეში იგი ყოველგვარ ხერხს მიმართავს: ტყუილს, თვალთმაქცობას, გაიძვერობას. „მთელი ჩემი მოქმედება ტყუილზე იყო დაფუძნებულიო“, — ამბობს იგი.

ამავე დროს სოლომონი პატრიარქალურის გულჩვილობითაც არის შეპყრობილი: დედისადმი სიყვარული ძვალსა და რბილში აქვს გამჭდარი და მის შეურაცხყოფელს — სარქისბეგაშვილს — საშინელ სიღარიბეში ჩაადგებს, მაგრამ მის ქალებს კი იბრალებს და სამზითვო ფულებსაც მისცემს.

აი, ასეთი ადამიანი აღმოაჩინა მაშინდელ ქართულ სინამდვილეში არდაზიანის დაკვირვებულმა ნიჟმა. მეჯღანუაშვილი ბატონყმურ ფონზე მოქმედებს, მის ირგვლივ თათქარიძეების საძეფოა: ნატურალური მეურნეობა, ხოდბუნები, ფეოდალთა კოშკები, უსაქმობა, თათქარიძული ბუზების თვლა, უნებისყოფობა და აღვირახსნილობა, სხვისი მონაგარის ფლანგვა, უსაზღვრო ხელგამოლილობა, სმა-ჰამა მეტად შესარგი“, უგეგმობა, უყაირათობა, უეიცობა, ცრუმორწმუნეობა. სოლომონი კი ყოველივე ამის მოწინააღმდეგე თეისებათა მატარებელია: შეილს ასწავლა და სამსახურში ჰყავს, ცრუმორწმუნეობას გაურბის. ერთი სიტყვით, ჩვენს ლ-ნ დგას განსაკუთრებული ტიპის ადამიანი, რომელიც წარმოუშვია განსაკუთრე-

ბულ მეურნეობას, რაც არაფრით არ ჰგავს ფეოდალურ კარჩაკტი-
ლობასა და უმოდრაობას. თათქარიძეებს მთელი წლობით შეეძლოთ
თაყიანთ მამულებში მუცელზე გდება, მათთვის საჭირო არ იყო
მიმოსვლა. მეჯღანუაშვილის ეკონომიური ნიადაგი კი ისეთია, რომ
მუდამ მოქმედებაში უნდა იყოს: კახეთი, ქართლი, ბორჩალო, ტფი-
ლისი. ამიტომ მისი ხასიათიც მოძრავი და მოქმედია, გონება
მკერცხლი და კომბინაციურის უნარით დაჯილდოებული. მისი
არსებობა მუდმივ ცვალებადობაშია, საჭიროების მიხედვით მოქმე-
დებს: სანამდის საჭიროდ მოაჩნდა, სიღარიბეში იკლავდა თავს, ღი-
დი თანხის დაგროვების შემდეგ კი ძველი ცხოვრება უკუაგდო და
სულ ახალს შეუდგა. თათქარიძე კი ვერაფერ ამის მაგვარს ვერ
ჩაიდენს: მან თელეთამდის ძლივს იმოგზაურა და ახალი ცხოვრე-
ბის სიო — ბატონყმობის გადაეარდნის ამბავი — თავზარს სცემს.
მისი აზროვნება ერთიანად კონსერვატიულია. ჭიშმარიტად „მდგო-
მარეობამ განსაზღვრა“ თათქარიძისა და მეჯღანუაშვილის შეგნება
და ხასიათი.

როგორც სოციალური წრის შვილი, მეჯღანუაშვილი ჩვენი
ახალგაზრდა ბურჟუაზიის წარმომადგენელია; სწორეთ ამ გარემოე-
ბამ გახადა იგი საინტერესო ტიპად და ახალი სიოს შემომტანად.
მართალია, მან თავისი კლასის კიბეზე მხოლოდ პირველი საფეხუ-
რი აიარა — ჩარჩობით და მევახშეობით კაპიტალი დააგროვა, მაგ-
რამ მაინც ახალი ეკონომიური ცხოვრების მოციქულია, რადგან
დაგროვილი კაპიტალის თვისება ისეთია, რომ თავისი განვითარე-
ბის მეორე საფეხურზე სამრეწველო ხასიათს ღებულობს. ეს სა-
ფეხური არდაზიანის დროს ჩვენს სინამდვილეში არ ჩანდა, ამიტო-
მაც სოლომონის ღიდი თანხა, რომელიც ფაბრიკა-ქარხნების გახსნას
უნდა მოხმარებოდა, უსარგებლოდ გაიფანტა სოლომონის ცხოვრე-
ბის მეორე ხანაში, ამაში სოლომონს სრულებით არ უძევს ბრალი,
ეს მისი თანამედროობის დანაშაულია. მართალია, მეჯღანუაშვილს
ჰყავდა გიორგი ერისთავის ძუნწის სახით ერთგვარი წინაპარი, რო-
მელმაც მშვენიერად იცოდა კაპიტალის ძალა და აღმშენებლობითი
უნარი — რკინიგზების გაყვანა, თეატრის აგება — კულტურული
მშენებლობა, უფლებების მოპოვება და სხვ., დიახ, სოლომონს უკვე
გაცვანა კაპიტალის მძლეთამძლეობის ამბავი, მაგრამ ის მაინც
იპიექტური პირობების მსხვერპლია, კაპიტალის დაგროვების მე-
ტი ვერაფერი მოახერხა.

მეჯღანუაშვილი არ არის მაშინდელი დროის ერთეული ტიპი,
როგორც რომანიდან ჩანს, სხვა ვაჟრებიც ბლომად მოქმედებდნენ
მის გვერდით, ისინიც გასამდიდრებლად სოლომონის გზით მო-
დიოდნენ: მევახშეობაა, ქვეყნის ბუნებრივ სიმდიდრეთა ექსპლო-
ატაცია, ღიდი ვაჟრებისთვის თუ ქარხნებისთვის მოსკოვში საქონ-

ლის გამოტყეილება და შერე გაცოტრებულად თავის გამოცხადება და სხვ. აი მათი გამდიდრების საშუალებანი. ნედლი მასალის გადამუშავება, ქარხნები თუ ფაბრიკები მათ ვერ მოუწყვიათ, კულტურულ ეროვნულ ძალად ჯერ კიდევ ვერ გადაქცეულან, თუმცა ამ მხრივ ერთგვარი განთიადი უკვე ჩანს: სწავლობენ, თეატრებში დადიან და სხვა.

ზედმეტი არ იქნება, თუ აქ მეჭლანუაშვილების წარმოშობას ციფრობრივ მასალაზე დავამყარებთ და უფრო თვალსაჩინოდ დავასაბუთებთ ჩვენში ალებმიცემობის განვითარებას რუსეთთან კავშირის შემდეგ.

ამ დროს საქართველოში წმინდა წყლის ნატურალური მეურნეობა არსებობდა: როგორც მემამულე, ისე ყმა თითქმის ყოველგვარ მოთხოვნილებას საკუთარ ეზო-გარემოში იკმაყოფილებდა. ტანისამოსს შინ იქსოვდნენ, პურს თვითონვე იწევენ და მარტო რკინისა და მარილისათვის თუ წავიდოდნენ სადმე. ქალაქებში არსებობდა ხელოსნობა, რომელიც თავს იკვებავდა მემამულეთა იშვიათი შეკვეთებით და საყველ-პურო ალებმიცემობით. ფრანგი მოგზაური გამბა, რომელიც საქართველოში იყო გასული საუკუნის პირველ მეოთხედში, ასე აღწერს იმერეთის ვაჭრობას: „იმერეთის მცხოვრებნი ყიდვა-გაყიდვას ეწევიან მხოლოდ თავიანთი ნაწარმოების (ხორბლის, ბამბის, სანთლის, თათლისა და სხვ.) სხვა საგანზე გაცვლით, რისთვისაც ისინი მიდიან ბაზარზე ოთხშაბათობით და პარასკეობით“.

საპირო საქონელი საქართველოში შემოდის ევროპიდან და აზიიდან 1821 წლამდე, როგორც ფ. მახარაძის ცნობებიდან ჩანს, წლიურად საშუალოდ შემოქონდათ 809, 315 მ. საქონელი; 1822—1832 წწ. სულ ამიერკავკასიაში შემოსულა 1.700 ათასი მანეთის საქონელი; 1832—50 წლებში კი სულ 58.212.794 მან, წლიურად სამნახევარ მილიონამდე. 1864 წელში შეტანილა 7.476 ათასი მანეთის, ხოლო 1870 წ. — 11.740 ათასი მანეთის საქონელი. თანდათან იზრდება აგრეთვე ნედლი მასალის გატანაც: თუ 1821 წ. საერთოდ წლიურად გაქონდათ 166.767 მ. საქონელი, 1870 წელს უკვე თითქმის ოთხი მილიონისა გააქეთ. შემოქონდათ შაქარი, საღებავი, შალეულობა, მანუფაქტურა, თამბაქო, პური და სხვ. გაქონდათ: ნედლი აბრეშუმი, დაუმზადებელი ტყავი, ნავთი, ბამბა, პირუტყვი, ხეცე, ხიზილალა და სხვ.

ამ ცნობებიდან აშკარაა, რომ ჩვენში, მართლაც, ახალი ეკონომიკური მოვლენა წარმოშობილა და ფეოდალიზმის წიაღში სულ სხვა ქონებრივი ურთიერთობა შექმნილა. ძველ ეკონომიკას თავისი შესაფერი ტიპები ჰყავდა გ. ერისთავის ანდრუყაფარებითა და ილიას თათქარიძეებით, ახალმაც თავის შესაფერი ადამიანები მოგვცა კარაქტებისა და მეჭლანუაშვილების სახით.

ახლა გადავიდეთ არდაზიანის რომანის მეორე პერსონაჟზე — თავად რაინდაძეზე, რომელიც მეჭლანუაშვილისათვის დაუპირდაპირებია ავტორს. რამდენადაც სოლომონი ცოცხალი და ხორცშესხმული ტიპია, იმდენად რაინდაძე სქემას გავს და მკვდარი არსებობს. მაგრამ ჩვენი ავტორი მაინც ცდილობს მის გაცოცხლებას და რომანის ბოლოში ერთგვარად კიდევ გაამარჯვებინებს სოლომონზე: ქალაქიდან სოფლად დააბრუნა და იქაური იდილიით ატკბობს მასა და მის ცოლს. სოფლური ცხოვრებით გატაცება და ქალაქური კულტურის უარყოფა ნათლად ჩანს რომანის ბოლოში მოყვანილ რაინდაძის წერილიდან. ფულით გაყოფილებულ სოლომონს ეგონა, რომ თავის ქალისათვის რაინდაძისაგან სიყვარულსაც იყიდდა, მაგრამ მკაცრად მოტყუედა, რაინდაძე კი უანგარო სიყვარულის რაინდია და ცოლიც სიყვარულით შეირთო. ამ მხრივაც ის ავტორის ნება-სურვილით სოლომონს ზნეობრივი სიმალლის მაგალითს უჩვენებს.

რისთვის დაუპირდაპირა არდაზიანმა ასეთნაირად თავადი — ფეოდალური ცხოვრების სიმბოლო — ახალი ცხოვრების წარმომადგენელს — მეჭლანუაშვილს? ეგების სრულებით არ მიაჩნია მას სოლომონი ჩვენი ცხოვრების განმანათლებელ ძალად, რომელსაც ასპარეზი უნდა დაუცლონ თავადებმა რაინდაძეების სახით? სულს ცოდვილო, მე ამ კითხვას, დადებითი პასუხი უნდა გავსცე: არდაზიანი ამ დიდ საკითხში უსათუოდ კონსერვატიულ ნიადაგზე დგას და მას სრულიად შესაძლებლად მიაჩნია რაინდაძეების გვერდით მეჭლანუაშვილების საქმიანობა. დააკვირდით ჩვენს სოლომონს: იგი ძალაუფლებისაკენ მაინცა და მაინც არ მიისწრაფის, მის საქმიანობას უსათუოდ აკლია ერისთავის კარაპეტა ძუნწის პროგრამული გაქანება და ფართო პორიზონტი. ამ გლახაკს ერისთავმა პირდაპირ მასხარად აავდებინა თავადი არჩილი თავისი პურ-ღვინოთი და თავადურის ხელგაშლილობით, მამაპაპის ხმალზე ფიცითა და სხვ. არდაზიანის სოლომონი კი რაინდაძეს მოწიწებით ეპყრობა და ქედს იხრის მისი ზნეობრივ-გონებრივი სიმალლის წინაშე. მართალია, კონებრივად ცოტა არ იყოს ძირი კი გამოუთხარა, მაგრამ ეს... ისე... აწვარიშების ძალით, სხვაფრივ კი რაინდაძე და მისი ეკონომიური ბაზა სოლომონისათვის სრულიად მისაღებია. თავადების ოჯახები სოლომონისთანა კინტოებისათვის ზრდილობის მისაღები ერთგვარი სკოლებიც კი არის. სოლომონი ამბობს: „დედაჩემმა ისწავლა ზრდილობა და ენა ერთი აზნაურის სახლში“; თითონ მეჭლანუაშვილსაც კნენინა ასწავლიდა წერა-კითხვას, აკითხებდა „ვეფხისტყაოსანს“, აჩვენებდა ზრდილობას, ზნეობასა და სიტყვა-პასუხს.

ბოლოს ჩვენი რაინდაძეც ხომ რაინდულად — ტყებმა ბატონყ-

მობის კლანჭებში დაძაბუნებულ სოფელში, სადაც მისი ჩასვლით და ტექნიკური გაუმჯობესებით „ყმას შეუმსუბუქდა ერთი ნახევარი საშასაბურთი და მადლობელი არის“, მან მიიღო გამგეობა ყმისა და მამულისა“, გლეხებს ამუშავებს „გულმონდომით, სიტკბოებით, ერთგულად“. შემოსავალიც გაუდიდდა, დღე საქმეს აკეთებს, „სალამოს ხან ფეხით, ხან ფეეტონით“ სეირნობს ცოლთან ერთად. „ღამე ესჭერეტ ცის საკვირველებას, შეეხარით, გვიკვირს და ვადიდებთ ღმერთსა (ოღონდაც! — ვ. ხ.), სტუმარი არ გვაკლია, შევექცევით იარალაშსაო“ და სხვ. „ყოველივე ჩემს თვალწინ კეთდება“, რასაკვირველია, ყბედის მიერ... აი, რა შინაარსის წერილი მოიწერა ლუარსაბის ღირსეულმა მეზობელმა, რომლის მოქმედებას ჩვენი ავტორიც ტაშს უკრავს.

და ეს იმ დროს, როდესაც დანიელ ჰონჭაძემ ისე სასტიკად გაილაშქრა ბატონყმობის წინააღმდეგ, ილიამაც სასტიკი მხატვრული განაჩენი გამოუტანა ამ რეჟიმს „კაცია — ადამიანში“ და მთელი მოწინავე რუსეთი კიდევ იერიშს იერიშზე აწარმოებდა ამ ინსტიტუტის დასამხობად! აშკარაა, რომ არდაზიანი ბატონყმობასთან მშვიდობიან დამოკიდებულებაშია და მეჭლანუაშვილების როლი მას ბოლომდე არა აქვს შეგნებული.

არდაზიანი ძალიან მოხერხებული კალმის პატრონი იყო, მოიგონეთ, რა მოხდენილად სწეკვლაეს იგი მთავრობის წვრილფეხა აგენტების მეჭრთამეობასა და ბოროტმოქმედებას, მაგრამ არსად თავადებსა და მათ ყოფაცხოვრებას ცუდად არ იხსენიებს, პირიქით, როგორც ვნახეთ, მოწინავეთაც კი ეპყრობა მათ. მართალია, რომანში არის მაღალი საზოგადოების ერთგვარი გაკიცხვა მოღებით, ფლანგვეითა და ფუქსაეატობით გატაცებისათვის (ვორონცოვის ეპოქა), მაგრამ ეს უბრალო გაკენწვლაა.

არდაზიანი განათლებული კაცი იყო და ისტორია იცოდა, ისიც იცოდა, რომ სხვა ქვეყნებში მეჭლანუაშვილების კლასმა კრომველები და რომესპიერები წარმოშვა, მეფეებსაც თავები მოჰკვეთა: დიახ, ეს ყველაფერი იცოდა მან და, ალბათ იმიტომ ათქმევინა რაინდაძეს შემდეგი სიტყვები: „ფრანცია მცირე ჟამს გადაუდგა ქრისტეს სახარებასა და ჩავარდა სიბნელში, რომლის გამო მოხდა საშინელი არეულობა და როდესაც ამის შემდგომ ფრანცია ცხადად მოვიდა სახარებასა, ისევე განათლდა“. ერთი სიტყვით, საფრანგეთი დალუპა რევოლუციამ. გაანათლა რეაქციამ. ასე სჯიან არდაზიანი და მისი რაინდაძე.

ეჭვი არ არის, რომ ჩვენი ავტორი ძალიან ლოიალური პიროვნება ყოფილა და კონსერვატორული აზრების პატრონი.

იგი, როგორც განათლებული ადამიანი, უსათუოდ იცნობდა 60-იანი წლების აზროვნების ღერძს რუსეთში, მაგრამ, როგორც ეტყო-

ბა, თითონ იგი არ იდგა მოწინავე მებრძოლთა რიგებში და სრულად ეწყობოდა იმ გაბატონებულ აზროვნებას, რომელიც მაშინ ჩვენში იყო. ცნობილია, რომ ჩვენი თავადაზნაურობა წინააღმდეგი იყო ბატონყმობის მოსპობისა. „არ შეგვიძლია არც მუშაობა, არც გუთანზე დაჯდომა, არც ვენახისა და ბოსტნის ბარვა და თოხნა, არც საქონლისა და ცხვრის დევნა... ხოლო გლეხი შობილია ამგვარის მდაბიო ცხოვრებისათვის“, ასე ლაღალებდა საქართველოს 240 მებატონე 1863 წელს. არდაზიანიც, ეტყობა, ამათი აზრისა ყოფილა.

არდაზიანის კონსერვატორობას ჩვენ მისი მეორე რომანის „მორჩილის“ გარჩევიდანაც საკმაო სიცხადით დავინახავთ, აქ კი შევეხებით „სოლომონ ისაკიჩ მეჭლანუაშვილს“ მხატვრულის თვალსაზრისით.

როგორც ხელოვნური ნაწარმოები, იგი მრავალი ღირსების მატარებელია: რომანის არქიტექტურა ფრიალ ორიგინალური და თავისებურია, გრაციოზული მანერით, მე-19 საუკუნის ლიტერატურაში განსაკუთრებული, ენა მხატვრული, მსუბუქი და სადა; ხანდახან ბარბარიზმებსაც ვხვდებით. სცენები გამოქანდაკებულია, არსად ზედმეტი ხაზი, არსად ზედმეტი სიტყვა და გამეორება. მართალია, ზოგან ყალბი მომენტები არის, მაგრამ სხვა სისრულეთა გამო ვერც კი ამჩნევთ მათ. მეათე თავში აღწერილი ვარიების გლეხისაგან ყიდვის სურათი პირდაპირ კლასიკურია.

გარდა ამისა, მკითხველს პირდაპირ ხიბლავს ის იუმორისტული მანერა, რომელსაც არდაზიანი იყენებს. „მახვილგონებიანი ხუმრობა სიამოვნებაა, თუ ითქმის განვითარებულის გემოვნებით“, — ამბობს იგი ერთ ადგილას. ეგ თქმა ერთიანად ახასიათებს არდაზიანს. რომელიც, მართლაც გემოვნებით ხუმრობს და არსად ვულგარობაში არ ვარდება.

ყველა ამ თვისებათა გამო არდაზიანის რომანი ღრმად გამოირჩევა თავის თანამედროვეთა შორის.

V

ახლა შევეხოთ არდაზიანის მეორე რომანს (რომელიც მოთავესებულია 1863 წლის ურნ. „ცისკრის“ №№ 4, 5 და 6). რომანის სახელია „მორჩილი“, შედგება ოთხი ნაწილისაგან. როგორც ჩანს, არდაზიანს მიზნად დაუსახავს სიყვარულისა და ცოლ-ქმართა დამოუკიდებლობის შესახებ თავის სიტყვის თქმა და ჩვენი მაღალი წრეების წარმომადგენლების ზოგიერთ ზნე-ჩვეულებათა და შეხედულებათა ასახვა.

რომანის ცენტრალური მოქმედი პირია თავადის ქალი ალექსანდრა, რომელსაც უყვარს სამხედრო პირი — მიხაკო. სატრფო სამა-

გიერო გრძნობით უპასუხებს ქალს და საქმეც საკეთილოდ დასრულდება, რომ ლამაზ ალექსანდრას არ აკვიატებოდა გაქნილი მოხელე, ფრანტი და უზნეო ადამიანი — თეიმურაზი, რომელიც მოხერხებულად აუბამს თვალს. ალექსანდრას მშობლებს, სარგებლობს მიხაკოს ომში გაწვევით და ეს არის უნდა დაგვირგვინდეს ალექსანდრაზე, მაგრამ დედ-მამის სრულ მორჩილს ალექსანდრას, რომელიც ვერ ბედავს მიხაკოსადმი სიყვარულის გამომჟღავნებას და, რომელიც მზადაა, მშობლების სურვილის თანახმად გაჰყვეს არასაყვარელ კაცს — თეიმურაზს, უცებ ბედი წაღმა დაუტრიალდება: მსახური ქალის, მარიკოს დახმარებით და, აგრეთვე ორი კეთილი ადამიანის ხელშეწყობით მოხერხებულად გამოაშკარავდება თეიმურაზის კაიკაცობა, მიხაკოს ყურამდეც მიადწევს საცოლოს განსაცდელის ამბავი და თეიმურაზზე გასაყოლად დამორჩილებული ალექსანდრა ისევ მშობლებისავე სურვილით და თანხმობით მიხაკოს გაჰყვება ცოლად. სანტიმენტალური რომანების მსგავსად ბოროტება მხოლოდ დროებით პარპაშობს — საბოლოოდ კი სათნოება იმარჯვებს.

რომანში განვითარებულია მეორე ინტრიგაც: ალექსანდრას მსახური ქალი, მარიკო, ეტრფის მიხაკოს მსახურს, როსტომს, ეს ორი ადამიანი თავიანთ ბედს ბატონების შეუღლებას უკავშირებდნენ, ხელს უწყობენ მათ დაახლოებაში და უბედურებათა თავიდან აცდენის საქმეში. ალექსანდრას და მიხაკოს გაბედნიერებით მათი სიყვარულიც სასურველად გვირგვინდება.

რომანის დიდი ნაწილი ცოცხლად ვითარდება და მკითხველიც საკმაო ინტერესით კითხულობს მას: ადგილ-ადგილ უნდა ითქვას, რომ სიუჟეტი ძალზე დახლართვით ავტორს თითქოს თხრობის ძაფი ეკარგება და ცოტა არ იყოს ინტერესიც იჩრდილება, სცენები ცოცხლად ტარდება, თუმც ხშირია მელოდრამატიზმი და მხატვრულად ყალბი ადგილები. ენა მკაფიო, მკვირცხლი, ძალზე უბრალო და მხატვრული: დიალოგი მშვენიერი, მოძრაობით და დრამატიზმი-თაც სავსე...

მაგრამ, მიუხედავად ყოველივე ზემოთქმულისა, რომანი მაინც სუსტი ნაწარმოებია.

რომანის მთავარი ნაკლი ისაა, რომ ქართული ყოფა-ცხოვრების ნიშან-წყალიც კი არ არის შიგ და მთელი ნაწარმოები უცხო ენიდან ნათარგმნს ჰგავს. რამდენიმე პერსონაჟის ქართული სახელებით მონათვლა საქმეს სრულიად ვერ შველის და კითხვის პროცესში აშკარად გრძნობთ მხატვრულ სიყალბეს. ასეთსავე შთაბეჭდილებას სტოვებენ მოქმედი პირებიც: მიხაკო უსულგულო სქემაა, ალექსანდრა ყველგან ავტორის გეგმაზე მოქმედებს და მორჩილების თვისებას მანეკენად გადაუქცევია. მსახური ქალი, მარიკო, ნამდვილი პარიზელი ქალია და არაფერი ქართული მასში არ არის. შე-

დარებით ცოცხალი ტიპებია თეიმურაზი და განსაკუთრებით მისი მსახური — გოჩუნა.

საკვირველია, მწერალი, რომელმაც ასეთი დაკვირვების ნიჭი გამოიჩინა პირველ რომანში — „სოლომონ ისაკიჩ მეჭლანუაშიღ-ში“, — ამ ნაწარმოებში ასეთ სიყალბეში ვარდება და ის ადგილობრივობის სურნელება, რომლითაც გაუღენთილია ადრინდელი ნაწარმოები, მეორეში ერთიანად გამჭარალა და განიაყებულა. „მეჭლანუაშიღის“ ავტორისაგან აქ მხოლოდ სადა ენა და მკვირცხლად თხრობის უნარი დარჩენილა.

რომან „მორჩილის“ დავიწყებას ხელს შეუწყობდა, ალბათ, მეორე გარემოება: მისი იდეური სისუსტე, რაც გამოიხატება მონური გრძნობების გამართლებაში. ჩვენ განვებ გვინდა ცოტათი შევჩერდეთ ამ გარემოებაზე — ეს იმ მოსაზრებით, რომ გამოეარკვიოთ თითონ ჩვენი ავტორის — არდაზიანის მსოფლმხედველობა და შეხედულებანი. ვფიქრობთ, რომ მწერლის ღარიბ ბიოგრაფიაში ამით საკმაო წვლილი იქნება შეტანილი.

არდაზიანი 60-იანი წლების მოღვაწე იყო და ექვს გარეშეა, რომ საკმაოდ ეცოდინებოდა ამდროინდელი მოწინავე რუსეთის აზროვნება, — აკი რუსეთიდან მობერილმა სიომ გამოაფშენეტიკა თვალები მაშინდელ საქართველოს ინტელიგენციას და მათ შორის არდაზიანსაც, კალმისათვის მოაკიდებინა ხელი! ჭერ „მეჭლანუაშიღის“ შექმნით უნათესავდება იგი რუსეთის მოწინავე ინტელიგენციის ძიებას მომქმედი ბურჟუას ტიპის ძებნაში, — მოვიგონოთ გოგოლის კოსტანეოგლო და გონჩაროვის შტოლცი. მეორე მხრივ, არდაზიანს ეპოქის კაცად ჰქმნის ის ფაქტიც, რომ მან საპიროდ დაინახა ქართულად გადმოედო პოლიტიკური ეკონომიის ხასიათის ნაწარმოები: „ყოველივე მოიპოვება შრომითა“. რაც უნდა არქიბურჟუაზიული ბანალობის გქადაგებელი იყოს ამ საკითხში ჩვენი თანამემამულის მიერ ყურადღების ღირსად ცნობილი პოლემარი, ის ფაქტი მაინც აშკარაა, რომ არდაზიანი თანამედროვეობას უწევდა ანგარიშს და, სხვა მოაზროვნეებთან ერთად, თავისი სიტყვის თქმაც განუზრახავს. თუმცა, როგორც უკვე აღვნიშნეთ, მებრძოლთა რიგში იგი არ მდგარა.

სიყვარულის თავისუფლება და ცოლქმრული ურთიერთობის საკითხიც საკმაო ყურადღებას იპყრობდა მაშინდელ საზოგადოებაში და არდაზიანიც სრულიად სამართლიანად დაუინტერესებია ამ საკითხებს. ვნახოთ რას ქადაგებს იგი ამ საკირბოროტო საკითხებზე.

— შენმა მზემ, მარიამ, — მუსაიფობენ მორჩილი ქალის ალექსანდრას მშობლები, — სჯობს ისევ მამა-პაპის კვალზე ვიაროთ. ჩვენ ვიფიქროთ, ჩვენ ავირჩიოთ და ვინც ღმერთმა გვარგუნოს, იმას შევერთოთ ალექსანდრა. ჩვენ ერთმანეთი რომ სიყვარულით არ შე-

ვირთვით, ვითომ რა ცუდი მოგვივიდა! ღვთის მადლით, სიყვარულით, სიტკბოებით შევებერდით, ერთმანეთისაგან ერთი მწარე სიტყვა არ გაგვიგონია. ჩვენ ვხედავთ მრავალ მაგალითს ევროპაში და სხვაგან — ვინც გაგიჟებულ სიყვარულით ერთმანეთს ირთავენ, იმათ უფრო კეთილი ბოლო არა აქვთ: მესამე დღესვე ერთმანეთი სძაგთ, ასე რომ, ერთი აღმა მიდის და მეორე დაღმა, ერთმანეთი რომ არ დაინახონ. ჩვენ, ქართველებს, სიყვარული წყნარ-წყნარ გველვიძება, ძარღვებში გვიჩდება, თანდათან გეიცხოველდება და საუკუნოდ გვიყვარს ერთმანეთით... ახალი მეცნიერები კი, თუმცა ნამდვილი მეცნიერები არ არიან, ამიტომ რომ მეცნიერებას გადამხტარან და მეცნიერება, რომლითაც თავი მოაქვთ, უკან დარჩენიან, მასხარად გვიგდებენ, რომ ჩვენ უგრძობლად ვირთავთ ერთმანეთს. უკაცრავად, ეგებ იმათი გრძობიერი სიყვარული ერთბაშად დაემჯობინოს ჩვენს უგრძობ სიყვარულსა. დიან, ხომ არ ნებავსთ! ჩვენი ჩვეულება, გარწმუნებ, სჯობია ახალ მოვლენილ ჩვეულებას“.

ეს გრძელი ამონაწერი ერთი იმ მოსაზრებით მოვიყვანეთ, რომ მკითხველს გაეცნო არდაზიანის ენა — რომ იცოდეთ ენამოტეხილი და ბრგვილი კალმები ჰქონდათ არდაზიანის თანამოკალმეებს და საზოგადოთ კერესელიძის „ცისკრელებს“, რასაკვირველია, აკაკის გარდა! მეორე მოსაზრებაც ის იყო, რომ გაგვეცნო ჩვენი ავტორის სრულიად მამაპაპური კონსერვატიული აზროვნება, რომელიც ახალ მეცნიერებასაც კი იწუნებს.

ეს აზრები რომ ქეშმარიტად არდაზიანის არის, იქედანაც ჩანს, რომ ამის საწინააღმდეგოს რომანში ვერ ნახავთ, დასადასტურებელს — კი.

— მაშ ქმარი არ გინდა? — ეკითხება მამა ალექსანდრას.

— სრულიად არ შეშურება.

— ხომ გინდა ქმარი?

— ღმერთზე არის დამოკიდებული.

— საქმარო რომ დაგიჩჩეს?

— მოგახსენებთ, ღმერთზე არის დამოკიდებული.

— ღმერთმა რო ინებოს?

— ღმერთმა რომ ინებოს და თქვენცა, სრული მორჩილი გახლავარ.

— მაინც, შენი კუქისა, ალექსანდრაჟან, შენი სურვილი როგორი არის: გინდა ქმარის შერთვა თუ არა?

— არა მსურს, მაგრამ თუ ღმერთი მამივლენს, ვისურვებ და შევირთამ!

აი იდეალური შეილი, რომელიც თავის სიყვარულს გულში იკლავს და მზადაა გაჰყვეს მშობლების მიერ ამორჩეულ საზიზღარ თე-

ინურაზს. თავისუფალი სიყვარული და გულისუფლება აქ სრულიად უარყოფილია.

არდაზიანი ყოველთვის ტაშს უკრავს ალექსანდრას ასეთი მორჩილებისა და კარგი „ყოფაქცევისათვის“.

ახლა გავიცნოთ არდაზიან-ალექსანდრას — რადიკალური აზრები ცოლ-ქმართა დამოკიდებულების შესახებ:

— საზოგადოდ მოგახსენებთ: ცოლი, ჩემის აზრით, უნდა სრულიად დაემორჩილოს ქმარსა, — უთხრა თეიმურაზმა ალექსანდრას..

— ჩემის აზრითაც, ქმარიც უნდა დაემორჩილოს ცოლსა, როგორც ცოლი ქმარსა, ამიტომ რომ თანასწორნი არიან. თუ ასე არ იქნება, ესე იგი, ან ქმარი დაიჩემებს მომეტებულ უფლებასა ცოლზე. ან ცოლი ქმარზე, მაშინ უთანხმოება და უბედურება დაიბადება მათ შორის.

— სჯულით მხოლოდ ცოლი უნდა დამორჩილდეს ქმარსა, მაშასადამე. ქმარი უფალია ცოლისა.

— დამორჩილება ცოლისა შედგება მხოლოდ იმაში, რომ ცოლმა სული და გული გაუსწოროს ქმარსა, ქმარს კი ნაბრძანები აქვს იოტის ოდენით არა აწყენიოს რა, ე. ი. იმანაც სული და გული უნდა გაუსწოროს ცოლსა, ანუ მოკლეთ, ერთმანეთი უნდა უყვარდეთ და სხე.

ერთი სიტყვით, ამ საკითხშიც სრული კონსერვატიზმის ქადაგებაა. ალექსანდრას ვითომდა რადიკალური აზრი ცოლ-ქმართა თანასწორობის შესახებ სამღვთო წერილის ახსნა-განმარტებით თავდებოდა: თუ სჯული უბრძანებს ქალს მორჩილებას, ქმარსაც ნაბრძანები აქვს (ვისგან? რასაკვირველია, ღვთისაგან), არა აწყენიოს ცოლს. ერთის სიტყვით, ცოლ-ქმარნი არიან „ერთ სულ და ერთ ხორც“.

რომანის ამ ადგილს სხვათა შორის კლერიკალური ელფერიც გადაჰკრავს. აკაკის მოგონებიდან ისიც ჩანს, რომ არდაზიანი ამ მხრივაც მაგრად მდგარა ძველ ტრადიციებზე. „ერთხელ მე, ის (არდაზიანი) და ან. ფურცელაძე დავდიოდით ერთად, — ამბობს აკაკი, — ათ საათზე გამოვეთხოვეთ ერთმანეთს, მაგრამ ლავრენტიმ მოინდომა ჩემი გაცილება სადგომამდის. გზაში; ხმა არ ამოუღია და სახლის კარებამდის რომ მიმიყვანა, მითხრა: „დიდი პატივისცემა მაქვს ახალგაზრდა ანტონის ნიჭის, მაგრამ წელან რასაც ლაპარაკობდა, ის კი არ დამიჭრა გუნებაში. აბა რა სათქმელია: ქვეყანა შემთხვევითმა მანქანებმა გააჩინაო? მაშინ იმას არა ეუთხარი რა და ახლა შენ უნდა გითხრა, უნდა გამოგიტყდეს, რომ მიტომაც წამოგყევი, როგორც მკვიდრ შვილს, გთხოვთ, შენ არ აპყვე მაგისტანებს, მოერიდე. პოეტს თუ რწმუნება არაფრისა აქვს, რა შვილი იქნება? შენც ორი რამ უნდა გახსოვდეს: ღმერთი და საქართველო!“

ერთი სიტყვით, ამჟამად, რომ არდაზიანი ერთიანად კონსერვა-

ტიული აზროვნების ადამიანი ყოფილა და მაგრად უდგას ფეხი მა-
მაპაპეულ ნიადაგზე; რომ აგრე არ იყოს, მექლანუაშვილის დაკვირ-
ვებული და სინამდვილის მცოდნე ავტორი არც ბატონყმობას აუე-
ლიდა გვერდს და არც პირველი რომანის შემდეგ, რომელშიაც უსა-
თუოდ საჭირბოროტო მოვლენა იყო დასურათხატებული, ისეთ უწ-
ყინარ თემას არ შეეხებოდა, როგორც მან აგრე სუსტად დაამუშა-
ვა „მორჩილში“.

საზოგადოდ ცნობილი ფაქტია, რომ 60-იანი წლების ჩვენი
მოდერნიზმები სულ ცოტას გამოკლებით (ან. ფურცელაძე) კონსერვა-
ტორები იყვნენ და არდაზიანიც მათი აზრის ყოფილა. ერთ რამეში
მაინც ისინი უსათუოდ რადიკალურად და ოპოზიციონურად აზროვ-
ნებდნენ და წერდნენ. ეს კი ეროვნული საკითხია, ამ მხრივ ყველა-
ნი გულდათუთქულნი იყვნენ.

ეტყობა, არდაზიანის გულიც ამ ტყვილით ყოფილა გამსჭეა-
ლული. რაინდაძე არდაზიანის კარნახით ლაპარაკობს: „მონარული
ვარ, რომ ევროპის განათლება გადმოვიდა საქართველოში, რომ ყვე-
ლა ელტვის განათლებასა. ამასთან უფრო მონარული ვარ, რომ ჩვე-
ნი ძველი დებულება და ჩვეულება, მაგალითები, ქართველი ქალის
ჩაცმა-დახურვა მცირედ ვისმე ვადუგდია. ამ მცირედის გარდა სხვანი
ამტკიცებენ, რომ იმათ აქეთ მამა-პაპის თვითმდგომარე ხასიათი,
აქეთ ამპარტავნება, დაიცვან თავიანთი საკუთარი ჩაცმა-დახურვა,
რომ ქვეყანამ ყოველთვის გვიყუროს და იცოდეს: „ჩვენც ერთხელ
ვიყავით და კიდევაც ვართ!“

ამ სიტყვებში უსათუოდ ქართველი პატრიოტის გულისწუხი-
ლი გაისმის. არდაზიანი ბერძენოვთან პოლემიკის დროსაც უსა-
თუოდ პატრიოტულ ნიადაგზე იდგა და ქართული ლიტერატურის
გასაძლიერებლად მოითხოვდა ბერძენოვისაგან, რომ ქართულად
ეწერა. ერთი მხრივ, მექლანუაშვილის ხელოვნურად დასურათხა-
ტება და, მეორე მხრივ, საქართველოს ბედის ღრმა გრძნობა, უსა-
თუოდ დაუვიწყარად ქმნის არდაზიანის მოდერნიზმს.

იოსებ დავითაშვილი

იოსებ დავითაშვილი დიდად საინტერესო მოვლენაა როგორც
ჩვენს ლიტერატურაში, ისე საზოგადოებრივ ცხოვრებაში. მის მიერ
ნაფიქრი და ნაგრძნობი მკაფიოდ ახასიათებს ქართული ცხოვრების
ერთ ფრიალ მნიშვნელოვან საფეხურს.

ის პოეტური მარგალიტები, რომლებიც წრფელის გრძნობითა
და ნათელი აზრით დააპნია მშრომელი ხალხის გულის სიღრმიდან
ამონაგლეჯმა პრიმიტივმა, ერთიათად საინტერესოდ უნდა ჩაითვა-

ლოს იმ გარემოების გამო, რომ ჩვენ აქ საქმე გვაქვს უბრალო მუშის, ყოფილი ყმის თვალსაზრისთან, რომელიც მთელ მაშინდელ ცხოვრებას თავისებურად, მუშისათვის დამახასიათებლად უდგება.

დავითაშვილის აზრები და გრძნობები იმავე დროს ჩვენი მუშათა მოძრაობის გარიჟრაჟს გვიხასიათებენ. მისი ნაზარევი აშკარად ატარებს ახლად ჩასახული მოვლენის ნიშანდობლივ თვისებებს.

ყმა-მგოსნის შემოქმედებამ ამასთანავე მტკიცე საფუძველი ჩაუყარა მთელ ლიტერატურულ მიმართულებას, რომელმაც იროდიონ ევდოშვილის მეთაურობით მე-19 საუკუნეში ასახა ქართველი მუშისა და გლეხის ყოფაცხოვრება და იდეალები.

ბოლოს, დავითაშვილი უაღრესად საინტერესო მოვლენაა, როგორც ხალხური უბრალოების მაგალითი, რომელიც აღმოსავლეთ საქართველოს მთა-ბორცვებიდან თავისებურად ეხმაურებოდა დასავლეთის კლასიკურ უბრალოებას, გრძნობისა და აზრის სიმარტივის მფლობელს — დიდ აკაკის.

დავითაშვილის პოეტური შემოქმედება ჯერ სათანადოდ არ ყოფილა დაფასებული. ჩვენი მიზანია ამ ხარვეზის ამოვსების საქმეში მცირედი წვლილის შეტანა. მაგრამ ჯერ დაეახსიათოთ ის გარემო, რომელშიც ჩვენი პოეტის ნიჭმა გაშალა ფრთები.

ოსებ დავითაშვილის პირველი ლექსი 1877 წლით არის დათარიღებული: საშინელ მატერიალურ პირობებში მცხოვრებ პოეტს მალე მოესწრაფა სიცოცხლის დღენი — მისმა ქნარმა უკანასკნელად 1887 წლის გაზაფხულზე ამოიტერა. სულ ათიოდე წელიწადი გაგრძელდა მგოსნის ლიტერატურული მოღვაწეობა, რომელშიც ისე აისახა მთელი ჩვენი საზოგადოებრივი ცხოვრება, როგორც ერთ წვეთ წყალში. ჯერ კიდევ ახალგაზრდობაში — 37 წლის ასაკში გარდაცვლილ მგოსანს ერთი წუთიც კი არ ჰქონია ისეთი, რომ ქვეყნის ჭირ-ვარაშზე არ ეფიქრა და, რომ კიდევ დასცლოდა, ექვი არ არის, მეტ კვალს დატოვებდა ქართული საზოგადოებრიობის ასპარეზზე, კვალს ორიგინალურს და, რაც მთავარია, მუშის ხელით გავლებულს. მაგრამ ამ მცირე ხნის განმავლობაშიც მან საკმაო თავისებურება გამოჩინა და მისი მოწამებრივი სახეც მიშვილდევლად მოიყურება წარსულის ხვეულებიდან.

გასული საუკუნის 80-იანი წლები დიდად მნიშვნელოვანი ხანა ქართველი ერის სოციალურ ცხოვრებაში. ამ წერტილში ჩვენი სინამდვილის მრავალი ხაზი შეუერთდა ერთიმეორეს, რის ნიჟადაზე აზროვნებაც საკმაოდ გამძაფრდა და ჩამოყალიბდა.

საზოგადოებრივი ცხოვრების თითოეულ საფეხურს ერთი მთავარი მოვლენა ახასიათებს. ეს მოვლენა მთელი ეპოქის ღერძია, დანარჩენი საკითხები კი ამ ღერძის ტრიალში აღიძვრიან.

ოთხმოციანი წლებისათვის ქართული ცხოვრების მამოძრავე-

ბელ საკითხად ბატონყმური მეურნეობის ფაქტიური დარღვევა და მშრომელი მაჯის — გლეხობის — ფეოდალურ უღლიდან თავის დაღწევის პროცესი უნდა ჩაითვალოს. მართალია, ბატონყმობა 1864 წელს გადაეარდა, მაგრამ ეს აქტი კარგა ხნის განმავლობაში ქალაღ-ზე მომხდარი ამბავი იყო და სინამდვილეში გარდასვლა ნელ-ნელა ხდებოდა. ის არ ყოფილა რევოლუციონურის ბრძოლითა და ყიყინით მონაპოვარი, არა, იგი ზევიდან იყო ნაწყალობევი და, როგორც ასეთი, აუჩქარებლივ მიჟონავდა ქვევითკენ.

ყოველივე ეს ჩვენი ეკონომიური ცხოვრების ჩამორჩენით აიხსნება. მართალია, რუსეთიდან თუ ევროპიდან ჩვენში შემოქრილი საეაქრო კაპიტალი უკვე სამოც წელიწადზე მეტს მოქმედებდა, მაგრამ მისი გავლენა ჩვენს ცხოვრებაზე ძლიერ ნაკლებად ჩანს და ფეოდალური ყოფა-ცხოვრება 70-იან წლებშიც კი თითქმის ხელუხლებელი იყო. ამიტომ ქალაქური ცხოვრებაც ნაკლებადაა განვითარებული. ჩვენი ქვეყნის მცხოვრებთა უმრავლესობა ჯერ კიდევ სოფლად ცხოვრობდა და ნატურალურ მეურნეობას ეწეოდა მემამულის მიწაწყალზე. გლეხმა არ იცოდა, რა იყო ქარხანა და ფაბრიკა, თვალითაც კი არ ენახა რკინიგზა და ძალიან ნაკლებად იცნობდა საქონლის მეურნეობას: რაც სჭირდებოდა, თითქმის ყველაფერს შინ აკეთებდა და ბაზარზე გასვლა მისთვის საჭირო არ იყო.

1864 წლის აქტმა მას, მართალია, უსაზღვრო ალტაცება მოკგვარა, მთელის არსებით იგრძნო მისი განმანადგურებელი მონობის ჯაჭვების დაგლეჯა, მაგრამ, მეორე მხრივ, უდიდესი გაურკვეველობის გრძნობაც შექმნა: საღ უნდა წასულიყო განთავისუფლებული გლეხი — ისევ სოფლად განეგრძო მუშაობა თუ ქალაქისათვის მიეშურებინა?

ეს განთავისუფლებაც რაღაც საეჭვო და გაურკვეველი იყო: მან მიიღო პირადი თავისუფლება, ხოლო ეკონომიურად ჯერ ისევ მემამულისაგან იყო დამოკიდებული, როგორც დროებით ვალდებული.

ეს გარემოებაც საკმაოდ აძლიერებდა მერყეობასა და გაუგებრობას. მაგრამ გაღის დრო და ჩვენი გლეხობაც თანდათან ერკვევა; ნელ-ნელა გრძნობს ფეხქვეშ დასაყრდნობ ნიადაგს, ჰქმნის საკუთარ მეურნეობას და თანაც შეუმჩნეველად ებმება ანალი, ქალაქური ცხოვრების პროცესში, ირღვევა ფეოდალური კარმიდამო და მის ადგილს ახალი კულტურის ცენტრი — ქალაქი იჭერს.

და ჩვენმა გლეხობამაც თანდათან იბრუნა პირი ახალი ლამპრისაკენ. ქალაქისაკენ მოხედვას მისკენ სვლაც მოწყევა და სოფლებიდანაც ბაწარაღებით მოაშურა გლეხობამ ქალაქს.

ამ ნაკადულს ჩამოყვა იოსებ დავითაშვილიც — ნაყმევი ბიჭი, უკიდურეს სიღარიბეში გაზრდილი, მშრომელი ხალხის სისხლად სისხლთაგანი და ხორცი ხორცთაგანი.

რა დანახა ქალაქში მან, განთავისუფლებულმა ყმამ და რა გავლენა მოახდინა მის სულსა და გულზე ნანახმა?

ჩვენ ვიცი, რას ამბობდნენ და როგორ მოქმედებდნენ ბატონყმობის მძვინვარების დროს არსენა ოქელაშვილები და ბლაქიაშვილები; ვიკითხოთ, რა თქვა მათმა ღვიძლმა ძმამ ბატონყმობის გადავარდნის შემდეგ ახალი ცხოვრების მიჯნაზე.

2.

შაგრამ სანამ პირდაპირ დავითაშვილის ნათქვამს გაეარჩევდეთ, ჩვენ ჯერ კიდევ სხვა საკითხებზე უნდა შევიჩერდეთ; რა მდგომარეობაში იყო ამ დროს მეორე საზოგადოებრივი კლასი — წარსული ცხოვრების მესაქე — თავადაზნაურობა?

თავადაზნაურობის ნაწილი სრული გადაგვარების გზაზე შედგა. ტყვილა კი არ თქვა 1863 წელს თავადმა ციციანოვმა: „არ შეგვიძლია არც მუშაობა, არც გუთანზე დაჯდომა, არც ვენახისა და ბოსტნის ბარვა და თოხნა, არც საქონლისა და ცხერის დვენა... ხოლო გლეხი შობილია ამგვარის მდაბიო ცხოვრებისათვისაო“. ეს სიტყვები უკლებლივ ასრულდა თავადაზნაურობის ერთ ნაწილზე, რომელმაც მოგვცა მკლავაძეები, უქმაძეები და ძმანი მათნი. მეორე ნაწილი კი შეუძინებლად ჩაება ახალი ცხოვრების ფერხულში, დაადგა შრომის გზას და შეურიგდა შექმნილ პირობებს.

ეს პროცესი აშკარად გამოსკვივის დ. კლდიაშვილის მოთხრობებში, თუმცა ოთხმოციან წლებში ამ მოვლენის დანახვა არც ისე იოლი იყო. იმ ხანებში საერთოდ ამ წოდებაში ღიღი არევე-დარევა, გაურკვეველობა იყო და მისი წარმომადგენლები მომავალსაც უიმედოდ შეჰყურებდნენ. ამ ნიადაგზე წარმოიშვა და გაღრმავდა ბრწყინვალე წოდების ფუქსაეატი ცხოვრება, ქონების ფლანგვა და ბანკებში დაგირავება და სხვ.

მოკლეთ, ძველი მიდიოდა და ახალი ძალა ეუფლებოდა ჩვენს ყოფაცხოვრებას. ვინ უნდა ყოფილიყო ეს ახალი? ბურჟუაზია და მის ურთიერთობაში აღმოცენებული პროლეტარიატი.

ეს მომენტი იყო იმ ორი კლასის განთიადი და ამიტომ მათი მოქმედება ჯერ კიდევ არ ყოფილა შესამჩნევი. განსაკუთრებით შესამჩნევი იყო ჩვენი ბურჟუაზიის სისუსტე, ბატონყმობის გადავარდნა მისი სახელით მოხდა, ფეოდალიზმის შემდეგ მისი ბატონობა უნდა დამყარებულიყო და ის კი არსად ჩანდა. ერთი სიტყვით, ახალ ცხოვრებას მეთაური არ აღმოაჩნდა და ბელადობა ისევ ძველს დარჩა, რომელსაც საზოგადო საქმეებისათვის არც უნარჩ ჰქონდა და არც მოცალეობა.

ამ ქაოსში სხვადასხვა მიზეზთა გამო ეროვნული ბურჟუაზიის

განვითარება კუს ნაბიჯით მიდიოდა წინ, სამაგიეროდ მუშათა კლას-
მა იწყო ჩქარი მოქმედება და ორიოდე ათეული წლის განმავლობაში
ეროვნული ცხოვრების მეთაურობა ბურჟუაზიის მაგიერ მის სულში
გადავიდა.

აი, ამ პროცესის ამსახველად გვევლინება ჩვენი სახალხო მგო-
სანი — დავითაშვილი, რომელმაც ჩვენს ლიტერატურაში თან შემო-
იტანა ახალი კლასის რწმენა, იმედი და თვალსაზრისი.

80-იანი წლები სოციალური ფენების აჩქარებული გადაჯგუფე-
ბის ხანაა, ამ წლებში განსაკუთრებით გამწვავდა ეროვნული საკი-
თხი, 60-იანი წლების შემდეგ აღებული რეაქციონური პოლიტიკის
ხაზი განსაკუთრებით საგრძნობი იყო განაპირა ქვეყნებში. დაუნ-
დობლად იდევნებოდა ყოველივე ეროვნული: თვითმპყრობელური
ბიუროკრატია სპობდა ენას, ისტორიულ ნაშთებს, ეროვნულ კულტუ-
რას. ამას ყველა წოდება გრძნობდა და ამნაირად სოციალური საკი-
თხების გართულებასთან ერთად ეროვნული დევნაც უდიდეს ტკი-
ვილებს იწვევდა.

აი, ჩვენი სინამდვილის გრანდიოზული სურათი, რომელსაც
თვალი გაუსწორა ჩაგრულთა ფენებიდან გამოსულმა მგოსანმა.

გარდა ობიექტური სურათისა. მას ერთგვარი იდეოლოგიური
ატმოსფეროც დახვდა. მგოსანს ამ გარემოებისათვისაც უნდა გაეწია
ანგარიში და ყოველივე თავისი თვალსაზრისით შეეფასებინა.

ამ დროს გამოდის მუშა მგოსანი, რომელსაც ხან ჩუქურთმის
საქრელი იარაღი ეპირა ხელში და ხანაც — ბასრი კალამი. ეპვი არ
არის, რომ დავითაშვილი საკმაოდ განიცდიდა თავისი დროის მწე-
რალთა როგორც ტექნიკურ, ისე იდეურ გავლენას. ის ბევრში ენა-
თესავებოდა მათ, მაგრამ ისიც ეპვეს გარეშეა, რომ მან სავსებით გა-
მოიჩინა თავისი ინდივიდუალობა და ჩვენს ლიტერატურაში ისეთი
ნაკვალევი დატოვა, რომელსაც ვერავითარ შემთხვევაში სხვისაში
ვერ აურევთ.

ჩა საკითხებს დასტორიალებდნენ თავს იმდროინდელი ჩვენი
მწერლები და მგოსნები?

მთავარი მათი საზრუნავი სოციალურ თანასწორობასთან ერთად
საქართველოს ეროვნული მდგომარეობა იყო და მთელი ყურადღე-
ბაც აქეთკენ იყო მიქცეული.

„დიდის ღმერთის საკურთხეველის
მისთვის ღვივის ცეცხლი გულში,
რომ ერისა მომედ ვიყო
კმუნეასა და სიხარულში:

ერის წყლული მაჩნდეს წყლულად,
მეწოდეს მის ტანჯვით სული,

ასე ლაღადებდა ილია ქავეკავაძე და ბანს აძლედადნენ სხეებიც. დიდი პრობლემა იყო ბატონყმობის გადაყარდნის შემდეგ შექმნილი საზოგადოებრივი ურთიერთობანი. ზრუნვა გლეხობის შესახებ. მაგრამ მთავარი ყურადღება მაინც თავადაზნაურობის ბედისკენაა მოქცეული. გლეხობა ისედაც ქანსალი წოდებაა, მისი მომავალი ნათელი და გარკვეულია, ამიტომ გლეხთა საკითხის გადაწყვეტა ურთობ იოლი საქმეა. საბრალოა თავადობა, რომელიც არც ახალი ცხოვრებისათვის ვარგა და ეროვნულის თვალსაზრისითაც მისი ჩამოქვეითება დამლუპველი იქნებაო. ასე მსჯელობდნენ „მამები“, რომელიც ზრუნავდნენ თავადაზნაურობის გადასარჩენად. ისინი სხვა ქვეყნების მაგალითებიდან ასკენიდნენ, რომ ჩვენშიც შესაძლებელი იყო კლასთა ბრძოლის იდეის გავრცელება, ეს გარემოება შიშის ზარს სცემდა მათ: ისედაც პატარა ქართველები ერთმანეთს თუ დავერიეთ, ამით გარეშე მტერი — თვითმპყრობელობა — გაიმარჯვებსო.

თუ რა გავლენას ახდენდა დავითაშვილის შემოქმედებაზე ყოველივე ეს, ამას ქვევით დავინახავთ, ახლა კი ვალაპარაკოთ თითონ მგოსანი, რომლის ლექსები ჩვენ დავაჯგუფეთ ოთხი ძირითადი თემის გარშემო. პირველ თემას დავარქვით: „მუშისა და გლეხის ყოფა-ცხოვრება და მათი მისწრაფებანი“. ეს თემა, ჩვენი აზრით, ძირითადია, ვინაიდან ჩვენი პროექტი სწორეთ ამ თვალსაზრისით უდგება სინამდვილეს და მუდამ მუშისა და გლეხის ბედი აინტერესებს. მეორე თემაც, რომელსაც ჩვენ „საერთო საგანმანათლებლო და ეროვნული მოტივები“ დავარქვით, მდებრიო ხალხისა და დემოკრატიის თვალსაზრისითაა გაშუქებული. მესამე თემად „სატრფიადლო ლექსები“ დავსახეთ, ხოლო მეოთხედ — საბავშვო.

მუშისა და გლეხის ყოფა-ცხოვრება და მათი მისწრაფებანი

ყოფილი ყმა იოსებ დავითაშვილი იმდენად გონებაფხიზელი გამოდგა, რომ ქალაქში ჩამოსვლისთანავე გაერკვა ცხოვრების სირთულეში. იგი სრულიად უსწავლელი იყო, სკოლის კარებიც კი არ ენახა, წერა-კითხვა ძლივს იცოდა: „ქვაბის მურის მონალესით“ მოუშზადეს უმწეო ყმას მელანი და დაფაც „ხარისბუქის ჰქონდა“. დიახ, ცოდნა მას არ მიუღია, მაგრამ სამაგიეროდ მისი სკოლა და გამწვრთნელი თვით სინამდვილე შეიქნა. ამ სინამდვილეზე დაკვირვებით შექენილმა ცოდნამ მალე გაუწაღდა მას გზა და ცხოვრების ამოცანაც შეაგნებინა.

„მუშა ვარ დი კიდეც ვატა,
მუშის ბედი თუ რა არის“,—ამბოშს პოეტა.

იგი ამ სიტყვებით სრულ ქეშმარიტებას ღალატებდა. თვითონ იყო მუშა, თვითონ ატარებდა მშრომელის სასტიკ უღელს და იმასაც საკუთარის თვალთ ხედავდა, რომ მისი მოძმენიც მასთან ერთად იტანჯებოდნენ.

„ის უღელში გაბჟულია
ქედმოდრეკით, როგორც ხარო,
მუდამ რეცხავს ოფლის ლეარო“—

ვეუბნება პოეტი; მან იცის, რომ

„მუშის ოფლითა ირწყვება
შინდორი, შთა და ქედია“.

ქალაქის მუშას გვერდს უმშვენებს მისი ხორცი ხორცთაგანი და სისხლი სისხლთაგანი სოფლად გლეხი.

„მთელი ერის მარჩენალი
გლებკაცია, მიწის მეშა“ —

კენესის დავითაშვილის ქნარი, რომელსაც არც ერთი ყალბი ბგერა არ აღმოხდენია.

„წლითი წლამდე გლები შრომობს,
წაუხრია მისთვის ქელი“.

მან არ იცის, რა არის მოსვენება და კეთილდღეობა:

„სახლი აქეთ მიწასთან სწორი,
შიგა ჩხის მკეარი, შეშაო,
წვებიან ბეერაქერ კილობზედ,
სხეა არ უგიათ ქვეშაო.
საბნის მაგიურად ზედ ჰბურავთ
მხედრის ნაქონი ფარაჯა,
ასე სცხოვრობენ, მერწმუნეთ,
თუ ვინმემ დაუღარაჯა“.

როგორც ქალაქის მუშა, ისე სოფლელი მშრომელი დღე და ღამ ოფლს ღერიან, წელებზე ფეხს იდგამენ, მაგრამ მათი ცხოვრება მაინც ვერ გაუმჯობესებულა და ეს იმიტომ, რომ

„ის შრომობს, სხეები ძღვბიან,
დაკარგული აქვს ბელია,
ჩასცქერება მიწასა,
მალლა ვერ აუხეღია“.

ქვეყნის მასაზრობებელს განუყრელად თანა სდევს განუზომელი სისაწყლევ და დაბეჩაუება:

„წვეული იყავ, სისაწყლევ,
სულ ამოვარდი ძირითა;
ჩვენთვის გაძვირდა ნუგეში,
სიმღერის ნაცვლად ესტირითა“.—

ქვენსის მუშათა პირით დავითაშვილი.

პოეტის ყოველი სიტყვა გულწრფელია, რადგან მან საკუთარ თავზე განიცადა სოციალური უკუღმართობა. ბატონყმობის დროს სხვისი ყმა იყო და მის ბედს ბატონი განაგებდა. არც „გლეხობის განთავისუფლებამ“ მოუტანა მას რაიმე დიდი სიკეთე. ძირითადი უსამართლობა — მშრომელის ტანჯვა და მისი არად მიჩნევა, მაინც ხელუხლებელი დარჩა, უსამართლობა მაინც არ აღმოფხვრილა:

„მე გულსა მწეავს ეს სოფელი,
ორად არის გაყოფილი:
ბედით ჩაგრულს უღვთოდ სტანჯავს
თავის ბედით კმაყოფილი.
ზოგი ხარობს და ზოგი კი
ბნელს მარხია, როგორც კური“...

აი, რა სწამლავს პოეტის სულსა და გულს, აი, რა არ ასვენებს მას. მშრომელი და მისი მარჯვენა დავითაშვილისათვის უწმიდესი რომ არის. იგი დამღერს:

„იკურთხოს თქვენი მარჯვენა,
ვინც კვერსა სკემდეთ ზინდანსა,
ვინც შრომით არჩენს ცოლ-შვილსა,
პურსა სკვამს შრომით წმინდანსა.
სახელი, პატივდიდება,
მათ ოფლსა სხვისთვის დაღვრილსა!
სიმართლე, გამარჯვებანი
მაგ თქვენსა ნაწამმართევა“.

მაგრამ ყველანი აგრე როდი აფასებენ მშრომელს, მუშას ჰყავს „წუნები“ და გლეხსაც —

„დასცინიან უგრძნობარნი,
დაზარდილები მის შრომითა“.

ამით გულდასერილი პოეტი ამბობს:

„სამღერალიც მებტირება,
დახე ჩემ შავ ბედისწერას:
უშრომლათა უკმი ძლება...“

მაგრამ მარტო ამით როდი კმაყოფილდება უქმი და უშრომელი; მას მრავლად ჩაუბლუჯავს სუსტი მოძმე და სულთამხუთავად დას-ღგომია:

„შევიყრივარ სუსტი მძლავრსა,
ერთ შეიპყრობს კატას ლომი“,—

ეუბნება თავის მტარვალს მუშა.

დავითაშვილის დროს ჩვენმა სინამდვილემ არ იცოდა პრო-ლეტარიატის შეკავშირება და საერთო ძალით ბრძოლა. ქალაქის თი-თო-ოროლა მუშა წვრილ-წვრილ სახელოსნოებში იყო გაბნეული და მისი ბრძოლაც დაქსაქსულად მიმდინარეობდა, რის გამო სუსტი და შეუძნეველი იყო. დიდი ქარხანა, ან რაიმე ფართო წარმოება მაშინ არ იყო და პროლეტარულ ძალასაც არ შეეძლო ერთად შეჯ-გუფება და ახლის შეგნებით გამოსვლა. არ იყო არც ობიექტური და არც სუბიექტური მომენტი. ამიტომაც მარტო მყოფი ყველას წინა-შე ქედს იხრის და წელშია გაწყვეტილი, ბრძოლა მას არ შეუძლია და იძულებულია ბოლშე გულშივე ჩაიკლას:

„ერთ ვაზედო, ვაგაცხადო
შე უძღურმა მძლავრსა ომი“.

— ეუბნება იგი ძლიერს და ხელგაწედილი შებრალებას ემუდარება:

„შეც კაცი ვარ, შემობრაღე,
აღარ მიდგა მკლავში ლონე“.

ჩვენი პოეტი ხედავს ამ სურათს, მას გულს უკლავს აგრე დამ-ცირებული მუშა, რომელსაც ვერ შეუგნია თავისი მდგომარეობა და ღირსება და, ერთი მხრივ, რომ მტარვალის მიმართ ზიზღით ამბობს:

„მუშა ვარ და მუშის მკლავი
ვცი და მრწამს ნაქერთხია
და ვინც მუშას კაცად არ სცნობს,
საუკრთხია, საფურთხია“.

შეორე მხრივ, მუშებს ჩასჩინებებს:

„უწყალოდ შრომობთ დღე მუდამ,
ოფლი ჩამოგდით პირსაო,
მაგრამ რა არი, — ეგ შრომა
ნაყოფი ხდება სხვისაო“.

თუ გსურთ, თავი დაადწიოთ უსაზღვრო ექსპლოატაციისა და თქვენი ნაშრომის პატრონი თქვენვე იქნეთ, შექმენით საკუთარი ამხანაგობანი, რისი საშუალებით თქვენს ნაშრომს თქვენვე გაასა-ღებთ და თქვენი ხსნაც მხოლოდ ამაშიაო.

„თუ რომ ეცდებით, გამართათ,
მხოლოდ დაგხსნის ისაო,
თუ არ გამართათ, იცოდეთ,
უფრო ჩასცივით ჳირსაო“.

პოეტმა იცის, რომ ასეთი საქმეების მოსაწყობად საჭიროა მუშის შეგნება, სწავლა და განვითარება. ვერც ქალაქის მუშა და ვერც გლეხი ისე თავს ვერ დააღწევს თავის მძიმე პირობებს, თუ საკუთარი მდგომარეობის შეგნებით არ შეიარაღებულია. ამიტომ არის, რომ დავითაშვილი თითქმის ყოველ ლექსში სწავლა-განათლებლაზე ლაპარაკობს და წიგნისაკენ უთითებს; გულუბრყვილოდ უჩვენებს ამერიკისა და იაპონიის მაგალითებზე და ასე ცდილობს, დააინტერესოს ჩვენი მუშები.

„მე კარგა რასმე ავირჩეე,
მიღება შენზე ჳილია.
სწავლა ბნელის ფარანი,
სწავლა ცხოვრების ხილია.“

ეცადე, სწავლა მიიღო,
იგი ცხოვრების ხილია,
მაშინ გეშველოს, ძირს დასდო,
ეხლა რომ ტვირთი ჳილია“.—

ასე არწმუნებს მუშებს იოსებ დავითაშვილი.

„მებრალვი, მუშავ, საწყალო,
ტვირთი რომ გაწევს დილია;
ეცადე, უქმი დატვირთო,
იქმარე, რაც რომ ჳილია“.—

ურჩევს მგოსანი თავისიანებს.

დავითაშვილი ჩვენი მუშათა მოძრაობის პირველი მერცხალია. მართალია, იგი ცხოვრების უმდაბლეს საფეხურზე იდგა, მაგრამ მისი შეგნება მოწინავე მოაზროვნეთა გვერდით იკაფავდა გზას; იგი გაცნობილი იყო სოციალიზმის იდეას და აქედან გამოელოდა მუშებისა და გლეხების დახსნას. მუშათა ამხანაგობების შექმნის აზრით და შულცე-დელიჩის იდეებით რომ იყო გაერთიანებული, ეს, როგორც მისი ბიოგრაფიიდან ვიცით, უტყუარი ფაქტია. უნდა ვიფიქროთ, რომ ამ უკანასკნელი ლექსის ბოლო სიტყვები: „ეცადე უქმი, დატვირთო“ შრომის სუფევას — სოციალიზმს უნდა გულისხმობდეს, როდესაც ყოველი ადამიანი შრომაში იქნება ჩაბმული.

იმ წერილიდან, რომელიც ჩვენს მგოსანს მიუწერია სოფრომ მაგლობლიშვილისათვის და, რომელიც ჩვენს გამოცემაშია მოთავსებული. აშკარად ჩანს, რომ დავითაშვილი ამ ხალხოსანი მწერლის ახ-

ლო მეგობარს ყოფილა. ცნობილია, რომ მგალობლიშვილი ერთი იმთავადანი იყო, ვინც მშ-იან წლებში საქართველოში ერთგულად ავრცელებდა ნაროდნიკული სოციალიზმის მოძღვრებას! ეკვი არ არის, რომ მუშა-მგოსანს მგალობლიშვილის მოღვაწეობის ეს მხარე ეცოდინებოდა.

გარდა ამისა, ჩვენ გვაქვს ამის შესახებ ერთი საყურადღებო მოწმობაც. გასული წლის ზაფხულში ჩვენ სპეციალურად მიემართეთ ძველ მუშას — მიხა ჩოდრიშვილს, გაეზიარებინა ჩვენთვის თავისი მოგონებანი დავითაშვილის შესახებ; მანაც რაღღენ კალამის თანდასწრებით, სხვათა შორის, მიაგზო, რომ 75-77 წლებში თბილისში არსებობდა მუშათა ფარული წრე, რომელშიაც შედიოდნენ გოლა ჩიტაძე, ისიდორე რამიშვილი, მოსეშვილი და სხვ. მათ შორის იყო იოსებ დავითაშვილიც, რომელიც გატაცებული იყო სოციალიზმის იდეითო. ეს მოწმობა ნათელჰყოფს ფილიპე მახარაძის მოგონებების შემდეგ ადგილს: ჩვენ არ ვიცით, იღებდა თუ არა დავითაშვილი ამ წრეში მონაწილეობასო. ეკვი არ არის, რომ ამ წრეში დავითაშვილიც ყოფილა, მით უმეტეს, საფიქრალია, რომ იგი დიდი მეგობარი იყო ზ. ჰიჭინაძის, რომელიც მაშინდელ სოციალისტებს მუშებთან აახლოვებდა.

დავითაშვილი, მართალია, იცნობდა სოციალიზმის მოძღვრებას, მაგრამ ეს სოციალიზმი უტოპიური ხასიათის იყო და მუშათა კლასის ხსნას მეთაურებისა და კეთილი გულის ადამიანებისაგან გამოელოდა. მართალია, ჩვენი პოეტი ხშირად მოუწოდებს მუშებს თვითმოქმედებისა და საკუთარი ორგანიზაციების შექმნისაკენ, მაგრამ იგი მაინც დიდ იმედებს ამყარებდა ადამიანების გულკეთილობაზე:

„მაგრამ ვინ გვიხსნის ტანჯულებს
და ვინ გავვიხსნას გონება,
რომ არვინ ცდილობს დააბზოს
საწყალი მუშის მონება“.

ასე მიმართავს მგოსანი ერთ ლექსში პოეტებს და განაგრძობს:

„რასაც თქვენ გვირჩევთ, იმას ვიქმთ,
ასრულდეს თქვენი ნებაო,
ჩვენც თან მიყვებით ჩანჩალით,
ვინც კი წინ წავგიძღვებო“.

დავითაშვილის პოეზიას კიდევ ორი მომენტი ახასიათებს: ერთი არის რელიგიური გრძნობა და მეორე კლასთა ბრძოლის შეგნების მხრივ მერყეობა, სოციალური ჰარმონიისკენ მისწრაფება.

მუშა მგოსანი ძალიან ხშირად იგონებს ღმერთს და მისი დახმ-

რებით ცდილობს თავისი წყლულები დაამებას. მის მიერ დახატული მუშა ნათლად გრძნობს თავის საშინელ მდგომარეობას, მაგრამ—

„შრომობს მუშა, თანც ღლინებს,
აგონდება მაცხოვარი...
აგონდება და მხნეულება,
პირჯვრის წერით შრომას აგრძობს,
და ვინც უშრომლადა ჰყლაპავს,
იმათ მტრობას მაინც არ გრძნობს.

მუშა რომ ვარ, მისთვის ვიცი
მუშის გულის პასუხები;
ღმერთმა მუშებს გაუმარჯოს,
უკმ მყლაპელებს აო ვეხები“.

ამ ლექსში ორივე მოტივია: როგორც რელიგიური, ისე შემარტებული. ასეთი ლექსები კი ბლომად მოეპოვება პოეტს. ღვთის ხსენება და მასზე რაიმე იმედების დამყარება დღევანდელ მუშას სასაცილოდაც არ ეყოფა, მაგრამ მუშათა მოძრაობის გარიყრაეზე ეს ასე არ იყო.

რაც შეეხება კლასთა შორის შემარტებულ ტონს, ესეც ერთობ დამახასიათებელი მოვლენაა ახლად ჩასახულ მუშათა მოძრაობისათვის. ამ დროის მუშა, ერთი მხრივ, გრძნობს თავის უმწეო მდგომარეობას, მაგრამ იგი ჯერ კიდევ ან უტოპიური სოციალიზმის გავლენის ქვეშაა და კეთილი ადამიანების გულჩვილობა სჯერა, ანდა ანარქიზმის ბრკეალებში ვარდება:

„გამრავლოს ყველა მუშებო
გიორგო, თუნდა ილია,
რომ დაუნაყოთ ჩვენს მტრებსა
ქვალი გეხედეს, თუნდა რბილია“.

ასეთი არის იოსებ დავითაშვილის მიერ დასურათებული მუშა და გლეხი და მათი სულისკვეთება. მართალია, არც ერთ მათგანს მომავალი თავისი ბედი ნათლად არა აქვს გათვალისწინებული, მაგრამ ის კი აშკარაა, რომ ორივე ეს ძალა აშკარად გრძნობს ახალი ცხოვრების განთიადს და სწამს, რომ მომავალ ვითარებაში მას უსათუოდ მოუხდება აქტიური როლის თამაში; აღტაცებულია მონობის ერთი ჭაჭვის — ბატონყმობის დამხობით და ახალი ენერგიით იწყებს მშრომელი ხალხის მეთაურობის საქმეს, იძენს სწავლა-აღზრდას, ამხანაგობებისა და კავშირების შექმნით საკუთარ ფეხზე აპირებს დადგომას და გაშლილი გულით გაიძახის:

„გასწო, წადი, შენ, წყვილიადო,
მზევ, ამოდი, გამობრწყინდი,

განათე ყოველ მხარეს,
სიბნელეს ნუ შეუშინდი!...
შეგვახვედრე კვლავაც მარჯვეთ,
გვითხარ: გმირო, თუ შეშინდი?
მომავლო გაზაფხულო,
მოდე მალე, ნუ შეშინდი!

ამ სიტყვებში ჩამარხულია ახალი სოციალური კლასის რწმენა და იმედინობა. მას ღრმად სწამს უკეთესი მერმისი და ოპტიმისტურად მღერის:

„ღრო მოვა, წავა, გაივლის
ეს ღრო, ვით ცივი ზამთარი“

ასეთნაირად დაახასიათა მუშათა წრეებიდანვე გამოსულმა მგონანმა ჩვენი მუშათა მოძრაობის ფეხის აღგმის ხანა. მის შემოქმედებაში მოცემულია სურათები, რომლებიც ახალჩასახულ პროლეტარულ მოძრაობას ახასიათებს.

ჩვენი პოეტის გრძნობიერი არსება გულის სიღრმემდე გრძნობს არსებული უკულმართობის ლოდისებურ დაწოლას და სულ იმაზე ოცნებობს, თუ როდის ეღირსება შევებით ამოსუნთქვა:

„და ოცე წლიდამ ათი გამხდარა,
ღროსა ბედნიერს გულით მოველი,
რომ ყველამ ძმურად, ხელმამაცურად
სწავლა მივიღოთ გულის ნათელი“.

და ასე დაასკვნის:

„და ჩემმა გულმა, აწ დაჩაგრულმა,
მაშინ თქვას: დადგა ახალი წელი,
როცა რომ ბნელსა, ამ საძაგელსა,
ნათელმა სძლიოს, განათლდეს ველი“.

ნახეთ, როგორი გულწრფელობით გოდებს დავითაშვილი მუშა ხალხის ბედზე:

„ეიტანეები, მუდამ მიმფოთავს გული,
მომძეს ვხედავ — რათ არიან დაჩაგრული?
უწუხებარ, ეშფოთავ, იქნების შივით პურა“.
ვის მიმართოს, ან სადა აქვს სადგური?
ამას ეფიქრობ, თავზე მებევეა ბური,
გონება მაქვს ამისთვის დაკარგული;
ვერვინა გრძნობს, რომ გაიცინოს ეს გული,
ჩემ გულძგერას ეინემ დაუგდოს ყური...“

ასე მართალი ხმით მხოლოდ ქეშმარიტად დატანჯულს შეეძლო ეუღერა.

„ეჰ გაეჩუმდე, ისევ ასტირდა გული,
მშრომლისათვის დამწეარო, დადაგული“. —

ამოიგმინებს მუშა-პოეტი.

დავითაშვილს იმედი აქვს, რომ გაიმარჯვებს მუშათა კლასის რევოლუციონური მოძრაობა.

„ერთი მერცხლის შემოფრენას,
თან მიჰყვება მეორეცა...
გაგვათბობს და გაგვინათებს
გახაფხულის მზისა სხივი,
მოგვშორდება ბნელ-უკუნო
ეს დრო ცუდი, ეს დრო ცივი.“

აი, რისთვის არის ჩვენთვის ძვირფასი დავითაშვილი და მისი პოეტური შემოქმედება.

საერთო საგანგანათლავლო და პროვინული მოტივები

იოსებ დავითაშვილი უბრალო მეჩუქურთმის სახელოსნოდან მთელ ქართულ ცხოვრებას ათვალეირებდა და თავისებურად ასახავდა.

როგორც უკვე ვნახეთ, დავითაშვილი არ ყოფილა მუშისა და გლეხის ყოფა-ცხოვრების მარტო ფოტოგრაფიულად ამსახველი; არა, მას თავისებური მხატვრული აზროვნებაც ჰქონდა და მომავლის პერსპექტივებიც თავისებურად ეხატებოდა. იგი მუშისა და გლეხის ბედს საერთო ეროვნული ცხოვრების პროცესში იხილავდა, მას ყოველწამს თვალწინ ედგა ის დამოკიდებულება, რომელიც არსებობდა ერის მშრომელ ნაწილსა და დანარჩენ საზოგადოებრივ ჯგუფებს შორის.

დავითაშვილის დროს დიდი გონებრივი მოძრაობა იყო. როგორც უკვე აღვნიშნეთ, გამოჩენილი ქართველი მწერლები და საზოგადო მოღვაწეები ამ დროს დევგმირულად იდგნენ ბრძოლის ველზე და თითოეული მათგანი საკუთარ სიტყვას ამბობდა ჩვენი ეროვნული ცხოვრების მოსაწესრიგებლად. სოციალურ საკითხებში რაც უნდა კონსერვატორობა ყოფილიყო, — ასეთი მოძრაობა საქართველოში რევოლუციონურ ატმოსფეროს ჰქმნიდა.

ღიახ, ასეთი იყო საერთო აზროვნების ელფერი. მაგრამ ისიც აშკარაა, რომ ქართველი ერის დამხსნელად ჯერ კიდევ ძველი ძალა — თავადაზნაურობა — იყო აღიარებული. მართალია, არც ერის

ქვედა ფენები ყოფილა უარყოფილი, მაგრამ სამეთაუროდ მას მაინც არავინ სახავდა. უკეთეს შემთხვევაში იქითკენ მოუწოდებდნენ, რომ მაღალ წოდებასთან ერთად შრომა და „ჩატეხილი ხიდი“ გაემართლებინა.

ეროვნული ცხოვრების მეთაური და გზის მაჩვენებელი უსათუოდ თავადაზნაურობა უნდა ყოფილიყო, მის ყოფაქცევაზე მთელი ერის ბედი იყო დამოკიდებული. ამ წოდების აწმყო არც ისე მიმზიდველი იყო. ის კი არა, იგი დაღუპვისაკენაც კი მიექანებოდა თათქარიძეების წინამძღოლობით.

სულ სხვა თელასაზრისზე იდგა იოსებ დავითაშვილი, რომელსაც, მართალია, ბრწყინვალე წოდება რევოლუციონერად არ უარუყვია, მაგრამ გლეხობისა და მუშების წინ წამოყენებით, მან ქართული ერის მხსნელად მუშა და გლეხი დასახა.

აქვე უნდა ითქვას, რომ გლეხურ-დემოკრატიული იდეები იმ ხანაში მარტო დავითაშვილის თემას არ შეადგენდა, მას უსათუოდ ჰყავდნენ წინამორბედნიც და თანამედროვენიც — ჯერ კონქაძისა, მერე კი ხალხოსნური ჯგუფის წარმომადგენელთა სახით (რ. ერისთავი, ს. მგალობლიშვილი, ნ. ლომოური, ა. ფურცელაძე და ეკ. გაბაშვილი). ეს მწერლები უსათუოდ დიდ გავლენას ახდენდნენ მუშა მგოსანზე. დავითაშვილი ბოლომდის უცვლელად იდგა თავის პოზიციაზე და საკუთარ სისხლში ამონაწები კალმით უტყუარად გვამცნევდა თავის მოძმეთა ტანჯვა-ვაებას.

როგორ უდგებოდა იგი ქართულ ეროვნულ ცხოვრებას? სალიტერატურო ასპარეზზე გამოსვლისთანავე მან თქვა:

„სამშობლოს სიყვარულმა
ამიმღლეა გული,
განმაშხნევ-განმიმტკიცა
სული დაობლებული.
კაცი არსად მოვკალა;
არსად რა მოვიპარე;
რაც რომ შრომით მოვიგე,
მით მოძმეც გაეახარე.
მათი გადანარჩენი
სწავლაზე მოვიხმარე;
გარყენილი კაცის ქცევა
ახლოს არ მივიკარე.
სადაც ცუდ საქმეს შეეხვდა,
ავდექ და გავიპარე;
დაეჭექ, წიგნი ვიკითხე,
მით გული გავიხარე.
გაზეთი და წიგნები
მუდამ ჩიბით ეტარე
და იმათ შემაყვარეს
ჩემი სამშობლო მხარე...“

აწ კი დაეალ ნაღვლითა:
 აღარ მინათებს მთვარე,
 წყვილიაღით მოცულია
 ეს ჩემი არემარე.
 მაგრამ ვით შენ, არ ემიშობ,
 ვიცი — გამოვა მთვარე,
 და კვლად განათლდება
 ეს ჩემი ბნელი მხარე.
 ამ ნატვრამ თუ მიბტყუნა,
 სიცოცხლე დამრჩეს მწარე,
 არ დაგნანდე, მშობელო,
 ვასკლდი, მიწაე, დამთარე!"

ამ უბრალოებით აღსავსე ლექსში, რომელიც ჩვენ განგებ
 მთლიანად მოვიყვანეთ, დავითაშვილის აზროვნების ყოველი მხარეა
 მოცემული, ან შაბლონურად რომ ვსთქვათ, მთელი პროგრამაა და-
 ხატული.

პოეტს უყვარს თავისი ქვეყანა სრულიად ბუნებრივი სიყვარუ-
 ლით, ის ერთი წუთითაც კი არ ფიქრობს იმანე, რომ სხვა ერები
 დაჩაგროს ან შეიძულოს, მის პატრიოტიზმში შოვინიზმის ნატამა-
 ლიც კი არ არის. აიღეთ გულუბრყვილო ბავშვი, რომელსაც მთელი
 თავის არსებით უყვარს თავისი დედა, მაგრამ ამავე დროს მან
 ისიც იცის, რომ სხვა ბავშვსაც „თავისი დედა უყვარს“, რომლი-
 სადმი სიყვარული სრულიად ბუნებრივად მიაჩნია. მას არა თუ არ
 სძულს სხვა ბავშვის დედა, არამედ უმანკო არსებას წმინდა გულით
 შეებრალებოდა. ის ბავშვი, რომელსაც დედა არ ჰყავს და ობოლია.

ასეთი არის დავითაშვილის სიყვარული სამშობლოსადმი. მას
 მთელის არსებით უყვარს თავისი სამშობლო; დეე, სხვა ერის შვილ-
 საც ეს გრძნობა უნათებდეს გზას, იოსებისათვის ეს სრულიად ბუ-
 ნებრივი მოვლენაა. „მეც ვიცოცხლო და იმანაც, ორივენი დავეტე-
 ვით ამ ქვეყნად“ — აი მისი უზადო პატრიოტიზმის დედააზრი.

ეს წმინდა მუშური შეხედულობაა, რომელშიც აშკარად გამოს-
 კვივის უდიდესი ინტერნაციონალიზმი.

მუშებისათვის სამშობლო არსებობს უპირველეს ყოვლისა,
 როგორც ისეთი ადგილი, სადაც მას აღამიანურ პირობებში შეუძლია
 არსებობა და განვითარება. მეორე მხრივ სამშობლო მისთვის
 კულტურული მოვლენაა, სადაც იგი მისთვის გასაგებ პირობებში
 მშობლიურ ენაზე იძენს მეცნიერულ ცოდნას, ითვისებს კულტურ-
 რას და თავისუფლად შლის თავის შემოქმედებას ცხოვრების მო-
 საწესრიგებლად. ამისათვისაა, რომ იგი მუდამ წიგნის კითხვისა და
 სწავლის საჭიროებაზე ღაღადებს. ესაა მისი განუშორებელი იდეა:

„ვეცადოთ, მარჯვეთ ვიხმაროთ
 ქალაღი, მელან-კალაში,

მჩაგვრელთა მხარი ვუქცაოთ,
ჩაგვრელთა მიეცეთ სალამი.
სწავლისა, განათლებისა,
აემართოთ დროშა-ალამი;
მამულის შორთვის შევედგეთ,
განვაგდოთ გულის ვარამი*.

ახსნას საჭიროებს ის ფაქტი, რომ დავითაშვილი თავის ლექსებში აგრე ხშირად ახსენებს სამშობლოს და სწუხს მისი მდგომარეობის გამო. რამ დაისრა მუშის გული აგრე განუკურნებლად?

თვითმპყრობელი მთავრობის ძალადობა იმდენად ძლიერი იყო, რომ ერის ყველა ნაწილი გრძნობდა მის სიტლანქეს. ამ გრძნობის გარეშე არც დავითაშვილს შეეძლო დამდგარიყო: იგი უადრესად სოციალური არსება იყო და ქვეყნის ჭირვარაში მასაც უნდა ეგრძნო.

„სამშობლო, ჩემო ლამაზო,
ზურმუხტო ანუ აღმასო,
ვიდრე შენს ზურგზე დავდივარ,
გთხოვ, მწარე რაშე არ მასო.
მშვენიერი გაქვს ბუნება,
სხეებიც ამბობენ ამასო,
მაგ შენმა დაღონებამა
გული დარღებით აღავსო“.

დავითაშვილი საფლავის კარამდე ცხოვრების გერად დარჩა; მას ისეთნაირად ენატრებოდა ლუკმა პური, როგორც ბატონის ხელში ყოფნის დროს. მისი შემოქმედებაც არ შეუფასებია საზოგადოებას სათანადოდ. ი. დავითაშვილის ქნარის უღერა მხოლოდ საინტერესოდ მიაჩნდათ. საყურადღებოა, რომ აკაკი წერეთელი ეკიდებოდა მას ინტერესით და შეძლებისდაგვარად გზას უკაფავდა, მაგრამ პოეტმა მიანიც თავი ვერ დააღწია უკიდურეს სიღარიბეს.

აღსანიშნავია, რომ ი. დავითაშვილი არ კმაყოფილდება მარტო ლექსების წერით და ცდილობს თავისი ბექდვითი ორგანოც კი გაიჩინოს. მაგ., გამოსცა ხელნაწერი გაზეთი „ყვირილა“, მის არქივში ჩვენ აღმოვაჩინეთ მეორე მისი გაზეთი „შიკრიკი“, რომლის ფასი, როგორც პოეტის ხელით არის აღნიშნული, „ძმობა და სიყვარულია...“

პოეტმა სამშობლოს სიყვარულში ინტერნაციონალური გრძნობა ჩაღო და თანაც მშრომელთა განათლების პროპაგანდას ეწეოდა:

სატრფიალო და საგავაგო ლეკსები

დავითაშვილმა რამდენიმე ლექსი სიყვარულის გრძნობას მიუძღვნა. თუმცა, მართალი რომ ვთქვათ, მის პირობებში მყოფი ადა-
5. ვ. ხუროძე

მიანისათვის, ეს გრძნობა ფუფუნება იყო. აბა, სად სასიყვარულო
პანგები და სად ლუკმა პურისათვის დაუსრულებელი წანწალი.

მაგრამ ბუნება თავის სისრულეს ითხოვდა და დავითაშვილმაც
რამდენიმე სატრფიალო ლექსი დაგვიტოვა. ამ ლექსებში თავიდან
ბოლომდე ხორციელი სიყვარულის გრძნობაა.

„ლაპაზო, შენი ტკბილი ხმა
მღაგავს, როს მესმის ყურითა,
და მუდამ მათრობს ეშხითა,
ვით ღვინით ატენურითა“.

გალობს მგოსანი, როდესაც ასე ენატრება „ნინას თეთრ მკერ-
დში ჩაკონება“ და შიშს გვრიან „გიშრის თვალეში“...

უნდა ითქვას, რომ ამ თემაზე დაწერილ ლექსებში ჩვენს პოეტს
არაფერი ორიგინალობა არ გამოუჩენია. სამაგიეროდ, მან თვალსა-
ჩინო კვალი დასტოვა საბავშვო ლიტერატურაში. ვინ არ იცის მისი
პოეზიის მარგალიტი:

„იზარდე, მწვანე ქეჩილო,
დაპურდი, გახდი ყანაო,
იურთხოს იმის მარჯვენა,
ვინც გთესა, მოგიყვანაო“.

საბავშვო ქმნილებას უნდა ახასიათებდეს თემის სიმარტივე, ენის
დახვეწილობა და მხატვრული სისადავე. სამივე ეს თვისება დამა-
ხასიათებელია ი. დავითაშვილის ლექსებისათვის. ხალხური თვალ-
საზრისი და ასეთივე გამოთქმის საშუალებანი ი. დავითაშვილის
ლექსებს საბავშვო პოეზიის კუთვნილებად აქცევენ. ბუნების აღ-
წერანი, იდილიური სურათები გლახთა ცხოვრებიდან და სხვ. შესა-
ნიშნავი ხელოვნებით აქვს დავითაშვილს გადმოცემული. მას მთელი
არსებით უყვარდა ბავშვები და ერთხელ განზრახულიც კი ჰქონდა
პატარა წიგნაკი „ლალა“ (ღიღა) გამოეცა მათთვის.

თავისი სანუკვარი იღვის — სწავლის საჭიროების ქადაგე-
ბის ასპარეზად მას ბუნებრივად ბავშვებიც უნდა მიეჩნია და ამი-
ტომ ურჩევს მათ:

„ეცადე, წიგნი ისწავლო,
გირჩეე გულითა ლალო,
რომ წიგნის ცოდნით გაიკნო
ქვეყნის ხარჯი და ლალო“.

შეორე ადგილას:

„შრომისა შვილო, გლახო პატარა,
ისწავლე წიგნი, ეცადე ჩქარა.
შემდეგ წიგნისა — თოხნა და ბარვა,
არა სხეასავით ხევკა და პარვა“.

დავითაშვილი თავისი მომხიბლავი უბრალოებითა და ხალხური, სადა კილოთი ბუნებრივ პედაგოგად გვევლინება. მისი ლექსების ფორმა ისე მსუბუქია და შინაარსით ნათელი, რომ ბევრი მათგანი საყმაწვილოდ გამოდგება. მაგრამ ჩვენ მაინც უფრო მარტივები და სპეციალურად ბავშვებისათვის დაწერილი გამოვყავით. ქართულ საბავშვო ლიტერატურას რამდენიმე საყვარელი ავტორი ჰყავს, იოსებ დავითაშვილსაც მათ შორის უსათუოდ საპატიო ადგილი უჭირვს.

ასეთი არის დავითაშვილის შემოქმედების საერთო სახე.

რა გავლენა ჰქონდა მის შემოქმედებაზე თანადროულ მოღვაწეებსა და გაბატონებულ აზროვნებას?

აკაკი წერეთელი დავითაშვილს პირდაპირ უწოდებს ოსტატსა და აღმზრდელს. მართლაც, აკაკის ლექსის სიმსუბუქემ უდიდესი გამოძახილი ჰპოვა, დიდი მგოსნის ჩანგის ჯღერამ ქართლელი გლეხის არსებაში მუსიკალური ჰანგები ააღღრა. ამბობენ: აკაკი იმერული კილოკავის სიმარტივის მატარებელია, ხოლო აღმოსავლეთ საქართველოს ენის ბუნება ილიამ გადმოგვცაო. თუ ადამიანში პოეტური ცეცხლი ანთია, ის თურმე, ერთნაირი მუსიკალობითა და სიმარტივით გამოსთქვამს თავის აზრსა და გრძნობას, სულ ერთია ქართლელია თუ იმერელი. ილიას ენის სიმდიდრე, უპირველეს ყოვლისა, მის ინდივიდუალურ პოეტურ თვისებებს მიეწერება.

აზრების მხრივაც დიდ გავლენას ახდენდა აკაკი ჩვენს მუშა პოეტზე, ასეც უნდა ყოფილიყო, ვინაიდან თავისი დროის მოღვაწეებთან შედარებით, აკაკი ყველაზე უფრო დემოკრატიული იყო და მისი გლეხური ლექსები ფართოდ იყო გავრცელებული ხალხში. სამშობლოს სიყვარულის გრძნობაც დიდ გამოხმაურებას ჰპოვებდა დავითაშვილში, რომელიც სრულებით არ იყო აკაკის ბრმა მიმდევარი და თავის საკუთარ ფიზიონომიას ატარებს, როგორც ეს ზევით ვნახეთ.

აკაკის გარდა, როგორც უკვე გვქონდა აღნიშნული ი. დავითაშვილი განიცდიდა ხალხოსნების გავლენასაც, მაგრამ, ისიც უნდა ითქვას, რომ იგი გლეხისა და მუშის ჩაგრულ ცხოვრებას უშუალოდ, ობიექტურად, თავისებურად გვიხატავდა.

დასასრულ, ასეთ კითხვებზე ვუპასუხოთ: რას წარმოადგენს ი. დავითაშვილის პოეზია — უბრალო ხალხური შაირებია, თუ რაიმე ხელოვნურ ღირებულებას შეიცავს? ღირს თუ არა იმად, რომ სერიოზულმა კრიტიკამ ყურადღება მიაქციოს მას და თავის ყურადღების საგნად გახადოს?

ყოველი შემომქმედი საინტერესოა იმდენად, თუ რა თქვა მან, როგორ თქვა და როდის?

ჩვენ უკვე გავეცანით ი. დავითაშვილის შემოქმედებას და დავ-

რწმუნდით, რომ მის მიერ წარმოთქმული აზრები მისი დროის მოწინავე იდეებია და თანაც ცხოვრების ახალ, სხვისაგან ხელუხლებელ მხარეს გვიშლიან თვალწინ. ლევ ტოლსტოი ამბობდა: მე მწერალს მხოლოდ მაშინ ვიცნობ მწერლად თუ იგი ცხოვრების ახალ კუნძულს მაჩვენებს და თანაც გულწრფელიაო. ვერაინ ვერ იტყვის, რომ ი. დავითაშვილი ამ მოთხოვნებიებს ვერ აკმაყოფილებსო, პირიქით, ის უაღრესად გულწრფელი შემოქმედია და მისი თვალსაზრისიც ორიგინალურია.

მაგრამ მართო ეგ როდია საკმარისი. საქმე ისაა, თუ როგორი ხელოვნურობით ვაღმოგვეცემს იგი თავის აზრებს. შეიძლება ადამიანს მრავლად მოეპოვებოდეს ცხოვრებისათვის სასარგებლო აზრები, მაგრამ მათი გამოთქმა კი არ შეიძლოს ხელოვნურად და არ ჰქონდეს მხატვრულად თქმის ნიჭი.

ი. დავითაშვილს პოეტური ნიჭი აქვს, ამას ყოველი მისი ლექსის წაკითხვიდან იგრძნობთ. ცოცხალი და მკაფიო სურათი, სიტყვის უაღრესი ეკონომია და აზრის იშვიათი სიმარტივე, — აი მისი ლექსების მთავარი ღირსება — არსად რიტორიკა, არსად სიყალბე და ძალდატანება. მას კარგად ეხერხება ყოფა-ცხოვრების სურათის ერთი კალმის მოსმით დახატვა. ისე სულიერი განცდების უკანასკნელის ნიმუშად მოვიყვანთ ერთ პატარა, ჯერ დაუბეჭდავ ლექსს:

„მიზნულდება ვარსკვლავები და მთვარე,
ძარღვი სუსტობს, სიკვდილი მელის მწარე,
თქვენ იოცხლეთ, ძმებო, თქვენ გაიხარეთ,
მე დამმარხეთ, გულს მიწა დამაყარეთ,
თქვენი მოძმე მოკვადე, უბედურია,
მიწად ვიქცე მიწად მოღებულა...
სული მხდება, ველარ დამიჭერია,
ისიც უწნო ჯკრთება პირისფერა“.

რამდენი წრფელი გრძნობა და სიმარტივეა ამ ლექსში ჩაქსოვილი, თანაც როგორი ხალხური მიდგომაა მოახლოებული სიკვდილის საშინელებისადმი.

დავითაშვილი ინსტინქტურად გრძნობდა, რომ ჭეშმარიტი ხელოვანი ხალხის სულსა და გულს უნდა ეხებოდეს, მისი გრძნობა და ფიქრი ხალხისაზე უნდა იყოს გადაჯაჭვული; ამ გრძნობით გაელენთილი იგი შემოქმედების ფორმითაც ხალხს უახლოვდება და თავის თავს ყველგან მესტვირეს — ამ ხალხის ჭირ-ვარამზე, სევდით მომღერალს ადარებს. მისი ლექსების ფორმა ისე უბრალო და ყველასათვის გასაგებია, რომ სწორეთ სტვირზე დასამღერია, რომელთა ჰანგი ყველას მოხიბლავს.

ამიტომ არის, რომ ქართული პოეზიის უბრალოების ქურუმნი დავით გურამიშვილი და აკაკი ასე ძლიერ უყვარს მას. ი. და-

ვიტაშვილის პოეზიის ისტორიული მნიშვნელობაც ყოველგვარ ეჭვს გარეშეა: იგი ჩვენი პირველი პროლეტარული პოეტია, რომელმაც მუშათა მოძრაობის განთიადზე ააქლერა თავისი ქნარი და ჩვენს გულშიც პირველად აათამაშა საერთო სოლიდარობისა და კოლექტიურად გამოსვლის გრძნობა. მისი სიკედლის გამო ტფილისის ასმა მუშამ „ივერიის“ საშუალებით თავისი წუხილი გამოთქვა; ასე მოიმოქმედეს თელავისა და გორის მუშებმაც.

ეს ფაქტი ისტორიული მნიშვნელობისაა. საქართველოს მუშათა კლასს და მის მეისტორიეს ამ მოვლენის დავიწყება არავითარ შემთხვევაში არ შეუძლია. ჯერ კიდევ შეუკავშირებელმა და პატარა-პატარა სახელოსნოებში გამომწყვდეულმა ქართველმა მუშებმა თავი დახარეს იმ ხელოვნის წინაშე, რომელმაც მომავალი ბრძოლების სიმღერები ჩააწვეთა ყურში. ისინი მოწინავე მებრძოლებს რაზმავდნენ. რა ლამაზი და წარმტაცი ფაქტია: მუშა პოეტის ქნარის ეღერა რაზმავს ქვეყნიერების გარდამქმნელთა მოწინავე რაზმებს! ქეშმარიტად ნათელია პოეზიის გავლენა!

დასასრულ, ერთი გარემოება კიდევ უნდა აღინიშნოს. დავითაშვილისებური მოტივები უკვე პირველი რევოლუციის გარიჟრაჟზე დაეუფლა ჩვენს ლიტერატურას და დღესაც გვესმის პროლეტარული პოეტების ქნარით.

„ჩვენ ყველანი გოგოლის შინელიდან გამოვქვეყრითო“, — ამბობდა ერთ ღროს რუსეთის მწერალთა ერთი ჯგუფი. ასეთივე სიტყვები შეუძლიათ თქვან ჩვენში იმ პოეტებმა, რომელნიც მუშათა ბედს და იდეალებს გამოჰხატავენ. დავითაშვილის უგულვებელყოფა არც ერთ მათგანს არ შეუძლია.

ხოლო იმ ძეგლს კი, რომელსაც ქართული მუშათა კლასი უსათუოდ დაუდგამს თავის საყვარელ პოეტს, უსათუოდ უნდა წაეწეოს: „საქართველოს პირველი პროლეტარული მგოსანი“.

ილია ჭავჭავაძე

(1827—1897)

ილია ჭავჭავაძე ეროვნული გოდების უდიდესი გამომხატველია. თავისი დიდი ნიჭი, ღრმა ჰკუა და მძლავრი შემოქმედება მან სამშობლოს დაცვის იდეას მოახმარა. მთელ თავისი სიცოცხლე ემსახურა იგი მშობელ ქვეყანას, რომელსაც „აჩრდილის“ მოხუცის პირით ეუბნება: „მარად და ყველგან, საქართველოვ, მე ვარ შენთანა“. ქეშმარიტად, მარად საქართველოსთან იყო ილია, ყოველ წუთს „მის ბედით თუ უბედობით ეწოდა გული“ და თავისი სისხლიც მოწამებრივად დაანთხია წიწამურის მიდამოებში.

მან სტუდენტობიდანვე სრულიად გარკვეული და ნათელი გზა აირჩია. იმ დროში, ჩვენს პირობებში, ეს პირდაპირ გმირობა იყო. რუსეთში სწავლაშეძენილი 24 წლის ახალგაზრდა, სამშობლოში ბრუნდება, სამსახურს ხელს არ ჰკიდებს და თავისუფალი პროფესიით იწყებს მოღვაწეობას: ჟურნალისტობს, მწერლობს, უკიდურეს შემთხვევაში გლეხებსა და თავად-აზნაურებს შორის მომრიგებელი შუამავლის როლს კისრულობს; მეტე ისევე მწერლობას უბრუნდება და მთელ თავის ენერჯიას მას ანდომებს. და ეს ყოველივე იმ დროს, როდესაც არც ერთ ამ საქმეს ჩვენში წინაპარი არ ჰყოლია და ტრადიცია არ ჰქონია, როდესაც მაღალი წოდების საუკეთესო წარმომადგენელი მხოლოდ სამსახურში დაწინაურებაზე ოცნებობდნენ, კაცის ღირსებას „ჩინებით ზომავდნენ“ და პირადი კეთილდღეობის მეტი არაფერი ახსოვდათ.

„ჩენი ქვეყანა,
მკედარი თქვენგანა,
თქვენებრ ჩინებზედ არ გაგვიცელია...
თქვენგან ჩაგრული,
დაბრმავებული
ერი ჭერებზედ არ გაგვიყილია.
კაცს მხნეობა,
კაცის ზნეობა
თქვენებრ ჩინებით არ გვიზომია“.—

—სამართლიანად ესერის მახვილ ისარივით ილია თავის ერის ბრწყინვალე წარმომადგენლებს, რომლებიც მარჯვენა ხელით რომ რუსეთის იმპერატორის მიერ ნაბოძებ ჩინ-ორდენებს იბნევდნენ მკერდებზე და მხრებზე, მარცხენათი პატრიოტულ ლექსებსა სწერდნენ. ილიას თანამებრძოლთა სიტყვა და საქმე ერთი იყო.

„ღმერთი არმობის,
ღმერთი ყალბობის
არ ურწმენია ჩვენსა თაობას“.—

ამბობს ილია, რომლის თანამებრძოლნი არც ისე მრავალრიცხოვანნი იყვნენ, მაგრამ, სამაგიეროდ, უკვდავი რწმენით იყვნენ გატაცებული.

დადგა ის დრო, როდესაც სამოციანი წლების განმაახლებელი გრიგალის მეოხებით საქართველოს პორიზონტზედაც განახლების ვარსკვლავი აკიაფდა. უკვე გათავდა ის ზანა, როდესაც ამბობდნენ: „აჲ, ვადაიყაროს“ ნისლშაო.

ილიას ბედმა გაუღიმა, რომ ასეთ მომენტში მოუხდა ასპარეზზე გამოსვლა. ილია იმითაც ბედნიერი იყო, რომ ამ დროს ერთადერთი თავდასაცავი იარაღი საქართველოსთვის უკვე კალამი შეიქნა და არა ხმალი.

„ზრალი იმოდენს ვერას იქმს
მრისხანე და ძლიერი,
რასაც იქმს შვეიდობიანი
კალმის პატარა წვერიო“, — ამბობს ილია.

ჩვენს ცხოვრებაში სამოციანი წლებიდან იზრდება მწერლობის საზოგადოებრივი მნიშვნელობა. მანამდე კი მისი გავლენა სუსტი იყო, არც ალექსანდრე ჰაუკაეაძე და არც ნიკოლოზ ბარათაშვილი თავიანთი ლექსების დაბეჭდვას არ მოსწრებიან. მათი ლექსები ხელნაწერად ვრცელდებოდა. ასეთსავე ბედს განიცდიდა დიდი ხნის განმავლობაში გრიგოლ ორბელიანი. ვანტანგ ორბელიანმა კი 1857 წ. „ცისკრის“, იანვრის ნომერში დაბეჭდა პირველი ლექსი „ბუღბუღი“.

II

რა მდგომარეობაში ხედავს თავის სამშობლოს 1859 წელს სამოღვაწეო ასპარეზზე გამოსასვლელად გამზადებული ილია?

„არსაიღამ ხმა, არსით ძახილი,
შობელი შობის არას მტყობა,
ზოგჯერ კი ტანჯვით ამოძახილი
ქართულის ძილშია კენესა ისმოდა“, — ამბობს იგი „ელეგიაში“.

პოემა „აჩრდილიდან“:

„აგერა მცხეთაც — საეანე გმირთა,
დიდი აყლდამა დიდის ცხოვრების,

სად იმა წყაროს წყლით გაწანილი
ქართულის ტყვილი დაუჩრდებოდა.
აწ აღარა სჩქედს წყარო ცხოველი,
ხე ცხოვრებისაც იგი დამკვნარა
და იგი დედა-ქალაქი ვრცელი
აწ სამიკიტნო დაბად გამხდარა.
ნგრეულან მისნი დიდნი პალატნი,
დიდი ცხოვრება მის დაკემულა,
დღეს ამ ცხოვრების წმინდა ალაგნი
პირუტყუთა ქელვით შევიწებულა...“

რა სურათს წარმოადგენს ჩვენი დედაქალაქი — თბილისი?

„ერთ გზით შეახედავ და იქ ცხოვრება
მართლა ცხოვრებად მოგეჩვენება:
ლხინობენ კიდეც, კიდეც მხარობენ,
ჭფიჭობენ, კგრძნობენ და მმოქმედობენ,
მაგრამ მით ცრემლსა, ღიმილს თუ გრძნობას
ფრჩხილის ოდენიც არა აქვს აზრი“.

მისი შვილები ერთიანად გადაგვარებულნი არიან:

„რისთვის მამანი იღვწოდენ უწინ,
დღეს შვილთ არ უღირთ არც ერთ ფლურადა“.

ხოლო ამ შვილთა არსებობა კი

„ფუქია იგი მისი ცხოვრება,
უფერულია და ცარიელი,
არც სიცოცხლეა, არც გემოვნება,
არცა საგანი გულწარმტაცველი“.

„აქ არვის — დიდსა თუ პატარასა,—
ქვეყნის ტკივილით არ სტკივა გული“.

ამიტომ ამბობს ილია:

„ჩვენისთანა ბედნიერი
კიდეუ არის სადმე ერი?“.

„ქვემძრომელი“, „უნჯი“, „მუნჯი“, „თვალაბმული“, „თავაკრული“,
„ყველა ყრუი“, „ყველა ცრუი“, „ფლიდი“, „გზა მრუდენი“.

„მტრის არ მცნობი,
მოუერის მგომობი,
გარეთ მხალაი, შინ ძლიერი,
არჩის მქონე,
არჩის მყოდნე
უზრუნველი და შშიერი“.

საშინელი სანახაობაა, რომელმაც სამუდამოდ დაასვედიანა დი-
დი მგოსნის მგრძნობიარე სული და გული.

სწორედ ამ სევდის გამო ათქმევინა პოეტმა „აჩრდილში“ მყინ-
ვარზე გადმომდგარ სიმბოლურ მოხუცს:

„მაგრამ, ქართველნო, სად არის გმირი,
რომელსაც ვეძებ, რომლისთვისც ვტირო?
იგი აღარ გუაეთ... მის მოედანი
ჭავით აღესილა, ვერანად ქმნილა,
გმირის დამბალი დიდი საგანი
თქვენში სარბილა და წაწყმედილა,
ვადასდგომიხარო თქვენ ქართველობას,
დაგინგრეუიათ დიდი მამული“.

ილიაც გულამოსკენილი კვენესის:

„მაგრამ მამულო, ჩემი ტანჯვა სწორედ ის არი,
ის არის მხოლოდ სავალალო და სამწუხარო,
რომ შენს მიწაზე, ამდენ ხალხში კაცი არ არი,
რომ ფიქრი ვანდო, გრძნობა ჩემი გავუზიარო“.

როდესაც 1861 წ. რუსეთში სწავლამიღებული ჩვენი დიდი მგოსანი სამშობლოში ბრუნდებოდა, ასეთი კითხვები უტრიალებდა თავში: „როგორ შევეყრები მე ჩემს ქვეყანას და როგორ შემეყრება იგი მე? რას ვეტყვი მე ჩემს ქვეყანას და რას მეტყვის იგი მე?“ ზევით მოყვანილი სურათით სამშობლომ თავისი პასუხი უთხრა მისგან გულდათუთქულ შვილს, შვილიც დიდი ხნის ტანჯვისა და გონებრივი ანალიზის შემდეგ ამ დასკვნამდე მივიდა:

„მას ნულარ ვსტირით, რაც დამარხულა,
რაც უწყალოს დროთ ხელით დანთქმულა;
მოვიკლათ წარსულ დროებზედ დარდი...
ჩვენ უნდა ვსდიოთ ეხლა სხვა ვარსკვლავს,
ჩვენ უნდა ჩვენი ვშვათ მყოობადი,
ჩვენ უნდა მივსცეთ მომავალი ხალხს...“

მართალია, „აწმყო არ გეწყალობს“, მაგრამ „მომავალი ჩვენია“, რადგან დღევანდელი საქართველო ღრმა და ძლიერი კულტურის ნაყოფია, ქართველი ხალხის ეროვნულ ორგანიზმში მძლავრად სცემს უდიდესი სასიცოცხლო ნაყადული.

„მაგრამ ვაჟკაცი, შვილები შენნი
გულდაგულ მტრებსა წინ უღეპოდენ.
იყო დრო, როს შენს ძახილზედ, სმაზედ
მამულის დროშა გაიშლებოდა
და კაბუთ რაზმი შენს მოწვევაზედ
მტრის დასახვედრად მოგროვებოდა“.

ძველ საქართველოში თავდადებულნი იყვნენ არა მარტო საზოგადოდ ვაჟკაცები, ე. ი. უზრალო მცხოვრებნი, არამედ მათ ჰყავდათ ღირსეული და თავდადებული წინამძღოლნი და ორგანიზატორნი — დიმიტრი მეფეებრ.

„მასხოვს ფარნავაჲს პაეროვანი,
ავლ მტკივნეული შეილი ქვეყნისა...“

რომელმაც გმირულად განდევნა საქართველოს დამმონებელნი მაკედონელები. ეს უცხო ძალა საქართველოს დალუპვას უქადადა:

„ეროს იმედის, სასოების, ნიჟის მმუსერელი,
თეთ ერის ენას — მაგ ერის განძა — იგი სდევნიდა.
სძაგდა ყოველი, რაშიც იყო ერის ღირსება,
რაშიაც ერი თვისთა ნიჟთა იყო მსახველი,
რაშიაც იყო მის დიდება, პატიოსნება.
რისთვისაც დავრა, მამა-პაპის გული და ხელი...“

ძველი საქართველოს წეს-წყობილებაში, მგოსნის რწმენით, ჩამარხული იყო თანამედროვე ეპოქის მამოძრავებელი იდეა — რეს-

პუბლიკური მართვა-გამგეობის საფუძველი. აი რას ამბობს ილია მთი-
ულის პირით „მგზავრის წერილებში“: „იქაიდ (სამების მონასტერ-
ში. — ვ. ხ.) არნ სენაჲ, სად სამართალი ბჳეთაგან იბჳოდის. რაიცი
მძიმა საქმე ხევი ავარდის, მუნ იბჳობიდნენ... როდეს ასტყდის ერო-
ბაჩი დიდ-დევა, დიდ-საქმე, დიდ-არჩევანი, ერობას აქაიდ გამართვის,
აირჩივინ ბჳედა ბრძენ-ბერ-კაცნი, პიეტრობით სახელდებულნი,
დასხმინ მათ იმ სენაჲჩი საბჳობად... ჳერიე-ობოლთ ვიფარევიდით,
შინ მიწრიელს, გარედ მავნეს დაეულაგმნდით... ერთ-ურთს ლად
მტერთან ჩავეფარვიდით, დაცემულ ვიურეებდნით“...

ერთი სიტყვით, ძველ საქართველოს ჰქონია დემოკრატიული
მართვა-გამგეობის საფუძველები, სცოდნია თვითმმართველობის
პრინციპი, არჩევნები, კოლექტიური ცხოვრების ორგანიზაცია და
სხვ. შეუძლებელია ასეთი ერის დასამარება, ის უნდა აყვავდეს და
გასაქანი მიეცეს...

ახალ გზაზე შემდგარი საქართველო, რომელიც ახალ ეარსკე-
ლავს მისდევს, ისეთ შვილს უნდა ზრდიდეს, რომელიც

„ძველს ერთობას დაკარგულს,
ჩვენსა წაშხდარ გმირობას
და მამულს დაოზღებულს“—
მსხვერპლად დააკვდეს.

„უკვდავი არის შვილი
მამულისთვის მოკვდარი!
მამულს მიცა ზეცაჲ
და, თუ ზედ დააკვდები,—
ნუგეშ — იცეს ღელაჲ,
რომ კაცი კაცად ჰკვდები“.

ამიტომ ილია სევედიანი გულით ეუბნება უცხოეთში მოჭირითე იანი-
ჩარს:

„ესთჳეი თუ, ვისთვის შენ კისკასობ, ვისთვის იჩენ სიშარდესა?
შენი რაა, რომ ამშვენებ შენს დამლუჳველს ოსმალეთსა?“

უნდა ვიფიქროთ, რომ მგოსანს აქაც რუსეთის თვითმჳყრო-
ბელობის სამსახურში მყოფი თავისი დროის ქართველი სამხედრო
პირები ჰყავს სახეში.

წარსული ჩვენი დიდებულია, მაშასადამე, ჩვენი ერის სასი-
ცოცხლო ნერვი მაგარ ნიადაგზეა აღმოცენებული.

„ჩემო კარგო ჳეყანაჲ, რაზედ მოგიწყენია!..
აწმყო თუ არა გეწყალობს, მომავალი ჩვენია,
თუმცა ძველნი დაგვმორდნენ, ახალნი ხომ შენია,..
მათ, ახალთ აღგიდგინონ შენ დიდების ღღენია“, —

ასეთია ილიას აზრი და შეურყეველი რწმენა საქართველოს მომავლის შესახებ.

საქართველოს „დიდების დღეთა“ აღდგენის აზრი მუდამ თან სდევდა ილიას და იმავე აზრით განიგებდა მისი შუბლი. ჭერ კიდევ 24 წლის მგოსანი ეუბნება თავის ქვეყანას:

„შენს ძარღვის ცემას მე ყურს ეუგდებ სულგანაბული,
ღამე თენდება ეგრედ ჩემი და დღე ღამდება.
დაუინებითა ფიქრი ფიქრზე შოდის, გროვდება,
გრძნობა გრძნობაზე შეუპოვრად იძვრის ჩემს გულში,
და მე არ ვჩივი, — მიხარია, რომ ეგრედ შერება
ჩემი ცხოვრება შენსა ფიქრში, შენს სიყვარულში“.

გარდა ლირიკული ლექსებისა და პოემებისა („მეფე დიმიტრი თავდადებული“, „დედა და შვილი“), ილია ჭავჭავაძემ ეროვნულ საკითხს უძღვნა თავისი შესანიშნავი ნაწარმოები „მგზავრის წერილები“. ნაციონალური იდეის გამომსახველად აქ გამოყვანილია მთიული, რომელიც შავი საღებავებით აფერადებს საქართველოს აწმყოს, მისტირის წარსულს, რომლის საფუძველი დემოკრატიული თვითმმართველობა, თემი იყო და დღეისათვის სამოქმედოდ აყენებს ასეთ ლოზუნგს: „ჩვენი თავნი ჩვენადვე გვეყუდნესო“, ე. ი. საქართველო თავის თავს თვითონვე უნდა უვლიდესო. ილიაც ამ იდეას ეტრფოდა: „მიგიხედი, ჩემო მოხევევ, რა ნესტარითა ხარ ნაჩხვლეტი“, — ეუბნება იგი მას.

საქართველოს განთავისუფლების აზრი ილია ჭავჭავაძისათვის მთელი ცხოვრების მანათობელი ვარსკვლავი იყო და მუდამ უამს ამ იდეის გარშემო ფიქრობდა.

გაეიხსენოთ გრიგოლ ორბელიანის სიტყვები:

„გმირხო, მამულის მაღინხო,
თქვენა ხართ ჩვენი დიდება!
თქვენთა სახელთა ამაყად
წარმოქსთქვენს შთამომავლობა!
თქვენთა საქმეთა მოთხრობით
მობუცს ცრემლ-მოედინება,
მხნეობით აღტაცებული
კაბუჯი ხმალსა მისწვდება.“

აი ეს აზრი ი. ჭავჭავაძემ უფრო გაარკვია და გვითხრა: კაბუჯი ხმალს იმიტომ მისწვდება, რომ „ჩვენი თავნი ჩვენადვე გვეყუდნესო“.

ამაზე უფრო გარკვეულად ქართული ეროვნული საკითხის დაყენება მაშინდელ პირობებში ყოველად შეუძლებელი იყო.

ილია ჭავჭავაძემ ბატონყმობა დაგვისურათა „კაცია-ადამიანში“, „გლახის ნაამბობში“ და რამდენადმე პიესაში: „გლეხთა განთავისუფლების პირველ-დროების სცენებში“. ერთი ეპიური სურათი მოგვცა აგრეთვე პოემა „აჩრდილში“.

ილია მკაცრად მოფიქრებული მსოფლმხედველობის მწერალი იყო. თავის მხატვრული ინტუიციაც მან ამ მსოფლმხედველობის ჩარჩოებში მოამწყვდია. ჩვენ უკვე ვნახეთ, თუ როგორ გაიაზრა მან ქართველი ერის ბედი.

სოციალური საკითხიც ილიამ პიროვნულს დაუმორჩილა. „უნდა გავტყდეთ და აღვიაროთ, — წერს ილია ჭავჭავაძე (1882 წლის „ივერიის № 2), — რომ სოციალურის და ეკონომიურის კითხვების შემუშავების ტოლად არ მოდიოდა, პირველის კითხვების განვითარებასთან და თვალსაჩინოდ უკან რჩებოდა. ეს აიხსნება იმ გარემოებით, რომ ეროვნული მდგომარეობა უფრო საშიში იყო, ვიდრე ეკონომიური; ეროვნული მხარე ჩვენის არსებობისა უფრო ძლიერ გვტკიოდა, გვალბობდა, ვიდრე სოციალური“. ამ სიტყვებს ჩვენ ვერაფერს დავსძენთ, აქ უტყუარი ქეშმარიტებაა ნათქვამი.

ვინ უნდა მიაკუთვნოს ქართველებს მისი თავი? რომელმა შინაგანმა ძალამ უნდა დაიხსნას იგი რუსეთის თვითმპყრობელობისაგან?

როგორც მაღალი, ისე დაბალი წოდების გაერთიანებამ — ერთი ხელში ისტორიულმა ხმალმა და მეორეში ფაქტიურმა გუთანმა, ამ განუყრელმა ორპიროვნამა იანუსმა, რომლის გარეშე ქართველი ერის ხსნა არ არის, რომელი წოდება უნდა იყოს მეთაური — ეს არის მთავარი საკითხი. მხოლოდ ეს კი აშკარაა, რომ ქართველი ერის ბედი იმაზეა დამოკიდებული, თუ როგორი ყოფაქცევა ექნება ამ ახალ პირობებში ერის ისტორიულ წინამძღვარს, თავადაზნაურობას და სამღვდელეობას.

ქართველ ერს უდიდესი სოციალური ტკივილი — ბატონყმობა აწუხებს. ამ სატკივრის მოშუშებას გადამწყვეტი მნიშვნელობა ექნება მის სვე-ბედზე, ტკივილის მორჩენაში მთავარი და გადამწყვეტი როლი უნდა ითამაშოს თავადაზნაურობამ და არა გლეხობამ. თავი და ბოლო იმაშია, თუ რა ყოფაქცევის აღმოჩნდება თავადაზნაურობა, რომელიც დღესდღეობით ვერავითარ შემთხვევაში ვერ დგას შესაფერ და ღირსეულ დონეზე.

ასეთია ილიას მოსაზრება საერთოდ და კერძოდ ბატონყმობის საკითხში.

გავხსნათ ეს ფორმულა.

„ოთარაანთ ქერივში“ კვითხულობთ: ჩვენ შუა (თავადებსა და

გლებებს შუა) ხიდია ჩატეხილი: ისინი იქით ნაპირას დაპრჩნენ, ჩვენ აქეთ. შორი-შორსა ვართ და თვალი ერთმანეთისათვის ვეღარ მიგვიწვდენია „...ორი სხვადასხვა ქვეყანაა. იმათს კირსა და ლხინს ცალკე ღობე ავლია, ჩვენსას ცალკე. გული გულს ვეღარ მიგვიკარებია, ვეღარ მოგვიხვედრებია... ის მადლი, რაც ენას და ხელს უნდა ასაქმებდეს, მართლა რომ აღარ არის. ან არის და დამუნჯებულია, დაყრუებულია, თითქო იმათაც და ჩვენც მოგვეკვდომოდეს, თუ მთლად არა, ერთი ნახევარი მაინც. ამ ცალთვალა და ცალყურა ნახევრით-ლა ცეცხოვრობთ და ვკითხულობთ ერთმანეთს“.

ერი შუა გაპობილა, ერთი ნაწილი გაღმაა, მეორე გამოდმა. ეს ნაწილებიც დაავადებულია და ერთმანეთს ვერ მიჰკარებიათ. მაგრამ გლებობა თავადაზნაურობასთან შედარებით მაინც უფრო ჯანსაღია, ბრწყინვალე წოდება კი უკუურნებელი სენით არის შეპყრობილი. ამავე მოთხრობის გმირი არჩილი ამბობს: „ჩვენ (თავადაზნაურობა) რაცა ვართ, გაკეთებულნი ვართ, ისინი კი — შექმნილნი. ჩვენ დაბლანდულნი ვართ, ისინი კი გვირისტით შეკერილნი, იმ გვირისტით, რომელიც მარტო ბუნებამ იცის... ისინი ჩაკირულნი არიან, ჩვენ — დონდლონი... იქა (გლებობაში) ჰდუღს ძარღვებში მოარული სისხლი, იქა სცემს თვითონ სიცოცხლს ძარღვიცა“.

ენახოთ, სადამდე მიდის ბრწყინვალე წოდების დაავადება ბატონყმურ ფონზე.

პოემა „აჩრდილი“ (დაწერილია 1859 წ., გამოქვეყნებული — 1872 წ.).

„აგერ უფალი და მისი მონა!
 თრთოლით სასწორზედ ხარჯს უწონს ძნელსა.
 და, რა დასწორდა სასწორზედ წონა,
 უფალი პინას ზედ ადგამს ფეხსა
 და მით მის ხარჯსა ერთსა-ორად ჰხდის...
 მონამ მწუხარედ გულს გაიღიმა,
 უმწეობითა თავის ხარჯსა ჰზრდის
 და საწყლის თვალთგან ცრემლმა იწვიმა.
 მაგრამ ქვა არის ბატონის გული:
 ვერ დაარბილებს მას შებრალება“.

ის უღმობელია, ჩირად არ მიაჩნია გლების შრომა და მშვიერს სტოვებს მას.

„ვინა შრომობდა და ვინა ჰძღვდა,
 ღმერთი! სად არის აქ სამართალი?!,—

გულის წყრომით აღმონდება მგოსანს. ბატონი ამასაც არ სჯერდება:

„შენში კაცისას გრძნობას არ ხედვენ,
 დედას ძუძუდგან შვილსა აკლუქვენ,
 ვინ იცის, სიღამ სად გაჰყიდიან...
 თუ ღმერთმა მისცა შენსა ასულსა
 სიღამაზე და მშვენიერება;
 მონაე ჩაგრულო, ვითამ შენს გულსა,
 „სასიხარულოდ ეგე ექნება?!
 ქალს წაგართმევენ, ქალს გაჰყიდიან,
 ნამუსს მოუკლენ შეუბრალებლად...
 მას, რაც გიყვარდა, ნახვე დაცემულს,
 ნამუსწართმეულს და შეგინებულს..
 პირს უკუ-იქცევ და შეძრწუნდები,
 ცრემლს მოინდომებ და არ გექნება,
 წყველით, ვაეზით მას განშორდები“...

ყოველივე ამის ჩამდენი და მოქმედი არის ბატონი, რომლის გული ქვისაა. პოემა „ეპიზოდი ყაჩაღის ცხოვრებიდან“ (დაწერილია 1860 წ.). ზაქროს მამა შრომისმოყვარე და ჭკვიანი ყმა იყო. ზაქრო ამბობს:

„მე მამა მყვანდა მხნე კაცი, მარჯვე,
 დაუღლეი და ბეჯითი, გამრჯე;
 თუმცა ხელმართ ის ცოდვილობდა,
 ჩვენ კაცებშია ბევრი არ სჯობდა.
 ამ დალოცვილსა ვერვინ ასწრებდა
 ვერც ხენას, ვერც თეფას და ვერცა მკასა,
 ღმერთიცა მართლა უხვად სწყალობდა.
 და წყალობითა უესებდა სახლსა“...

როცა გაუქირდა და ოჯახის მოვლა ვერ შესძლო, ბატონს შვილი გამოსთხოვა, მაგრამ:

„მხეცი რამ იყო ბატონი ჩვენი,
 ერთი აჯამი, გულქვა, რეგვენი,
 იმას კაცებრი გული არ ჰქონდა,
 რომ მამაჩემი შებრალებოდა.
 რა გავაგრძელო, თეადიშვილი
 კარგი რა არის, ავი რა იყოს?!“

ასე ახასიათებს ზაქრო თავის ბატონს, რომელიც იმდენად უგუნურია, რომ ზაქროს მამის ჭკვიანური დასაბუთება ვერ შეუგნია — თუ ოჯახი დამიქციე, რით უნდა გემსახუროო და საკუთარი ჭკუისა და მოსაზრების დაპირისპირების მაგიერ, როზგებსა და ძალმომრეობას მიჰმართავს. მამის გაროზგევას ვერ მოითმენს ზაქრო და ბატონს ჰკლავს. კვდება ზაქროს მამაც, თვითონ ზაქრო მშვიდობიან ცხოვრებას სტოვებს და ყაჩაღად გარბის. ასეთი არის ბატონის

გულქვაობისა და სირეგენის შედეგი. ღუპავს სხვას და იღუპება თვითონაც.

„კაცია, ადამიანი?!“ (დაწ. 1863 წ.).

მოთხრობის ცენტრალური ფიგურა — ლუარსაბ თათქარიძე — ისეთ არსებად გადაუქცევია ბატონყმობას, რომ მართლაც საკითხავია: კაცია იგი, თუ არა, ადამიანია თუ პირუტყვი? ფიზიკურად ის ვეებერთელა ხორცი და ქონია, „ცით მონაბერი სული“ ამ „ღირსეულ სამკაულს“ ერთიანად ჩაეკლა და არაფერი ადამიანური თვისება მასში არ არის. ზანტი, მოდუნებული, გამოყეყეჩებული, უტვინო, ცრუმორწმუნე, უციცი, ღორმუცელა, შურიანი, — აი რას წარმოადგენს თათქარიძე, რომელიც ყმების ნაოფლარით ცხოვრობს, თვითონ არას ჰქმნის ცხოვრებისათვის, სხვის მიერ შექმნილს კი თავისი უსარგებლო სიცოცხლის განსაგრძობად ანადგურებს.

ასეთსავე არსებას წარმოადგენს მისი ღირსეული მეუღლე — დარეჯანიც. მათი საზრუნავი და საგონებელია ამ წუთისოფელში მარტო სმა-ჰამაზე ფიქრი და ყმების დაწიოკება. ამ ყოვლად უქმ და პირუტყვეულ არსებებს ყმების აკლების და შევიწროების უნარი უმაღლესად განვითარებით და უდიდეს სიტკბობასაც კი პოულობენ ამაში. მხოლოდ ეს ხელობა აცოცხლებს და ახალისებს მათ ცხოვრებას.

უნდა ითქვას, რომ მიზნისათვის ბრწყინვალედ მიუღწევიათ: მათი გოგოები — ლამაზისეულები — მათსავე პირუტყვეულ მდგომარეობაში არიან, მოზარდი თაობა — პატარა ბიჭები — ძაღლების ცხოვრებას შენატრიან, ირგვლივ უეიცობა, სიბნელე და სიღუბნეობა. საშინელ ჭაობში ჰყუჟალობენ ბრწყინვალე წოდების წარმომადგენელნი და იქვე ახრჩობენ თავიანთ ყმებსაც. ადამიანის ცხოველად ქცევა, გამოყეყეჩება, მოშლა და მოდუნება ამაზე შორს ვერ წავა.

ასე საშინელია ბატონყმობა, ასე დაუნდობლად გააშუქა იგი ილია ჭავჭავაძემ.

„გლახის ნაამბობი“ (დაწ. 1862 წ.).

ამ მოთხრობაში დაპირისპირებულია ორი ერთმანეთის მოწინააღმდეგე წოდების წარმომადგენლები: ყმა — გაბრო და ბატონი — დათიკო. ბატონთან ძმასავით შეზრდილმა გაბრომ ყველაფერი მას უძღვნა: თავისი შრომა, ერთგულება, სინიღისი და მთელი თავისი ახალგაზრდობა. ბავშობიდანვე მოკიდებული ჰბუკობამდე გვერდით ედგა და თავისი პიროვნება მას დაუმონა და ანაცეალა. გაბროზე ერთგული და მოსიყვარულე არსება დათიკოს მეორე არ ჰყოლია. მაგრამ რით გადაუხადა მან ამ სამსახურისთვის? მთელი სიცოცხლის განმავლობაში ერთადერთი მისი თხოვნა-მუდარაა, რომ მისი საცოლე — თამრო ნამუსაუხდელი დაეთმო მისთვის, — არ

შეასრულა, უბრალო ადამიანური და კაცურკაცური გრძნობა არ გამოიჩინა და ღვიძლ ძმასავე თანშეზრდილ ტლანქად შეუგინა უნაზესი გრძნობა.

დათიკო ხორცშესხმული ეგოისტია: მთელი ქვეყნის ცენტრში თავისი თავი წარმოუდგენია და სისხლსა და ხორცში აქვს გამჯდარი ის აზრი, რომ ყველა მას უნდა ემსახუროს და ყველა მას უნდა ემონოს. ვარეშეთა შრომა, ნამუსი და სიცოცხლეც მას უნდა შეეწიროს. ის ყველასგან აქეთ მოითხოვს, ყველას ართმევს, თვითონ კი არავის არაფერს არ მისცემს არც აზრით, არც გრძნობით, ის უაღრესად ანტისოციალური ტიპია. და, როდესაც მის წინაშე აღიმართა გლეხთა წრიდან გამოსული თავიდან ფეხებამდე სოციალური გრძნობების მატარებელი ადამიანი, გაბრო, რომელიც ისე მდიდარი ბუნების პატრონია, რომ არაფერს არ იშურებს გარეშეთათვის. აი, ასეთ არსებას დაუნდობლად უკრავს ცხოვრების გზას გაპირუტყვეებული დათიკო და დაღუპვისკენ მიაქანებს.

ბატონი ღუპავს არა მარტო იმას, ვინც წინ გადაეღობა მას, არამედ იმასაც, ვინც მისი პირუტყვეული უინი უნდა დაუქმყოფილოს — თამროს. ღუპავს თამროს მამას — პეპისაც და ბოლოს თვითონაც იღუპება ამ ბრძოლაში. მართალია, ბოლოს, ძალიან დაგვიანებით, სინიდისმა მასშიც გაიღვიძა და გაბრო ტყვეობიდან გაათავისუფლა, მაგრამ უკვე გვიან იყო: გაბროს კაცობა მაინც დაღუპული იყო, მისმა ნათესამა სიკეთემ ნაყოფი ვერ აღმოაცენა დროზე, „რა ჰქნას კარგმა მონარდემმა, დროზე შაში თუ არ მოვა“? მისმა კეთილმა თესლმა ნიადაგი ვერ იპოვა ბატონის ქვა გულში. „გამწირველი ჩანს, შემწირავი არ არის“, — ვამბობთ თვითონ ილიას სიტყვებით.

ასეთია ილია ჭავჭავაძის მიერ შექმნილი კიდევ ერთი საბრალმდებლო სურათი.

„სტენები გლეხთა განთავისუფლების დროიდან“ (დაწ. 1865 წ.).

აქ გამოყვანილია ერთი ცოცხალი ტიპი — გლეხობიდან — გლახა ჭრიაშვილი, რომლის ჰკუა-გონება და აზროვნება ისე გამოუყვეყჩებია ბატონეობას, რომ უბრალო აზრის გამოთქმაც კი არ შეუძლია და მუდამ ერთსა და იმასვე ამბობს გრძლად და დაუსრულებლად. ჭრიაშვილის ცოცხალი სახე — ტიპია გრძლად, უთავბოლოდ და უტეინოდ მოლაპარაკე ადამიანისა.

„ოთარაანთ ქერივი“ (დაწ. 1887 წ.).

ეს მოთხრობა ბატონეობას პირდაპირ არ ახასიათებს, მაგრამ მაინც ამ ურთიერთობის ნაყოფია. ამიტომ, თუმცა ქვევითაც გვექნება მის შესახებ ლაპარაკი, მაგრამ აქაც უნდა შევეხეთ.

ამ მოთხრობაშიც ილიას მძლავრი შემოქმედება ორი წოდების წარმომადგენლებს უპირდაპირებს ერთმანეთს: ერთი მხრივ, ღვთისმეტყველების მონუმენტალური ქანდაკება, რომლის კვარცხლბეკზე ზის მისი ვაჟი — გიორგი, მეორე მხრივ, ეხედავთ თავად არჩილსა და მის დას კესოს. ამ ორ ხატებათა შორის „ხიდი ჩატეხილია“, ისინი გაღმა-გამოღმა დგანან და ერთმანეთს ისე გაპყურებენ, არც ერთს ერთმანეთის არ ესმის. „ორი სხვადასხვა ქვეყანაა, იმათს ქირსა და ლხინს ცალკე ღობე ავლია“.

რა მოეჩვენა ოთარაანთ ქვრივისა და გიორგის სახით ჩვენს ბატონებს არჩილსა და კესოს? მშრომელი ადამიანები, ახალ-ახალ ღირებულებათა შემქმნელები, დაწურული ჰკუა და პატროსნება, მოფიქრებული და გეგმიანი ცხოვრების მატარებელი არსებები, პრინციპის და შეუდრეკელი ნებისყოფის მქონენი, გულკეთილნი, მოვალეობისა და სიტყვის აღმასრულებელნი, მომპირნენი, უაღრესად სოციალური ბუნების მატარებელი კმნილებანი.

რით უპასუხეს ამ პატროსან და ალაღმართალ ადამიანებს არჩილმა და მისმა დამ? შეიწირეს თუ არა მათი მადლი? გამოიცვენეს თუ არა ამოცანა?

ვერა, ვერ გამოიცნეს, რადგან მათი თვალი წოდებრიობამ დააბრმავეა, მათი გული ბატონურმა მდგომარეობამ გააქვევა. არჩილი და კესო ვითომ ახალი დროის ადამიანებია, ყურთმაჭებიანი კაბის მაგიერ ალბათ ერთს სერთუკი აცვია და შეორეს კიდეე ხაბარდიანი კაბა, მაგრამ არსებითად ისინი იგივე თათქარიძეები და დათიკოებიან. როგორც ისინი, ვერც ესენი მიწვდებიან გლეხის სულსა და გულს. მათი დაახლოება სინამდვილეში ვერ მოხერხებულა, ისინი ერთმანეთის მოწინააღმდეგე ბანაკში დარჩენილან ბატონყმობის გადაყარდნის შემდეგაც.

დასკენა:

ა) თავადობა ერთიანად დაავადებული და გახრწნილი წოდებაა. იგი ერის ხორცმეტია. ეს წოდება ერთიანად ანტისოციალურია და უკან მიდის.

ბ) გლეხოება ჭანსალი, ცხოვრების ღირებულებათა შემქმნელი, ერის დედაბოძი და მაცოცხლებელია. იგი უაღრესად სოციალური და პროგრესულია.

გ) ამ ორ წოდებათა შორის შეუბრალებელი ბრძოლაა, არსად დანდობა, არსად გატანა.

დ) ამ ბრძოლის დამწყებები და გამამძაფრებელი მხოლოდ და მხოლოდ დაავადებული წოდებაა — თავადობა, რომელიც ერთიანად ჩაფლულია წოდებრივ ეგოიზმში და ქვეყანას დალუპვისკენ მიიქანებს. მისი ყოფაქცევა ერის დამლუპველია.

ასე აქვს წარმოდგენილი ილიას ქართველი ერის მდგომარე-

ობა, როგორც ბატონყმობის დროს, ისე მისი გადავარდნის შემდეგ.

ილია სავსებით მოგვაგონებს რუსეთის მწერლებს ტურგენევსა და სხვებს, რომელნიც სწორედ ასეთნაირად უდგებოდნენ საკითხს. მათ უნდოდათ ბატონყმობიდან ამოღებული შემადრწუნებელი სურათებით შემამულეების გული მოეღობოთ და უკანასკნელნი დაეთანხმებიათ ნებით და საკუთარი სურვილით გაეთავისუფლებიათ გლეხები. ილიაც ამ მწერლების კვალს მიჰყვება: თავადობას აჩვენა მისი მახინჯი სახე, თვალწინ დაუყენა ნამდვილი ადამიანის ტიპი — ოთარაანთ ქვრივების და გაბროს სახით და ეუბნებოდა: ამას დაემსგავსე, თორემ შენც დაიღუპები და სამშობლოსაც დაჰკლუპავო.

ჩვენი მგონისს აზრით, ამ წოდებას დაიხსნის მისი კაცურკაცობა, ნამუსი, სინიღისი, ცრემლი და შინაგანი მორალური გარდაქმნა. დათიკოებს დროზე უნდა მოუვიდესთ სინიღისი, კესო შეგნების ცრემლით უნდა გაიბანოს და ჩვენმა „შენანიებულმა თავადმა“ — არჩილმა — კიდევ ნაკლები დეკლარატიული სიტყვები უნდა ხარჯოს და ახალი ცხოვრების მოწყობაში თვითონვე უნდა ჩაერიოს. აი, მაშინ დამყარდება სოციალური პარმონია, წოდებათა შორის ბრძოლა მოისპობა და ნახავთ, რომ „ერთგან სძოვდეს ცხვარი და მგელი“.

„მაშინ უქმ სიტყვად არ იქნებიან
ძმობა, ერთობა, თავისუფლება,
ეკლის გვირგვინით აღარ ივლიან
კაცთმოყვარება და სათნოება“.

აი ილია ჭაკვაძის მსოფლმხედველობა მოკლედ და სხარტულად.

აქვე უნდა შევნიშნოთ. ორი რამ: ერთი, ილიას მოქმედების ტაქტიკა ბატონყმობის მოსპობის საქმეში და მეორე — მის მიერ აღიარებული ქონებრივი უთანასწორობის დარჩენის აუცილებლობა — კერძო საკუთრების პრინციპის დაცვა.

ჩვენი მწერლის მოქმედების ტაქტიკა სავსებით გამომდინარეობს მისი მრწამსიდან თავადაზნაურების შინაგანი გარდაქმნისა და განკაცების შესახებ. ილიამ ამ წოდების აღზრდა გამოაცხადა აუცილებელ საჭიროებად. ამ აღზრდას კი დრო უნდა, მომზადება, ნელ-ნელი და თანდათანობითი ცვალებადობა. ერთი დაკვრით არაფერი არ გამოვა. მოვიგონოთ მოძღვრისა და გაბროს საუბარი „გლეხის ნაამბობში“ მიმინოს შესახებ. აეთანდლისა და შერმადინის ამბავის წაკითხვის შემდეგ გაბრო ამბობს:

„აი, ბატონ-ყმობა თუ იყოს — ამისთანა.

— მოგწონს? — ჰკითხა მღვდელმა.

— აბა რა?

— მართალი ხარ! — მიბრძახა იმან ნაღვლიანად, — უარესს
ეგა სჯობია...

— იმას კი არა შეედრება—რა, როცა ცა ქუდად გაქვს და დედა-
მიწა ქალამნადა...

— ერთი ეს მითხარი: ხელში ნაპატივები მიმინო უფრო კარ-
გია, თუ ის მიმინო, რომელსაც გაჩენის დღიდან კაცის ხელი არ
მოჰხვედრია?

— რასაკვირველია, ის, რომელსაც ხელი არ მოჰხვედრია.

— რადა? ის ხომ უფრო გაპატივებულია?

— ვაი იმ პატივს!.. ხან ფრთას აუკვრენ — არ გაფრინდესო...
თვალეებს კი ყოველთვის აუბძენ ხოლმე...

— შე დალოცვილო! ისე მკითხავ, თითქო არ იცოდეთ. მწყერს
აქერინებენ და თითონ კი სეირს უყურებენ...

— მიმინოს იმას გამოაწიწკინებენ, რაც კაცის საქმელად არ
ვარგა...

— თუ მიმინომ შემოდგომამდინ გაუძლო მონადირესა და არ
მოკვდა, თავის ნებაზე გაუშვებენ ხოლმე.

— დახე. ყველას დრო სდომება!

— მაშ უდროოდ როგორ იქნება?"

ემოწმება მღვდლის პირით ი. ჭავჭავაძე. ამ აღგილიდან აშკარაა
ილიას აზრი: კარგი იქნებოდა, რომ ბატონყმობა სულაც არ ყოფი-
ლიყო, მაგრამ რაკი არსებობს, ერთი დაკვრით იგი არ მოისპობა,
ყველაფერს დრო უნდა, ე. ი. აუცილებელია წელი. ევოლუციური
გზა და ისტორიული საფეხურების მოლოდინი, ვითარცა წელიწადის
დროების დადგომის მოლოდინი და აუცილებლობა. ასეთთა ილიას
ევოლუციაზე აგებული ტაქტიკა.

მეორე საკითხია ქონებრივი უთანასწორობის აღიარება¹. ეს
პრინციპი ჩვენს მწერლისათვის უდავოა. კერძო საკუთრება სამართ-
ლიანად თუ უსამართლოდ. ჩვენდა საბედნიეროდ თუ საუბედუროდ.
ჯერ კიდევ დიდხანს იქნება პატივში. „კერძო საკუთრება ჯერ კი-
დევ ქვეყნთხედად უძვეს არამც თუ მთელს სახელმწიფოს და საზო-
გადოებრივ წყობას რუსეთისას, არამედ მთელი ცხოვრებით დაწინა-
ურებულ ქვეყნებისას მთელ დედამიწის ზურგზე“². ასე წერდა ილია
პირველი რევოლუციის — 1905 წლ. — ქარიშხლის დროს, ამ
წმენითვე გამოვიდა იგი სამწერლო ასპარეზზე 60-იან წლებში. ამა-
ვე პრინციპს უდებდა იგი გლეხთა განათავისუფლების საქმესაც:
ბატონი მას მიაჩნდა კერძო მესაკუთრედ და მისი მიწაც ხელუბ-
ლებელი უნდა ყოფილიყო, გლეხს უნდა მიეღო პირადი და უფლებ-

¹ იხ. ამ საკითხზე არ. ჯორჯაძის თხზ., ტ. II, გვ. 111—132.

² „ნათუ“, 1905 წლის ფ. გოგიჩაიშვილის „ივერიის“ № 68 დამატება.

რევი თავისუფლება. ამ აზრს იცავდა, როგორც ზევით ვნახეთ, მთელ თავადობასთან ერთად დიმიტრი ყიფიანი და ამავე აზრს იზიარებს ილია ჭავჭავაძეც. ამას ადასტურებს „აჩრდილის“ სიტყვები:

„მაშინ, მაშვრალო, შენც განკაცდები,
წართმეულთ ნიქთა კვლავ მოაპოვებ,
სხვას ძირს არ დასწევ, თვით აშაღდები,
არც ვის ემონვი და არც იმონებ“.

ქონებრივ უთანასწორობას ილია საერთოდ ნაციონალური მოსაზრებითაც იცავდა. აი რას ვკითხულობთ იმავე „ნუთუ“-ში: „დღევანდელ მოძრაობას თავი იქით უნდა უბრუნოს კაცმა, საითკენაც ჯერ არს, და არა იქით, რომ ერთმანეთს მივესიოთ და ციხესიმაგრე ჩვენი ჩვენვე შიგნიდან გავტეხოთ. ამას თხოულობს არამცთუ სიკეთე და ბედნიერება ჩვენის ქვეყნისა საერთოდ, არამედ გლეხკაცობისაც, საკუთრივ“. კლასთა ბრძოლა და მისი გამწვავება ციხის შიგნიდან გატეხას და საქართველოს დალუპვას ნიშნავს.

ამ მოსაზრებას უდებდა ილია ჭავჭავაძე საფუძვლად მთელ თავის სამწერლო მოღვაწეობას. ერთი მხრივ, მიუღღგომლად აღნიშნავდა იგი სინამდვილეს — წოდებათა დაუნდობელ ბრძოლას, თავადობის დაცემას და მის ადგილას გლეხობის წამოწევას, მეორე მხრივ კი ამ ბრძოლის შენელებას ცდილობდა იგი. „ნუთუში“ ვკითხულობთ: „დიდი მოვალეობა პრესისა, მისი ღვაწლი, გლეხისა და თავად-აზნაურის, ან მდიდრისა და ღარიბის ერთმანეთზე მისცევა კი არ არის, შუა კაცობაა, შუა ჩადგომაა მათ შორის, მშვიდობიანობის ჩამოგდებაა, მოსარიგელის მორიგებაა, შესარიგებელის შერიგებაა იმისდა მიხედვით,—ვის რა ზნეობრივი და მოქალაქეობრივი, ან ერობრივი სამართალი მიუძღვის ერთმანეთის წინაშე. ამას ითხოვს ადამიანობა, კაცური კაცობა და ერთობ იგი ქეშმარიტი სიყვარული ადამიანისა, რომელიც, როგორც მზე, ყველას ერთად ანათებს, ყველას ერთად ათბობს და ყველას გამოუკლებლივ აწვდის ძალსა ცხოველყოფლობისას, სიცოცხლის დაბადებისას, სიცოცხლის ზრდისა.“

მართალია, გლეხკაცი და ღარიბი უფრო მეტად საზრუნველია, უფრო მეტად გაჭირვებული, ვიდრე თავადი, აზნაური, მღვდელი თუ ვაჭარი, მაგრამ განა აქედან ის გამოდის, რომ ყველა ესენი ადამიანები არ არიან? განა ცოდვაა, რომ ამათთვისაც ვიზრუნოთ და თავი შევიტკიოთ?“ ყველა წოდების და მდგომარეობის ადამიანის ერთნაირად დაცვა, — ასე ესმოდა თვითონ ილიას თავისი ლიტერატურული შემოქმედება, ასეთ მიზანს უსახავდა პირადად თავის თავს. ხოლო სულ სხვა საქმეა ის, თუ ჩვენ, სხვა ეპოქაში მცხოვრებ მის შთამომავალს, როგორ გვესმის ეს საკითხები და რა შინაარსს

ვლებთ ილიას მიერ გადმოშლილ სურათებში. დიდი მწერლის შემოქმედებაში წითელი ძაფივით არის გატარებული ის დედააზრი, რომ თავადობის უგევანობის და შეუბრალებლობის გამო ერთი მეორეზე მისეული წოდებები უნდა შერიგებულ იქნენ თავადების განკაცბა-გარდაქმნის გზით და ქონებრივი უთანასწორობის დატოვებით, მერე კი ამგვარად შერიგებულთა მოძრაობა უნდა მიმართული იქნეს საქართველოს განთავისუფლების მიზნით რუსეთის თვითმპყრობელობის წინააღმდეგ. ასეთია მგოსნის აზრი, რომლის მეორე ნაწილი — ქონებრივ უთანასწორობაზე დამყარებული წოდებათა შორიგება — სრულიად უტოპიური გამოდგა, საქართველო დაიხსნა და გადაარჩინა არა წოდებათა შორის ბრძოლის მოღუენების და შერიგების იდეამ, არამედ კლასთა ბრძოლის ლოლიკური დასკვნისკენ მიმართვამ.

ამას აშკარად ამტკიცებს მეოცე საუკუნის ჩვენი რევოლუციები და კლასთა ბრძოლით „შრომის სუფევის“ (ილია სიტყვებია) — სოციალიზმის მიჯნაზე — ქართველი ერის დადგომა.

• • •

ილია მრავალმხრივი ნიჭის მქონე მწერალი იყო. მის კალამს ერთნაირად ემორჩილებოდა როგორც მხატვრული სურათების შექმნა, ისე პუბლიცისტური წერილების წერა. არ ყოფილა ჩვენი ერის ცხოვრებაში ისეთი მნიშვნელოვანი საკითხი, რომელსაც ილია კავკავაძე არ შეხებოდა. მის ღროს ჩვენი საზოგადოებრივი ცხოვრება, ლიტერატურა და, საზოგადოდ, კულტურული ასპარეზი ხელუხლებელ ნიადაგს წარმოადგენდა და ილიას, როგორც თავის ქვეყნის ერთ-ერთი უდიდეს გულშემატკივარს, ღრმად მოაზროვნე და ნიჭიერ პიროვნებას, რასაკვირველია, არ შეეძლო, სადაც საჭიროდ დაინახავდა, არ გამოჩენილიყო და თავისი სიტყვა არ ეთქვა. ჩვენ აქ ვეხებით მას, როგორც ხელოვანს და მისი მოღვაწეობის სხვა მხარეები ჩვენს წიგნში ვერ შევა¹.

ილ. კავკავაძე განვხილეთ ჩვენ, როგორც: ა) ეროვნული გოდების მატარებელი მგოსანი, ბ) როგორც ბატონყმობის დამასურათხატებელი და გ) როგორც გლეხთა და ყოფილ ბატონების ურთიერთობის გამაშუქებელი ბატონყმობის შემდეგ.

მაგრამ ილიას აქვს ისეთი ხასიათის ნაწარმოებიც, რომელიც შეეხება არა მარტო ჩვენს. ცხოვრებას, არამედ ხელს ჰხვევს სხვა ეროვნებათაც, ნიკ. ბარათაშვილის მსგავსად, იგი ეხბა ისეთ სა-

¹ ავტორს აქ შეხედვლობაში აქვს „ქართული ლიტერატურის თემატურად განხილვა“, სადაც ეს წერილი დათბეჭდა. — ა. ს.

კითხს. რომელიც ყველა ერის შვილისათვის საინტერესოა და საარსებო საგანს შეადგენს. ამ საკითხის ასე თუ ისე გადაჭრა ყველა ადამიანს ერთნაირად ეხება, ვინაიდან იგი ადამიანის საერთო ბუნებიდან გამომდინარეობს.

ჩვენ სახეში გვაქვს ქავჭავაძის ცნობილი პოემა „განდეგილი“ და მისი დედაზრი. ამ პოემით მისმა მხატვრულმა შემოქმედებამ და მოაზროვნე შუბლმა სხვა ერთა ყურადღებას მიიპყრო. ილია უკვე საქვეყნო პრობლემას ეხება.

„განდეგილიში“ დაპირისპირებულია ორი ერთმანეთის მოპირდაპირე ადამიანი — არც ერთი მათგანი ერთმანეთს არა ჰგაეს — არც გარეგნულად, არც მსოფლშეგრძნებით და არც მსოფლმხედველობით.

პირველად თვალწინ დაგვიდგება განდეგილის ასეთი ხატება:

„სახე გამხდარი, კეშტი და მწყრალი
სიწმინდის მადლით დაშვენებოდა,
და მაღალს შუბლსა, ნაოკად შეკრულს,
შარაყანდელი გადაჰყენოდა,
მესთა მცხრალ თვალთა ღრმა მტყუველება
ესოდენ იყო წყნარი და ტკბილი,
თითქო მათ შიგან ჩასახებულა
თვით სათნოება, კდემით მოსილი,
თითქო ნელისა სიხარულითა
სამოთხის ღია კარს შეპხარაინ
და სულთან ერთად უფლისა მიმართ
სასოებითა მიისწრაფიან.
ლოცვით და მარხვით ხორც-უძღურ-ქმნილი
ჰგეანდა წმინდანსა იგი წამებულს,
მრავალგზით ტანჯულს და ტანჯვით ზედა
ძღვეით-მოსილსა და განდიდებულს“.

პოეტის სიტყვით მწირი

„არ იყო ხნეიერ, მაგრამ ეთ წმინდანს
სულის სიძალდე ზედ დასჩნეოდა,
ზედ ეტყობოდა, რომ სული მისი
სულ სხვა მსოფლიოს შეპხიზნებოდა“.

ტანჯული და წამებული ხორცი, ცად მიპყრობილი თვალები, სასოებით გულხელდაკრეფილი წმინდანი, — აი, ვინ დგას ჩვენს წინაშე.

„განუღვენია გულიდამ ყველა:
მსოფლიო ზრახვა, ფიქრი, წადილი,
რათა წარუღვეს უფლისა მსჯავრსა
სულით გაწმენდილ და განბანილი.“

დღე-ღამე ლოცვით, გოლებით, გვემით
ხორცი სულისთვის უწამებია,
და ვით ქურქელი იგი წყმდელი —
ცრემლით ურეცხავს, უსოვლებია...
განყენებული წუთისოფლისგან,
აქ სული-მისი აღყვავებულა,
და ხორცული გულისთქმა ყველა
დამარხებულა და განსვენებულა“.

ასეთია განდგეილის წარსული და აწმყო, მისი წამებაც
„ღმერთს შეუწირავს“.

„და სასწაული ნიშნად მადლისა
მლაღლებელზედ მოუვლენია“.

სარკმლიდან შემოსული შუქი მწირის ლოცვანს „უფლის ბრძა-
ნებით ზედ შეირჩენდა“.

ამ სურათს აი, რა ხატება დაუპირდაპირა პოეტმა:

„თვით შური, მტრობა ვერ უპოვიდა
ქალს მშვენიერსა ვერაფერს ნაკლსა.
მის თვალთა ელეით, დაწვთა შექმენით,
გულ-მკერდის რხევით ვინ არ ათრთოლდეს!...
დახე მის ტუჩთა!.. თითქო თვით ტრფობას
თვის ნაზი კოცნა ზედ დარჩენოდეს.“

არაეინ იყო... ხილი ცეცხლა-პირს
ქალს დალაღლსა მისძინებოდა,
და ცეცხლის შუქი მის ტურფა სახეს,
ვით საყვარელსა, ზედ დაჰხაროდა.
საოცარ იყო მიძინებული
იგი სიტურფე, იგი მშვენება!..
თითქო მის შექმნას ერთად ცდილანო
თვით სიყვარული და ნეტარება!
თითქო თვით მადლსა შეენებრსასა
თვისი საუნჯე აქ დაჰბნევია
და ეშხსა, ვითა იადონს ვარდზედ,
სული მის დაწვზე დაუღევია“.

ერთი სიტყვით, ჩვენს წინაშე სიცოცხლით მფეთქავი ხორციე-
ლებბა, ამქვეყნიური ცხოვრებით გალაღებული არსება, რომელიც
პირგადიმებული წარუდგა ბერის წამებულ სხეულს, ჩამომხმარ სა-
ხეს და ცად მიმართულ მიბნედილ თვალებს. იბრძვის ორი საწყისი:
ამქვეყნიური და ზეციური, ხორცი და სული, წარმართობა და ქრის-
ტიანობა.

მშვენიერი ასული მსოფლიოსაც თავისებურად გრძნობს, მას

ჰნიბლავს სილამაზე, მისი ცქერით გატაცებული ცხვარსაც კი ღუპავს.

„ლამაზი იყო ამ დღის საღამო,
რა-რიგ კშენოდა შზე დამაველი
შეეხედე თუ არ იმ შზეს, იმ ცასა,
გავშტერდი, ვეღარ მოესხლიტე თვალი“.

ამ ქვეყნიურობის ემბლემას მიწიერ გრძნობებთან ერთად აზრიც მიწიერი აქვს. მასში ყოველმხრივად შეკუმშულა ეს ქვეყანა: ხორციით, გრძნობით და ბოლოს, აზრით. როდესაც შენი სენაკი შორით დამინახავსო — ეუბნება ბერს, — მაშინ

„მოგონებია მამის ნათქვამი, —
იქ, უინულებში კაცი სცხოვრობსო,
სულისთვის ხორცი გაუწირნია,
უწუთისოფლოდ მარტოკა ძლებსო.
გამკვირეებია მე ეს ამბავი!..
მითქვამს: იქ ყოფნა რას არგებს სულსა?
განა სწყინს ღმერთს, რომ კაცი შეჰხარის
ქვეყანას, ღვთითვე დაბადებულსა?
უფიქრობდი: ნეტა მაშ რისთვის შორითო
ესე ლამაზად წუთის-სოფელი?
განა მისთვის, რომ აღამიანმა
შეაჩენოს და აიღოს ხელი?
ყველაფერს უნდა გამოვეთხოვო,
ჩემს ტოლს და სწორსა, ღვინს და სიბპრულს!
ღმერთო, ნუ მიწყენ.. ვერ ეიზამ მაგას!
აღრე და მალე ვერ მოვიკლავ გულს!“..

ასე მსჯელობს მწყემსი ქალი, რომლის ყოველი სიტყვა მისი სხეულის ფეთქვაა. ამ ენით მისი წარმტაცი სხეული მეტყველებს. ის ერთიანად ბუნებრივი არსებაა, არაფერში თავისთავს ძალას არ ატანს. ამბობს იმას, რასაც გრძნობს. აზროვნებს ისე, როგორც ამას მისი სხეული უკარნახებს. რით უნდა დაუპირისპირდეს ყოველივე ამას განდეგილი, რომელსაც საშინელი ბრძოლა გაუწევია თავის-თავზე, უწამებია სხეული, უნებვიერებია სული და ნებისყოფის მუხრუჭებით ებრძვის ბუნების საღ მოთხოვნილებებს?

განდეგილს ეგონა, რომ მან უკვე სამშვიდობოს გასცურა და თავისი თავი ერთიანად გარდაქმნა, „თავი ახლად იშვა“ და რაღაც ახალი ტაპის ადამიანს წარმოადგენს, რომელიც ერთის „ბუნებისგან“ შედგება, მაგრამ სასტიკად მოტყუვდა იგი: სინამდვილის საწინააღმდეგო ტენდენციასზე აგებული მისი იდეალი პირველ განცდისთანავე დამარცხდა.

ბუნებრიობის უარისყოფა და ცხოვრებისგან განდგომა ადამი-

ანს ლუავეს, — აი, ამ პოემის დედააზრი. ბუნებრიობაზე დაყრდნობა და მასთან შეთანხმებული იდეალები, ესაა პიროვნების არსებობის დანიშნულება.

მაშ, უნდა ვიწამოთ ხორცის ნებიერობა და სულიერი ცხოვრების დახშვა? ამით ხომ პირდაპირ ცხოველად გადაქცევის ქადაგებამდე მივალთ — გვეტყვიან ჩვენ. ამ შენიშვნაში არის ერთგვარი სიმაართლე.

მაგრამ აქვე უნდა შევნიშნოთ ერთი რამ: განდევნილის მისწრაფება სრულიად ეგოისტურია, მას სხვისთვის არაფერი არ უნდა, სხეულს იმიტომ სტანჯავს, რომ იქ საკუთარი სული იცხოვროს.

ილიას „განდევნილის“ დედააზრის გაგების დროს ისიც უნდა ვიგულისხმოთ, რომ ჩვენმა დიდმა მწერალმა თავის პოემაში სასტიკად დაგმო ეგოისტური ასკეტიზმი. ამქვეყნიური ცხოვრების მიღება და მის გასაუმჯობესებლად საჭირო ზრდა, ა.ი. რა თქვა ილია ჭავჭავაძემ თავის „განდევნილში“.

ილია ჭავჭავაძე

როგორც ლიტერატურული კრიტიკოსი

I

ილია ჭავჭავაძის აზროვნება მომწიფდა და გაითურჩქნა გასული საუკუნის 60-იანი წლების რუსეთის მოწინავე ინტელიგენციის ზეგავლენით. მან განიცადა იმ დროის „აზრთა მფლობელების“ — ჩერნიშევსკისა და დობროლიუბოვის უდიდესი ზემოქმედება. ეს ორი უდიდესი მოაზროვნე 40-იანი წლების მანათობელი ვარსკვლავის — ბესარიონ ბელინსკის საქმის გამგრობი იყო. ილია ჭავჭავაძისათვისაც ბელინსკი უდიდეს ავტორიტეტს წარმოადგენდა. პირველი თავისი წერილი „ორიოდე სიტყვა „შეშლილის“ თარგმანზედა“ ჭავჭავაძემ 1860 წელს ამ დიდი კრიტიკოსის აზრების გავლენით დაწერა. მეორე წელს დაწერილი „პასუხი“ ბელინსკის ცნობილი ეპიგრაფით დაიწყო. ცნობილია, რომ ილიას მიერ დაარსებული „საქართველოს მოამბე“ ბელინსკის აზრების თავგამოდებული გამავრცელებელი იყო. ამას ამტკიცებს, სხვათა შორის, სპ. ჩიტორელიძის... წერილი „სფირდონისა და თადეოზის ბაასი“, რომელიც მოთავსებული იყო დასახელებული ჟურნალის 1863 წლის მე-7 და მე-8 ნომერებში.

მეცნიერება, ილიას აზრით, კაცობრიობის უდიდესი მონაპოვარია. იგი ქვეყნის გარდამქმნელი და წინ წამწევი საშუალებაა.

„მეცნიერებას და ხელოვნებას, — წერდა ილია „საქ. მოამბის“ 1-ლ ნომერში (1863 წ.), — ჩვენ ვუყურებთ, როგორც ცხოვრების

გასაუმჯობესებელ ღონისძიებათა“. ეს აზრი ძვალსა და რბილში ჰქონდა გამჯდარი ი. ჭავჭავაძეს და მთელი თავისი მოღვაწეობა მან ამ გზით გაშალა, ამას შეაღია თავისი მაღალი ნიჭი.

„მეცნიერება და ხელოვნება, — განაგრძობს ილია, — არ არიან მოგონილნი კაცის ჰქვის და გამოხატულობის არც ვარჯიშობისაგან და არც ვარჯიშობისათვის... იგინი იბადებიან ცხოვრებისაგან და არსებობენ ცხოვრებისათვის... იგინი წინ მიდიან ცხოვრების ვითარების გამო და მერე თავის რიგზედ თვით წინ მიჰყავთ ცხოვრება... რაც მათგან არის მოყვანილი ცნობაში და დამტკიცებული, ის გადადის ხალხში და იგი სცვლის ხალხის მდგომარეობასა და ცხოვრებასა“¹.

ამნაირად, ილიას ღრმად სწამს მეცნიერებისა და ხელოვნების უაღრესად პროგრესული როლი ცხოვრების გარდაქმნაში.

ილია, რასაკვირველია, არ აიგივებს მეცნიერებასა და ხელოვნებას, მან ნშეენივრად იცის ამ უკანასკნელის სპეციფიკა. „მეცნიერება და ხელოვნება — ეს ორნივე ერთსა და იგივეს მსახურებენ: აზრის მოძრაობას; ერთსა და იგივეს გამოსთქვამენ: ხალხის აზრსა, და თუ რაშიმე განირჩევიან, მხოლოდ იმაში, რომ სხვადასხვა გზით და სხვადასხვანაირად მოქმედებენ და გამოსთქვამენ“, — ვკითხულობთ არაერთხელ ციტირებულ წერილში. უკანასკნელ სიტყვებში ილია ხელოვნების სპეციფიკას გულისხმობს. რაში მდგომარეობს იგი? ი. ჭავჭავაძე ამ საკითხებზედაც საესებით გარკვეულ პასუხს იძლევა: „ხელოვნება არის განხორციელება სახეში იდეისა, აზრისა: მუსიკა, მხატვრობა, პოეზია — ესენი სულ სახეში გამოსთქვამენ იდეას, მხოლოდ იმით განიყოფებიან, რომ თავის იდეის გამოსათქმელად სხვადასხვა მასალას ხმარობენ, როგორც მუსიკა — ხმასა, მხატვრობა — ხაზსა, პოეზია — სიტყვასა“, — ვკითხულობთ წერილში „პასუხი“. ამ სტრიქონებში, საიდანაც ბელინსკის აზრთა გამომხაურება იხმის, ჭავჭავაძემ საერთოდ ხელოვნების და კერძოდ მხატვრული ლიტერატურის სპეციფიკაზედაც სრულიად გარკვეულად მიგვითითა.

ილიას აზრით, ცხოვრება ცვალებადი და უაღრესად რთული მოვლენაა. „ყოველი კაცი, რომელსაც კი თვალებზედ ჩამოფარებული არა აქვს რა, ხედავს, რომ ცხოვრება რაც გუშინ იყო, ის დღეს აღარ არის, რომ იგი იცვლება, მიდის წინ და მოაქვს განახლება ყოველისფერისა — წესი, ჩვეულება, აზრი, გრძნობა, ენა, რომელიც მაგათი გამომეტყველია, ყოველიფერი იცვლება მის ძლიერ გავლენისაგან“, — ასე იწყებს ჭავჭავაძე „საქართველოს მოამბიდან“ სა-

¹ ილია ჭავჭავაძე, თხზულებათა სრული კრებული ათ ტომად, სახელმწიფო გამომცემლობა, 1953, ტ. III, გვ. 71.

ზოგადობასთან ბაასს. რისი საშუალებით უნდა აიხსნას ეს რთული და მუდმივად ცვალებადი მოვლენა, ე. ი. ცხოვრება და მისი მაშობ-რავებელი მიზეზები? ილია ასეთ პასუხს იძლევა იმავე წერილში: „მეცნიერება და ხელოვნება, რომელნიც დღე-მუდამ ზედ დასტრია-ლებენ ცხოვრებასა, რომ ყოველი ცვლილება მისი ცნობიერად გად-მოიღონ, რომ ყოველი ყვაილი მისი მოკერიფონ, შეიტყონ, რის-თვის არიან იგინი და რანი არიან, — მეცნიერება და ხელოვნება სხვადასხვა გზით იკისრებენ ახალის ვითარების ახსნასა, ცნობაში მოყვანასა“.

ამავე წერილის მეორე ადგილას ავტორი უფრო მკაფიოდ გა-მოთქვამს ამავე აზრს: „ჩვენ მეცნიერებას და ხელოვნებას მოვს-თხოვთ არსებითსა პურსა ცხოვრებაში გამომცხვარსა და მშვიერთათ-ვის მოსახმარესა დ გამოსადეგსა. მეცნიერებამ უნდა გვიშველოს თა-ვის გამოცნობილ ქეშმარიტებაებით ცხოვრების ახსნა და გაგება: მან უნდა მოგვეცეს პირდაპირი პასუხი ყოველ საჭირო კითხეაზედა. რაც კი პირდაპირ მოედგმება ცხოვრების ვითარებასა, რაც კი გად-მოიღება ცხოვრებისათვის—ის იქნება უფრო საჭირო ჩვენის ეურნა-ლისათვის. სხვა რაღაც წარტოლვილ ცნობაებში გაბმა და ტრიალი ჩვენთვის სრულიად უფასო იქნება და გამოუსადეგი. ეგ იმან ინდო-მოს, ვინც სიტყობებას ხედავს უქმი ჭკვის ვარჯიშობაში და ფრენა-ში. ხელოვნებასაც იმას მოვსთხოვთ, რომ სარკესავით ცხოვრება გარდმოიციეს, რათა ჩვენი თავი მის მომხიბლავის კალმით ცხოვლად იყოს წარმომდგარი ჩვენ წინა, რათა სიცუდეც და სიკეთეც ჩვენი დაეინახოთ“¹.

სრულიად ნათლად და გარკვეულად გვიდგება თვალწინ რეა-ლურად მოაზროვნე ადამიანი, რომლის მთელი გულისყური სინამ-დეილის შესწავლისკენ არის მიპყრობილი, ი. ჭავჭავაძე მტკიცედ დგას თავისი ეპოქის მოწინავე აზროვნების პოზიციებზე და თავ-გამოღებით ეხმაურება თავის დროის აქტუალურ საკითხებს.

პოზიტიური მსოფლმხედველობა ამ ეპოქაში საბრძოლო საგანს წარმოადგენდა. თუ ეს აზრი რუსეთის შესახებ ერთხელ ითქმის, სა-ქართველოს თაობაზე ორჯერ და სამჯერ უნდა იქნას განმეორებუ-ლი. როგორც სოციალური ვითარების, ისე აზროვნების განვითა-რების მხრით 60-იანი წლების რუსეთი დიდად უსწრებდა წინ ამავე დროის საქართველოს. ორმოციან წლებში. რუსეთის აზროვნებამ, რომელიც უმეტესად ფილოსოფიური საკითხების გაშუქებით ხასი-ათდებოდა, დიდი ნაბიჯი გადადგა წინ. სლავიანოფილებისა და და-სავლეთელების იდეურმა ბრძოლამ უაღრესად გაამძაფრა აზრო-ვნება. ჩვენში კი ამ დროს, ილიას სიტყვებით რომ ვილაპარაკოთ,

¹ ი. ჭავჭავაძე, თხზ. სრ. კრ., ტ. III, გვ. 68.

„თვითეული ცალკე კაცი და მთელი საზოგადოება საერთოდ თავბრუდასხმულსავეთ გარინდებული იყო და საქვეყნოდ არც ხალისი, არც ღონე არ გამოუჩენია — არც უკან მიხედვისათვის, არც წინ დანახვისათვის, თითქო დიდი ნისლი მოხვევიათ და ელიან, აცა გადიუაროსო, ან თავზარი დასცემიათ და გამოუჩვენებელ ელდას შეუკრავსო“.

იმ დროს, როცა 60-იან წლებში რუსეთის მოწინავე აზროვნებმა 40-იანი წლების ფილოსოფიური საკითხებიდან პრაქტიკულზე გადავიდა, როცა ბელინსკის მიერ გენიალურად გაკაფულ გზაზე დობროლიუბოვი და ჩერნიშევსკი გამოჩნდნენ, ჩვენში ჭერ კიდევ სქოლასტიკურ-რელიგიური აზროვნება ბატონობდა, როგორც განსვენებული ს.ხუნდაძე ამბობს.

მართალია, რეალისტურ აზროვნებას ჩვენს ლიტერატურაში რამდენიმე წარმომადგენელი უკვე ჰყავდა, — გ. ერისთავმა და ზ. ანტონოვმა (არდაზიანი და კონქაძე უფრო 60-იანი წლების მწერლები არიან) დიდი საქმე გააკეთეს, — მაგრამ ძველებური აზროვნების ბჭეები ჭერ კიდევ მტკიცედ იდგა. რელიგიურ-სქოლასტიკური აზროვნების გვერდით სუსტად მომდინარე რეალისტურ ნაკადს მძლავრი დამცველი უნდოდა როგორც თეორიულ, ისე პრაქტიკულ სფეროში. ილია ჭავჭავაძის დიდმა ნიჭმა და ცოდნამ ორივე ეს საქმე გააკეთა: კრიტიკული წერილების საშუალებით რეალისტური აზროვნების საპროვების თეორიული დასაბუთება მოახდინა, ხოლო „კაცია-ადამიანის“ და „კაკო ყაჩაღის“ შექმნით ერთი ათად გააძლიერა ამავე მიმართულების „რუსხმული“, — ვხმარობთ მისსავე ტერმინს.

ძირითადი მოთხოვნა, რომელსაც ი. ჭავჭავაძე საერთოდ ხელოვნებას და კერძოდ ლიტერატურას უყენებს, არის სინამდვილის ასახვა შესწავლისა და ანალიზის მიზნით. ლიტერატურა მეცნიერის თვალთ უნდა სწავლობდეს და არკვევდეს ცხოვრებას, ცნობაში უნდა მოიყვანოს ყოველი მისი მოვლენა, რათა „ისევე ცხოვრებასავე“ გადმოსცეს ეს ცოდნა „ახალი ცხოვრების გამოსაკვანძავად“. ილია მთელის არსებით ებრძვის იმ მიმართულებას, რომელიც ხელოვნებას თვითმიზნობისკენ მოუწოდებს, მისი დევიზია „ხელოვნება ცხოვრებისათვის“, მისდა შესასწავლად, მისდა გარდასაქმნელად. დაე „ზოგიერთმა უნაყოფო პოეტმა ხელოვნების სახელით უკუარიდოს პირი თავის ხალხის ცხოვრებასა, მეშვიდე ცას შეაჩეროს გაბეცებული თვალები და ბულბულსავეთ უაზრო სტვენა დაიწყოს და აღარ გაათავოს. ჩვენ იმათთან საერთო გზა ჯრა გვაქვს“, — დაასკვნის ჭავჭავაძე.

გასული საუკუნის სამოციან წლებში ეს აზრი საბრძოლო ლოზუნგს წარმოადგენდა და უაღრესად აქტუალური ხასიათისა იყო.

მეორე მოთხოვნა, რომელსაც ი. ჭავჭავაძე მხატვრულ ნაწარმოებს უყენებს, არის ენის საკითხი.

„პირველი ასეთი ნიშანი ერის ვინაობისა — ენაა და, აი, სწორედ პირველმან ამან აიდგა ფეხი ჩვენში, შემდეგ კარგა ხნის დუმლისა, — წერს ი. ჭავჭავაძე, — „ამასთან ჩვენს ცხოვრებას, ჩვენს აზრთა სვლას, ჩვენს ზრუნვას და ფიქრსა, მთელის ბუნებითად რთულის ცხოვრების ფართო მოედნიდამ — მცირე კუნძული-და ჰქონდა დათმობილი ჟამთა ვითარებისაგან. მართო ამ კუნძულში-ლა გახდა შესაძლებელი ჩვენის ცხოვრებისათვის მოღვაწე კაცს თავი ეჩინა. ეგ იყო მწერლობა, რომელიც ჰზრდისა და ინახავს ენასა და რომელმაც ხელახლად ხმა ამოიღო ამ საუკუნის ოცდაათიან წლებში“¹.

მწერლობამ და პირველ რიგში მხატვრულმა ლიტერატურამ, ილიას აზრით, უნდა შეინახოს — ენა. ამიტომ იყო, რომ ილია სამწერლო ასპარეზზე გამოსვლისთანავე ენის რეფორმის საკითხს შეეხებო „თავისი მეხის სიტყვით“, როგორც მის მიერ მიწასთან გასწორებული კოზლოვის მთარგმნელი რევაზ ერისთავი ამბობს, ერისთავის წინააღმდეგ მიმართულ სტატიაში ჭავჭავაძე წერს: „სხვისა არ ვიცი და ჩვენ — კი მშობელ მამასაც არ დაუეთმობდით ჩვენ მშობლიურ ენის მიწასთან გასწორებას. ენა საღვთო რამ არის, საზოგადო საკუთრებაა, მაგას კაცი ცოდვილის ხელით არ უნდა შეეხოს“.

ილიამ იცის, რომ ენა ცხოვრების თანამგზავრია და მუდმივ ცვალებადობას განიცდის, „კაცის ენა, — ილიას აზრით, — კერძო პირსავეთ იზრდება და ვითარდება; ამ ზრდაში იცვლება, როგორც ჩვენ — კაცნი ზრდაში ვიცვლებით ხოლმე; ხშირად იქნება, რომ კანონები, ერთს დროს საჭირონი, სხვა დროს უვარგისნი არიან ხოლმე: იმიტომაც ახალი ენა ძველს ენას არა ჰგავს, როგორც ახალი კაცი არა ჰგავს ძველს კაცსა“.

ილია ჭავჭავაძე პიონერი იყო ქართული ენის განახლების საკითხებში. მართალია, როგორც პლატონ იოსელიანი ამბობს, ათი-თხუთმეტი წლით ადრე გიორგი ერისთავმა „დაბადა ენა ქართული ახლისა გვარისა მწერლობისათვის“. შემდეგ ეს გზა განაგრძეს ზ. ანტონოვმა, ლ. არდაზიანმა და დ. კონჭაძემ. ილია ჭავჭავაძე კი დიდი რეფორმატორი იყო და უდიდესი თეორეტიკოსი, რომელმაც თავისი კრიტიკული და მხატვრული ნაწერებით საფუძველი დაუდო ახალი ქართული სალიტერატურო ენის განვითარებას.

ნამდვილი ბრძოლა ამ საკითხის გარშემო მხოლოდ ჭავჭავაძის დროს გაიმართა: გ. ერისთავის, ზ. ანტონოვისა და სხვების ენას

¹ ი. ჭავჭავაძე, თბ. სრ. კრ., ტ. III, გვ. 206.

თითქოს არაეინ არ გაუნაწყენებია. ალბათ, უდღეურ მოვლენად მიიღეს დახავსებული „ცისკრის“ მესვეურებმა ამ მწერალთა ინიციატივა. ქაობი მხოლოდ მაშინ შეშფოთდა, როცა ჯავჭავაძის „მეხი სიტყვა“ გაისმა, სიტყვა. — მართალი უნდა ითქვას, — მკაცრი და დაუნდობელი.

სარდიონ მესხიევი „ცისკრის“ გვერდებიდან (1861 წლის მე-6 ნომერში) ასეთი საბუთებით ებრძვის ილიას: „რასაკვირველია, კარგად იცით, რომ წერა არის სამგვარი: მაღალი, საშუალო და მდაბალი“. „სრულიად არ ვიცი, თქვენმა მზემ, — მოტუქრის ჯავჭავაძე, — შემიტყვია კი, რომ ძველს რიტორიკებში მაგ-რიგადა ჰყოფდნენ ენასა, რომელიცა ერთი უნდა იყოს ლიტერატურაში და არა სამგვარი... უწინ რომ ჰყოფდნენ მაგ-რიგად, იმ საფუძვლითა ჰყოფდნენ, რომ არიანო ქვეყნად სამგვარნი საგანნი: მაღალი, საშუალო და მდაბალი, რომელთ გამოსახატავად უნდა იყოს კიდევცო სამგვარი ენაო; მაღალ საგნისთვის — მაღალი, საშუალო საგნისთვის — საშუალო და მდაბლისთვის — მდაბალი. აბა ესლა ერთი მიბრძანეთ, არიან ქვეყნიერებაზედ ეგ სამგვარი საგანნი? განა ყოველი საგანი თავის კვალობაზედ არ არის მაღალი, მაღალ ღვთაებრიობის სიბრძნის გამომთქმელი? პოლიპი, რომელიც ძლიეს აჩენს თავის სულიერობას, ისე ცხადად მოგვეთხრობს ღვთის ძლიერებას, როგორც მზე, ქვეყნის მაცხოვრებელი მნათობი. მაშასადამე, ყოველი საგანი [ლირსია] ერთნაირად გამოთქმისა!“.

ეს არის საკითხის წმინდა რეალური თვალსაზრისით დასმავ რეალისტურ ლიტერატურას ენაც ასეთი უნდა ჰქონდეს. რეალიზმი თავის დროზე ლიტერატურის პოპულარობას და გადემოკრატებას მოითხოვდა, მაშასადამე, ლიტერატურის ენაც მდაბიო და ხალხური უნდა ყოფილიყო.

მესხიევი ჯავჭავაძის საყურადღებოდ წერდა: „სადაცა ინმარება ნაცვალსახელი „იგი“, ამ მაღალს სიტყვას ზმნისზედა შეეფერება „ოდეს“ და არა მდაბიო „როცა“.

ილია ამის პასუხად წერს: „ერთი მიბრძანეთ, სადაც „იგი“-ა, იქ რატომ „როცა“ არ ითქმის „ოდეს“ მაგივრად, როცა ეს ორივე სიტყვა ერთი მნიშვნელობისაა. განა ენაშიაც არის ღენერლობა და საღდათობა? თუ არის, მაშ მაშინ ღენერალ „იგი“-სთან ვერ გაზბედავს დგომას საღდათი „როცა“. ამ აზრის დასასაბუთებლად ილია მგორე აღგილას გვეუბნება: „უკადრისი სიტყვები ქვეყანაზედ არ არიან. მხოლოდ აზრი იქნება უკადრისად გამოთქმული სიტყვებთაგან. უვარგისი სიტყვაც არ არის ქვეყანაზედ. თუ ხალხი ხმარობს, მაშასადამე, ვარგისიანია“.

ენის წარმოქმნაში ჰავკავაძე პირველობას ხალხს უთმობს, მდებალი ფენების შემოქმედებას. როგორც მრავალ სხვა საკითხში (მაგ., ადგილობრივი თვითმმართველობა, კანონმდებლობის სათავე, სწავლა-აღზრდის მთავარი ობიექტი და სხვ.), ისე ენის საკითხში ჰავკავაძეს ძირითად დასაყრდენ ძალად მასა მიაჩნია. „ხალხია ენის კანონის დამდებნი“-ო, ამბობს ილია.

ენის გამარტივებას და ხალხის მეტყველებამდე დაყვანას განსაკუთრებული მიზანი ჰქონდა ჰავკავაძის რწმენით. „საქართველოს მოამბის“ სარედაქციო წერილში ვკითხულობთ: „რა წამს მიხედნენ, რომ ლიტერატურა თუმცა უფრო ვრცლად მოქმედობს ბეჭდვის შემწეობითა, მაგრამ მაინც ხალხს მისი გავება ეძნელება, მაშინვე გამოჩნდა საჭიროება იმგვარ ლიტერატურისა, რომელიც, როგორც ენით, ისე აზრის გამოთქმით უფრო ადვილად უნდა ასრულებდეს ზემოთქმულს შუამავლობასა მეცნიერებასა და ცხოვრებას შორის“. ამ სიტყვებიდან ნათლად ჩანს, რომ ენის გახალხურების მიზანი ხალხში მეცნიერული ცოდნის შეტანაა, მეცნიერებისა და ხელოვნების საშუალებით. „ლიტერატურის ენა დაუშორდა ხალხის ენასა“. ამის გამო „შეატყეს, რომ თვით ეს ლიტერატურაც ისე სწრაფად არ ავრცელებს მეცნიერებასა ხალხშია“. მას აღარ შეუძლია „მრავალთათვის მისაწვდომი გახადოს ის, რაც დასაკუთრებული აქვს ცოტასა“. მაშასადამე, — დასკვნის ჰავკავაძე, — ენის რეფორმაც აუცილებელია. „ახალი იდეები და აზრები“ ახალ ენას მოითხოვენ, ახალი ღვინო ვერ მოთავსდება ძველ ტიკებში.

რეალისტური ლიტერატურის ძირითადი პრინციპებიდან გამომდინარეობს აგრეთვე ადგილობრიობის კოლორიტის დაცვა, მოცემული სინამდვილის საყოფაცხოვრებო და ეროვნული ნიშანდობლობის ასახვა. ჰავკავაძე ამ პრინციპსაც გარკვეულად იცავს. კობლოვის „შეშლილის“ შესახებ იგი წერს: „ბევრიც რომ წაიკითხოთ, მაინც ქართველი ვერ გაიცნობს ფრჩხილის ოდენასაც რუსის სოფლის გოგოსა, იმიტომ რომ ეს შეშლილი გოგო, თუმცა კახლოვი ამბობს რუსისააო, მაგრამ რუსის სარაფანიც არ აცვია ზედა; ეგ რაღაც ურუსო რუსია, კახლოვის ფანტაზიის შვილი, და არა რუსის ცხოვრებისა“. ლიტერატურული ტიპი ეროვნულ კონკრეტობაში და დამახასიათებელი ნიშნებით უნდა იყოს მოცემული, წინააღმდეგ შემთხვევაში განყენებულ და სქემატურ, ე. ი. არანამდვილ აღამიანს მივიღებთ, — ასეთია ამ ამონაწერის აზრი.

შოთა რუსთაველის შესახებ ილია ამბობს: „თქმა არ უნდა, რომ ერი, რომელსაც ეკუთვნის ამისთანა მწერალი, თავისის სამკაულით აკაზმინებს, თავის საფერავით აფერეინებს პოეტს ყოველს ხატს; ყოველს ნამოქმედარს შემოქმედებისას“

ჩეალისტური მიმართულება სრულებით არ მოითხოვს ყოველგვარი წერილმანის, ყველა საგნის და ყოველნაირი მოვლენის ერთნაირი შეუჩვენებლობით და ფოტოგრაფის ობიექტურობით ასახვას. მისი საგანი არ შეიძლება იყოს ყოველდღიურად მიმტბორავე და ერთფეროვანი სინამდვილე. ნიკიერმა ხელოვანმა, უპირველეს ყოვლისა, ერთგვარი შერჩევა უნდა მოახდინოს, უმნიშვნელო და ნაკლებად დამახასიათებელ მხედველობაში არ უნდა მიიღოს და მთელი თავისი ყურადღება ისეთ მოვლენასა და საგანზე შეაჩეროს, რომელიც მრავალ მოვლენასა და საგანს შორის მთავარ, წამყვან ძალას წარმოადგენს, მათ თვისებათა შეჭგუფებას იძლევა, ერთი სიტყვით, ტიპურია. ტიპის ამორჩევა და სინამდვილის მრავალფეროვნებაში ტიპურზე შეჩერება, საზოგადოდ ტიპური აზროვნება უდიდესი პლუსია მწერლისათვის. ეს ამტკიცებს მისი აზროვნებისა და მომზადების სიღრმე-სისრულეს, სინამდვილის და განვითარების ტენდენციის ცოდნას.

ილია ჭავჭავაძე, რომელმაც სალიტერატურო ასპარეზზე გამოსვლისთანავე სწორედ ტიპური აზროვნების უდიდესი მაგალითები გამოამჟღავნა ლუარსაბ თათქარიძის, კაკო ყაჩაღის, დათიკოს და სხვების დახატვით, ასეთ აზრს გამოსთქვამს ამ საკითხის თაობაზე: „შემოქმედობის ძალის ღონიერობა ერთი და იგივე არ არის, როცა ერთი მთელს გადასწვდება ხოლმე და მეორე — კი — მარტო ნაწილსა. მწერალმა თუ სხვა ეინმე ხელოვანმა, რაც უნდა ზედმიწევნით და მშვენიერად გამოხატოს ერთი რომელიმე ცალკედ სახელწოდებული კაცი — ივანე, თუ პეტრე, ყოველთვის უპირატესობა უნდა დაუთმოს იმას, ვინც ზოგადი კაცის გამოხატვის შემძლებელია“¹. ეს სიტყვები მსოფლიო მნიშვნელობის ტიპების — „ვეფხისტყაოსნის“, გმირების შესახებ თქვა ილიამ, მაგრამ როგორც პრინციპული დებულება, ყოველგვარი ტიპურის თაობაზე ვრცელდება. მისივე სიტყვით, „პორტრეტების მხატვარი, დიდად სახელგანთქმულიც და გამოჩენილი, ყოველთვის უმდაბლესია, უმდარესია მასზედ, ვინც ზოგადის კაცის, ტიპის შემოქმედია, თუნდაც ხელთაქმობით, ტეხნიკით ამისი თანასწორი იყოს. ამიტომაც თითონ პორტრეტების წერას, ესე იგი ცალკე კაცის ხატვას, მხატვრობაში უკანასკნელი ადგილი უჭირავს და თითქმის ხელოვნებადაც არ არის ცნობილი, რადგანაც ეგ უფრო ოსტატობაა, ვიდრე ხელოვნება“.

მწერლის ნიჟის სიძლიერეს და სიღრმეს ჭავჭავაძე სრულიად სამართლიანად ზომავს ტიპური მოვლენის შერჩევის უნარიანობით. რამდენადაც დიდ მწერალს (გულისხმობს რუსთაველს) კერძო პირების მხატვრად წარმოვიდგენთ, „იმდენად შემოქმედება მწერლისა

¹ ი. ჭავჭავაძე, თხზ., სრ. კრ., ტ. III, გვ. 174.

მადლიდამ დაბლა ჩამოდის, იმდენად მწერალი ნიკ-ნაკლებია და დაქვეითებული“.

კავკავაძე უტილიტარული თეალსაზრისით უდგება საერთოდ ხელოვნებას და კერძოდ ლიტერატურას. უტილიტარიზმის იდეა მას არ ესმოდა ისე, როგორც პისარევემა და მისმა მიმდევრებმა გაიგეს. პისარევის აზრით, მწერლის ნიჭი, ენის ცოდნა და თხრობის მანერა სრულებით არ არის ყურადღების ღირსი, ეგ „ესთეტიკოსების საქმეა“ და არა მოაზროვნე ადამიანისა, რომელიც პოეზიაში ფაქტიურ მასალას უნდა ეძებდეს, პრაქტიკულ ცხოვრებაში სასარგებლოს და გამოსადეგს. მართალია, ი. კავკავაძის სიტყვები: „...ჩვენ სტატიკაში ნუ ელოდებით ესთეტიკურ კრიტიკას: ვინ ჩვენ და ვინ ესთეტიკური კრიტიკა! ჩვენ უბრალო სიკვდილის შვილი ვართ, სად შეგვიძლიან“, — ძალიან ჰგავს პისარევის აზრს, მაგრამ იგივეობის ნიშანი მათ შორის მაინც არ დაისმება: ილია მხატვრულ ნაწარმოებში აფასებს და ეძიებს არა მარტო შინაარსს და სასარგებლო ცოდნას, არამედ მისი გაფორმების საშუალებებსაც. ნიჭის სიძლიერე და თავისებურება მისთვის ერთი მთავარი საძიებელთაგანია მხატვრული ფაქტის შესწავლის დროს. გავიხსენოთ, რა სასტიკად მოექცა იგი კაზლოვს და მის უნიჭო მთარგმნელს ერისთავს, რა დღე დააყენა ბარ. ჯორჯაძეს, მესხიევს და სხვებს. ვიცით მისი აზრი აგრეთვე ენის შესახებ. ილიას მარტო „ცხოვრებაში გამოცხვარი“ არსებითი პური არ უძებნია ხელოვნებაში, როგორც იგი ამბობს „საქ. მოამბის“ პირველ ნომერში. მას ხელოვნურ ნაწარმოებში ერთნაირად სწამს შინაარსისა და ფორმის მთლიანობა და განუყოფელობა. ამაში გვარწმუნებს, სხვათა შორის, მისი შემდეგი სიტყვები: „ვეფხისტყაოსანს“ თუ არის უკვდავი, არა მარტო თავის ფორმით, არამედ თავის შინაგანი ღირსებითაც“.

III

ი. კავკავაძეს რამდენიმე ფრიად მნიშვნელოვანი წერილი და შენიშვნა აქვს მიძღვნილი ქართული ლიტერატურისადმი.

ძველი, ფეოდალური ხანის ლიტერატურიდან ილია საფუძვლიანად შეეხო მარტო „ვეფხისტყაოსანს“, რომლის მსოფლიო მნიშვნელობა მან შესანიშნავად დაასაბუთა ჩვენი პოეზიის მნათობთან—აკაკისთან გამოკამათების დროს. სხვა ძველი მწერლებიდან იგი გაცივრით ეხება გურამიშვილს და ჩახრუხაძეს. ხოლო მთელი ძველი ლიტერატურის შესახებ თავის კონსპექტში ილიას მოცემული აქვს რამდენიმე ფრიად საინტერესო დებულება, რომელიც ავტორს განზრახული ჰქონია წერილისთვის სარჩულად დაედო, პირველი სამი დებულება ასეთია: „1) ლირიკული მიმართულება ჩვენი პოეზიისა; 2)

მიზეზი ამისთანა მოვლენისა — სისუსტე ტალანტებისა; 3) მოლექსეთა შორის მარტო რუსთაველის გენიამ შეიძლო შექმნა ეპოპეისა, თუმცა იმის პოემაშიც ურევია ბევრი ლირიკა; უნიჭობა ჩვენის მწერლებისა, რომელთაც უნდოდათ შისი მსგავსი დაეწერათ, მაგრამ მინც ლირიკაზე გადადიოდნენ“.

როგორც ამ დებულებებიდან შეიძლება გაიგოს კაცმა, ილია აქ გულისხმობდა მარტო ინტიმურ გრძნობათა გამომხატველ ლირიკას და ამიტომ იყო, რომ ასე დაბლა აყენებდა მას, ძველი ქართველი მწერლების — თეიმურაზ პირველის, არჩილ მეფის, გურამიშვილისა და სხვათა ლირიკა უსათუოდ შეიცავს მძლავრ საზოგადოებრივ განცდებს და ამიტომ მათი მნიშვნელობის დამცირება და თანაც მათი ავტორების უნიჭობად გამოცხადება არ იქნებოდა სამართლიანი.

ილია საყვედურს გამოსთქვამდა იმ ძველი ქართველი ლირიკოსებისადმი, რომლებიც თავის „გულთა წვა-დაგვას, ჭირსა და ლხინს“ უფრო უგალობდნენ, ვიდრე შოაზრე ცხოვრების აზრთა ხელას და წარმატებას.

უსათუოდ სწორი და ფრიად საყურადღებოა ამ კონსპექტის მეოთხე და მეხუთე მუხლები. ჩვენი ძველი ლიტერატურის ნიშანდობლივი თვისებები საეხებით სწორ ფორმულებად აქვს ილიას მოცემული. ხაზი უნდა გაესვას იმ მომენტს, რომ ჰაკვავაძე ძველ ლიტერატურას შინაარსისა და ფორმის მხრივ უდგება. გაეცნოთ ეს დებულებები:

„4) იღეა ძველი პოეზიისა და ფორმა გამოთქმისა: ა) ჩივილი, წუთისოფლის მღერვა; კაცის ამაოება, აქაური ცხოვრების ამაოება და ნუგეშით თვალის შეჩერება ცაზე, სადაც მოელიან საუკუნო განსვენებას და მართლმსაჯულებას; ბ) სიყვარული უფრო პლატონიური, მუხთლობა სიყვარულისა და დაუდგრომლობა; თუ აქ არ შევხვდით ერთმანეთს — ცაში და-ძმანი ვიქნებითო; გ) ქალი ან ანგელოზია და უფრო ხშირად — დემონი, წამწყმედი კაცისა; დ) ბუნება წმინდა სანთელია იმათ ხელში, რასაც უნდა, იმას გამოსახვენ; ბუნება თუ არის მშვენიერი, — იმათ გრძნობის მიხედვით; ის, როგორც ობიექტი, არ არსებობს იმათთვის; 5) ფორმა გამოთქმისა: ფიგურალობა და ალეგორია სპარსულის ლიტერატურის გავლენის გამო“.

საუბედუროდ, ჰაკვავაძეს ეს დებულებები გაუშლელი დარჩა, ამიტომ მხოლოდ მისი შეხედულებების ზოგად მხარეზე შეგვიძლია მსჯელობა ვიქონიოთ. სამაგიეროდ, „ვეფხისტყაოსნის“ შესახებ ილიას აზრები საკმაო სისავსით და სრულის დამაჭერებლობით გვაქვს მოცემული.

დიდად საყურადღებოა ილიას წერილები მე-19 საუკუნის ლიტერატურის კორიფეების და საერთოდ მთელი ლიტერატურის მთა-

ვარი ხაზის შესახებ. ლიტერატურას, როგორც იდეოლოგიის ერთი სახის რაობას, ილიას აზრით, საზოგადოებრივი პირობები განსაზღვრავენ: ყველგან და ყოველთვის იგი ამ თვალსაზრისიდან გამოდის. მე-19 საუკუნის პირველი ჩვენი პოეტი ალ. ჭავჭავაძე და მისი შემოქმედება ასეთნაირ მიზეზობრივ კავშირში ჰყავს ილიას წარმოდგენილი. მეფის რუსეთის საქართველოში შემოჭრის გამო, „რაკი საზოგადოებრივი ცხოვრება ჩვენს კაცს ხელიდამ გამოეცალა, რაკი კაცს ხელთ შერჩა მარტო თავის-თავილა, სხვა რა ექნა, რომ უსაგნო გარემოსაგან ლტოლვილი თვალი თავის საკუთარს გულში არ ჩახედებინა და იქ არ მოეკლა წყურვილი გულთათქმისა და ჰყუაგონების ხედვისა“, — ამბობს ილია“. ...ამ ტბილს მთქმელსაც საყოველთაო უნუგეშ-ყოფამ მაშინდელის დროისამ წარმოათქმევინა ერთგან თავისი სამძიმარი, საცა ისმის ეგრეთწოდებული „მოქალაქური გულისტკივილი“ იმის გამო, რასაც გულში იმაღავდა მაშინდელი ცხოვრება:

„ძალი დაეალს ღიმიტ ნაქცევთა ზედა,
სად სიმართლე მისგან შენარაზედა,
მის ყვავილთა ფერხით ქლახავს გზაზედა;
რომელნი ჰკნებოან
მდაბალთ ჩაგვრით, მტაცებლობით და ხევეკით“.

ეს ძალა, რომელიც ღიმიტ დადიოდა ნაქცევთა ზედა და ფეხით ქლახავდა გზადა გზა სიმართლის ყვავილსა, რომელნიც სკენებოდნენ მდაბალთ ჩაგვრით, მტაცებლობით და ხევეკით, — ნათელი სურათია მაშინდელის ყოფა-ცხოვრებისა. პოეტი უჩივის ამ ყოფას და უქადის, რომ დრო მოვა და სხვა იქნებათ, და ამბობს, გაფრთხილდითო:

„რომელნიც ამწარებთ ღარიბთ ცხოვრებას,
და მსთხოვთ ურცხვად, უსამართლად მონებას,
მოელოდეთ მათთან თანასწორებას;
არ მარადის იშვათ.
მდაბალთ ჩაგვრით, მტაცებლობით და ხევეკით“.

ასე მარტივად და თანაც ასე ღრმად ვერც ერთმა კრიტიკოსმა ვერ გაიგო დიდხანს ალ. ჭავჭავაძის შემოქმედება. ამისი მიზეზი ის არის, რომ ილია ჭავჭავაძის დიდ კრიტიკულ ნიჭს გზას უნათებდა. დიდი პოეტური ინტუიცია.

გრ. ორბელიანი, — ამბობს ილია, — გამგრძობია თ. ალ. ჭავჭავაძის პოეზიისა; და ამას გარდა, თითქმის ერთგვარი ღენა მწერლობისა გაამრავალგვარა, წინ წასწია ჩვენი პოეზია როგორც შინაარსით, ისე ფორმითაც, რადგანაც ამან სრულად განდევნა სპარსული კილო და მითოლოგიურ სახელებით აქრელება სიტყვი-

ერებისა, რომელშიაც ცოტა არ იყოს, წილი უდევს. თ: ალ. ჭავჭავაძეს¹.

ახალი ქართული ლიტერატურის განხილვის დროს ილიას მთავარ მიზანს შეადგენს გამოარკვეოს, „თუ რამოდენად იზრდებოდა, მატულობდა ჩვენი აზრი, რამოდენად შორსა და შორს სცემდა ჩვენი თვალთახედვის ისარი, რამოდენად დიდდებოდა ჩვენი მსოფლმხედველობა, და გუშინდელი რას სთესდა დღეისათვის და დღევანდელი დღე რას ითხოვს ხეალისთვის“.

მხატვრულ ნაწარმოებისაგან ილია, უპირველეს ყოვლისა, აზრს და გონების ამამოძრავებელ შინაარსს მოითხოვდა. ამ ასპექტში გვაჩვენა მან ალ. ჭავჭავაძე და გრ. ორბელიანი. ასეთნაირადვე უდგება იგი ნ. ბარათაშვილს — „ამ უდროვოდ დაკარგულს ჩვენს იმედს“. ბარათაშვილი, ილიას სიტყვით „უფრო ძლიერი“ არის ლირიკაში ალ. ჭავჭავაძესა და გრ. ორბელიანზედ“, „მისნი გულისთქმანი, მისნი გრძნობანი, მისნი ჭიკნინი და მწუხარებანი საყოველთაო და საკაცობრივი არიან“. ამ სხეებთან შედარებით ძლიერმა პოეტმა „ჩვენს აზრს, ჩვენს გულთათქმას, ჩვენს ჭკუა-გონებას დიდი განი და სიღრმე მისცა. კაცობრიობის წყურვილს ქართველიც თანამოზიარედ გაუხადა და კაცობრიულ წყურვილის მოსაკლავ წყაროს ქართველიც დააწაფა“. ბარათაშვილი დიდი მწერალია, იმიტომ რომ იგი „სხვაზედ უფრო მეტად, სხვაზედ უფრო მკაფიოდ და თვალნათლად ატრიალებს ჩვენს აზრს და ცნობის წყურვილს იმ თვალგადაუწვდენელს სფეროში, საცა ზოგად-კაცობრიობის დაუსრულებელი საჭირბორბოტო კითხვა-პასუხია რწმენისა და არწმენისა, მყოფობისა და არმყოფობისა“ და სხვ.

ბარათაშვილის პოეზიის შეფასება, რომელიც ჭავჭავაძემ მოგვცა ამ 45 წლის წინათ, დღესაც შეუტყვეველ დებულებად რჩება ქართულ კრიტიკულ ლიტერატურაში.

ი. ჭავჭავაძეს ფრიად საინტერესოდ ჰყავს შეფასებული აგრეთვე გ. ერისთავი, რაფ. ერისთავი, ვახტ. ორბელიანი, ი. დავითაშვილი და სხვები.

ილია ამჟღავნებს ძველი და ახალი ქართული ლიტერატურის შესანიშნავ ცოდნას და კრიტიკულად შეფასების უნარს. მეტიც: იგი კარგად იცნობს რუსეთისა და ევროპის ლიტერატურასაც. ჩვენს დიდებულ მწერალს ყოველთვის მადლა ეჭირა სააზროვნო დროშა და ფეხდაფეხ მისდევდა რუსეთისა და ევროპის მოწინავე აზროვნებას. ახალი იდეა, პროგრესული აზრი, — აი რა იყო ილიას ლოზუნგი. მას, როგორც დიდ მხატვარს, უყვარდა ლამაზი სიტყვა, მხოლოდ როგორც საშუალება დიდი იდეების, ღრმა აზრის გამოსახატა-

¹ ი. ჭავჭავაძე, თბ. სრ. კრ., ტ. III, გვ. 210.

ვად. ამიტომ იყო იგი უდიდესი თაყვანისმცემელი ქართული სიტყვის გენიალური ოსტატის რუსთაველისა, რომლის შემოქმედებაც მას სიტყვისა და აზრის პარმონიულობის საუკეთესო მაგალითად მიაჩნია.

ი. ჰავზავაძის შემოქმედების ზოგიერთი მხარეთა გაგებისათვის

ახლახან სახელგამმა გამოსცა ი. ჰავჯავაძის მხატვრული ნაწარმოებების ერთტომეული. ეს წიგნი დიდი კლასიკოსის დაბადების ასი წლისთავის აღსანიშნავად არის გამოცემული. დართული აქვს ამხ. შ. რადიანის კრიტიკული განხილვა. წერილში ადგილი აქვს ზოგიერთ სადავო მოსაზრებას. ჩვენც მათ შესახებ გვინდა მოვილაპარაკოთ.

ამხ. შ. რადიანი წერს: „ი. ჰავჯავაძეს მეცხრამეტე საუკუნის მეორე ნახევარში ჩვენს სინამდვილეში მოუხდა იმავე ამოცანების გადაწყვეტა, რაც უკვე დიდი ხნის წინათ რუსეთის საზოგადოებრივ ცხოვრებასა და ლიტერატურაში გადასწყვიტა ა. პუშკინმა“. ეს აზრი არსებითად შემცდარია: პუშკინის დროის რუსეთსა და ილიას თანადროულ საქართველოს შორის იგივეობის ნიშნის დასმა არავითარ შემთხვევაში არ შეიძლება... პირველი ევროპასა და აზიას ეხეთქება... მეორე კი საკუთარი თავის გადარჩენაზე ფიქრობს, არსებობას ძლივს ინარჩუნებს.

ოთხმოციან წლებში ი. ჰავჯავაძე ამ სიტყვებით გამოსთქვამდა თავისი მოღვაწეობის დედააზრს: „ბრძოლის საგნად ის „სხვა რამე“ უნდა ყოფილიყო... ის „სხვა რამე“ იყო — ჩვენის დაცემულის ვინაობის აღდგენა, ფეხზედ დაყენება და დაცვა ყოველის მოსალოდნელის ვითარებისაგან... მაგ ახალმა მიმართულებამ დაიპყრო მთელი ჩვენი ღარიბი ლიტერატურა... ყოველი ქეშმარიტი ლიბერალი, ჩვენი კაცი, დღესაც მაგ მიმართულების მიმდევარი უნდა იყოს ჩვენში... სხვა საგანი ამაზედ უსაჭიროესი არა აქვს ახლანდელს საქართველოს შეილს. ყველამ, ვისაც რამ შეუძლიან, ამ მიმართულების ქვეშ უნდა მოუყაროს თავი და ერთად, ძმურად იმოქმედოს. ყოველივე საქმე, ყოველივე საგანი, რაც ჩვენი ცხოვრების მიმავლობაში თავისით თუ სხვისით აღმოჩნდება, სულ ყოველისფერი ჩვენის ვინაობის საქმეს უნდა შეეურჩიოთ, ქვეშ დავიყენოთ“ (ტ. VI გვ. 127—128).

არაფერი ამის მაგვარი პუშკინს არ უთქვამს, არც იყო მისთვის საჭირო ასეთი აზრის გამოთქმა. თუ მაინც და მაინც საჭირო იყო ანალოგია, შეიძლებოდა ლიტერატურული სფეროთი დაკმაყოფილებულიყო და ისიც უფრო მეტი სიფრთხილით.

წერილის დასაწყისში გამოთქმულ აზრს ამხ. შ. რადიანი მეოთხე თავში თითქოს ეწინააღმდეგება: „ი. ჭავჭავაძის შემოქმედებაში, — წერს ის, — საზოგადოებრივ შეხედულებებში საერთოდ მთავარი იყო ეროვნული საკითხი... ამიტომაც არის, რომ სოციალური საკითხების გადაჭრას იგი ეროვნული გეზით იძლევა“. ამ სიტყვით შ. რადიანმა თავისი ხელით წაშალა პუშკინის მოღვაწეობასა და ჭავჭავაძეს შორის დასმული იგივეობის ნიშანი. თუ მთავარი ეროვნული საკითხია, მაშინ წერილის არქიტექტონიკაც ძირიანად უნდა შეიცვალოს და ილიას მხატვრული პროდუქცია ამ წერტილიდან უნდა იქნას განხილული.

ამხ. შ. რადიანის მართებული თქმით, ჭავჭავაძეს „ასულდგმულებდა“ ეროვნული შეგნება, ასულდგმულებდა „როგორც პოეტს და საზოგადო მოღვაწეს“. „ამ პოზიციებიდან იგი ებრძოდა ცარიზმის რუსიფიკატორულ პოლიტიკას და სხვადასხვა ჯურის შემავიწროებლებს, რომლებიც ცდილობდნენ ქართული ენის, ქართული სკოლის და საერთოდ ქართველი ხალხის ჩაწიხლვასა და დამცირებას“. ერთის სიტყვით, ამ პერიოდში ი. ჭავჭავაძე მებრძოლ მწერლად ჰყავს კრიტიკოსს წარმოდგენილი.

„მაგრამ 80-იანი წლებიდან ი. ჭავჭავაძის შემოქმედებაში ხდება თვალსაჩინო გარდატეხა. მის მხატვრულ პრაქტიკაში, ბრძოლას, აქტივობის ადგილს იკერს სიმშვიდის, შემარიგებლობის ტენდენციები“, — ასე წერს შ. რადიანი, რომლის აზრითაც ჭავჭავაძე უარყოფდა რა წარსულში „წოდებრივ დაყოფასა და წინააღმდეგობას, თანამედროვე ურთიერთობის გაგებაშიც ამავე გზას ადგა. კლასობრივი ბრძოლა მას ჩვენი ცხოვრების განვითარების შემაფერხებელ და დამლუპველ მოვლენად მიაჩნდა. იგი არ თანაუგრძობდა ბრძოლის რევოლუციურ მეთოდებს. პირველი რევოლუციის პერიოდში, როდესაც... კლასი კლასის წინააღმდეგ ადგა და საქმეს იარაღი სწყვეტდა, ი. ჭავჭავაძე ისევ კლასთა პარამონიაზე, „ჩატეხილი ხიდის“ გამრთელებზე ფიქრობდა“. ბოლოს, — დაასკვნის შ. რადიანი: — ბატონყმური ურთიერთობის მკაცრმა მხილებელმა პირველი პერიოდის მხატვრულ ნაწარმოებებში, უდიდესი გაუგებრობა და ჩამორჩენილობა გამოიჩინა თავისი სამწერლო მოღვაწეობის მეორე პერიოდში“... და სხვ.

ეს დასკვნები შ. რადიანს დამყარებული აქვს „ოთარაანთ ქერივის“, ჩვენის აზრით, არამართებულად გაგებულს დედააზრზე. ეს ნაწარმოები კარგა ხნის განმავლობაში მეც ასევე მესმოდა, მაგრამ საკითხის შესწავლამ დამარწმუნა, რომ მწარედ ვცდებოდი. მაშინდელი ჩემი ნაწერები ახლა რომ წავიკითხე, ჩემი სიწითლე უსარკოდაც კი დავინახე.

„ოთარაანთ ქერივში“ ჭავჭავაძის დედააზრს შეადგენს ბურჟუა-

ზიული საზოგადოების ძირითად მომენტებში გაკრიტიკება. ეს ძირითადი მომენტებია საზოგადოების კლასიად დაყოფა და კლასობრივი ბრძოლა. ეს ბრძოლა, ილიას აზრით ლუპავს და ანადგურებს საერთოდ ერს, წოდება წოდებას ვერ მიჰკარებია, ადამიანი — ადამიანს, ხიდრატეხილობა ქვეყნის დამლუპველი მოვლენაა. ყველაფერი ეს ჭვეჭვავაძემ მხატვრული სახეების საშუალებით გვიჩვენა, ეს სახეები მან განგვიმარტა არჩილის პირით. და, როდესაც ამ პერსონაჟმა კესოს დაუხატა ბურჟუაზიული ურთიერთობის საშინელება, კესომ „შეჰბლავლა უეცრად:

— „არჩილ, წინ რაღაა, წინ?

არჩილი ასე უპასუხებს:

— ეგ ცრემლიანი ცოდნა უკანა სწვავს და ჰბუგავს, წინა ჰნამავს და ამწვანებს“.

სხვანაირად რომ ვსთქვათ, აი რა გამოდის: ბურჟუაზიული საზოგადოების „ხიდრატეხილობა“ უნდა დაიწვეს და დაიბუგოს, ხოლო მის დანაწევებზე წამოწყებული ახალი ცხოვრება უნდა დაინამოს და ამწვანდეს, მოკვდეს ერთი და ადგეს მეორე, წავიდეს, რაც არის და მოვიდეს, რაც არ არის და რაც სასურველია, — აი, რა აზრი გაატარა ჭვეჭვავაძემ „ოთარაანთ ქვრივში“.

სამოციან წლებში ი. ჭვეჭვავაძე, ებრძოდა რა ბატონყმობას, სიხარულით ეგებებოდა ბურჟუაზიულ საზოგადოებას. 90-იან წლებში მას უკვე არ აკმაყოფილებს ეს ვითარება, კრიტიკის ჭარბეცხლში ატარებს მას, აღიარებს ერის მომსპობად და მომავალში სულ სხვაგვარი ურთიერთობის დამყარებაზე ფიქრობს. როგორი იქნება ეს ვითარება: არავითარ შემთხვევაში არა იმისი მაგვარი, რაც არსებობდა, არამედ სულ სხვა შინაარსის და სხვა წყობის, როდესაც მოსპობილი იქნება „ხიდრატეხილობა“, კლასობრივი სხვადასხვაობა.

ი. ჭვეჭვავაძე სამოციან წლებში წერდა: „ცხოვრება როგორც ყოველი მოზარდი, იზრდება, ჰყვავის, მოაქვს ნაყოფი და მერე ჭკნება — იმისათვის კი არა, რომ მოკვდეს და საუკუნოდ დაიმარხოს, არამედ იმისათვის, რომ თავისაგან მოყვანილს ნაყოფისავე თესლზედ ამოიყვანოს სხვა ახალი, ნედლი ცხოვრება, რომელიც ისევ ისე უნდა წავიდეს ცხოვრების გზაზედ, როგორც პირველი, თუ უკვდავება უნდა. ცხოვრებასაც აქვს თავისი შემოდგომა და გაზაფხული, როგორც ბუნებასა“.

ამ ჰეგელისებურ ნათქვამში ჩვენს წინაშე დარწმუნებული ეკოლუციონისტი დგას, რომელსაც არასოდეს არ უღალატნია თავისი თავისათვის.

1881 წ. ილიამ საზოგადოებრივი პროგრესის ასეთი ფორმულა მოგვცა:

„ყოველგან, საცა კი ისტორიის ღირსი ერი თვისითა სცხოვრობს; ორნაირი წყობაა აზრისა და ეგ ორნაირი წყობა აზრისა შეადგენს ცხოვრების მდინარებასა: ერთი ის წყობაა, რომელიც ცხოვრებას უკვე აღმოუჩენია, დაუდგენია და დღეს მოქმედებს, მეორე ის — რასაც დღევანდელი დღე თხოულობს და საჭიროებს. ამ ორთა წყობათა მოქმედება დაუძინარია და მუდამი, როცა ის, რასაც დღევანდელი დღე თხოულობს, ყველას თუ არა — ბევრს მაინც ძვალსა და რბილში დაუვლის, შესშენილი და გაგებული ექნება, — მაშინ ეგ მეორე წყობა იმარჯვებს და ყოველ საქმეთა სათავეში მოექცევა ხოლმე. ეხლა ეგ წყობა დაიჭერს პირველ ადგილს ცხოვრებაში. რასაკვირველია, მინამ ეს ასე მოხდება, ცხოვრება მაინც მოქმედებს და ახალს საჭიროებას აჩენს. ამიტომაც ახლად გამარჯვებულს წყობასაც სხვა, ახალი წყობა გამოუჩნდება ხოლმე მოპირდაპირედ. ესე მიდის კაცობრიობის ცხოვრება და ამნაირ სვლას დასასრული არა აქვს. თითონ კაცობრიობის ისტორიაც სხვა არა არის-რა, გარდა ამნაირად ფეხის გადანაცვლებისა“ (ტ. VI, გვ. 120).

60-იან წლებში ჩვენმა ცხოვრებამ ერთი ფეხი გადაინაცვლა წინ. გაღის დრო და ბურჟუაზიულმა საფეხურმაც ფეხი უნდა გადაინაცვლოსო, გვეუბნება ჰაეკვაძე 1887 წელს, „ოთარაანთ ქერივის“ დაწერის დროს. გაღის კიდევ 13 წელიწადი და 1899 წლის 31 დეკემბერს ილია ასეთის სიტყვებით აჯამებს ძველს და გამოსთქვამს დამდეგი საუკუნის ამოცანებს:

„ვინ მოსთვლის ყოველს იმ სიკეთეს, რომელიც მეცხრამეტე საუკუნემ შესძინა კაცობრიობას. ერთი დიდი და სახელოვანი საქმე მეცხრამეტე საუკუნისა, სხვათა შორის, ის არის, რომ მაგარს საფუძველზე დააყენა და ფრთა გააშლევინა იმ კაცთ მოყვარულს მოძღვრებას, რომ ყოველი ადამიანი, რა წოდებათა კიბის საფეხურზედაც გინდ იდგეს, მაინც ადამიანია, და ვითარცა ადამიანი — ყველასთან თანასწორი, თანასწორად შესაწყნარებელი და გულ-შესატკივარი. მართალია, ამ მოძღვრების დასაბამი დიდის ხნისგან მოდის, მაგრამ ამ საუკუნემ ეს მოძღვრება განადიდა, გააძლიერა, გააფართოვა და, დაუდგა რა მეცნიერული საბუთი, ღარიბთა და უძლურთა სამწეო მოძღვრებად გადააქცია. ამ მეცხრამეტე საუკუნემ სოციალურის წყობილების იდეალად გამოსახა „გაუქმება ქონებისა და შემოსავლის მეტ-ნაკლებად განაწილებისა ადამიანთა შორის, გაუქმება ყოველის კლასობრივის ბატონობისა და, შეძლებისამებრ, ყოველის კლასობრივის სხვადასხვაობისა, ფეხზე წამოყენება და ხელშეწყობა გამარჯვლ და მშრომელ კლასებისა წარსამატებლად. ამ გზაზე წინა საუკუნეებს ერთად იმოდენი არა უქნიათ-რა, რაც ამ ერთმა მეცხრამეტე საუკუნემ ჰქმნა თავისდა პატივის მოსახსენებლად“...

ეს შესანიშნავი წერილი ასე თავდება:

„მეცნიერება, ადამიანის გონების წინსვლა, ზნეობის აღმატება, — ჯერ ბევრს სხვას კიდევ ძლევამოსილობით მოიქმედებს, მაგრამ ამ მეცხრამეტე საუკუნის ანდერძზე უალრესს და უდიდესს საგანს სხვას ვერას აღმოაჩენს და არ გაუთვალისწინებს კაცობრიობას დღეის ამას იქით“.

რასაკვირველია, არავითარ შემთხვევაში არ შეიძლება იმის თქმა, რომ ეს აზრი ჩამორჩენილ ადამიანს ეკუთვნის. წაჭეჭ-უკუჭეჭობია ჰავჭავაძემ არ იცოდა: ის ყოველთვის წინ იხედებოდა. „წინ რაღაა, წინ?“ კესოს ეს სიტყვები ი. ჰავჭავაძის ყველა თხზულების ეპიგრაფად გამოდგება.

როგორ მიიღო ილია ჰავჭავაძემ 1905 წლის რევოლუცია? ამხ. შ. რადიანის აზრით, ისე გამოდის, თითქოს ილია რევოლუციას არ თანუგრძნობდა, არსებითად არც ეს აზრია მართალი: 1-ლი რევოლუცია ჰავჭავაძემ მიიღო თავის შედეგების მხრით, მიიღო ისე, როგორც რევოლუციის გზაზე გადანაცვლებული ერთი ნაბიჯი, მიიღო იმ მხრით, რა მხრითაც მის თვალსაზრისს და სოციოლოგიურ კონცეფციას ამართლებდა. აი ამისი დამამტკიცებელი საბუთები: სახელმწიფო საბჭოში იგი მიემხრო ავტონომისტთა ჯგუფს („ჩვენი თავი ჩვენადვე გვეყუდნოს“). ამავე საბჭოს წევრთა მოკლე დახასიათებაში ვკითხულობთ: «По аграрному вопросу готов на отчуждение, если такое будет признано вопросом Государственной необходимости. Князь является сторонником широкого местного самоуправления, широкой местной законодательной власти».

აგრარული საკითხი რევოლუციის ღერძი იყო, მიწების ჩამორთმევისათვის მხარის დაჭერა რევოლუციის მიღებას ნიშნავდა. მაშინ რევოლუციონერები ამ ფორმულას უმატებდნენ: „იძულებითი და უფასოდ ჩამორთმევა“; ჰავჭავაძე, მართალია, ასე შორს არ მიდიოდა, მაგრამ ჩამორთმევის პრინციპული აღიარებით ძირითადად იგი რევოლუციის მხარეზე დადგა.

პირველი რევოლუციის დრო ხალხის მოძრაობის ერთ ფორმად კოლექტიური განცხადებების, ანუ პეტიციების წარდგენა ითვლებოდა. სახ. საბჭო უფრთხობდა ხალხის პირისპირ შეხვედრას და ამიტომ კრძალავდა განცხადებების მირთმევის უფლებას. ი. ჰავჭავაძემ მასხარად აიგდო ეს ზერელობა და მით რევოლუციური ხალხის მხარეზე დადგა.

ამჟამად, რომ ი. ჰავჭავაძემ პირველი რევოლუცია მიიღო თავისი შინაარსით, მაგრამ არ მიუღია თავისი მეთოდებით, კლასობრივი ბრძოლით. ეს ორი მომენტი გარკვეულად უნდა დაეაცილოთ ერთმანეთს. რევოლუციონისტ ი. ჰავჭავაძეს არც წარსულში სწამდა და არც 1905 წელს უწამებია საზოგადოებრივი წინსვლის ძალდატანებითი

ფორმები. იგი მშვიდობიანი პროგრესის მომხრეა, ნაბიჯთა გადანაცვლების და არა რევოლუციური ნახტომისა. ამ აზრისა იყო თავიდან და ამ აზრისა დარჩა ბოლომდის.

ი. ქავჭავაძე აღიზარდა ბელინსკის, ჩერნიშევსკის, დობროლიუბოვის იდეებზე. განა შეიძლება იმისი თქმა, რომ ილიას მასწავლებლებისათვის ისე იყო გარკვეული ეს საკითხი, როგორც ახლა ჩვენ გვესმის? ჩერნიშევსკი, რომელსაც ლენინი გლენხური რევოლუციის იდეოლოგს უწოდებს, მხოლოდ მიუახლოვდა მარქსიზმს. ეს მოძღვრება რუსეთში 90-იან წლებში ვრცელდება, მანამდე კი უტოპიური სოციალიზმის დებულებებით იყო გაუღენთილი რუსეთის მოწინავე აზროვნება. ილიას შემოქმედებაში ამ უტოპიზმის ელემენტებს ვხედავთ. „ოთარაანთ ქვრივი“ ამ მოძღვრების პრინციპზეა აგებული...

ჩერნიშევსკის ნაწერებიდან კლასთა ბრძოლის სული ჰქრისო, — სიტყვა ლენინმა. ეს სიტყვები უმეტესაწლოდ ითქმის ქავჭავაძის მხატვრულ ნაწერების შესახებაც. მაგრამ საქმე ისაა, რომ ილიას კლასთა ბრძოლა არ მიაჩნია ცხოვრების მამოძრავებელ და გარდამქმნელ საშუალებად.

კლასიკოსის შეფასების დროს მის და მხოლოდ მის აზრებზე უნდა ვილაპარაკოთ და არასოდეს ისტორიული პერსპექტივა ხელიდან არ უნდა გაუშვათ.

აბაკი წერეთელი

(1840—1916)

I

აკაკი წერეთელზე ბედნიერი მწერალი საქართველოში მეორე არ ყოფილა. მას ყველაფერი ხელს უწყობდა: ნიჭი, მდგომარეობა, აღზრდა და, რაც ყველაზე საყურადღებოა, ეპოქა და მაშინდელი საქართველოს მდგომარეობა.

თავის დროზე თქმულ სიტყვას ცხოვრებაში უდიდესი და ხშირად გადამქრელი მნიშვნელობა აქვს. რაც უნდა ღრმა და ქეშმარიტი აზრი წარმოსთქვას ადამიანმა, თუ იმას საზოგადოებრივი ფსიქოლოგია ნოყიერ ნიადაგად არ ხედება, ეს აზრი უცილებლივ თანამედროვეთა ყურს ასცდება და შესაფერ დრომდე მივიწყებული იქნება. ლიტერატურისა და აზროვნების ისტორიას აუარებელი შავალითი მოეპოვება იმ აზრის დასამტკიცებლად, რომ ერთ დროს, შეუმჩნეველი მწერალი და მოაზროვნე, მეორე საზოგადოებრივ პირობებში მზრუნველის ხელით აღუდგენიათ და დაეიწყებიდან გამოუყვანიათ.

აკაკის წარმტაცი ქნარი სწორედ იმ დროს აღდგრა მთელი თავისი მომხიბლობით, როდესაც ქართველი ხალხი უკვე საბოლოოდ ჩადგა ახალ კალაპოტში, თვალი გაუსწორა შექმნილ ობიექტურ პირობებს და ერთგვარად კიდევ მოლონიერდა და სული გართქვა. მე-18 საუკუნის ქართველი ფიზიკურად განიავებული ერი გამძღავრდა და ფეხზე დადგა, მისი ნაციონალური სხეული გამთელდა, მის ეკონომიკურ ურთიერთობაშიც უდიდესი, ჯერ უნახვევი ცვლილება მოხდა. ქართველი ერის უდიდესი უბედურება ის იყო, რომ ფეოდალური ეკონომიკა მისთვის მთელი მისი ისტორიის მანძილზე დაუძლეველი იყო, მე-19 საუკუნეში კი კაპიტალიზმმა ერთიანად შეარყია ეს ბაზა და საქართველომაც ისტორიულ გზაზე მხსნელი ვარსკვლავი დაინახა, განახლების საფეხურზე შედგა ფეხი. ახალ ეკონომიკურ-საზოგადოებრივ ურთიერთობაში წარმოიშვა ახალი აზრი, ახალი გრძნობა. გამოიჩქვა, რომ საუკუნეთა მანძილზე დაგროვილი კულტურული ნაღეჭი, რომელიც პოტენციალურად იმალეზბოდა ამ პატარა ერში, დროთა ბრუნვას სრულად ვერ მოესპო და ხელსაყრელ პირობებში კიდევ წამოეყო თავი ახალი ენერგიით: ეკონომიკურად მოლონიერებულ საქართველოს სულიერი ცხოვრებაც მოუნდა და, აი, სწორედ ამ დროს აწკრიალდა აკაკის მომხიბლავი ქნარი.

მას ერთგვარი ლიტერატურული ტრადიციაც დახვედა. ახალი ეპოქის მაჯისცემა უკვე გამორკვეული იყო. ალექსანდრე ჰაეკეავაძემ, გრიგოლ ორბელიანმა, ნიკოლოზ ბარათაშვილმა, გიორგი ერისთავმა და „ცისკრის“ ჯგუფმა აკაკის გამოსვლამდე გზის ერთგვარი გაწალდვა უსათუოდ მოახდინეს.

ნიკოლოზ ბარათაშვილი ქეშმარიტად წინასწარმეტყველური ინტუიციით ამბობდა:

„უდად ხომ მაინც არა ჩაივლის ეს განწირულის სულის კეთება,
და გზა უვალი შენგან თელილი, მერანო ჩემო, მაინც დარჩება.
და ჩემს შემდგომად მოძმესა ჩემსა სიძნელე გზისა გაუადვილდეს“.

ეს გზაგაადვილებული მოძმე უპირველეს ყოვლისა აკაკი წერეთელი შეიქნა.

რასაკვირველია, აკაკიმაც ბევრი შავი სამუშაო შეასრულა თავისი პოეტური შემოქმედების დროს, ბევრჯერ უთელავს მასაც „გზა უვალი“, ხშირად ყოველდღიურობაშიაც კი ჩაფლულა, მაგრამ იგი მაინც სხვაზე ბედნიერი იყო და მის სიმღერას უდიდესი გულისყურით ისმენდა მთელი ერი. არც ერთი მგოსანი აკაკივით პოპულარული არ ყოფილა ჩვენში. აკაკი, როგორც თავისი პიროვნებით, ისე შემოქმედებით, საქართველოს ჰომეროსია, რომელსაც ჩვენი

ქვეყნის ყოველი კუთხე თაყვანს სცემს და რომლის სიმღერა ყველას ესმოდა და ყველას ხიბლავდა.

გონს მოსულ საქართველოს წყლულთა დამაამებელი სიტყვა უნდოდა მოესმინა და ეს სიტყვა აკაკიმ თქვა. ერთ დროს შოთას, გურამიშვილისა და ბესიკის სიმთა უღერით ალტაცებულ ივერიას ხელახალი მოსულიერების დროს კვლავ მოუნდა ხელოვნებით დატკობა და აკაკის მუზაც მას მომხიბლავ არსებად მოეველინა. საზოგადოებასა და მგოსანს შორის დამყარდა სრული ჰარმონია და აკაკიმაც მიიღო საქართველოს უგვირგვინო მეფის სახელწოდება.

მთელი საქართველო სულგანაბული უსმენდა მას, თაყვანს სცემდა, როგორც ხელოვანს, უჭეროდა, როგორც მასწავლებელს და მისი ქნარის ყოველი სიტყვა, თითოეული ბგერა ქართულ შეგნებას გემოვნებას უმაღლებდა.

სადაც არ უნდა ყოფილიყო იგი — ქართლში, კახეთში, იმერეთში, სამეგრელოში, გურიაში, რაჭაში — ყველგან სიყვარულით ეხვეოდა ხალხი. საქმარისი იყო სიტყვა „აკაკის“ თქმა, რომ ყოველი ქართველი ფეხზე დამდგარიყო და უსიტყვეოდ მისჩერებოდა ამ ჭეშმარიტად ბიბლიურ ხატებას.

ის იქცა საქართველოს სინდისად, გრძნობად, აზრად, სილამაზედ და მშვენიერებად... ამიტომ იყო, რომ ყოველი ქართველი აღიღებდა მას და დღესაც ამიტომ არის, რომ ამ წმინდა სახელის გახსენება ზეციურ თრთოლვას იწვევს ჩვენს არსებაში...

რა თქვა აკაკიმ?

როგორ თქვა აკაკიმ?

II

აკაკის შემოქმედება სიტყვიერი ხელოვნების თითქმის ყოველ ფორმაშია გადმოშლილი: ლირიკაში, სატირაში, პოეზიაში, პროზაში და დრამაში. ყველაზე ძლიერი და ხელმიუწვდომელი იგი არის ლირიკულ შემოქმედებაში.

ლირიკა, როგორც ფრთის გასაშლელი ფორმა, ერთობ ვიწროა და შემოფარგლული. პატარა ნიჭისათვის ხშირად იგი სამარის კედლებად იქცევა. საჭიროა ღრმა და ფართო დამტეობის ნიჭი, რომ ეს ფორმა შესაფერად მოიხმაროს და დაიმორჩილოს.

ინგლისის გენიოსმა ბაირონმა ერთიანად დასძლია იგი და თავისი მძლავრი ნიჭის მეოხებით შექმნა ლირიკული პოემის ფორმა „ჩაილდ-ჰაროლდისა“ და „დონ ეუანის“ სახით. პუშკინი „ევეგენი ონეგინით“ სრულ გამარჯვებას ეწია.

აკაკიმ ლირიკა უმთავრესად წერილ ლექსებში განავითარა. იგი რომ პატარა გაქანების შემოქმედი ყოფილიყო და ლირიკის საგნად

მხოლოდ თავისი საკუთარი გრძნობები გაეხადა, ვერავეითარ შემთხვევაში ვერ — ავიდოდა დიდების იმ მწვერვალზე, რომელსაც მი-აღწია. საკუთარი სულის ვიწრო ფარგალში ტრიალი თემათა რიცხვს ისე განუსაზღვრავდა, რომ შედარებით მალე ამოიწურებოდა და რამდენიმე წლის შემდეგ ან თავისივე ნათქვამი უნდა ემეორებია, ანდა უნდა დადუმებულიყო. მაგრამ აკაკის მძლავრმა ნიჭმა და ფართო სოციალური ათვისების უნარმა იგი ერთიანად დაიხსნა ასეთი კატასტროფისაგან.

აკაკის მდიდარი, ბუნებრივი ნიჭი, უპირველეს ყოვლისა, იმით ხასიათდება, რომ იგი უსაზღვროდ ფართო იყო და უღარესად სოციალური. ის მართლაც „გარემოების საყვირად“ იქცა, მას ხანდახან ისიც კი ჰქონია, რომ

ენაც მას ამბობს, რაც სმენას
სხვისაგან გაუგონია“.

თითქოს შინაგანი საკუთარი განცდაც კი არ ჰქონდეს მას.

აკაკი ნაკლებად ხატავს საქართველოს თანამედროვე სურათს. მას სწამს, რომ სამშობლოს უბედურება ისე ამკარაა, რომ ყველა ზედავს მას. ამიტომ, რა საჭიროა ცივი პლასტიკური სურათები, ვისა სცალია ახლა ეპიური განცდისათვის? მომენტისათვის საჭიროა მხოლოდ გულისწყრომით აღსაყვამ ამოცენესა და გმირული მოწოდება, აი, ვინ სჭირდება საქართველოს.

„ნესტან-დარეჯან ქაჯებს ჰყავს,
მოელის ტურფა გამოშხნულს“.

რომელსაც უსათუოდ მებრძოლი პოეტის ქნარი უნდა ახალისებდეს.

დიდსულოვანმა პოეტმა იმდენად შებოკა და დაიმორჩილა საკუთარი პიროვნება, რომ ყველაზე უწმინდესი და ინტიმური გრძნობის — ქალისადმი სიყვარულის — უფლებაც კი აღუკვეცა მას და სამარადისო სატრფოდ სამშობლოს მიწა-წყალი და მისი მკვიდრთა ბედი აღიარებინა. ამიტომ არის, რომ აკაკის ლირიკული ლექსების სატრფო ყოველთვის მრავალტანჯულ საქართველოს ხორცშეუსხმე-ლი სიმბოლოა. მგოსნის მომხიბლაეი ალეგორიული აზრი ქვესაც კი ესმოდა საქართველოში:

„საყვარლის საფლავს ექებდი,
ვერ ვნახე... დაკარგულიყო.
გულამოსკენილი ეჩიოდი:
სადა ხარ, ჩემო სულიყო“...—

აი ასეთი კენესის დროს ყოველმა ქართველმა იცოდა, თუ ვინ იყო აკაკის საყვარელი და ვინ ჩაუსუენა იგი საფლავში.

უბედურების შეგრძნობა ათასწილად უფრო გულწრფელი და ღრმაა, ვიდრე იმავე მოვლენის გონების თვალთ მიწვდენა და აღიარება. რაიმე აზრის იმ ხილრმემდე შეთვისება, როცა იგი გრძნობის სახით გულის თითოეულ სიმს დაეუფლება, ხშირად ერთიანად დააავადებს ხოლმე ადამიანს და უკურნებელ სენად მოედება მის სულსა და გულს. გრძნობად ქცეული აზრი სიკვდილივით ძლიერია.

ასე უკურნებლად იყო საქართველოს ბედით დაავადებული აკაკი წერეთელიც:

„ალარა აქვს ბოლო ამ ჩვენს სატანჯველს,
არეინ მაძლევს სანუგეშოდ ძმურად ხელს,
ჩემს შარბათში ნაღველს ვსჭვრეტ და ვარღში გველს,
მისთვის ვწვევლი და ვემღური ამ სოფელს“...

ქემშარიტად, იერემიასებური გოდებით შეპყრობილ ადამიანს უნდა აღმოხდენოდა ეს გულის გამგმირავი სიტყვები მთელი არსების შემარყეველია ეს ამონაქენესი:

„ჩემო თავო, ბედი არ გიწერია;
ჩემო ჩანგო, ეშხით არ გიუღერია;
ჩემო გულო, ტკბილად არ გიმჭერია“...

რისთვის, რადა?

„რადგანც სატრფო, ვხედავ, ჩემი მტერია...
მით ჟოჯოხეთს მარად ვულით ვატარებ!“

დაუსრულებელი სატანჯველის მარად გულში მატარებელ მგოსანს ხანდახან სამშობლოს აწმყო ასეთ ცივ, სურათებშიც ეხატება:

„მთანი და კლდენი სისხლს უჩვენებენ,
ქვესკნელი საფლავს და ძვალთ გამხმართა,
რომელნიც ანდერძს მოგვაგონებენ
მსხვერპლად შეწირულთ ჩვენთ წინაპართა...
მაგრამ მდინარე აქაფებული
ქვე მოაქანებს ას წლოვან ხეთა,
მალ-მალ ტალღით სცემს განრისხებული
და მსურს გაგლეჯა კლდოვან კიდეთა,
რომ მსურათელ მორეცხოს მან სისხლი ძველი
მის კიდეებზე გადანთხებული,
მაგრამ კიდეთა შეუკრეს ხელი
და მის გამოა აღლუვებული“. („ამაო ძებნა“).

თანამედროვე საქართველო, აკაკის აზრით, დაღუპვისკენ მიექანება, სამშობლო მიწა-წყალში დანთხეულ ძველ სისხლს ღრთობა ბრუნვის უღმობელი მდინარე გაქრობასა და მორეცხვას უქადის.

„საზარელ, უნმო ამა პასუხით
საბრალოს გულში სისხლი დუღდება...“

ეს საბრალო კაბუკი ჩვენი მგოსანია და სისხლის დუღილიც მისი
ლირიკული წვა.

„არც მქონია, არც რამ მაქვს,
არც მექნება, მგონია,
მაგრამ ჩემზე მდიდარი
არც კი ვამიგონია.
მე რომ მაქვს, ის სიმდიდრე
ღვთისგან მოცემულია:
სულა ის საუნჯე“... —

დამღერს მგოსანი, რომლის სულის დაუშრეტელი საუნჯე და გულის
ულეველი სიმდიდრე მისი ქნარის თითოეულ ათრთოლებაში გამო-
ისმის.

„ცრემლით ამევსო ქამანჩა,
კენესით და ოხერით სტვირიო,
აქამდე ძველ ღროს მოვსტქვამდი,
ახლა ახალსაც ვსტვირიო.
ღმერთო, რა ენახე! რას ვხედავ!
რა ღრო დაგვიდგა ესაო!
სიმტყუენე გულში იცინის,
სიშართლემ დაიკენესაო.
მელა შექათმეთ დამდგარა,
მწყუემსობას სჩემობს მგელიო,
ეშმაკი ეშმაკს ჰპატოვებს,
სასუფეველში გელიო.
დიდება შენდა, უფალო,
სხვა ღროა... უცნაურიო...
გადაუბრუნდა ქვეყანას
თვალო, ენა და ყურიო.
ცრემლით ამევსო ქამანჩა,
კენესით და ოხერით სტვირიო,
აქამდი ძველებს მოვსტქვამდი,
ახლა ახლებსაც ვსტვირიო“... —

ასე მომხიბლავად და მსუბუქად გადმოგვცემს ჰაეროვანი მუზა
მგოსნის უმიძიმეს სატკივარს.

„ამევსო გული წვეთ-წვეთად
ნალევლითა და შხამითა,
ისე, ვით საუკუნენი
სხედასხვა მრავალ წამითა.
მაშ რაღად შინდა სიოცობლე
მე აწმყო გამწარებულსა,
თუ ვისაც ვერტფი, ვინც მიყვარს,
ვხედავ მას აობრებულსა“.

აწმყო გამწარებული და ცრემლებით ჭამანჩაავსებული პოეტი
კენესის:

„აღმართ-აღმართ მიედიოდი მე ნელა,
სერზედ შეუდექ, კმუნის ალი მენელა,
მზემან სხივი მომაფინა მაშინა“...

და პოეტმაც სიცოცხლის ძალა იგრძნო, აწმყოთი გამწარებულმა
მონატრებულ სიკვდილზე ფიქრი თავიდან მოიშორა და ფეხქვეშაც
მაგარი ნიადაგი იგრძნო:

„ის მახლობლად ფეხქვეშ ეიგრძენ მიწა მე“...

და სინამდვილესაც აღტაცებით შესძახა:

„...ცხოვრებაე, მეც ერთ კაცად მიწამე“.

მგოსანს, რომელსაც თავის სატრფო მუდამ გულში ჰყავს და
წამწამზე ატარებს, ოღნავად მოსულიერების ეამსაც თვალწინ უდ-
გება იგი:

„და ვიფიქრე: „ჩემი სატრფო სად არი?
ნისლი მბურავს, თუ დღე უდგას სადარი?“

მაგრამ პოეტს აქაც ეწამლება ბედნიერი წუთები:

„გადვიხედე, ენახე, რომ სხვას მმონებდა“...

მტრის ალერსით მთვრალმა გული მოუქლა მის მგოსანს:

„მიეძახე: „ჩინვარში ნუ ვარდები,
ნუ გგონია იქ ია და ვარდები!
შეიბრაღე თავი, შენი იყოდე!
მაგ შარბათში საწამლავს ჰსევამ, იყოდე“.

მაგრამ

„არ მისმინა მწუხარებით დანაგულს
და დამასო საუკუნოდ დანა გულს!“

მგოსანი ასრულებს თავის უშშვენიერეს ქმნილებას:

„აღმართ-აღმართ მიედიოდი ნეტა რად,
თუ ამ სერზედ თავს ვერ ეგრძნობდი ნეტარად?
ჩემო თავო, ვედარ გაურწვენ წამალით!
დაღმართ-დაღმართ დაუყვევი, წა შალით!
იქ ჩაბრძანდი, სად გულიან ლოდებით,
ბართთ, ნიჩბით, კუბოთი და ლოდებით.
დაივიწყე ვინც ვახსოვდა მარად, ის,
ხელდაკრეფით განისვენე მარადის“.

ქეშმარიტად, საქართველოს არც ერთ მგოსანს ასე შემარყევ-
ლად არ გამოუთქვამს თავისი გულის ნაღები.

III

მწვავე აწმყოს პოეტი ოცნებით აღწევს თავს:

„მეყარს თარი, გულსაკლავად შეენსარი,
მწუხარების უკუმყარელი ის არი...
მით ვივიწყებ ამ ქვეყნისა მე მცნებას,
შორს მიეყვარ მომხიბლავსა ოცნებას:
ქვეყნიერად ვხედავ... ვხედავ სამოთხეს,
ათასფერად შეხამებულს მის კუთხეს...
რა ხალხია? რა ხალხია აქ მდგმური?
ეს ქვეყანა ეგებ ჩვენი მხარეა?..“

ყოველ ფეხის გადადგმაზე მგოსანს სამშობლო ახსოვს. ოლონდ
ის აყვავდეს, ბედნიერი შეიქნეს, და მგოსანი მზად არის სიკვდილის
შემდეგ საუკუნო სატანჯელსაც კი მისცეს თავი.

„რომ აწ საერთოდ ქართველი ვრი
ამაღლებული, აყვავებული,
ხანგრძლივი იყოს და ბედნიერი,
რომ საქართველომ ქვესკნელი დაგმოს,
მოიახლოს ზეცა და დმერთი“.

ოლონდ ეს ამისრულე და მაშინ ჩემს თავს საუკუნო სატანჯავად
მოგცემო, — ეუბნება პოეტი ბელზებელს.

რამდენი გულწრფელობა და მომჭადოებელი გრძნობაა ამ სიმ-
შენიერით აღსავეს საგალობელში:

„ცა-ფირუზ, ხმელეთ-ზურმუხტო,
სულის ჩამდგმელო მხარეო,
შენი ვარ, შენთვის მოეკედები,
შენზედვე მგლოვიარეო!..
„ნურც შეკდარს გამწირავ, ნურც ცოცხალს,
ზე კალთა დამაფარეო...
და, რომ მოეკედები, გახსოვდეს,
ანდერძი დავიბარეო:
„დღედა-შვილობამ, ბევრს არ ვთხოვ:
შენს მიწას მიმბარეო!..
ცა-ფირუზ, ხმელეთ-ზურმუხტო,
ჩემო სამშობლო მხარეო!“

აკაკის ქნარი ჟღერს:

„გულსა სწამს და ჰკუას სჯერა,
რომ ჭერ კიდევ არ გამჭრაღა
მომავალი ბედის წერა“.

დაქანცული საქართველო მხოლოდ ისვენებს:

„ბევრის ბრძოლით დაქანცულსა
ეკირება მოსვენება“...

არც სამუდამოდ დაღუპულია იგი,

„არ მომკვდარა, მხოლოდ ძინავს“...

ამიტომ:

„ჩვენ წინაპართ თუ ქონიათ,
ჩვენცა გვქონდეს ღიღსულობა.
დაე, მისთვის დაედარებდეთ,
ზურგს მოვიდეთ საწყლის გულად,
პატიოსნანს ღარიბს რით სჯობს
გამდიდრებულს იულად“.

მართალია, იმას არათფერი უქირს,

„ვინც თვის ტომის ტყუილსაგან
შეიკერა ქურქი თბილი“...

მაგრამ საშინელია მგოსნის წყევლა:

„კრულ იყოს მისი სახელი,
ვინც მთა გასცელოს ბარზედა.
თვის ტომის დამწუნებელსა
კირა მიუვა კარზედა.
წურავინ ისხამს სხვის ქურქსა
და ნუ სცელის თავის ენასა,
თორემ ბოლო ღროს მოიმკის
უსუსტარ ცრემლთა ღენასა...
კრულია მისი სახელი,
ვინც დავმობს ღედა ენასა,
თვით ტომს ჰლაღატობს და მითი
თვით ჰფიქრობს მალა ფრენასა“.

აკაკისათვის გზის გაკათვა სრულებითაც იოლი არ ყოფილა. მართალია, გონს მოსული ერის ახლად ამოყრილი ყლორტები მას ალტაცებით უსმენდნენ, მაგრამ მგმობელი და მამაგებელიც ბევრი ჰყავდა. ეროვნული თვითშეგნება ახლად ფეხდამგმული გრძნობა იყო და აკაკისაც მრავალი მტერი და ორგული ჰყავდა.

მისი მსუბუქი და ხელოვნური ლექსი უმანვილესი ნესტარი იყო მტერთა გულის გასაგმირად, ამიტომ აშკარად ძვირად თუ ვისმე გაუბედავს ამ უღმობელ შუბისათვის მკერდი მიეშვირა, მაგრამ, სამაგიეროდ, აკაკის მტრები სოროებში სისინებდნენ და იქიდან უპირებდნენ მას დაშხამვას.

იყო წამები, როდესაც დიდი მგოსანი მწვავედ გრძნობდა ამ
შხამის შხეფებს და, როგორც უაღრესად მგრძნობიარე გულის პატ-
რონი, სასოწარკვეთილებამდეც კი მიდიოდა.

„ეი, საშობლოვ, სხეებისთვის დედავ,
ჩემთვის კი ავო დედინაცუალო“

გმიართა ერთხელ აკაკიმ საქართველოს:

„სული და გული, ბუნების ნიჭი,
სიკაბუე და წამი ყოველი,
შენ შემოგწირე და რა მივიღე.
სამაგიერო მე სასყიდლო?
უსამართლობა, მტრობა და დევნა,
ცილის წამება გულის საკლავი
და საუკუნოდ განსასვენებლად
მოსწრაფებული შავი საფლავი“.

გულმოწამლულმა დიდმა მგოსანმა ერთხელ ისიც კი წამოიძახა:

„ფურთხის ღირსი ხარ, შენ, საქართველო“.

მაგრამ ყოველივე ეს უღრმესი სიყვარულის გვერდით დასად-
გურებული უღრმესი სიძულვილი იყო — გრძნობა სრულიად ბუ-
ნებრივი და სამართლიანი, — საერთოდ კი აკაკი მუდამ უსაზღვრო
იმედით ცხოვრობდა და საქართველოს დამხსნელ გმირს თანამედრო-
ვეთა შორის ეძებდა.

„არა, აყვავდეს იმედი,
გულს ვერ გამოიტებს ჰლარა,
გმირებს უძახის, უყივის
ჩემი დაფი და ნალარა.
ეუხმობ ფრიდონს და აეთანდილს:
მხარი მხარს მივსცეთ, ხელი ხელს,
ნესტან-დარეჯან ჭაჭებს ჰყავს,
მოელის ტურფა გამომხსნელს“.

არის წამი, როდესაც მგოსანი გაჰკვივის:

„მეზარევე, ზარი აუშვი
ამირან გმირის კენსითა!
ხმა გრძნობას შეუთანახმე
ძველ ჩვეულებზე, წესითა!
იერემიას გოდებით
რომ ვინუგეშო, მეც მინდა,
თუ სევდა გადამეუარა
და თვალზე ცრემლი მეწმინდა.
„ვაი“ და „უი“ წარსულსა,
„უი“ და „ვაი“ აწმყოსა,
„თუ მომავალმა იმედი
მალამოდ გულს არ აცხოსა...“

მეც ცისარტყელად მესახვის
იმედი მომავალისა,
წყნარი, შვიდფერი, შვიდ ძალი,
ტკბილად ამხელი თვალისა“.

მხსნელ ცისარტყელას ამოჰყვა ახალი დროის მოღვაწეთა მთელი ჯგუფი:

„შრომობენ მოციქულებრივ,
თავი არ მოაქვსთ დიდადა,
და კერძოს საზოგადოსთვის
აგებენ გზად და ზიდადა“.

ამიტომ:

„მეყო მეც აწმყოს ყვედრება
იერემიას ენითა“.

საქართველოს აღადგენენ მისი ახლად მოვლენილი შვილები:

„არ მომკვდარა საქართველო,
აყვავდება ერთხელ კიდე,
და გაისმის ძველებურად
იმისი ხმა კილით-კიდე“.

ეს სტრიქონები დაწერა მგოსანმა 1898 წელს „საქართველოს დღევანდელ სახეში“, ამავე რწმენით იყო იგი აღტყურვილი, როდესაც ჯერ კიდევ ჰაბუკი სამოციან წლებში წერდა:

„დიდებაო, ძველის-ძველო,
ღღეს სნეულო საგველო
გულს ნუ იტვხ, წამოდექი,
ნეტარების მომლოდნელო,
მოგვასწარ, რომ ვიმახლოდეთ:
ვაშა, ვაშა, საქართველო“¹.

VI

გარდა ლექსებისა, აკაკის აქვს პოემები („თორნიკე ერისთავი“, „კიკოლას ნაამბობი“, „სოლომონ მეფე“, „ორი ქართველი“), ისტორიული პიესები („პატარა კახი“, „ბაგრატ დიდი“) და ამავე ხასიათის მოთხრობა „ბაში-აჩუკი“.

ეროვნული გოდება უმადლეს მწვერვალამდე აიყვანა აკაკის გენიამ, საუკუნეთა კულტურით დაყურსულმა ქართულმა შეგნებამ აკაკის ქნარით გულის განგმირავად ამოიგმინა, როდესაც თავისი

¹ ეს ტაეზი ამოღებულია აკაკის ძველად დაბეჭდილ ლექსიდან, რომელიც აღბოზად აქვს შეკრული მოქ. სოს. შერკვილაძეს.

თავი დიდებულ ნანგრევთა შორის დასაღუპავად გამზადებული წარმოიდგინა.

ეროვნულ-ისტორიული რომანტიზმიც აკაკის საოცარმა ნიჭმა უმაღლეს ხარისხამდე აიყვანა. ამ მიმართულების ჩანასახს ჩვენ ჭერ კიდევ ალექსანდრე ქავჭავაძის შემოქმედებაში ვხედავთ. გრიგოლ ორბელიანი უკვე გარკვეულ და ღრმა კალაპოტში აყენებს მას. მაგრამ ეს გზა უფრო მეტად გააზრებული იყო, ვიდრე პოეტურად ნაგარძნობი და სულსა და გულში შედღეულებული. აკაკის ხელოვნებამ სწორედ ამ მხრივ გააცხოველა და ხორცშესხმულივით უკვდავყო ეს ნახევრად მშრალი მიმართულება.

თორნიკე ერისთავი, ბაგრატ დიდი, პატარა კახი, კიკოლა, ზურაბ წერეთელი, ნინო, ქეთევან, თამარი ქართული მუზის ისტორიული რომანტიკის უკვდავი სახეებია, რომელთა ღვაწლის გათვალისწინებით ყოველი ქართველი უნდა ამაყობდეს. მართალია, ეს სახეები ხშირად იდეალიზებულია, მაგრამ აკაკის პოეტური შემოქმედება იმდენად ღრმა იყო, რომ თითოეული მათგანი ცოცხალ არსებად რჩებიან მკითხველის წარმოდგენაში.

ამ გმირთა დასურათხატებით აკაკი გრიგოლ ორბელიანის მსგავსად ამბობს:

„გმირნო, მამულის მალიდნო,
თქვენა ხართ ჩვენი დიდება,
თქვენთა სახელთა ამაყად
წარმოთქვამს შთამომავლობა.
თქვენთა საქმეთა მოთხრობით
მოხუცს ცრემლ მოედინება,
მხნეობით ალტაცებული
ჰაბუჯი ხმალსა მისწვდება“.

გარდა ცალკე ტიპებისა, ამ თხზულებაში შესანიშნავი ისტორიული მოვლენების გაშუქებაცაა, რითაც პოეტი ცდილობს თანამედროვეთა შორის გააღვივოს ეროვნული თვითშეგნება, თავისი ქვეყნის სიყვარული და ეროვნული სიამაყის გრძნობა.

ქვეშარიტად საამაყო ყოველი ქართველისათვის ჩვენი ერის ისტორიის ის მომენტები, რომლებიც ამ პოემებშია დასურათებული. ნინო ქრისტიანობის მიღების ემბლემაა, თამარი — ქართველთა არსებობის ოქროს ხანისა და სხვა.

არიან მოაზროვნენი, რომელნიც ერთობ იოლად ხსნიან მწერლის შემოქმედების წარმოშობას. დრო იყო ისეთი, რომ სწორედ ამ და ამგვარი მიმართულების მწერალი უნდა წარმოშობილიყო, მომენტმა მას არგუნა ამა თუ იმ სიტყვის თქმალ და სხვ.

აკაკი წერეთელმა სრულიად აშკარა ჰყო ამ დებულების ზერელობა. აკაკის ხანაში სხვებიც მწერლობდნენ, მაგრამ აკაკისებურ

მწვერვალზე ვერავინ ვერ ავიდა. მისმა შემოქმედებამ ამ მხრივ ყვე-
ლანი დაჩრდილა, თუმცა არც ერთი ეს მწვერლები პატარა ნიჭისა არ
ყოფილა.

რასაკვირველია, მწერალზე ყოველთვის გავლენას ახდენს მისი
თანამედროვე ეპოქა, შემოქმედების წყაროც აქ არის, მაგრამ თავი
და თავი მაინც ისაა, თუ რამდენად შეუძლია მას თავისი დროის უმ-
ნიშვნელოვანესი მოვლენების ყოველმხრივად და ღრმად ათვისების
შესაძლებლობა, რა დამტობის არის მისი ნიჭი და რამდენად შეს-
წევს მას აზრისა და გრძნობის მხატვრულად გამოთქმის უნარი.

აკაკი წერეთელი სწორედ ამ მხრივ იყო უხვად დაჯილდოებუ-
ლი: ის ღრმად ჩასწვდა თავისი დროის ქართველობის სანუკვარ იდე-
ალებს, ეროვნული სულის თავისებურებას, გაითვალისწინა მომავ-
ლის პერსპექტივები და გამოთქმის საშუალებანიც მომაჯადოებელი
უბრალოებიდან უმაღლეს ხელოვნებამდე აიყვანა.

ამიტომ იყო, რომ მთელი საქართველო, განურჩევლად წოდე-
ზისა და მიმართულებისა, სულგანაბული უსმენდა ნახევარი საუკუ-
ნის განმავლობაში ამ დიდებული მგოსნის ღაღადს.

ამიტომაც არის, რომ აკაკი წერეთელი დღესაც ჩვენი დიდება და
ეროვნული სიამაყის მწვერვალია.

და ეს იქნება მანამ, სანამ ამქვეყნად არსებობს საქართველო და
მშვენიერება... ამ ორი ცნების შედუღება ჩვენ გვაძლევს აკაკის ხა-
ტებას.



ღიღმა მგოსანმა, როგორც უკვე ვნახეთ, თავისი ციური ნიჭი
ერის კეთილდღეობას მოახმარა. აკაკის, როგორც დიდ პოეტს, არ
შეეძლო არ დაენახა ბატონყმური უკუღმართობა და არ დაეგმო იგი.
თი რას ათქმევინებს იგი უმას:

„ხატად და მსგავსად ღვთისა ვინც კმნილ არს,
კეშმარიტების მხილებაც უყვარს,
და ვისაცა სწყუინს კეშმარიტება,
ჩანს, დაუკარგავს მას ღვთის ხატება...“



„ოხ, დარდების ამშლელო, ჩემის გულის ხაზი ხარ!..
თავდახრილი მიტომ ვარ, რომ კისერზე მახიხარ.
დამტკპარს ვეროდეს გზედავ, ჩემთან მულამ ბრაზი ხარ;
უჩემოდ გამრჩელი ხარ, თუ მე მხედავ, ნაზი ხარ.“

რომ იცო, რაღად მკითხავ ასე რისთვის ელონდები?
მისთვის, ჩემო ბატონო, რომ სულ შენ მაგონდები!
პირუტყვიეთ მიმონებ, მფლობ და არ გეცოდები,
მაგრამ, ჩემო წამწემელო, აქ, იქ შენ ვერ ცხონდები!..

ცხადლ შენ მაგონდები, შენ ხარ ჩემი სიზმარი;
შენ მღვდელივით სუქლები, მე ოფლად ვარ დამდნარი,
მაგრამ შენ რას დაჰქვებ? შენი ფიქრი ეს არი;
„ნეტავ ვინ გაასწორა, ერთადა მთა და ბარი?“

ამით ჩვენი კავშირის უფლებით ხარ შემცველი,
ქლიერმა სუსტი მნახე, დაჩაგვრა შეიძელი...
მაშ ახლა რაღად სწუხარ, ახალსა რომ მოვლი?
რად არ მეტყვი: „ძმები ხართ, მოდი, მომხვეე ხელი“?

თორემ შენ ცხვირს მაჩვენებ, მე ჩამოგიყრა ყურებს.
მტერს ვინ უწინაღმდეგებს, რომელიც ჩვენ შეგვეყურებს?
ერთმანეთის მტერს ველარც მამული გვიმსახურებს
და ახალს დროს დაგვასმენს, შეილის-შვილთ მოგვამდურებს.

მაგრამ, ვაი! ეს სიტყვა შენ როგორღაც გემწარა.
მეუბნები: „შენ ვინ ხარ, ვისი ტივი ტომარა“?
მაგრამ, ჩემო კეთილო, იფიქრე, ნუ სჯი ჩქარა
და მაშინ აღიარე — მართალს ვამბობ, თუ არა?!

ეს ლექსი დაბეჭდა აკაკი წერეთელმა ბატონყმობის მძვინვარე-
ბის დროს 1863 წლის ჟურნალ „ცისკრის“ № 5-ში. იმ საერთო ენა-
ჩავარდნილობისა და მთელი ჩვენი მწერლობის ცენზურული პირო-
ბების გამო დამუნჯების დროს, ამ ლექსის საშუალებით უაღრესად
რევოლუციური სიტყვა თქვა, სიტყვა მკვეთრი, მკაფიო და ცეცხლო-
ვანი.

„თავდახრილი მიტომ ვარ, რომ კისერზე მაზიხარ“...

„პირუტყვივით მიმონებ, მფლობ და არ გაცოდები“...

„შენ მღვდელივით სუქლები, მე ოფლად ვარ დამდნარი“...

ეს სამი გამოკვეთილი ფრაზა სამი ყუმბარის გადაგდება იყო
თოფისწამლის საწყობში — ბატონყმობის ჯაჭვებით შებოქილ გლე-
ხებში. ამ ლექსის დაბეჭდვამდე ქართულმა ლიტერატურამ 60-იან
წლებში „კაცია-ადამიანითა“ და „სურამის ციხით“ გაჰკიცხა ბატონყ-
მობა. ამ მხრივ ეს ლექსი დიდად საყურადღებოა.

დაუყვირდით ლექსის ეპიგრაფს, რამდენი პოლემიკური ეინი
ფეთქავს იქ. ეს რევოლუციური ცეცხლით აღტაცებული პოეტი ეკა-
მათება ბატონყმობის დამცველთ, რომლებიც გლეხებს მუდამ გაბრა-
ზებულნი შეჰყურებენ.

განთავისუფლების მომლოდინე გლეხი თავისი შეგნებითა და
ჰუმანურობით თავადზე მალლა დგას. აქ, ცოტა არ იყო, პოეტის
მხრივ, გლეხის იდეალიზაციასთან გვაქვს საქმე და ორი მომენტის—

სოციალურისა და პოლიტიკურის ერთ მომენტში გადახლართვა
ლექსს ამძიმებს, მაგრამ ბატონყმობის დამახასიათებელი და საწინა-
აღმდეგო სიტყვები დასახულ მიზანს დაუბრკოლებლივ აღწევს.

უფრო რევოლუციური და ცეცხლის მომღებია აკაკის „მუშუ-
რა“. ახლა მოვესმინოთ აკაკის გლეხებს:

„სიმინდსა თონა დავუწყოთ,
ერთხმად დავაბოთ მუშური,
ეგებ მაშინ დავევიწყდეს,
რომ გლეხნი ვართ უბედური.
მარტო ჩვენთვის არ ვმუშაობთ,
სხვისაც გვმართებს სამსახური...
ბატონი გეყავს, ვართ საწყალი,
უპატრონო, უბედური.
ყველა თავში გვიჩაჩქუნებს
გარეშე და შინაური,
ცხელსა მიწას უხვად ალბობს
ოფლი ჩვენგან მონაწერი.
ჩენი ჭაფით მონაყვანი
სხვაგან მიდის საზრდო-პური,
შინ ცოლ-შვილს სი.პშილი გვიკლავს,
მაგრამ ვინ მიუგდოს ყური.
მათსა საზრდოს სხვა იტაცებს,
ტირის ღვდა მეძუძური,
სიმშობისგან რძე უშრება,
წივის შვილი უსუსური.
ღმერთს ბატონად მოუციო
ჩვენთვის ერთი აზნაური,
მისთვის სუყველა ჩენა ვართ —
მეზეგარეცა და მსახური“.

ცოცხალი და შემამძრწუნებელი სურათია. აქ რომ დანიელ ჭონ-
ჭაძის მიერ დახატული გლეხები იყენენ, ისინი რევოლუციურად და-
ცეცხლდნენ თავს ასეთი ბატონებისაგან, მაგრამ აკაკის ბატონკაცური
ჰუმანიზმი საკითხის ასეთნაირად გამწვავებას გაურბის და ამ თეი-
ნიერ გლეხებს ასე ალაპარაკებს:

„გამკითხავეი საღლა არის?
განვაგრძოთ, ძმაო, მუშური,
ჩენი სეედის განამქარი,
ბანს გვეტყვიან ნაღელიანად
არე მარე, მთა და ბარი,
ნუთუ გულგრილად უყურებს
ჩენს ტანჯვასა მაცხოვარი“?

ე. ი. სოციალურ დავას თვითონ კი არ უპირებენ გადაჭრას,
არამედ ღმერთს ანდობენ.

აკაკი სასტიკი მოწინააღმდეგე იყო ბატონყმობის ინსტიტუტის და თავგამოდებრივ ებრძოდა მას. ყოველთვის, როდესაც ამის საშუალება მიეცემოდა, სასტიკად ილაშქრებდა მონობის წინააღმდეგ. უპურნალ „ცისკრის“ თანამშრომლებიდან აკაკი და ანტონ ფურცელაძე ყველაზე უფრო რევოლუციურად იყვნენ ამ საკითხისადმი განწყობილნი.

აკაკი ლექსს „სიმღერა მკის დროს“, რომელიც დაბეჭდილია ბატონყმობის ხანაში (1863 წ., „ცისკრის“ № 7), ასეთი ბოლო აქვს:

„უხვად მოვიდა წელს პური,
მაგრამ ბედს მაინც ვემღური,
რომ ამას სულ სხვა წამართმევს
და მე კი ოფლსა ტყვილა ვღერი“.

აკაკი, როგორც ვიცით, ალტაკებით შეწედა ბატონყმობის გადავარდნას, მისი „იმერული ნანინა“ კლასიკური ნაწარმოებია.

„გაბურჯო გლეხის შვილი, შენ პაწაწინაო“ და სხვ.

აკაკი, ბატონყმობის ეპიურ სურათებსაც იძლევა „რუსეთუმეში“. იგი ასე ახასიათებს ძველ ბატონებს:

„ძველი კაცები რომ ადგებოდით,
დილას ხელს და პირს რომ დაიბანდით,
იმ წამს საუხვებს მივარდებოდით,
გამოძლებოდით, ისევ წვებოდით,
სადილობამდი არ ადგებოდით,
მანამდე აბა რა გაგანძრევდათ?
სადილად ისე გამოძლებოდით,
რომ თითქმის გული ავერეოდათ;
გამოძლებოდით რა უმოწყალოდ,
ისევ ლოგინზე გაგორდებოდით,
უსაძრაოდა, თითქმის უსულოდ,
სანამდი ვახშმად არ დასხდებოდით“.

პოეტს ბატონყმობის მშვენიერი სურათი აქვს დახატული თავის ცნობილ თავგადასავალში. ეს ეპიური სურათი აკაკისებური იუმორით არის შეზაფხებული.

ბატონყმობას შეეხო აგრეთვე ანტონ ფურცელაძე, რომელმაც: დასწერა მოთხრობა „მართა“. თავისი უარყოფითი დამოკიდებულება ბატონყმობისადმი ფურცელაძემ გაბედულად გამოთქვა „სურამის ციხის“ შესახებ 1863 წლის „ცისკარში“ „ქერელ მექას“ ფსევდონიმით გამოქვეყნებულ წერილში.

ასე დაასურათა ქართულმა ლიტერატურამ ბატონყმობა. მართალია, რიცხობრივად ჩვენი ლიტერატურა ცოტაა, მაგრამ თვისებით იგი უსათუოდ თავის სიმაღლეზე დგას. არც ერთი ჩვენი მწერალი ამ რეჟიმს არ შერიგებია და ყველამ გვაჩვენა მისი უარყოფითი მხარეები: ქონებრივ-უფლებრივი უთანასწორობა, ამ ნიადაგზე აღმოცენებული დაუნდობელი ბრძოლა და, საერთოდ, ბატონყმური ინსტიტუტის ერის ცხოვრებაზე დამლუპველი გავლენა.

ვაჟა-ფშაველა

(1861—1915)

ვაჟა-ფშაველა დიდი მოვლენაა ქართულ ლიტერატურაში. ამ მწერლის შემოქმედება შესანიშნავია როგორც თავისი ორიგინალობით, ისე სიღრმით და თემათა სიართულით.

ვაჟა-ფშაველას მუზა განსაკუთრებული იერით დგას ქართული ხელოვნების პანთეონში. აქვე არის ილიას შუბლშექმუხენილი „პოეტი“, მეწამული ზღვის გასაპობად კვერთხი რომ აღუმართავს: „მეცა მნიშნავს და ერი მზრდის“... ლაღდებენ მისი მოკვეთილი ბაგენი. მის გვერდით აკაკის მუზა კისკასობს: „არ მომკედარას“ პანგებით... მათიაც აქ არის, ალ. ყაზბეგისა: ხელში კომბალი, ცხვრის ფარა, წყაროთა ჩქერი, ხეხუეებში ჩახუელება და სიყვარულით გარინდება. გრძობათა თქემის მოვარდნის მომენტი... რაფიელ ერისთავის ბერუებიც და სესიებიც აქ დგანან ჩაფიქრებულნი და გოდებით მოცულნი.

არც ერთ ამ მწერალთაგანს არა ჰგავს ვაჟა. ამ ბუმბერაზთა შორის დავაუკაცდა მისი მუზა, ამ შემოქმედების გვერდით გაიფურჩქნა იგი, ამათი სისხლი სცემდა მის სხეულში, მაგრამ არც ერთ მათგანს კი არ დაემსგავსა. „თქვენი მიწოვავ მეც ძუძუ, ლალიან ბარაქიანი“, — ეუბნება იგი სამშობლოს მთებს. ამავე ძუძუს სწოვდნენ ეს მწერლებიც, მაგრამ ვაჟას მუზა სულ სხვა სახის შეიქნა, სხვა ელფერს ატარებს.

ჩვენ წინ დგას იმედის საზიკაული, ვაჟას ორეული, რომელიც

„შაიბურება ნაღელითა,
როგორც მყინვარი ნისლითა“.

შას სტანჯავს სამშობლო ქვეყნის უბედურება:

„სოფლისა, თემის ავ-კარგი
კვლავ უტარებავ კისრითა“.

იგი შეუდრკელად დგას და მოელის რალაცას, როგორც „მთანი შალალნი“ და თანაც ვაჟასთან ერთად მეუფეს ეკედრება:

„გულს ნუ გამიტეხ ტანყეაში,
მამყოფე შეუდრეკლად,
ეფხიზლობდე, მუღამ მზად ვიყო
დაჩაგრულების მცველად...“

გულს დარდი გამიღიაღე
იმ სანეტარო საგანზე,
ღაწერე ფიქრი, ღრმა, მწკავე
ჩემის გონების საბანზე...
გონებას ფიქრი სტანჯავდეს,
გულს ცეცხლი სწეაედეს ძლიერი.
მშვიოდ-მწყუროდეს კეთილი,
ვერ გაეძღე, მოკვადე მშვიერი...
ნუ დამასვენებ ნურას ღრის,
მამყოფე შეძრწუნებულო,
მხოლოდ მაშინ ვარ ბედნიერ,
როცა ვარ შეწუხებული;
როცა გულს ცეცხლი მეღება,
გონება მსჯელობს საღადა...“ და სხვ.

ეს ის ცეცხლია, რომელიც სწვავდა ილიას, აკაკის და ყაზბეგს. პირველი წვა იმავე ცეცხლში იგემა ვაჟა-ფშაველამ. მას აჩრდილი-ვით დასდევენ ლელა, ლუხუში, კეირია და გულს უშხამავს სანათას გლოვა:

„სანათაი ვარ მე, შვილო,
აფხუშოურის ქალია.
აქა ვარ გამოთხოვილი,
ბერიძე მყვანდა ქმარია.
შვიდი დაეზარდე ვაჟაკო
თითო ღომისა დარია,
შვიდნივ გამიწყდა ერთ ღლესა,
მამაც იმათთან მკედარია“.

ღიახ, ვაჟაც სამშობლო ქვეყნის უბედურებით არის გულგანგ-შირული, მაგრამ მისი ღიდი ნიქი ვერ ეტევა ამ შედარებით ვიწრო ფარგალში და მშობლიური ქვეყნის უბედობის ნიადაგზე მსოფლიო მნიშვნელობის საკითხებს წვდება.

რისი პოემები: „ალუდა ქეთელაური“, „გოგოთურ და აფშინა“, „სტუმარ-მასპინძელი“, „ბანტრიონი“ და „გველის მკამელი“ — სრულიად განსაკუთრებული და შესანიშნავი მოვლენებია ქართულ ლიტერატურაში.

უფრო მეტად ჩვენ აქ ამ ქმნილებებს შევეხებით.

ყოველი მოვლენა მაშინ არის გასაგები, როდესაც მისი წარმომშობი პირობები ვიცით. ჩვენ ყველგან ამ მეთოდით ვხელმძღვანელობთ. გარეშე ამ გზისა ლიტერატურული მოვლენის ახსნა მხო-

ლოდ სიტყვების თამაშია და აღვირაწყვეტილი სუბიექტივიზმის ჭი-
რითი.

ჯერა სალიტერატურო ასპარეზზე 1880 წელს გამოვიდა. პირველ-
წლებში იგი უბრალო თარგმნას ეწეოდა. 1884 წელს კი დაიბეჭდა
მისი მომხიბლავი მოთხრობა „შელის ნუკრის ნაამბობი“. 1886—
1887 წწ. გამოქვეყნდა „ალუდა ქეთელაური“, „გოგოთურ და აფ-
შინა“. 1893 წელს დაიბეჭდა „სტუმარ-მასპინძელი“, 1901 წ. „გვე-
ლის მკამელი“... გარდა ამისა სიკედილის დღემდე განუწყვეტლივ
იბეჭდებოდა ბუნების სუნთქვით გაელენთილი და წრფელი ლირიზ-
მით აღსავსე მისი ლექსები და მოთხრობები.

ჩვენ ვხედავთ, რომ დიდი მგოსნის ქნარის ქლერა ისეთ საზო-
გადოებრივ ატმოსფეროში გაიფურჩქნა, როდესაც ჩვენი სამშობლო
გარეგნულად სრულიად მშვიდ და უშფოთველ ცხოვრებას განიც-
დიდა. ოთხმოციანი წლების რეაქციის შავი ფრთები მეოცე საუ-
კუნის დასაწყისამდე გვეფარა თავზე, რეაქცია არ ყოფილა მარტო
პოლიტიკური, იგი საზოგადოებრივიც იყო და, ამნაირად, მთავრო-
ბა და საზოგადოების ზედა ფენები ერთი გზით მიდიოდნენ.

როგორც უკვე ვნახეთ, ჩვენი ერის აზროვნებაც „მესამე და-
სელების“ გამოსვლამდე საშინლად მოღუნებული და კონსერვა-
ტიული იყო. ი. ჰევკავაძის „ივერია“ პოლიტიკური და საზოგადო-
ებრივი სიბრძნის წყაროდ იყო მიჩნეული.

ეროვნული საკითხი ამ ხანებში დიდ კრიზისს განიცდიდა, აწმ-
ყოში სანუგეშო არა ჩანდა და მომავალიც ბუნდოვნად გამოიყუ-
რებოდა.

ყოველი იღვია მაშინ ცხოველმყოფლობს და შლის ფრთას,
როდესაც მას გამტარებლად ჰყავს ერის რომელიმე ნაწილი. ეროვ-
ნული იღვის მატარებლად ჩვენში თავიდანვე აღიარებული იყო ისევ
ის წოდება, რომელიც საუკუნეთა განმავლობაში მეთაურობდა
ჩვენს ცხოვრებას, ე. ი. თავადაზნაურობა. ეს რწმენა ძვალსა და
რბილში ჰქონდათ გამყდარი სამოციანი წლების მესვეურებს. მაგ-
რამ როდესაც გამოირკვა, რომ ეს წოდება ეკონომიკურად და პოლი-
ტიკურად თანდათან პირქვე დაექანა, აშკარა შეიქნა, რომ ერის
მეთაურობას იგი ვერ გასწევდა. საჭირო იყო ახალი ეროვნული
ძალის ძებნა, მაგრამ ეს გზა არც ისე იოლი შეიქნა: თავადაზნაურუ-
ლი წრეებიდან გამოსული ჩვენი ინტელიგენცია სრულიად ბუნებ-
რივი მიზეზების გამო ვერას გზით ვერ გაშორდა მამაპაპურ ხოდა-
ბუნებსა და თათქარიძეების კარ-მიდამოს. ერის დაბალი ფენების
სულისკვეთება და მისწრაფება მათთვის არც ისე გასაგები და სა-
სიყვარულო იყო. ამ ფენებს ისინი ღებულობდნენ იმდენად, რამდე-
ნადაც მათი ძალ-ღონის გამოყენება მოსახერხებელი და შესაძლე-
ბელი იქნებოდა მათი, — ინტელიგენციის იდეალებისთვის. აშკარა

ოყო, რომ ძველი თაობა მიდიოდა თავისი მისიის შესრულების შემდეგ, ახალ თაობას კი ჯერ კიდევ ვერ ეთქვა საკმაოდ გაბედული და ახალი სიტყვა.

ამ ხანაში გამოსულ მწერალთა მთელ რიგს ემჩნევა ორი თვისება: ეროვნული და ხალხოსნური მიდრეკილება, „ტექნათა მოტრფიალებების“ გავლენა. ვაჟას შემოქმედება ამ ორ პოლუსს შუაა მომწყვდეული. მას გულს უკლავს შშობელი ერის უბედურება, თანაც ერის დამხსნელად გლებობა მიაჩნია. მას მთელი თავის პოეტური ცეცხლით უყვარს მშრომელი გლებობა.

„გმირებს უყვიროს, დაძებს
ჩემი დაფი და ნალარაო“, —

გალობდა მე-19 საუკუნის საქართველოს პომეროსი.

„გმირთა სამარეს, როგორც ხატს,
სამთხვეულად დაველირებო“, —

ბანს აძლევს კება და ისიც აკაცივით გმირებს დაძებს.

თანამედროვეთა გასამხნეებლად და „ხმალზე მისაწვდომად“ ვერ ორბელიანიდან მოყოლებული ჩვენი ეროვნული გოდების ქურუმები მეფეებისა და დიდებულების იდეალურ სურათებს ქმნიდნენ. მართალია, ვაჟა-ფშაველა ძალიან ენათესავებოდა მწერალთა ამ წრეს შემოქმედების ერთ წერტილში, მაგრამ წარსულიდან გმირებს იგი უბრალო ხალხში ეძებდა და არა ერის ზედა ფენებში. ხალხოსნური ატმოსფეროს გავლენა აქ უდავო და აშკარაა. იმედი საზიკაული, გოგოთური, ალუდა, კვირია, სანათა, ლელა, ლუხუმი, ჯოჯოლა, ზვიადური, მინდია — აი ეს სახეები, რომელნიც მთიულეთის სიპებიდან გამოქანდაკებულან. მუზარადი, ჩაჩქანი, ფარი და შუბი — აი მათი აუცილებელი სამკაული. ესენი არიან ჩვენი ერის ჯავარი და ზნეობრივი ძალის ყავარჯენნი, მათზეა დაყრდნობილი ვაჟას აზრიც და აქედან ამალღებით ცდილობს იგი გადახედოს მთელ მსოფლიოს.

მისი პოემები საკაცობრიო თემებს გვიშლიან ადგილობრივ ისტორიულ ფონზე.

II

„ალუდა ქეთელაურის“ მთავარი პერსონაჟი ხევსურთა საყვარელი გმირია.

„ალუდა ქეთელაური
კაცია დავლათიანი,
საფიხნოს თაჟში დაქდების,
სიტყვა შაულის გზიანი“.

ქისტებმა გაძარცვეს ხევსურთა სოფელი — წაასხეს საქონელი. ალუდა დაედევნება მათ გმირს — მუცალს და სძლევეს მას. თემის

ჩვეულება იყო — დამარცხებულისთვის მკლავი უნდა მოეჭრათ და ხალხისთვის ეჩვენებინათ. ალუდამ არ შეურაცხყო ვაჟკაცი მუცალი, არ დაასახიჩრა იგი და ამნაირად თემის ჩვეულება არ შეასრულა. თემიც განურისხდება მას. მაგრამ ალუდა სრულებითაც არ იხრის ქედს და კიდევ გადადგამს თემის საწინააღმდეგო ნაბიჯს: მსხვერპლს სწირავს მუცალის სულის გამოსახსნელად, ხევის ბერი უარს ეუბნება „სამხვეწროს“ მიღებაზე, მაშინ ალუდა მესამედ სცოდავს თემს:

„გაჯავრდა ქეთულური,
ფერი დაიდვა მგლისაო,
ხელი დაიკრა ფრანგულსა,
მუქი ამოხდა მზისაო.
უქნივა მოზვერს ქედზედა,
თავი მიგორავს ძირსაო“.

ამით ალუდას ბედი გადაწყდა, მან გარეშე ქვეყნის შვილი შეიბრალა და თავისიანების ადათ-ჩვეულებას წინააღმდეგობა უკრა. მაშ,

„მოკვეთილ იყოს, სხვა ქვეყნის
ცალრუმლის შენამზირები“.

ალუდა თემის მოლაღატეა, ამიტომ

„ხმართალი ვქნათ, ვუმტერიოთ
ილუდას სახლის დირენი,
ნუ დაინანებთ, ექმნენით
ცოლ-შვილის ამატირენი
წადით, უმტერიეთ შავ-ბნელსა
სახლისა, ციხის კარებო,
ცეცხლი მიეციეთ სამნოვარს,
ცასა სწედებოდეს ალები“.

ალუდა ძლიერი პიროვნებაა, მას სწამს თავისი სიმართლე და თუმცა ამბობს, რომ

„თავის მიწა-წყლის გაწირვა
ძნელი ყოფილა მეტადა...
მუხლებ არ მამდეუს, გულშია
ბნელი ჩამიდგა სვეტადა“, —

მაინც ვაჟკაცურად სტოვებს მშობლიურ კარ-მიდამოს და ცოლ-შვილიანად გადაიხვეწება.

როგორც ვხედავთ, აქ სრულიად კონკრეტულ და საყოფაცხოვრებო მოვლენაში ჩაქსოვილია დიდი და გადაუქრელი პრობლემა პიროვნებისა საზოგადოების ურთიერთდამოკიდებულების შესახებ. ალუდას პიროვნება თავისიანებთან შედარებით განვითარებულია; ის გამოპყოფია ჯოგურ მდგომარეობას და მტკიცედ ადგას საკუთარ აზრს: იგი „კრიტიკულად მოაზროვნე პიროვნებაა“ და თავისი ინტე-

რესები აქვს. მეორე მხრივ — თემსაც თავისი ინტერესები ამოძრავებს და ამნაირად დაეჭაბა ერთიმეორეს ორი სხვადასხვა თვალსაზრისი. ვინ უნდა დასთმოს?

თემმა ალულა განდევნა, მაგრამ ამით საკითხი არ გადაჭრილა, ალულა თავის გზას განაგრძობს და, სადაც დაბინავდება, იქაც იმავე ძლიერ პიროვნებად დარჩება.

მეორე პოემაში. — „სტუმარ-მასპინძელი“ — რომელიც იმავე თემაზეა დაწერილი, ეს საკითხი პიროვნების ფიზიკურად მოსპობით იჭრება. მაგრამ, როგორც ქვევით ვნახავთ, ზნეობრივი გამარჯვება მაინც პიროვნებას რჩება.

ჯოჯოლამ შეცდომით სტუმრად თავისი თემის მტერი — ზვიადაური — მიიღო. თემი გაბრაზდება და ზვიადაურს მოკვლას უპირებს. ჯოჯოლა ეყრდნობა თემის ადათს — სტუმართმოყვარეობას და მოითხოვს, რომ ზვიადაურს მის ოჯახში ზელი არ ახლონ. მაგრამ არაფერი გაუღის: თვითნება თემი ფეხქვეშ სთელავს თავისსავე წესს და ზვიადაურს თავიანთ სასაფლაოზე აწამებენ, ჯოჯოლას კი ბოიკოტს უცხადებენ. როცა თემს გასაჭირის დღე დაუდგა, ჯოჯოლა, რაკი მებრძოლებში არ გაირიეს, ცალკე იბრძვის და გმირულად ეკვდება, მაგრამ თვითნება თემი მას ნაკურთხ მიწაშიც კი არ მარხავს: ჩვენ რომ შერცხვენილი უკან გამოვრბოდით, მან მარტორად გამოიჩინა გმირობაო.

„ეზლაც მასხარად აგვიგლო,
წინად ხომ ბეურჯელ აგვრია,
სოფლისა ვადრა ინდომა
ჩვენ კი ტალახში ვაგვრია“, — ამბობს თემი.

თავი მოიკლა ჯოჯოლას ცოლმა აღაზამაც, რომელმაც მტრის — ზვიადაურის — შეყვარებით ფარულად თემს შესცოდა. ამნაირად თემმა ორი ადამიანი იმსხვერპლა და გამარჯვებაც თითქმის მას დარჩა, მაგრამ ზნეობრივი უპირატესობა მაინც დალუპულეებისკენაა:

ხალხში ლეგენდა შეიქმნა:

„სასაფლაოდან წამოვა
ანრდილი ფარხმალინი,
გულზე უწყვია დაკრეფით
მკლავები სამკლავიანი,
მთა და მთესალმება
თავის ძმობილსა მღუმარედ.
იქვე აღაზაც ამოდის
სახე მოწყენით, მწუხარედ“.

მთელი თემი ქედს იხრის ამ სურათის წინაშე და ამნაირად თვითონვე გრძნობს თავის საქციელის უგუნურებას და მის მიერ დალუპულ პიროვნებათა უპირატესობას.

ამ პოემაშიც მთიულეთის ყოფა-ცხოვრების საშუალებით დასმულია მსოფლიო მნიშვნელობის საკითხი — პიროვნებისა და კოლექტივის ურთიერთობის შესახებ და, როგორც ვხედავთ, პოეტი უპირატესობას პიროვნებას აძლევს, თუმც თემი და მისი ინტერესები ვაჟა-ფშაველასთვის წმიდათაწმიდას შეადგენს. ამ საკითხს ქვევითაც შევხებით, აქ კი ვიტყვით, რომ ვაჟას პოემების იდეები ევროპის ლიტერატურისათვისაც თავსაშტერევე საკითხებს შეადგენს. ეს საკითხი ქართულ ლიტერატურაშიც ყოფილა დასმული, ნიკოლოზ ბარათაშვილის პოეზია არსებითად საზოგადოების და პიროვნების გარშემო ტრიალებს. როგორც ვიცით, ბარათაშვილი სინთეზის გზას ადგას: პიროვნება უნდა შეუთანხმდეს საზოგადოებას — „არც კაცი ვარა, რომ ცოცხალი მკედარსა ემსგავსოს,“ — გვეუბნება მგოსანი. ვაჟა-ფშაველა კი შეთანხმებაზე კრინტსაც არ სძრავს და ერთიანად პიროვნების მხარეზეა.

ბარათაშვილიცა და ვაჟაც ერთნაირი უღრობის ხანაში ცხოვრობდნენ, ფართო საზოგადოებრივი ძალები ორივეს დროს შებოჭილი იყო და ყოველგვარი სექპტიციზმის, თვითკრიტიკისა და ადამიანის პირად ცალთა გადაფასებისთვის ფართო ასპარეზი იშლებოდა. მართალია, საზოგადოებრივი უსამართლობისათვის არც ერთს ქელი არ მოუხრია, პირიქით, სასტიკად იბრძოდა ორივე, მაგრამ თითოეულმა მათგანმა მაინც თავისებური გადაწყვეტა მისცა თავსატეხ საკითხებს. ბარათაშვილი დიდი ტანჯვისა და განცდების შემდეგ ისევ საზოგადოების წევრობას არჩევს. მართალია, ბაირონის ჩაილდ-პაროლდით ისიც გარბის თავისი მერანის საშუალებით, მაგრამ ქვეყნეერების წყევლა მაინც არ ისმის მის შემოქმედებაში. კოლექტივის უარისყოფა და პიროვნების განდიდება ბარათაშვილის აზროვნებას არ ეგუება.

ვაჟა-ფშაველა კი ერთიანად პიროვნების მხარეზეა, თუმცა იმავე დროს კოლექტივი და მისი სამსახურიც მისთვის წმიდათაწმიდას შეადგენს. ბარათაშვილისებურ სინთეზს პიროვნებასა და საზოგადოებას შორის ისიც აღიარებს. ამას ქვევით ვნახავთ, მაგრამ იგი ძლიერი და საკუთარი მოაზროვნე პიროვნების თავიანთმცემელიც არის. რად ეტრფის იგი ძლიერ ადამიანს? იმიტომ რომ იგი მოსე წინასწარმეტყველივით წაუძღვეს ერს დასახსნელად.

ქვეყნის სიყვარული და სამსახური მთავარი სასიცოცხლო ინსტინქტია ვაჟისათვის:

„გულს ნუ გამიტეხ ტანჯვაში
მამყოფე შეუღრეკალა;
ვუხიზლობდე, მუღამ შხად ვიყო
დაჩაგრულუბის მცველად...
მაშრომე საკეთილოდა,

თუნდ არ მოვიყო ნაყოფი,
შვილთ საგმოდ არ გამოხადო
ჩემი მუღმივი სამყოფი“.

მგოსანი არათუ გაურბის საზოგადოებას და ბუნებას, არამედ თავის თავს მთელი ბუნების ნაწილად თვლის და ერთიანად ცხოვრობს ამ ქვეყნიერების ინტერესით, ყველაფრის გაღმერთებისა და სიყვარულის გრძნობა — პანთეიზმი — ვაჟა-ფშაველასათვის პირდაპირ მთელი არსებობის საკითხია.

„საგმობიე ვიყო, ქედს არ უხრი,
თავი მდიდარი მგონია,
ისეთი, თქვენმა ძმობაში,
ჯერ არვის გაუგონია.
მთლად მე შეკუთენის ქვეყანა:
მთაში — მთა, ბარად — ბარია,
ზღვა და ხმელეთი ერთიან,
ცა-ვარსკვლავების ქარია,
დილით მზე მანათობელი,
ღამის გუშაგი მთვარია.
მდიდართ სიმდიდრით დიღინი,
ბეჩაუთ ქვითინი მწარია,
აედარი, ვინელი, ცის ქვეყა,
ცა მოწმენდილი, დარია,
დილით გაფურჩქენა ვარდისა,
მთელი იმისი გვარია;
ია ულრანს ტყეს მოსული,
თალხ — კაბა, ენა მტკბარია,
კლდის თავს გაშლილი პირემზე, —
მთის სასახელო ქალია,
მარგალიტით მღვლოზე
ბრქვევილა დილის ცვარია.
ზამთრის ზევეების ქეხილი,
ზაფხულის წვიმის ღვარია,
იქ ჯოჯობეთი, სამოთხის
თუ დამიკეტეს კარია,
ხარს ვგევარ ნაიალადარს,
რქით მიწასა ვზხეურ, ვბუბუნებ:
ღმერთო, სამშობლო მოცოცხლე,
მძინარეც ამას ეღუღუნებ“.

ასე მომხიბლავად გამოსთქვამს ვაჟა თავის უღიადეს განცდას. ის კურთხევას უძღვნის ყოველივე ამქვეყნიურ სიკეთეს და პირადი გაქრობის უამიცი კი უღარეს კანონიერ და ბუნებრივ მოვლენად მიიჩნია:

„მფარავდეს შენი მარჯვენა,
კალთა სამოსლის შენისა,
სანამ არ მოვა დრო-ჟამი

სულ ბედის ამოქმენისა.
სული შენ, ლეში—მიწასა,
აღარა ვგლოვობ ამასა:
თეუზი — წყალს, ცასა — ვარსკელავი,
შვილი — დედას და მამასა“.

ღიახ, ასე უყურებს ვაჟა-ფშაველა ამქვეყნიურ ცხოვრებას და მასში მის მონაწილეობას. ის ნამდვილი მინდიაა — „გველის მჭამელი“, — საზოგადოებრივი გრძნობებით, მთელი არსებით გაუღენთილი და დაავადებული, მაგრამ, როგორც ვნახეთ, ჩვენი პოეტი პიროვნების განდგომასაც აღიარებს. არის მომენტი, როდესაც თემი და საზოგადო კოლექტივი ვაჟას უგუნურად და თვითნებად მიაჩნია: იგი სპობს ძლიერ პიროვნებას და თავისივე თავის დასაყრდნობს: როცა უნდა, თავის წესს დაიცავს, როცა უნდა, დაარღვევს, პიროვნების მოსაზრება და ინტერესი მისთვის აოაფევოს წარმოადგენს და თავისი თავი უდიდეს კერპად მიაჩნია, რომელსაც ყველაფერი უნდა ეწირებოდეს.

III

როგორი უნდა იყოს ვაჟას აზრით პიროვნება?

ძლიერი, შეუღრეკელი და თავის თავთან, თავის შინაგან „მესთან“ ზნეობრივად შეთანხმებული. მეორე მხრივ — გარემოსთანაც შეწყობილი. ამ აზრზეა აგებული მისი „გოგოთურ და აფშინა“ და „გველის მჭამელი“.

აფშინა განთქმული ყაჩაღი იყო მთიულეთში და სხვისი ძარცვით ირჩენდა თავს; ის საკუთარი ინტერესებით მცხოვრები პიროვნებაა და არავის არ დაინდობს. მას პოეტი უპირდაპირებს საქვეყნო საქმისთვის თავდადებულ გოგოთურს, რომელმაც აფშინა დაამარცხა და აიძულა ხელს აეღო ყაჩაღობაზე. აფშინამ, მართლაც უარყო ძველი გზა და თემის სამსახურში ისე შორს წავიდა, რომ ხევისბერადაც კი აიარჩიეს.

მაგრამ თავისი რწმენით ის ისევე ყაჩაღია და შესტირის იმ დროს, როცა იგი თავის ნებაზე ცხოვრობდა და არავის ანგარიშს არ უწევდა:

„ამბობენ ქვითინი მოღის
ღამ-ღამ ბლოს თავით კაცისა:
„ვაჟ, მკვდარო ვაჟკაცობაო,
ცეცხლად დამარხვავ თავისა!“

გარეგნულად გამოცვლილ აფშინას თავი ცოცხლად დამარხულად მიაჩნია და ამნაირად იგი უბედური არსებობდა. მან უღალატა

თავის თავს, თავის ბუნებას, ვერ შესძლო ხიკვდილი თავის სანუკ-
ვარ რწმენისათვის და სამუდამოდაც გაუბედურდა.

ასეთია ვაჟა-ფშაველას აზრი პიროვნების შესახებ. ინდივიდს
უნდა შეეძლოს თავისი რწმენისა და ხასიათის დაცვა, არ უნდა გატ-
ყდეს, თუნდაც მას აღუდა ქეთელაურის ბედი მოელოდეს.

ამავე იდეაზეა აგებული „გველის მქამელიც“, აქაც პიროვნე-
ბებამ, მინდიამ, უღალატა თავის თავს, ცოლის დაჟინებით დაარღ-
ვია ბუნებასთან კავშირი და ისიც გაუბედურდა. დაირღვა მისი სუ-
ლის შინაგანი მთლიანობა, დაირღვა გარეშეებთან კავშირი და მინ-
დიას დაღუპვაც აუცილებელი შეიქმნა. ის ვერ იცავს ძველებურად
სამშობლოს და თავს იკლავს. ამნაირად თავისი ბუნების მოღალატე
პიროვნებისათვის, ვაჟას აზრით, აუცილებელია დაღუპვა: ან ზნეობ-
რივი — აფშინა, ანდა ფიზიკური — მინდია.

ვაჟას არსებაში ორი საწყისი იბრძვის: ძლიერი და მოწამეობ-
რიობამდე მიღწეული საზოგადოებრივი გრძნობა და თანაც საკმაოდ
ძლიერი ინდივიდუალიზმი. ის არ არის ანტისაზოგადოებრივი
გრძნობით გაყენებული არსება, რომელიც თანაპუღროვე ევროპის
ნერვიულმა ქალაქმა წარმოშვა. არა, ვაჟა უძრავი სალი კლდეების
შეილია და მისი ნერვებიც რკინისებურია, მეჩყვობა მან არ იცის,
ამავე დროს მისი აზრი მარტო მთიულეთზე არ არის მიჭაქვეული,
ის სხვა ერების ცხოვრებასაც უკვირდება, თავის ეპოქის იდეებსაც
იცნობს და თავისი სამშობლოს პრიმიტიული ცხოვრების პირობებ-
ში სიქვეყნო იდეებს გვიშლის თვალწინ.

ვაჟას პოემები უდიდეს მხატვრულ ენოციებს იწვევენ და აზ-
როვნებასაც უაღრესი ინტენსივობით აშუშავენ. მომჯადოებელი
უბრალოება, კლასიკური სურათოვნება, ადგილობრიობის სურნე-
ლება და ყოველივე ამაში ოსტატურად ჩაქსოვილი დამაფიქრებე-
ლი და აზროვნების გამააღმასებელი აზრი — აი რა ახასიათებს ვა-
ჟას პოემებს.

საერთოდ კი ვაჟას პოეზია და მის მიერ შექმნილი ქვეყანა რა-
ღაც მომჯადოებელი სანახაობაა. რომლისათვის გული ვერ მოგაწ-
ყვეტია. თქვენს წინ დგას მთაში ამოკვერილი საქართველო თავისი
ბუნებრიობით, ყოფა-ცხოვრებით, წყაროთა შხუილით, ნისლით მო-
ბურვილი, ვაჟაც არის უკმეხი, გაუტეხელი, რკინისებური ნებისყო-
ფიანი, წრფელი მისწრაფებით, გარკვეული გამოხედვით. ძარღვი,
ჯავარი, რწმენა... და ყოველივე ეს მომზიბლავ სამოსელში გახვეუ-
ლი, ანკარა პოეტური გრძნობებით ნაპკურები.

ჩვენი მგოსანი, ერთი მხრივ, უაღრესად ეროვნული მოვლენაა,
მეორე მხრივ, კი მისი გამირული ხედვა მსოფლიო მნიშვნელობისაა.
ვაჟას შემოქმედება ხიბლავს, ატყვევებს ყოველ ქართველს, მისი

გულის კუთვნილება ხდება. ამავე დროს იგი ეროვნული ჩარჩოებიდან გამოდის და საყოველთაო ინტერესის საგანი ხდება.

სკანდინავიის მთა-გორამ და ზღვით დასერილმა მიწა-წყალმა იბსენის გამოკვეთილი პიროვნება მისცა მსოფლიო ლიტერატურას, პიროვნება ძლიერი და უაღრესი შემოქმედებითი ენერგიით აღსავსე. თვით ძლიერი და შეუდრეკელი, მთელი თავისი სიცოცხლე ძალღონე-მოდუნებულ ბურჟუაზიულ ეროპაში, იგი ძლიერ და გაუტეხელ პიროვნებებს ეძებდა, რათა ამ გზით მიეგნო დაავადმყოფებული და ინდივიდუალობას მოკლებული ადამიანის განმაახლებელი ძალისათვის.

ჩვენმა ოღროჩოღრო მამაპაპურმა მთამაც მოგვცა ძლიერებით აღბეჭდილი შემოქმედი, რომელიც დაცემული სამშობლოს ფეხზე დასაყენებლად ხან რომ კოლექტივის ამოძრავებაში ზედავდა ხსნას, ხანაც ძლიერ პიროვნებას ეძიებდა. ეძიებდა იმ მხსნელ გმირს, რომელიც მსგავსად ხალხის წიაღიდან გამოსული ლუხუშმისა, გლეხის ქალ ლალასა და მწყემს კვირიასა, მთელ ერს გაუძღვებოდა სიმბოლური ბახტრიონისკენ ეროვნული თავისუფლების მოსაპოვებლად. ამ ძიებაში მისი აზრი მრავალჯერ აშორდა მთიულეთის ორწოხებს და იალბუზის მწვერვალისგან მოველინა მსოფლიო აზროვნებას.

საქართველოს შეუძლია ისე იამაყოს მთელი ქვეყნის წინაშე ეაუ-ფშაველათი, როგორც იბსენით იამაყობს სკანდინავია. ამის უფლებას გვაძლევს ჩვენი მგოსნის პოეტური სიძლიერე, ადგილობრიობაზე აღმოცენებული სურნელება და ღრმა ფილოსოფიური აზრები.

ალექსანდრე ყაზბეგი

(1848—1893)

ალექსანდრე ყაზბეგმა უკვდავების სული ჩაჰბერა ქართულ ეროვნულ გოდებას. მსგავსად აკაკი წერეთლისა, ამ ღიღმა ნიქმა უღრმესი გრძნობით ამეტყველა ქართველი ერის აღდგენის იდეა, ნააზრევი და ნაფიქრი გრძნობის ცეცხლად გარდაქმნა.

ყაზბეგის მთელი შემოქმედება ნამდვილი წვა და დუღილია: ყოველ სტრიქონში უწმინდესი გრძნობა ჰქუხს. ყოველი სურათი მძლავრ ემოციებს ჰბადებს. ყაზბეგის მთვარე მზეზე უფრო მცხუნვარეა, მისი წვიმა მთელს სხეულს ცხრილავს, მისი ნისლი მთელ არსებას ჰკონავს... ყაზბეგის სიყვარული სიკვდილზე ძლიერია, ამ გრძნობით გაელენტეა. საბედისწეროა: გავიწყებს თავს, არეული, სულ წინ, წინ... არაფრის წინაშე არ ჩერდება... რა არის შენთვის კლდე, ღრე, დაბრკოლება?... უარჰყოფ ყოველივე ტრადიციას, შემ-

ბოჭველ აზრს და დევად ქცეული ზეცასაც კი ექიდებო...

ასეთი გრძნობით არის ყოველი მისი ტიპი დაავადებული და ამავე გრძნობით აავადებს იგი მკითხველს.

ყაზბეგის სურათები ბედისწერასავეთ კვალდაკვალ დაგდევენ. ვინ მოაშორებს თვალებს ელისოს ტანჯულ სახეს, ელგუჯას ხატებას, ხევის ბერისა და ნუგზარის სურათს, მაყვალას, მოძღვარს, ციცინას?... ყაზბეგის ქადონსურმა ნიქმა ყველა ეს ტიპები განუყრელად დაუნათესავა თითოეული ჩვენთაგანის სულსა და გულს, გადაქცია ჩვენი შინაგანი არსების ღვიძლ ძალად, დაგვასწულა მათი მისწრაფებითა და ბედით და უკურნებელი კრილობა შესძინა ყოველი ქართველის გულს.

სამშობლოს ბედით გულგანგმირულმა შემოქმედმა უნაზესი ლირიკული გრძნობით ამეტყველა თავისი თხზულებების უკვდავი გმირები, მომხიბლავი ხეივანი, რომელიც ერთიანად გიპყრობს და გაჭადოებს.

ქართულმა ისტორიულმა რომანტიკამ აქ ჰპოვა თავისი განვითარების უმაღლესი წერტილი, აკაკი პატრიოტული ლირიკის გვირგვინოსანია, ყაზბეგი ისტორიული რომანტიზმისა. ეს ორი მგლოვიარე ზარი გრძნულად ვუგუნებს ეროვნულ სამრეკლოზე და მთელ ხალხს აფხიზლებს.

რა იყო საქართველო წარსულში? რაზე იყო მისი ყოფა-ცხოვრება და მართვა-გამგეობა დაფუძნებული? როგორ მოსპო ყოველივე ეს თვითმპყრობელობამ? როგორ შეურაცხყვეს ერის უწმინდესი გრძნობები? — აი, რის დასასურათხატებლად გაშალა დიდმა შემოქმედმა თავისი სამხატვრო ტილო.

ყაზბეგის ტიპებისათვის სამოქმედო ასპარეზი თავისუფალ ცხოვრებას თანშეზრდილი მთიულეთია თავისი ამაყი შვილებითა და ათასფეროვანი ბუნებით, საქართველოს ეროვნულ ტრაგედიას აქ მთაში, ახადა ფარდა ყაზბეგის შემოქმედმა ხელმა.

„ელისო“ წარმოადგენს ამ ტრაგედიის ერთგვარ წინათქმას. მართალია, ამ მომხიბლავი მოთხრობის გმირები ტომით ქართველები არ არიან — ჩეჩნებია, მაგრამ ეს ტანჯული ხალხი და ქართველები ბედმა ერთმანეთს გადაანასკვა და ნაპრალისაკენ დააქანა.

ქართველები, მართალია, არ ჩაეარდნილან ჩეჩნების მდგომარეობაში, მაგრამ ფიზიკურად გადარჩენილნი, სულეერი გადაგვარებისა და გახრწნის საშიშროებას განიცდიდნენ. ამიტომ მათი ზნეობრივი ამალეებისათვის ქადონსური ხელით ხატავს ჩვენს წარსულს, რომ ყველამ იგრძნოს, თუ რა დაუფასებელი განძი დაგვიკარგავს.

„ელისო“ უნაზესი გრძნობით და დამატყვევებელი ფერადებით დაწერილი მოთხრობაა. აქ ყოველ ბგერაში გაისმის უაღრესი გულისწყრომა უხეში ძალის წინაშე, ხელოვნურ სურათებად არის

გადმოშლილი ყოველგვარი სამართლიანობისა, კაცთმოყვარული აზრისა და გრძნობის ფიზიკური ძალის მიერ შეუზღაურებლად გასრესა. „სამართალი ხმლის წვერზეაო“, — ამბობდნენ ბარბაროსები, ამასვე იმეორებს ვითომდა მოყვასთა მოსიყვარულე ქრისტიანულის დოღბანდით შებურვილი რუსული თვითმპყრობელობა.

„არა აღორძინებისათვის ძალთა, არა ნიეთთვისა, არა განვრცელებისათვის საზღვართა“, — ამბობდა 1801 წ. 12 სექტემბრის მანიფესტი, — „მივიღებთ ჩვენთვის ზედატვირთსა საქართველოს სამეფოსა მმართველობისას, მხოლოდ პატივი და კაცობრიობა სდებენ ჩვენზედა სამღრთოსა ვალსა, მსმენელმან ვნებულთა ვედრებისა, განსაღვენელად შეჭირვებათა მათთა“ და სხვ.

ალექსანდრე პირველის ბიუროკრატიას ეს დოკუმენტი პირბადედ უნდოდა, სინამდვილეში კი საქართველოს სამეფოს მთარეველობა სრულ მის მოსპობად გადაიქცევა, პატივი და კაცობრიული გრძნობა უმაგალითო ძალდატანებად და „ნაგაიკის“ ზუზუნად მოევიღინა ქვეყანას. ხოლო შეჭირვებათა განდევნის მაგიერ ახალი უბედურებანი დაგვატეხა თავს. ჩვენ ვიცით, რით უპასუხა ამ თვალთმაქცობას საქართველომ. ისიც ვიცით, რომ უძლიერესმა თვითმპყრობელობამ სისსლში ჩაახრჩო ყოველივე პროტესტი, მაგრამ „ჭრილობანი დაუეიწყარია...“ და ყაზბეგის მგრძნობიარე არსებაშიც მძლავრად ამეტყუელდა ეს გრძნობა. თითქმის ნახევარი საუკუნის შემდეგ სწორედ უკურნებლად განგმირულ სულს შეეძლო „ელისოს“ შექმნა.

თავისებური ბედნიერებით ცხოვრობდნენ თავის ხევხუევებში ელგუჯები და მათიები, საკუთარ ბედნიერებას საკუთარი წვითა და დაგვით იშენებდნენ ისინი, მაგრამ მათ ცხოვრებაში შემოიჭრა გარეშე ძალა და მათი ცხოვრებაც სულ უკულმა შეატრიალა. სამშობლოს დაცვის იდეა ინსტინქტურად ცოცხლობს თითოეულ მათგანში და პირადი ბედნიერების ძიების დროსაც კი თავს სდებენ მისთვის.

„მამის მკვლელში“ ვკითხულობთ: „უნდა მოსულიყო სხვა ხალხი, შემოეტანა სხვა ჩვეულება, სხვა წესები, — ვინ იცის, როგორი გასაჭირია იქ მცხოვრებელთათვის, — გაბატონებულიყო სხვა გვიარტომის ხალხი და ჩეჩენში ჩამოვარდნილიყო უსამართლობა, ძალა, გაუპატიურება ქალთა და რძალთა... მერე სულ მუდამ სხვა კაცის ბრძანებულობის ქვეშ ყოფნა, იმის წინ ქედის დრეკა და სამსახური!.. მერე ეს სხვანი ვინ იყვნენ? — გიაურები!.. არა, ჩეჩენლები სიკვდილს ირჩევან იმათ ხელში ჩაეცვენას...“

და კიდევ ილუპებიან ეს ადამიანები, უმოწყალოდ იულიტებიან. მათი კვნესა არავის ესმის, მათთვის სამართალი არ არსებობს, აქ მხოლოდ ძალმომრეობაა და საკითხს უხეში ძალის უპირატესობა სწყვეტს.

ამავე უხეში ძალის მძვინვარებას ვხედავთ „მოდლვარში“, „ცი-
ციაში“ და პატარა მოთხრობებში.

რა წაართვა ზთას — ამ თავისუფლების ბუღეს — რუსეთიდან
მოვარდნილმა ქარიშხალმა?

II

თვითმმართველობა — ხალხური სუვერენობის ძირითადი უჭ-
რედი — თემი. ეს იყო დროთა ვითარებაში ხალხის ადათზე დამყა-
რებული მინიატურული სახელმწიფო ფუნქციების მატარებელი ორ-
განიზაცია, რომელიც დარაჯად ადგა, ერთი მხრივ, ზნე-ჩვეულებას
და შინაგან მთლიანობას და, მეორე მხრივ, პასუხს აძლევდა მომხ-
დურს, თუ სტუმრად მოსულს. თემი — ეს ხალხის ზნეობრივად შე-
მადღებელი ორგანო იყო, რომლის მოქმედების სიწმინდე, შეუმ-
ცდარობა და შეურყევლობა ძველსა და რბილში ჰქონდა ხალხს გა-
ქდარი.

და აი, ეს უაღრესად ავტორიტეტიანი ორგანო ტლანქმა ძალამ
უხეშად დასცა და გაანადგურა...

ახალმა ძალამ მთიულთა მთლიანობაც ლამის არის გასტეხოს და
გაარღვიოს. მთიულთა შორის აღმოჩნდნენ ანგარებიანი პირები გავი-
ები, გირგოლები...

ქვეყნის ორგულები ძველადაც ყოფილან. ამას მოწმობს რო-
მანი „ხევისბერი გოჩა“; ძველმა საქართველომაც იცოდა ვნებისათ-
ვის ბრძოლა და პატივმოყვარეობისათვის სისხლის ღვრა; მასაც
პყოლია სისხლის მსმელი ნუგზარ ერისთავები, მაგრამ მაშინ ერი
მაინც ბედნიერი იყო, რადგან თემის ძალა და მმართველობა შეურ-
ყველი იყო, ყოველი მთიული სარწმუნოებრივის შიშით იღრეკდა
მუხლს ბჭეთა წინაშე. თავაწყვეტილი ნუგზარის გვერდით იღე-
წოდა ხალხისათვის თავდადებული ხევისბერი გოჩა, რომელიც ნამ-
დვილი სიმბოლოა. დიახ, მაშინდელ ზთას მაგრა ედგა ფეხი ეროვ-
ნულ ნიადაგზე და მით მისი წინსვლა და განვითარება სრულიად უზ-
რუნველყოფილი იყო...

თემი, მისი მნიშვნელობა და ხალხის ზარი-მის შესახებ ყერ
კიდევ ილია ჰვაჭავაძემ გვამცნო თავისი მთიულის პირით („მგზავ-
რის წერილები“), მაგრამ აღექსანდრე ყაზბეგმა შესანიშნავი ფე-
რადებით დაგვისურათა იგი.

ყაზბეგი თავის მოთხრობებში („ხევისბერი გოჩა“, „მამის
მკვლელი“, „მოდლვარი“ და სხვ.) დიდი ოსტატობით გვიხატავს თე-
მის როგორც შინაგან, ისე გარეგნულ სახეს, გვაჩვენებს მის საქმიან-
ობას და ამ ხალხის სუვერენობის საძირკველს — თემს. აი, რას
სწერს ამის შესახებ ყაზბეგი:

„მე ვსწერდი მოთხრობებს მთის ცხოვრებიდან და ვცდილობდი დამეხატა ის წმინდა ჩვეულებანი, ადათები და წესები, რომელიც ხალხის გონიერებამ მიიღო და დაადგინა თავიანთ ერთობაში. ოდესმე ყოვლად შეუძლებელია, რომ ჩვენი ცხოვრების პირობათ თავიანთი დასაწყისი ამ წარსულიდან არ მიიღონ. მე ვეცადე ამ წესებთან გამეცნო ხალხი, გამეგებინა რა გავლენა ჰქონდა ხალხზე და რამდენად შეიძლებოდა მათი ხელმძღვანელობით ურთიერთშორისი მორიგება, ცხოვრება და დამოკიდებულება. მიემართე მათ ხელის შემშლელ მიზეზებს და მათი აწმყო მდგომარეობის გამოვნახვა ვისურვე“¹. მწერალს ღრმად სწამს, რომ თემის საშუალებით შეიძლება „ურთიერთშორისი მორიგება, ცხოვრება და დამოკიდებულება“, რომ საქართველოს ბედი შეიცვლება და დადგება ეამი, როდესაც წაქცეული სახელმწიფო აპარატი — თემი ისევ წელში გაიმართება.

ეგნატე ნინოშვილი

(დაბადებიდან 70 წლისთავის გამო)

ნინოშვილის მოღვაწეობა ფრიად ხანმოკლე იყო, სულ ხუთი-ოდე წელიწადი იშრომა მან სამწერლო ასპარეზზე; უღმობელმა სენმა სრულიად ახალგაზრდა გამოასალმა იგი წუთისოფელს. მაგრამ ამ მცირე დროის განმავლობაში იმდენის გაკეთება შესძლო, რამდენსაც ბევრი მთელი თავისი სიცოცხლის განმავლობაში ვერ ახერხებს.

ნინოშვილის ნიქი მხატვრულ ლიტერატურის დარგში გაიფურჩქნა. მისმა გრძნობიერმა არსებამ ფართოდ აითვისა დროის ცხოვრების რთული სინამდვილე და მხატვრული სახეების საშუალებით ცოცხლად წარმოგვიდგინა მაშინდელი ცხოვრება, მისი განვითარების პერსპექტივები. ნინოშვილის მოღვაწეობის ხანა — გასული საუკუნის 90-იანი წლები — დიდი შეხლა-შემოხლისა და აზრთა კიდილის ხანაა, დიდი მოძრაობა ხდებოდა ცხოვრების სიღრმეში, აზროვნების სფეროშიც. რაგვარი იყო მაშინდელ „ნივთთა მიმდინარეობა“ და რანაირ „აზრთა მიმდინარეობას“ ქმნიდა ეს გარემოება? საკითხის განსამარტავად თვითონ ნინოშვილი დაეიხმაროთ. მისი მოთხრობა „პალიასტომის ტბა“ ასე იწყება: „გურიის დასავლეთის მხრის სოფლებისათვის ქ. ფოთს დიდი მნიშვნელობა აქვს: რაც რამ გასაყიდი აქვს ამ სოფლებს, ფოთში ჰყიდის, საყიდელია და — კიდევ იქ ყიდულობს. როცა ამ სოფლების გლეხს გადასახადისთვის მიადგებიან კარზე და ფული კი არა აქვს, მაშინ ფო-

¹ 1924 წლის ეურ. „კავკასიონი“, № 1—2, განყოფ. V, გვ. 16.

თია მისი თავდები: „მაცა, ფოთს ჩევირბენ, ამოვიტან და მოგცე-
მო“, — ეუბნება გლეხი „ზბორჩიკს“ ან ნაცვალს, დიდიდამ სალა-
მომდე მიდიან და მიდიან ფოთის გზაზე ქათმებით, ინდაურებით,
იხვებით, ბატებით, ღომით, სიმინდით და, ვინ იცის, რით არა, დატ-
ვირთული გურულები. ხე-ტყე ხომ აუარებელი ჩააქვთ გურიიდან
ფოთს...“

მოცემული სურათი უჩვეულო მოვლენა იყო ბატონყმობის
დროინდელ საქართველოში; ბატონყმური მეურნეობის პროდუქტი
ქალაქის ბაზრისკენ როდი მიდიოდა, თათქარიძეთა სტომაქი ადგი-
ლობრივ ინელებდა ყველაფერს. ასეთი მოძრაობაც უცხოში მოვ-
ლენა იყო იმ „ნეტარად მოსაგონ“ დროში: კარჩაკეტილ მეურნეობას
მოძრაობა არ ეგუებოდა. ნინოშვილმა ნიჭიერად დაგვისურათა ქა-
ლაქისაკენ მიმართული მასობრივი ამოძრავება.

კაპიტალისტური ურთიერთობის დასაწყისი გასული საუკუნის
პირველი ათეული წლებიდანვე შეგვიძლია ვიანგარიშოთ, მაგრამ
ვორონცოვების ხელით გადმონერგილი მოვლენა ზეზეული იყო,
უცხოეთიდან შემოჭრილ სტუმარს გამვლელის ნასიათი ჰქონდა,
სხვაგან დამზადებული საქონელი შემოჰქონდა, ან და ნედლი მა-
სალა გაჰქონდა; ნინოშვილის დროს კი, 90-იან წლებში, ეს
მასობრივ მოვლენად გადაიქცა და უკვე აქამდე შორიდან მაყუ-
რებელი ხალხი ჩაება მისი განვითარების პროცესში.

აი, ამ უკანასკნელი მომენტის დასურათებასა და თვალსაჩინო
მოცემაშია ნინოშვილის ორიგინალობა.

გ. ერისთავი, ზ. ანტონოვი, ლ. არდაზიანი, ვ. წერეთელი, დ.
ქონქაძე ნინოშვილზე აღრე გვისურათებდნენ ჩვენი ქვეყნის ჩარჩ-
ვაჭრებს, მაგრამ მათი შემოქმედება ინდივიდუალურ სახეებს იძლე-
ოდა: კარაპეტებს, მეჯღანუაშვილებს, ფულავეებს... ეგნატე ნინოშ-
ვილმა კი მთლიანად ამოძრავებული სოფლის სურათი მოგვცა, ვი-
მეორებ, ეს ასხეავენ მას სხვა ქართველი მწერლებისაგან. მაგრამ
ეს გამოსაეალი წერტილიდან საერთო სურათია. ენახოთ, რანაირი
ტ-პები აგვისახა მან ამ ფონზე.

მოთხრობა „სიმონაში“ ვკითხულობთ: „ქალაქის მეზობლად
ესახლა ერთი, მთელს სოფელში დიდად გავლენიანი და მდიდარი,
მძლავრი კაცი, დავით დროიძე. დავითი მაღალი, რიხიანი შეხედუ-
ლების კაცი იყო, კარგი მოლაპარაკე, ენა მეტყველი, თანაც
ხუმარა. შთამომავლობით დროიძე გლეხი იყო, ერთი აზნა-
ურის ნაკაცარი... ნიგვზის ხეებით მოვაჭრე ბერძენთან იდ-
გა, ჯერ მოჭამაგირედ და მერე „პრიკაშჩიკად“. შემდეგ... და-
ვითმა თვითონ დაიწყო ნიგვზის ხის ყიდვა-გაყიდვა. ამბობ-
დნენ... ბერძნის ფულები დავითს შერჩა და იმით გამდიდრ-
დაო... დავითს თავის საქმე კარგად მიჰყავდა... დავითმა დაანება

თავი ხის ვაჭრობას და სიმინდის ვაჭრობას მიჰყო ხელი. ამ ვაჭრობამაც კარგა ბლომად შესძინა ფული... დავით მობრუნდა სოფელში, შეისყიდა თავის მეზობლისაგან „ნადელის“ მიწები, გაიკეთა კარგი ოღა... თუ რამ „საფოდრათო“ საქმე გამოჩნდებოდა, ხელიდან არ გაუშვებდა... ფულებს მეზობლობაში ასესხებდა, ცხოვრობდა... „პროცენტებით“... დავითის ოჯახს „აზნაურის ოჯახს“ ეძახოდნენ... მიწა-ადგილებს თანდათან იძენდა, ბოლო დროს კარგი მამულის პატრონი თავადისათვის შეეძლო ხელის გაწვდენა... დავით დროიძე თავის სოფელში პატარა მეფე იყო“.

ერთ დროს ყმა და „ნაკაცარი“, დღეს სოფლის მეფედ გადაქცეულა. რა მოხდა, რა ამბები დატრიალდა ჩვენს სინამდვილეში? სად გაქრა სოფლის ძველი მეფე, ვინ დაამკვიდრა მის ადგილას დავით დროიძე? ეს სომ რევოლუციას! როდის მოხდა იგი?

ეს გადატრიალება განსაკუთრებით გაძლიერდა ბატონყმობის გადავარდნის შემდეგ: ნატურალური მეურნეობის ნაყოფმა თავის ეკვივალენტი ფულში ჰპოვა, მისი ფულად ქცევა, ახალ მოვლენათა გამო, აუცილებელი შეიქნა და ცხოვრების სათავეშიც ის მოექცა, ვინც შემთხვევით, თუ სისტემატური შრომის გამო, ამ ლითონის ხელში დაჰერა სხვებზე ადრე მოასწრო. ერთი ასეთი ბედნიერი, ნინოშვილის აზრით, დავით დროიძე შეიქნა; ეს პატივცემული გვამი ახალმა ტალღამ ნელ-ნელა ამოტივტივა სინამდვილის ზედაპირზე და ცხოვრების ბატონად აქცია. დღეს იგი თავადებს უტოლდება და მთავრობასაც თავის ნებაზე ამოქმედებს: ისე ატრიალებს მთელ სოფელს, როგორც მას მოეპრიანება, ძველი ბატონები ჩამოაყენა.

მარტო დავით დროიძე არაა ახალი დროის სანატრელი არსება, მის გარდა სხვებმაც მოიგდეს ხელში ფულის ქისები — ახალი სიმდიდრის საწყაული. „უცნაურ სენში“ ვკითხულობთ: „კოტე მამალაძე აგერ ათი წელი იყო, რაც ერთ მახლობელ ქალაქში, ვიღაც ერთ დიდ ვაჭართან იდგა „პრიკაშნიკათ“ და შედარებით კაი ჯამაგირსაც იღებდა. კოტე გლეხკაცის შვილი იყო, სოფლის ერთკლასიან სასწავლებელში ნასწავლი. „პრიკაშნიკობის“ დროს რუსული ლაპარაკი და სავაჭრო ანგარიში ისწავლა... „შვილი ვარ და სტავლული ვარო, კოტემამალაძემ უნდა თქვას“, ამბობდნენ ტყვერეთელები... მოგეხსენებათ, თუ რა დიდ ბედნიერებად ჩათვლის სოფლელი გლეხი სტუმრობას ისეთის მდიდრის, „სწავლულის“ და „ჰკვიანის“ ნათესავისას, როგორათაც სთვლიდნენ ტყვერეთში კოტე მამალაძეს. ერთის სიტყვით, ეს კოტე მამალაძეც სახარბიელო ტიპია სოფლის თვალში, ფულიანი კაცია, განათლებული. ძველი ანდაზა „აზნაურის სტუმრობაო“ ასე უნდა შეიცვალოს: „მამალაძის სტუმრობაო, არ გეგონოს ხუმრობაო“.

ქალაქების მალაზიები აესილია ფაბრიკა-ქარხნებში დამზადებუ-

ლი საქონლით: ათასნაირი ქსოვილით, კურკლეულით, ფუფუნების საგნებით. მთავრობის მოხელეებმა, როგორც ინტელიგენციის ერთ-მა ფენამ, კარგად იციან ეს გარემოება და მოსე მწერლის სახით მუდამ სწამს, რომ ხალხს ფულეები ასწაპნონ და მით თავისი მოთხოვნილებანი დაიკმაყოფილონ. უზრუნველ ცხოვრებას შეჩვეულ თავადაზნაურობას და საძლედლოებასაც ძალიან მოსწონთ ქალაქებში დამზადებული საქონელი და ისინი ფულეებს ატყავებენ გლეხებს... ერთის სიტყვით, თანდათან ბატონდება ფულის მეურნეობა და მისი წარმომადგენლები: დროიძეები და მამალაძეები.

ეს პროცესი წითელი ზოლივითაა გატარებული ნინოშვილის მოთხრობებში. „მოსე მწერალში“ ვკითხულობთ: „ერთმა მედუქნემ, რომელიც სიმინდითაც ვაჭრობდა, მისცა სოფონას ხარებასა და ურემში ექვსი თუმანი“. გოგია უიშვილი ნაცვალს ეუბნება: „— ქენი კაცობა, ამ კალანდის გასტუმრება მაცალე, მერე სადმე წავალ და გადვიხდა“.

კაცია მუნჯაძე „განკარგულებაში“ ამბობს: — საწმებათს გამთენიეს მე და დათიამ ვასაყიდი სიმინდი უნდა წავიღოთ ურმითო.

ფული და მისი შეძენის სურვილი, ქალაქი და მისკენ მისწრაფება, დროიძეები და მამალაძენი, — აი ის ძირითადი თემა, რომლის გარშემო შლის თავის სამხატვრო ტილოს ეგნატე ნინოშვილი. რისთვის დასჭირდა ნიჭიერ ბელეტრისტს ასეთ საკითხებზე ყურადღების გამახვილება?

იმიტომ, რომ ეს თემა ნინოშვილის დროს საბრძოლველი თემა იყო და აქტუალურად იღვა მაშინდელი ქართველი ინტელიგენციის წინაშე. იმდროინდელი ჩვენი ინტელიგენციის დიდი ნაწილი თავადაზნაურული წოდებიდან იყო გამოსული, კლასობრივი მომენტი იმდენად ძლიერი იყო მის არსებაში, რომ მთელი მისი ყურადღება თავიანთი წოდების ყოფა-ცხოვრების მოსაწესრიგებლად იყო მიმართული. თითქმის ყოველგვარ საკითხს ამ წოდების ინტერესების მიხედვით სწყვეტდნენ. რა უშველის თავადაზნაურობას, რა დაიხსნის მას გლატაკებისაგან და სხვა, — აი ის თემები, რომელთა სხვადასხვაგვარ დამუშავებას კპოვებთ მაშინდელ პრესაში. საქალაქო მეურნეობის გაძლიერება სოფლის მეურნეობას უთხრიდა ძირს, სოფლად კი გაბატონებული ეკონომიური ძალა თავადაზნაურობა იყო, ამიტომ ინტელიგენციის ეს ნაწილი სოფლის მეურნეობის ქებადიდებაში იყო და აქეთკენ მოუწოდებდა ყველას. ილია ჭავჭავაძემ აი როგორი თეორია წამოაყენა: „ქვეყანა ვისია? ყოველივე ჩემიაო, — ამბობს ოქრო, ყოველივე ჩემიაო, — იძახის ხმალი... ამ ორს პატიოსან მეტოქეს დავიწყებიათ, რომ ქვეყანაზედ მაგათ გარდა არის ერთი კიდევ რაღაცა, რომელსაც თუ არ პირველი, უკანასკნელი ადგბლი არ უჭირავს ქვეყნის განაწილებაში... ის ერთი რაღა-

ცა გუთანია... ქვეყანა იმისია, ვისაც ერთ ხელში ხმალი უჭირავს და მეორეში გუთანი... ჩვენ (ქართველებს) რომ დღეს მიწა გვაქვს, ადგილზე რომ ფეხმოკიდებული ვართ, სხვებსავეთ არსად ვიქსაქსებით, არ გადავცვივდით აქეთ-იქით, ჩვენ რომ ამდენს დაუძინებელს მტერს გაუუძელით, ჩვენი ერი რომ დედამიწას შერჩა და დედამიწა ერსა, — ეგ იმიტომ, რომ ერთს ხელში ხმალი გვეჭირა და მეორეში გუთანი დასაბამიდანვე დღემდე, ესეც ვიქნებით შემდეგშიაც, თუ ეგ ორი უძლეველი ძალ-ღონე ერის სიმკვიდრისა ხელთ გვექნება“.

ილია ჭავჭავაძესა და მის ჯგუფს ასეთი აზრები ჰქონდა, სინამდვილე კი ასე ვითარდებოდა: გურიის გლეხობა სოფლებიდან ქალაქებისაკენ გარბოდა ფულის საშოვნელად. ილიას მიერ პუბლიცისტიკაში გამოთქმულ აზრებს ნინოშვილი თავის მოთხრობებში ამბავად აღწერდა, რევოლუციურ იერს აძლევდა. იგი მებრძოლი მწერალი იყო და ამის გამო ეგნატე ნინოშვილის სახელი „მესამე დასის“ ინტელიგენციისათვის ბრძოლის ემბლემად გადაიქცა.

ეგნატე ნინოშვილი არ ყოფილა ცალმხრივი და ვიწრო თვალთახედვის მწერალი, მისი ნიქი ჩვენი ცხოვრების მრავალ კუნძულს მიწვდა. „სიმონაში“ ვკითხულობთ: „დავით დროიძემ ორი უმცროსი შვილი სკოლაში გაზარდა; ერთი მათგანი პოლიციაში იყო სეკრეტრათ. მეორე... იუნკერის სკოლაში ყავდა და იმედი ჰქონდა, რომ მალე აფიცრობას მიიღებდა“.

ეჭვი არაა, რომ ეს ყმაწვილები თავიანთი კლასის იდეოლოგები იქნებიან და სხვადასხვა თეორიებს შექმნიან თავისი მამის მოვლინების კანონიერების შესახებ და მის ეკონომიკურ ბაზას მარადიულობადაც კი გამოაცხადებენ. ამის უტყუარი ნიშნები მოთხრობაშიც არის, ტიტკო ასე მეტყველებს: — „სიმდიდრე და ძალა იმითია კარგი, რომ ყველა შენს წადილებს აისრულებ, თუ ჩემი წადილები არ ამისრულდება... მაშინ რა ჯანდაბათ ვაქნევ სიმდიდრეს... ბურთი და მოედანი იმას რჩება, ვინც ძლიერია. სიმძლავრე ანუ ძალა ახლანდელ დროში ფულია. ეს ფული თქვენ საკმაოდ გაქვთ. აიღეთ და მოინმარეთ, რას გეშინიათ!“

აი, ბურჟუაზიული ცხოვრების იდეოლოგიის ერთი ელემენტი, — მოითმინეთ ცოტა და დროიძის მეორე ვაეიც — აი, ისა, პოლიციაში რომ ბრძანდება — მოსე მწერლად გადაიქცევა და თავისი წრის საუკეთესო იდეოლოგი იქნება. ესკიზში „სხვამ რაც უნდა სთქვას“ ნინოშვილმა ერთი ჯურის ინტელიგენტი ასე მოხაზა: — „აი, ჩვენი გაბრიელას სტეფანე რომ არის, კაცი იმისთანა უნდა: სწავლაშიაც წყნარი და მშვიდი იყო და ცხოვრებაშიც ეგეთია. რაღაც რამდენიმე წელიწადია, რაც მღვდლათ ეკურთხა. მაგრამ მაინც კი ისე გახადა ი ლატაკი მამის დატოვებული ოჯახი, რომ მეფის სა-

სახლე გეგონება, წვიმაში რომ ბღინარეს წყალი ემატებოდეს, ისე ემატება მის ოჯახს ქონება... სტეფანე ფეხსაც კი არ გადადგამს საწყალი კაცის გულისათვის, მდიდარიო, მე რაში მარგია მისი სიძლიერე?”.

ეს სულიერი მამაც, უეჭველია, ახალი ვითარების დამცველი და მადიდებელი იქნება, სახარებაც ხელს შეუწყობს „ამ წმინდა საქმეში“ და ბურჟუაზიის მეცნიერებიც.

დროიძეები და მათი იდეური დამცველები, — ასეთია ახალი ვითარების ერთი სახე, მაგრამ მას აქვს მეორე სახეც, სახე აუცილებელი და მის საშოდან ბუნებრივად გამომდინარე: ესაა, ერთი მხრივ, ბურჟუაზიის ექსპლოატაციის საგანი — ღარიბი გლეხობა, რომელიც გაპროლეტარების გზაზე შემდგარა და, მეორე მხრივ, ქალაქებში თავმოყრილი მუშათა კლასი. ამ ელემენტების გარეშე ბურჟუაზიული წარმოება ვერ იარსებებს, ბურჟუაზიის სიმდიდრის წყარო — ზედმეტი ღირებულება — ამათი ოფლიდან შედგება.

ნინოშვილმა ამ მომავლის კლასის ზოგადი კონტურებიც მოგვცა; ყველა ეს სოფონეები, კაცია მუნჯაძეები და ივანეები დღეს თუ არა, ხვალ ქალაქში მუდმივ სამუშაოზე დარჩებიან — აკი მამალაძე ასე მოიქცა, თუმც სხვა ხაზით — და ქალაქის პროლეტარიატის რიგებს შეავსებენ. მათი ინტერესების იდეური დამცველების მამამთავრებიც აშკარად ჩანან ნინოშვილის მოთხრობებში — ესენი არიან „ჩვენი ქვეყნის რაინდების“ მთავარი მოქმედი პირი — სპირიდონ მცირიშვილი და „სხვამ რაც უნდა თქვასში“ გამოყვანილი პეტრე მღვდლის შვილი, რომელიც „უმალღესი სასწავლებლის უკანასკნელ კურსზე იყო და მაისში თუ ივლისში უნდა დაბრუნებულიყო რუსეთიდან მამასთან სწავლადმთავრებული“, მაგრამ მეფის მთავრობამ ციმბირისაკენ უკრა თაეი. ქვემომოყვანილი სიტყვებიდან აშკარად ჩანს, თუ რა იქნებოდა ამის მიზეზი: — „სემინარიაში ყოფნის დროსაც ეტყობოდა იმას, რაც შვილი იყო: დიდი კაცი, უფროსი, წირვა-ლოცვა ფეხებზე ეკიდა: მის წინ რომ გუბერნატორს გაეელო ქუდს არ მოუხდიდა... ჩვენმა ბლადოჩინმა ერთი უფროსი დაპატივა სადილად, სულ ამ მაზრის დიდკაცობა იქ იყო... იქაც არ მივიდა — რა მინდა, მე იქ რა ხელი მაქვსო... სემინარიიდან რომ შინ მოვიდოდა, შეკრებავდა სოფლის ბავშვებს და უფასოთ წერა-კითხვას ვასწავლიდიო, ამბობდა... ეყარა ერთი ურემი წიგნები წინ და ჰქონდა დღე და ღამე შიგ ცხვირი ჩაფლული... რა ეწერა ნეტა იმ წიგნებში? ბევრი რამ: ყველაფერი ახლანდელი ყოფა უნდა გამოიკვალოსო“.

აი, ვინ იყო პეტრე მღვდლის შვილი, რომელიც სპ. მცირიშვილის დეიძლ ძმად უნდა დაესახოთ. აკი სპირიდონიც მშრომელი

ხალხის ინტერესებისათვის იღვწოდა და მთელ თავის ძალღონეს ამ საქმეს სწირავდა.

ფულად გადასაქცევად ამოძრავებულ სოფლის მეურნეობის პროდუქტებსა და ფიზიკური ძალის გასაყიდად მიმართულ გაპროლეტარებულ ელემენტებს გარდა, ქრისტიანეებიც მიდიან ქალაქისკენ სხეულით სავაჭროდ: იმავე ქალაქებიდან ავი სენიცი შემოდის სოფლად; ყველაფერი ეს მშვენიერად იცოდა ნინოშვილმა და მხატვრულ სახეებში ასახა კიდევ.

რა მოუვიდა ამ საერთო ორომტრიალში ძველი ცხოვრების მესმესვეურებს — თავადაზნაურობას? წარძობების გარეშე ყოფნამ და საუკუნეობრივმა მუქთაზრობამ ერთი მისი ნაწილი პარაზიტად აქცია. შრომა მას არც შეუძლია და არც უნდა, თანაც ანტისაზოგადოებრივი თვისებების მატარებელია, ხმლის ტრიალიც უყვარს და მუშტებზედაც იხედება. ეს მიდრეკილებაც წარსულმა უანდებდა მას. თავადაზნაურობის ამ ფენების წარმომადგენელი ტარიელ მკლავაძეა, რომელსაც არავითარი ღირებულების შექმნა არ შეუძლია და ქვეყნის ზედმეტ ბარგად ქცეულა.

თავადთა მეორე ნაწილი კი ფილოსოფიურის სიღინჯით გაპყურებს მის გარშემო ამოძრავებულ ცხოვრებას და თავად მანუჩარ არწივაძის ბაგეებით („სოფლის გმირები“) ასეთ ლექსს ღიღინებს:

„დროსა შევესწარ ისეთსა,
გულს ცეცხლი გამიჟარესა,
ალმასით სჭედენ ვირებსა,
აკრავენ ოქროს ნალებსა,
ბედაურ ცხენებს კურტან ქვეშ
სცვეთენ, ვინ შეიბრალვბსა!“

ნინოშვილის სიტყვით; „თავადი მანუჩარი“ ასე ხსნის ამ შიირის შინაარსს: ვირები გლეხკაცობაა, ალმასი — თავისუფლებაა. ბედაურები — თავადაზნაურობა“ და სხე.

საერთოდ კი ეს წოდება თავზარდაცემულია და არ იცის, რით დააღწიოს თავი მოულოდნელად მოვარდნილ ნიაღვარს; იგი გაოგნებული დგას და ვერ გარკვეულა შექმნილ ვითარებაში.

ამნაირად, ნინოშვილმა თავისი ცხოველი და ანალიტიკური ნიჰის წყალობით აშკარად დაუმტკიცა ძველ თაობას, რომ 90-იანი წლების ქართველი ხალხის ცხოვრება უკვე ის არ იყო, რასაც იგი 20-30 წლის წინათ წარმოადგენდა, მოხდა საზოგადოებრივ ძალთა ახალი დაჯგუფება და ძველ ეკონომიკურ ვითარებას ძირ-ფესვი გამოაცალა. ამიტომაც უკვე შეუძლებელია მამამაპუერი თეორიებით ფონს გასვლა და საჭიროა დროის შესაფერი სააზროვნო გზების გამონახვა. თავის პუბლიცისტურ სტატიაში: „ძველი დავა ახალ ქერქში“ ნინოშვილი წერს: „ახალგაზრდობა კრიტიკის თვალთ უყუ-

რებს მამა-პაპათაგან შექმნილ ზნე-ჩვეულებას, თეორიებს, ერთი სიტყვით, ყოველივეს, რასაც კი ადამიანის ცხოვრებაში ასე თუ ისე მნიშვნელობა აქვს. რაც მისი შეხედულებით ცხოვრების წარმატებისათვის მეტი ბარგი, უხერხული და დამაბრკოლებელია, უარს-ყოფს, აგდებს. მის მაგიერ შემოაქვს ცხოვრებაში ახალი ელემენტები“. ახალი თაობის ჰირველი წარმომადგენელი, რომელმაც ასე გადაათასა ძველები, თვითონ ეგნატე ნინოშვილი იყო, ახალი ელემენტების ერთი შემომტანთაგანიც ის იყო. ის შეხედულება, რომელსაც ბურჟუაზიის მიღების შესახებ ჭერ კიდევ 70-იან წლებიდან ადგა გ. წერეთელი, შესანიშნავად დაასურათა ნინოშვილმა თავისი მხატვრული შემოქმედების საშუალებით.

მაგრამ ნინოშვილი სრულებითაც არ ყოფილა ბურჟუაზიის იდეოლოგი. „კაპიტალიზმი და მრეწველობა, — წერდა იგი, — ისეთი მდინარეა, რომ თუნდაც კიდევ მოინდომოთ მისი შეფერხება, ვერ შეაყენებთ და, უნდა მოგახსენოთ, არც სასურველია მისი შეყენება არა თუ საქართველოსთვის, არც ერთი ქვეყნისათვის“... მეორე ადგილას ამბობს: „იმას არც ჩვენი ნებართვა ეპირება და არც ჩვენი ქება-დიდება. მოდის ჩვენთან დაუკითხავად“ და თანვე დასძენს: „ინტელიგენციის და მწერლობის მოვალეობა ამ შემთხვევაში ის არის, ისე მოუშვადოს ნიადაგი სიძლიდრეს, რომ მუშას თავისი ნაშრომი რჩებოდეს, ქუჩაში ადამიანი შიმშილით არ კვდებოდეს და მდიდრის ძაღლს ამ დროს დღეში თუმანი არ ჰქონდეს. ამიტომ გვჭირია მიწმართოთ იმავე ევროპას, საიდანაც მრეწველობა მოდის და გავიცნოთ — რანაირ სოციალურ-ეკონომიკურსა და პოლიტიკურ ცვლილებებს თვლიან იქ საჭიროთ „უპროსნის“ ყოფამდგომარეობის გაუმჯობესებისათვის“.

ამ უკანასკნელ სიტყვებში მოცემულია მუშათა კლასის შეკავშირების და საკუთარი კლასიური ინტერესებისათვის დარაზმვის აუცილებლობა; ეს ცოტაა, ნინოშვილი რომ ამაზე შეჩერებულიყო, ეკონომიზმის კაობში ჩაეფლობოდა; მან იცის, რომ „ყველაფერა ახლანდელი ყოფა უნდა გამოიკვალოს („სხვამ რაც უნდა თქვას“), ესე იგი ბურჟუაზიული ვითარება უნდა მოისპოს და სოციალიზმი დამყარდეს. სოციალიზმის იდეა გზის მანათობელი ვარსკვლავია ეგნატე ნინოშვილისათვის. ბურჟუაზიული ურთიერთობა მან მხოლოდ ამ იდეის გასამარჯვებლად მიიღო, ვინაიდან ამ ეკონომიკურ ნიადაგზე ხდება პროლეტარიატის დარაზმვა და სოციალიზმისათვის აუცილებელი საწარმოო ძალთა განვითარება.

აი, ამისათვის არის ნინოშვილის სახელი უკვდავი და დაუეიწყარი. ადრე მის მიერ გაკაფული სააზროვნო გზა დღეს ხორცშენსმის პროცესშია და ჩვენც ქედს ვიხრით უდროოდ დაღუპული ხელოვნისა და მოაზროვნის ხსოვნის წინაშე.

იროდიონ ევლოშვილი

(1878—1910)

იროდიონ ევლოშვილის სახელი და ლიტერატურული მოღვაწეობა მკიდროდ არის დაკავშირებული რუსეთის პირველი რევოლუციის წინა ხანასთან და თვით ამ დიად ისტორიულ მოვლენასთანაც. მგოსანი ახალგაზრდობიდანვე ჩადგა რევოლუციური ინტელიგენციის რიგებში და აღფრთოვანებით ეგებებოდა ჩვენი დემოკრატიის ამოძრავებას და გათვითცნობიერების გზაზე გამოსვლას.

პირველი რევოლუციის განთიადზე ჩვენი მგოსნის მრავალი ლექსი პირდაპირ სახალხოდ იყო გადაქცეული. მუშები, მოსწავლე ახალგაზრდობა, რევოლუციური ინტელიგენცია, — ყველა აღტაცებით იმეორებდა ევლოშვილის პროტესტით სავსე ლექსებს. თეატრებში, სკოლებში, ოჯახებში, ქუჩაში — ყოველგან შეგვიძლოთ გავგეგონათ:

„მეგობრებო, წინ... წინ გასწით,
ნუ შედრკება თქვენი გული,
ღე, მეკრღს სისბლის დღი აჩნდეს
და შუბლს ოფლის ნაკადული
წინ, წინ, მედგრად შეეებრძოლოთ
ჩარხუკულმართ ამ ჩვენს დროსა,
და ჩვენს რაზმს წინ წაუშმღეკროთ
სიმართლის და ძმობის დროშა“.

იმ დროს, როდესაც საზოგადოებრივი ატმოსფერო ბრძოლის უნით იყო გაუღნთილი, ყოველი რადიკალური სიტყვა აღფრთოვანებას იწვევდა და ევლოშვილის ლექსებიც თოფისწამალივით ინთებოდა.

ჩვენი მგოსნის შემოქმედება შეგვიძლია გავყოთ ორ ნაწილად: ლირიკად და სოციალური სინამდვილის ამსახველად. ევლოშვილი უმთავრესად პროლეტარულად განწყობილი ლირიკოსია. იგი თვალს ადევნებს ჩვენი ცხოვრების მიმდინარეობას, ცდილობს შეიგნოს მისი შინაარსი, აშკარად დგება ჩაგრულთა მხარეზე და გულისწყრომით აღსავსე ლექსებს უძღვნის მშრომელი ხალხის მტერსა და ორგულს. უსამართლობით გულდასერილ პოეტს გაზაფხულის მშვენიერებაც კი არ უნდა მიიღოს.

„კვლავ გაზაფხული, კვლავ ია-ვარდი,
კვლავ ბულბულთ სტენა დაგვიტყობს სმენას,
კვლავ სიხარული, ცეკვა, ნავარდი
და კვლავ ბუნება ეძლევა ღზენას.
მაგრამ ვით კვირებდღე ვარდსა და იას,
ვით შეესტრფილო მზიანსა დღესა,

ვით გამახაროს უტყუთა მეჭლისმა,
ოდეს გულს ჰგმირავს მებტყველთა კენესა“.

მებრძოლ პოეტს არასოდეს არ ავიწყდება „მებტყველთა კენესა“ და ჩაგრულთ ბედი. კეთილშობილურ პროტესტთან ერთად იგი უდიდესი სევდით არის დააეადებული.

„ნუ, ნუ იწვევ სულს იყავებულ სამშობლო მხარეს,
სადაც აღვილი არ აქვს ურევას, არც სიმწუხარეს,
აბა რად მინდა ოცნებითა ერთ წუთს ვტკბებოდე
და მერე ისევ ცხარე ცრემლად დავიღვრებოდე“,—

ამბობს მოქალაქეობრივი გრძნობებით ამებტყველებული მგოსანი.

პირადი გრძნობა და საკუთარი თავი პოეტს თითქმის ერთიანად მიუვიწყებია და მხოლოდ საზოგადოებრივი გრძნობით ცხოვრობს. არ არის წამი, როდესაც ევდოშვილის არსება საზოგადო ინტერესებიდან გამოთიშულად გრძნობდეს თავს და პირად უბედურებას დასტიროდეს.

„მე არა ესტირი ჩემს სივაბუკეს,
არც გულის სატრფოს, არცა მყოლია,
მარტოკა ვღება, მწარე ცხოვრება,
ვეპეობ ქუდ-ბედალ თან დამყოლია,
მე ჩემს გარშემო მომესმის კენესა,
მაშვრალი ხალხი ტვირთ-ქვეშა გმინავს,
მათი ვაება, უსამართლობა,
ვითა ისარი, გულსა მიგმირავს“.

ამგვარი სიტყვები ერთიანად შეეფერებოდა მაშინდელი საზოგადოების სულიერ მდგომარეობას. მომწიფებული მოძრაობის სული და გული სწორედ „მაშვრალთა ხალხის ტვირთ ქვეშა გმინვა“ იყო, ამას აშკარად გრძნობდა და ხედავდა ყოველი პატიოსნად მოაზროვნე ადამიანი და ვინ იქნებოდა ისეთი, რომ „უსამართლობა, ვითა ისარი“ გულში არ ჩაატკობოდა!

ხშირად ევდოშვილის ლექსები საერთო ფრაზებითაა შეზავებული და რიტორიკულ დეკლარაციებს იძლევა, დღეს ჩვენთვის ეს აშკარაა და ნათლად ვხედავთ, რომ ნაკლებად ჩანს კონკრეტული მხატვრული სახე; მაგრამ იმ დროს, როდესაც ეს ლექსები იწერებოდა, თვითონ საზოგადოებაც ასეთსავე გაურკვეველ და ჩამოუყალიბებელ მდგომარეობას განიცდიდა. ყველა პროტესტანტობდა, ყველა იწუნებდა არსებულს, მაგრამ კონკრეტულად რაში უნდა გამოხატულიყო ახლის განხორციელება, არავინ არ იცოდა და ამიტომ ყველა საერთო ფრაზით იკმაყოფილებდა თავს. ოღონდ თვითმპყრობელობა დაეამხოთ და მეორე დღესვე ისე მოვაწყობთ ჩვენს ცხოვრებას, როგორც ჩვენ გვინდაო, — ასეთი იყო მაშინდელი სუ-

ლიერი ვითარება, რომელსაც აგრე ეგუებოდა ევდოშვილის ქნარი.
ევდოშვილს ღრმად სწამს, რომ მომავალი ჩაგრულებისა:

„მაგრამ მოვა დრო და სიტუაციით
შენც გაგიღივებს ღლის განთიადი,
იგი იქნება დრო განახლების...
ღროი ბრწყინვალე, ღროი ღიადი“, —

ასე მიმართავს მგოსანი მაშერალთა სამეფოს. ღიახ, მგოსანი
შეურყვეველი იმედით არის გაუღენთილი, იგი გვეუბნება:

„ეიცი, რომ ბრძოლის შემდეგა
შე გამოკრთება გზაზედა,
და თავის სხივსა უმანკოს
ათამაშებს ნაშეღა“.

მაგრამ იგი სრულებითაც არ არის ბავშვური ოპტიმიზმით
შეპყრობილი და სინამდვილეს პირდაპირ შესცქერის თვალში:

„კიდევ იმედი... და კვლავ იმედი...
მხოლოდ იმედი — სხვა არაფერი...
ნუ თუ იმედის მოლოდინშია,
უნდა დავლიო პირქუში ღღენი,
მაგრამ ასე სჯობს დეე, იმედმა
ბრძოლად იწვნიოს ნატკენი გული,
დეე, ცრემლებმა მოაწყოს ყაშირი,
მერე ადვილად გაივლის ხნული.
მე ამ იმედით აღფრთოვებული
პირსწორედ ვუცქერ მძლავრთ უკმეზობას,
ვინც რომ სხვის ოფლით იკვებებიან,
საფრად ხმარობენ „ძმობა — ერთობას“.
მე ამ იმედით აღფრთოვებული
სიამით განესკერეტ ღიდებულ ხანას,
როს მაშერალთ გულით ამოხეთქილი
გმინვა „განთიადს“ ამცნებს „ქეეყანას“.

პოეტს ხშირად უიმედობაც კი იპყრობს —

„ოხ, მეგობარო, მომეცი ხელი,
დავეყრდნო ზედა ქანცვილუღი.
მითხარი რამე, ნუგეში მამე,
თორემ ბედკრულსა მიტყდება გული“.

ევდოშვილი ხანდანხან სანტიმენტალობაში ვარდება და მისი
სევდაც გადაქარბებულად გეჩვენებათ, მაგრამ არის წამი, როდეს-
საც მგოსნის სევდას შენც იზიარებ.

„ღამეა კეშნიანი...
თვალი ვერ ხედავს ვერასა,
ქარხ კენესს, ქარი სისინებს,
ქარი დასტირის ბნელასა...“

ფიქრი... ფიქრი... და ფიქრები...
არ მშორდებიან გონებას,
გული სეველებმა წაიღეს,
სული მიეცა ღონებას“.

II

ასე კენესის პოეტის ქნარი იმ დროს, როდესაც მშრომელმა საზოგადოებამ მშვენიერად იცოდა, თუ რას ნიშნავდა „კაეშნიანი ღამე“, — ეს მაშინდელი რეჟიმი იყო, — და რის გარშემო ტრიალებდა მგოსნის „ფიქრი... ფიქრი... და ფიქრები“. აი, ამ დროს არ შეიძლებოდა სრული თანაგრძნობა და ურთიერთგაგება არ დამყარებულიყო პოეტსა და საზოგადოების დაჩაგრულ ფენას შორის.

ევდოშილი, როგორც ვთქვით, უმთავრესად ლირიკოსია, მაგრამ შიგადაშიგ პლასტიკურ სურათებსაც გვიხატავს. ამ სურათებში ჩანს საზოგადოების ის ნაწილი, რომელიც დაჩაგრულია, გაბატონებულთა უღელ ქვეშ გმინავს და რომელსაც მთელი თავისი არსებით უთანაგრძნობს მგოსანი. ჩვენ წინ იშლება ქუჩა-ქუჩა მოხეტიალე „მატანტალას“ სურათი:

„ღღეს როგორც გუშინ ქუჩა-ქუჩა კვლავ იარები; !
ტანს ჩერები გფარავს, ფეხებს წყლულო და იარები“.

ასე მიმართავენ პოეტი ცხოვრების „მეტ ბარგად“ გადაქცეულს, რომელიც მაშინ სჭირდებოდა ამ სოფელს, „ოდეს ჰაბუკსა, სიცოცხლით სავსეს, ჯან-ღონე“ ჰქონდა, „სჭიშავედა ძარღვებს“, „ოფლსა პღვრიდა“, და იგი კი სხვა კაცს მიჰქონდა“. ერთ დროს მატანტალა ცხოვრებისათვის საჭირო არსება იყო და უზომოდაც ყველფდნენ მას. ღღეს კი, „როცა გატყდა ჯანი, უსუსტა მკლავმა“, უკვე არ გამოდგება საექსპლოატაციოდ და ნახმარ ჩვარივით საღდაც მიგდებულს „სადმე ქუჩაში ამოგვია ტანჯული სული“, — ეუბნება პოეტი. მუშის პიროვნება თავისთავად არაფრად არ ფასობს, დაფასებულია მხოლოდ მისი „ძარღვების კიშვა“ და, როცა მოკვდება, მის შესახებ ასე იტყვიან: „მოკვდა კიიდა მატანტალა“. ასეთნაირად ფასდება ბურჟუაზიულ საზოგადოებაში მშრომელი და მისი სიცოცხლე.

ტანჯვასა და ვაგლახში მიმდინარეობს მუშის არსებობა დღიდან დაბადებისა. იგი ასეთის ნაღველით დამღერის:

„მე დაეიბადე ძველ წნულის ქოხში,
ლერწაში იყო ჩემი აკვანი,
ზევიდამ ჩვარი ძლივსა მფარავდა,
სიცივით კრთოდა შიშველს კანი.
ღედის ნანასა ქარი სისინით,

ქოხს შემოჭრილი, ბანსა აძლევდა,
და ჩემი გული იმა ხმაზედა
გამოურკვეველ შიშითა კართოდა”.

ეს გამოურკვეველი შიში თან სდევს მას მთელ მის სიცოცხლეში და ბოლოს:

„შიშველს მიწაზე, დიდი ქარხნის ქვემო სარდაფში,
იწვა მუშაკი, ზედ ეხურა ჩოხის ნაგლეჯი,
თავი დაეყრდნო კონკის-ძველა ტოპრაკისათვის,
მხოლოდ ეს იყო მის სიმდიდრე, მისი ავეჯი“.

თავი ანება თავის ცოლ-შვილს, ტოლ-ამხანაგებს, ველარ გაუძლო ცხოვრების ორომტრიალს და სადღაც ძალღურად ჰხდებოდა სული...

აგერ კიდევ უკუღმართი საზოგადოებრივი ცხოვრების მსხვერპლი („განკიცხული“), რომელიც ტორტმანით მოდის დუქნის წინ:

„ვინ იცის, ღამე სად ათია, რომელ სარდაფში,
ყელზე მიეგდო თავსაბევეი გახუნებული
და ძველი კაბა ამოველო კუქეში და ლაფში,
სახეზე უჩანს უზნეობის შავი ლაქები“.

მან დიდი ხანია დაკარგა უმანკობა, „დუხჭირ ცხოვრებამ გადულახა ყმაწვილი გული“ და დღეს „სახლიდან გამოაგდო ლოთმა დედამა და ახლა ჰქვია ქუჩის გოგო და მაწინწალა“. გულის მომკვლელი სურათია და პოეტიც სამართლიანად გოდებს.

აი კიდევ სიმბოლური სურათი: ბატონები ნელი ნაბიჯით, ღინჯად დასეირნობენ:

„იმათ მახლობლად ფეხშიშველა ათი წლის ბიჭი
კალათით ხელში იღვა კრძალვით, პყიდდა იასა
და აგერ, მის წინ შედგა ერთი ცილინდროსანი“.

რომელმაც ია აიღო და „პატრონს ფასად გადაუგდო ხუთ გროშინანი“. ასეთია პლასტიკური სურათი, რომელიც შემდეგ აზრებს მოპვერის პოეტს:

„პატარა მუშავ, მომავლო ოფლისა მღვრელი
შენც მიულოცე გაზაფხული იით ბატონსა,
მავრამ შენ ვილა მოვილოცავს სხვაგვარ გაზაფხულს?
ვინ გაგავონებს: „აიმართა სიმართლის დროშა?“

ვედღოშვილს უყვარს ცხოვრების ფსკერზე მოქცეული გერების ჩვენება:

„სახენაცემი, დაკაწრული, ჩაშაყებული
იწვა ქუჩაზე პერანგისა მარტო ამარა,
მის გვერდზე ეგდო არაყისა უძირო ბოთლი,
მისი მტარეალი. მაინც იმან დაასამარა“.

ასე აგვიწერს პოეტი კიდევ ერთს მაწანწალათაგანს, რომლის გვერდით

„იქვე ახლო ქალაქის ბრბო სცემდა ტამიტუმს,
ლაზღანდარობდენ მშვიერ კუპით კონკის ძველები“.

ესენიც წაქცეულის ძმები არიან და მისებრ ნაძირალებად გადაუქცევია ცხოვრებას. აღამიანთა ამავე ჯგუფს ეკუთვნის გარყვნილი ბიკუქელაცი, რომელიც

„მიდის, მიგოგავს შიშველ ფეხებით,
ხან ილანძლება, ხან მუშტებს ქუშმავს,
გულს ახალუხი გაუღღღია,
კეფაზე ქუდი წამოუხურავს.
მიდის, მიგოგავს, თანაც ნელ-ნელა
უახლოვდება მეხილის ღუქანს,
აყოცა ხელი და ოსტატურად,
ერთომ ვხუმრობო, ჩაუკრა ბუქნას“.

ეს არსება პატარაობიდანვე დალუპვის გზაზე დგას და მისი ხსნა შეუძლებელია.

გარდა ცხოვრებისათვის უვარგის და მის მიერვე უსამართლოდ დალუპულ არსებათა, ევლოშვილი წარმოებაში ჩაბმულ მუშებსაც გვიხატავს. ასეთია, მაგალითად, ასოთამწყობი, რომელიც კბილის ღრქენით დამღერის:

„ჩვენ სულ ვაწყობთ ერთმანეთზე
პაწაწინა ლითონ-ჩინას,
ზოგი აქეთ, ზოგი იქით,
ზოგიც კიდევ განაპირას.
მკედრის სუღარას სახე გვიგავს,
თვალები ეს მიმქრალ სანთელს,
ლომიც იყო, ვერ აიტან
ფეხზე დგომას, ძმაო, აშდენს“.

III

საზოგადოდ, უნდა ითქვას, რომ ევლოშვილი გაცილებით უფრო ნაყოფიერი და ძლიერია ლირიკულ პროტესტებში, ვინემ სინამდვილის პლასტიკურად ასახვაში. აქვე უნდა შევნიშნოთ ისიც, რომ მისი სურათები ლუმენპროლეტარების პორტრეტებია და სამრეწველო პროლეტარიატის ცხოვრების მამოძრავებლისა და ღირებულებათა შემქმნელის ტიპს ჩვენი მგოსნის შემოქმედებაში ვერ ვხედავთ. ეს, რასაკვირველია, პოეტის ნიჭის ბრალი არ არის, ვინაიდან ამ ტიპის მუშა ჯერ კიდევ არ იყო ჩამოყალიბებული და მისი შემოქმედებაც ნაკლებად ჩანდა ჩვენს სინამდვილეში. არა მარტო

ჩვენში, ასე იყო რუსეთშიც. მოვიგონოთ მაქსიმ გორკის — პირველი რევოლუციის ქარიშხლის მათწყებლის შემოქმედების ობიექტები: ესენი ცხოვრების ნამძირალები არიან — მაწანწალები და ჩვენს სიმპათიას ისინი პროტესტანტული სულისკვეთებით იწყობენ.

ევლოშვილის მუშა, მართალია, უსამართლობას გრძნობს, მაგრამ ეს ჭერ კიდევ დიდად ვერ დაშორებია იოსებ დავითაშვილის მუშას, რომელიც ასე მიმართავს პოეტს:

„რასაც გვიპირდებით, ჩვენცა ვგრძნობთ,
არ დაგვიარგვია იმელი,
არ დაგვიფიწყოთ, გვალეიძეთ,
რომ არ დაგვატყდეს შავბელი.
რასაც თქვენ გვირჩევთ, იმას ეიქმთ,
ასრულდეს თქვენი ნებაო,
ჩვენც თან მიყუევებით ჩანჩალით,
ვინაც კი წაგვიძღვებო“.

ევლოშვილის დროც სწორედ ისეთი ხანა იყო, როცა მუშები ძლივს დგებოდნენ საკუთარ ფეხებზე, მათ ჭერ კიდევ ვერ შეეგნოთ, რომ „მუშათა განთავისუფლება თვითონ მუშათა საქმეა“ და, ამიტომაც წინამძღოლ ინტელიგენტებს და მოწინავე მუშებს მიჰყუებოდნენ „ჩანჩალით“. უნდა პირდაპირ ითქვას, რომ ჩვენი მუშები არც მოტყუებულან ამაში და ევლოშვილი მუდამ სწორ და კლასობრივ გზაზე აყენებდა მათ.

„რას შესცქერ, ძმაო, ფანჯარაში მდიდრის ქულაქას?
არა ჰგავს განა კონკად ქეუულ შენს ძველ ფარაქას?
შენ გააკეთე, შენ შექქენი, ძმანო, ეგ ფარჩა,
მაგრამ რაღაცა მანქანებით შენ კი არ დაგრაჩა.
ის სხვამ წაიღო, შენ გარგუნეს ეს კონკის ძველა.
ისე რად ხლება? ჰკითხე შენს თავს მაინც ერთხელა!“

ამ ლექსში მოცემული სურათი მსჯელობით სავსე მთელ ტომზე უფრო მეტ გავლენას ახდენს მკითხველზე და კლასობრივ გათვითცნობიერებასაც დიდად უწყობს ხელს.

ასეთივე მომხიბვლელი კონტრასტებია ლექსში „სალამო ქალაქში“, რომელშიც აღწერილია მშვენიერი სალამო და ამ ბედნიერების წიაღში მყოფნი. აქ პოეტი თავის საყვარელ ხერხს მიმართავს:

„ბედნიერებო, გამოდიოთ გარედ,
მხოლოდ თქვენთვისა ანათებს მთვარე,
შენ კი, საწყალო, ბედს რომ ემდური,
ამ მეჭლისიდან გამოიპარე!
თორემ, გარწმუნებ, მწვავე იარა
გულს აგეშლება და გაგამწარებს,

ეს ტურფა ღამე თვით ოცნებაში
შავსა ნალექსა შემოგაპარებს”.

ვედოშვილის პოეზიამ პირველი რევოლუციის ხანაში დიდი სამსახური გაუწია ჩვენს მებრძოლ მშრომელ ხალხს; მისი ქნარი გულწრფელად აღიღებდა თავისუფლებისათვის მებრძოლთ და გამამხნევებელი ჰანგებით ატკობდა ყველას. სხვა ლექსებს შორის მისი „გურული ნანინა“, რომელიც რეაქციის მძინეარების დროს დაიბეჭდა, პირდაპირ სახალხო ლექსად გადაიქცა.

იენანა, ვარდონანა,
იენანინაო!
კარგად ვიცო, ჩემო კარგო,
ვინ შეგაშინაო!
ყაზახების მათრახებმა
ჩვენ დაგვიფრინაო!
ტყეში თოვლზე გირწეუ ივენს...
იენანინაო!
იენანა, ვარდონანა...
იენანინაო!
მამაშენსა მათრახებმა
სისხლი აღინაო.
შემიყრეს და შემიბოკეს,
იენანინაო!
ჯაშუშს ვერსად დაემაღა,
ბევრიც ირბინაო!..
სად გაგათბო, რა გიშეულო,
შენ გენაცუალო!
ქერ ტებოლო არ გაგიცუნია,
მწარე დალიეო...
იენანა, ვარდონანა,
იენანინაო!
უყურე ჩემსა ცრემლებსა,
თოვლზე დაიბნაო.

ეს ლექსი სამი ამოდენა კიდევ იქნება და ვედოშვილის პოეზიის ნამდვილი მარგალიტია.

ზოლბა ლომთათიქა

ეს დღემდე ნაკლებად შემჩნეული მწერალი დიდ მოვლენას წარმოადგენს განახლებულ ქართულ ლიტერატურაში. იგი შესანიშნავია, როგორც ხელოვანი, როგორც ეპოქის მამოძრავებელი იდეების მხატვრულად ამსახველი და, ბოლოს, როგორც მრავალფეროვანი და ფართო ჰორიზონტის მქონე შემოქმედი. მეცხრამეტე საუკუნის კლასიკოსი მწერლების შემდეგ მან უსათუოდ დიდი ორიგინა-

ლობა გამოიჩინა ეროვნული საკითხის ინტერნაციონალურ ნიადაგზე მხატვრულად გაშლით. მეოცე საუკუნის ქართულ ლიტერატურაში ამ საკითხის შესახებ კოლა ლომთათიძეზე ნიჭიერად, მხატვრულად და ორიგინალურად არავის უწერია. ამ საუკუნეშიც ბევრი ლექსი თუ პოემა დაწერილა საქართველოს ბედის შესახებ, მაგრამ ყოველივე ეს გასული საუკუნის პატრიოტული ქნარის გამოძახილია და არაფერ ორიგინალურს არ შეიცავს, ვერსად ახალი დროის შესაფერისი თვალსაზრისით მიდგომას თქვენ ვერ ხედავთ, მხოლოდ ლომთათიძე გამოიყოფა ამ მხრივ თავისი მოთხრობით „უბის წიგნიდან“.

ამ საინტერესო მწერალს, ჩვენ აქ შევეხებით იმდენად, რამდენადაც მისი შემოქმედება მასალას გვაძლევს მუშათა მოძრაობის ასახავად და მისი იდეალების შესაცნობად.

კოლა ლომთათიძის შემოქმედება, რომელიც არსებითად უკვე ჩვენს მიერ განხილულ მგოსანთა და მწერალთა შემოქმედების სფეროში იშლება, რაღაც განცალკევებულ და განსაკუთრებულ მოვლენას წარმოადგენს. მიუხედავად იმისა, რომ ისინიც იმისთვის იბრძვის, რისთვისაც მთელი ჯგუფის მწერლები იბრძვიან, მაინც სხვებს არა ჰგავს და მისი შემოქმედება განსაკუთრებული ორიგინალობის ელფერს ატარებს. მისი სიტყვა გულწრფელი და მომხიბლავია, მისი წერის მანერა უბრალო და მომაჯადოებელია, მისი მიდგომა ორიგინალური და თავისებურია.

კოლა უმთავრესად ლირიკოსია. ყოველი მისი მოთხრობა პროზით დაწერილი ლექსია. რომელშიც ანკარა წყალივით ამოჩუხჩუხებს უდიდეს საკაცობრიო იდეალებისათვის თავდადება და მამულთა საქმისათვის თავგანწირვის სიტყვა და საქმე. თავისი მოთხრობების მთავარი მოქმედი პირი თვითონ ავტორია, რომელმაც პირადად განიცადა ქართველ მშრომელთა უსაზღვრო აღფრთოვანების დი მერე დამარცხებისა და ბრძოლის ველიდან უკუქცევის ხანა. ერთი წუთითაც კი არ დაშორებია იგი მშრომელთა ლაშქარს ამ ორ უმძაფრეს ხანაში. პირველი რევოლუციის დროს მებრძოლთა პირველ რიგებში იდგა და რეაქციის დროსაც არავისათვის დაუთმია ეს საპატიო როლი. შვიდი წლის განმავლობაში საკატორღო ციხის ბორკილებს ატარებდა და ბოლოს, 1915 წელს, ქალაქ სარატოვში მშობელი ქვეყნის სიყვარულში აღმოხდა ტანჯული სული. მე არ ვიცი მეორე ქართველი მწერალი, რომლის ბედი და პირადი სიცოცხლე აგრე ყოფილიყოს გადანასკვეული მისთვის საყვარელ იდეალებსა და მისწრაფებებთან. ერთი წუთითაც კი არ მოშორებია კოლა თავის სათაყვანო საგანს— მშრომელების ბედზე ზრუნვას, მათი ბედნიერებითაც დამტკბარა და უბედურებითაც გატანჯულა.

მართალია, მისი პირადი ცხოვრება უმეტესად საშინელებით იყო მოცული, მაგრამ იგი იმით მაინც ბედნიერი იყო, რომ ბუნებამ გა-

მოქმდის იშვიათი ნიჭით დააჩილდოვა და მთელი თავისი სულის წვა და მისწრაფება შესანიშნავი ხელოვნებით აგვისახა, ვინ მოსთელის, რამდენი თავდადებული ეწამა ჯოლა ლომთათიძესთან ერთად მშრომელთა ინტერესებისათვის, მაგრამ ჯოლასთან შედარებით ისინი ორჯერ უბედურები შეიქმნენ: თავიანთი სულისკვეთება ტანჯვასთან ერთად გადმოუშლელად ჩაიტანეს მიწაში. სამაგიეროდ, ჯოლა შეგვიძლია მივიჩნიოთ მათი სულისკვეთების გამომსახველად. ამ მხრივ იგი უსათუოდ ტიპური მოვლენაა ჩვენს სინამდვილეში და მისი პირადი განცდებიც ქართველ მებრძოლთა მთელი თაობის დამახასიათებელია. ჯოლას მოთხრობებში, როგორც ვთქვით, უპირველესად თქვენ ხედავთ, მუშათა ინტერესებისათვის მებრძოლ პროლეტარ ინტელიგენტს, რომელიც შავი რეაქციის მძვინვარების დროს ციხის ჭურღმულებშია მომწყვდეული და იქიდან იწვის და იღაგება მშრომელთა უქუქცეული რაზმის დამარცხებით, მაგრამ ეს არ არის უიმედო ტანჯვა და გარემოებათა წინაშე ქედის მოხრა; ეს არ არის ძველი იდეალების უარის ყოფა და ახალი კერპის წინაშე წამოჩოქება. არა, ჯოლა ლომთათიძე გაუტეხელი მებრძოლია და მისი მშვენიერი მოთხრობების ყოველი ბგერიდან სწორედ ეს გამოსჰქვივის. წაიკითხეთ მისი „თეთრი ღამე“, „გრამაფონი“, „საპარობილეში“, „ჩემი დღიური“, „სახარჩობელას წინაშე“ და თქვენ აშკარად დარწმუნდებით ამაში. ამ მოთხრობებში მოცემულია მთელი თავისი საშინელებით და თანაც უბრალოებით ციხის ეპოპეა. მისი სხვადასხვა ტიპებით, უდიდესი სიმშვიდით გადმოშლილია ამ საშინელი ადგილის ლოდან ქცეული ყოველდღიურობა, მაგრამ ვერსად, ვერც ერთ ადგილას, თქვენ აქ ვერ ნახავთ ციხის გამართლებას, მის წინაშე უძღურებას და მისი მძლეთამძლეობის გარდუვალობას. ჯოლას აზრით ყოველივე ეს წარმავალია და დროებითი, დღეს დამარცხებული მუშათა კლასი კვლავ აღდგება, კვლავ გაშლის წითელ დროშას და ამ საშინელებასაც ბოლო მოეღება.

კ. ლომთათიძის შემოქმედებაში ყველგან ბრძოლაა და შეურიგებლობა. შეიძლებოდა ჩვენი აზრების დასამტკიცებლად ლომთათიძის მოთხრობებიდან შესაფერი ადგილები მოგვეყვანა. ანდა მოთხრობების ანალიზი მოგვეხდინა, მაგრამ ჯოლა ისეთი ხელოვანია და მისი მოთხრობები ისეთი ოსტატობით არის შეკერილი, რომ ცალკე ადგილების ამოღებით სრულიად დაიკარგება მათი სურნელება და მკითხველიც ყალბ შთაბეჭდილებას მიიღებდა. ამიტომ ჩვენ ყველას ეურჩევთ მთლიანად წაიკითხონ ჩვენ მიერ დასახელებული მოთხრობები. ეს კითხვა მოჰგერის მათ უდიდეს ესთეტიკურ და ინტელექტუალურ სიამოვნებას.

ჯოლა ლომთათიძე ახალი საქართველოს ხორცი ხორცთაგანია. მისი შემოქმედება მხოლოდ და მხოლოდ ახალი ცხოვრების პირო-

ბებში წარმოშობილ სახეებს და იდეებს იძლევა. იგი თანამედროვე მოწინავე აზროვნების შუაგულში დგას და აქედან ათვალიერებს მთელ ჩვენს ცხოვრებას. კოლას შემოქმედების ამოსავალ წერტილად ჩვენ შეგვიძლია მივიღოთ მისი მოთხრობა „უბის წიგნიდან“, რომელშიც იგი მთელი თავისი არსებით ენათესავება ჩვენს წარსულს: „გადამაქვს თვალი სურათიდან სურათზე, მოგონებიდან მოგონებაზე, სტრიქონიდან სტრიქონზე და, მგონია, რომ ჩვენი ისტორიის დასაწყისიდან ცოცხალი ვიყავი მე, რომ ფეხდაფეხ, კვალ და კვალ, მხარ და მხარ, დაედევდი ჩვენს ბედს“, — ამბობს იგი იქ და ასე დაასკვნის: „ვდგავარ მაღლობზე მე და თითქოს მივდივარ, მივიკაფავ გზას, თავს ვიცავ და იკარგება საზღვარი, იკარგება განსხვავება და მხედება წინ სპარსი, ოსმალო, რუსი, ინგლისელი, იაპონელი და მხიარული, აღტაცებული ეაძლეე მათ ხელს და ძმურად, ამხანაგურად ვკოცნი მათ“. ამ სტრიქონებიდან აშკარად ჩანს, რომ კოლასათვის ძველი საქართველო უკვე განვლილი საფეხურია და დღეს უკვე ახალი პორიზონტები იშლება მის წინაშე.

ამ მოთხრობით კოლას შემოქმედება სულ ახალ, ჩვენი ლიტერატურისათვის უცნობ არეში გაიშალა. ეს გაშლა არ ყოფილა მარტო გარეგნული სახის მატარებელი და მხოლოდ ყოფაცხოვრების ამბავი. არა; კოლას ნიჭი ამაზე მარტო არ შეჩერებულა, და, რაც თავი და თავია, მან ამ ახალი ცხოვრების მამოძრავებელი იდეები მოგვცა მხატვრული სახეებით. მწერალი ამავე მოთხრობაში ამბობს: მე წვერი ვარ იმ პარტიის, მუშათა პარტიის, რომელმაც მთელი ქვეყანა უნდა გარდაქმნასო. ქვეყნიერების გარდაქმნაზე მეოცნებეს საამისო ძალაც უნდა შესწევდეს. მისწრაფებაც უნდა ჰქონდეს, მაგრამ ეს მარტო როდი კმარა, უხეშ ფიზიკურ ძალას არაოდეს არ გარდაუქმნია ცხოვრება. ფიზიკურ ძალასთან ერთად ნათელი, ჰეშმარიტი იდეაა და მეტრძოლი სულია საჭირო.

მწერლის აზრი მუდამ ახალი, ცხოველი და დროის შესაფერია. „ჩვენ ქუჩაში გვინდა გამოვიდეთ და დროშა ჩვენი გამოვამხუროთ. გავშალოთ წითელი დროშა, შემოვეხვიოთ მას და შევსძახოთ ქვეყანას — „დაგამარცხებთ, გავიმარჯვებთ“, — ამბობს „პირველი მისისი“ პერსონაჟი, რომელსაც სწამს, რომ ჩვენი ცხოვრების განახლება მაშვრალთა კოლექტიური მოქმედებისა და ბრძოლის შედეგი იქნება.

კოლექტივიზმის იდეა მუშათა მოძრაობის დედაბოძია. ამ იდეის ნიშნის ქვეშ ვითარდება მთელი სოციალისტური მოძრაობა, იგი არის მთელი ქვეყნიერების გარდამქნელი და განმაახლებელი. ინტერნაციონალურ გზაზე გამოსულ საქართველოს სინამდვილეშიც უნდა ამოეხეტა ამ იდეას. კოლა ლომთათიძის შემოქმედება აშკარად

ამტკიცებს ამ აზრის სისწორეს. წაიკითხეთ მისი შესანიშნავი მოთხრობა „სალრჩობელას წინაშე“ და აშკარად დარწმუნდებით ამაში. ამ მოთხრობას ჩვენ ქვევით შევცხებით უფრო დაწვრილებით, აქ კი დავასკენით, რომ კოლას შემოქმედებით მთელ ახალ ქართულ ლიტერატურას უღრმესი კალაპოტი გაუკეთდა და ჩვენი განახლება უტყუარი ფაქტია. ქართველმა მწრომელმა ახალი იდეები არა მარტო თავით მიიღო, არა მარტო გარეგნული ცვლილებების მოხდენაში გვიჩვენა თავის შემოქმედების მძლეთამძლეობა, არამედ გულითაც შეიგრძნო და შეითვისა ახალი ეპოქის სუნთქვა, მხატვრულად მიიღო და ამნაირად ყოველმხრივ დაეუფლა ახალი ცხოვრების სათავეებს.

ძველ დროში ერის ცხოვრებაში ძირითად ცვლილებებს ხალხთა ვადასახლებანი ახდენდა, — მრავალჯერ გაჩანაგდა ძველი საქართველო ამ მოვლენის გამო, — დღეს კი ერის ცხოვრების ძირიანად გარდაქმნას შინაური ეკონომიკური და პოლიტიკური რევოლუციები ახდენენ. საქართველოსაც ეს ბედი ეწია: მის ეკონომიკურ განახლებას პოლიტიკური განახლებაც მოჰყვა და ძველისძველი აზიური ერიც ერთიანად ეზიარა ევროპულ ცხოვრებას, ეს მოვლენა, როგორც ვნახეთ, შესანიშნავად ასახა მწრომელთა წიაღიდან გამოსულმა ახალმა ქართულმა ლიტერატურამ.

ჩვენ გავარჩიეთ მწერალთა მთელი გუნდი, რომლიდანაც პირველობის გვირგვინი უსათუოდ კოლა ლომთათიძეს უნდა მიეძღვნას. მისი სახე მალღიდან გადმოჰყურებს მთელ ჩვენს ცხოვრებას და ყველასათვის აშკარაა, რომ ჩვენმა ახალმა ლიტერატურამ უსათუოდ კოლას მიერ აჩქეფებულ ნაკადულში უნდა მიიღოს ნათელი.

ნებას ვაძლევ ჩემს თავს, მოვიხსენიო აქ ჩემი რომანი „შოთა ბროლიძე“, რომელიც ცალკე წიგნად გამოვიდა 1911 წ.¹ ეს ნაწარმოები თავისი შინაარსით ეკუთვნის ამ განყოფილებაში განხილულ მიმართულებას და მიზნად ისახავს ახალი ტიპის — ჩვენი ცხოვრების განმთავსებელი მუშის სახის ჩვენებას. დაწვრილებით ამ რომანის შესახებ ლაპარაკი უხერხულად მიმაჩნია სრულიად გასაგები მიზეზის გამო.

ერთი შენიშვნაც: მეცხრაშემდეგ საუკუნის ლიტერატურაში ჩვენ გვაქვს ორი ცნობილი ლექსი მუშის შესახებ: ერთი „მუშა ბოქულაძე“ — ეკუთვნის გრიგოლ ორბელიანს, მეორე „მუშა“ — ილია ჭავჭავაძეს.

ორივე ეს ლექსი მრავალმხრივ არის საყურადღებო. ილიას „მუშას“ ასეთი ეპიგრაფი აქვს: «В труде проходит жизнь его и не приносит ничего».

¹ ვახსენებ მხოლოდ იმ მოსაზრებით, რომ პროგრამებშია შეტანილი. ვ. ხ.

ასეთივე აზრია ამ ლექსში გატარებული:

„მოკვდები და მსწრაფლ ჩაგვდავენ საკაცშია,
უცრემლოდ, ძმოდ, ჩაგიშვებენ სამარეშია!
ეგრეთ უბრალოდ გაფუჭდები, — და ჩვენს ხსოვნასა
არაფერი არ მოაგონებს შენს „აქ“ ყოფნასა“.

ილიას, როგორც ჰუმანურად განწყობილს, ებრალება მუშა-რომელიც უზომოდ იტანჯება. მუშას მაშინდელი საზოგადოების თვალში არაფერი მნიშვნელობა არ ჰქონდა და არც მისი მუშაობა ფასდებოდა ღირსეულად: ის უბრალო პირუტყვია, რომელიც ტვირთის საზიდავად გაჩენილა და უხმოდ ემორჩილება თავის ბედს. გრ. ორბელიანის მუშამ კი იცის, რომ „კაცთა შორის არ მიჩნეულია“ და მტანჯველებს ასე ეუბნება:

„განბრომის ძვე, ნებიერად გაზრდილო,
ეს ქვეყანა შენთვის არის შექმნილი!
ველთ სიმწვანე, ცის ლაქვარდო, მის შუქი,
გაზაფხული, სუნნელების ნიაჟით,
შენ გეტრფიან, გახარებენ, გატკბობენ!
შენთვის ჰბრწყინვენ თვით ლამაზი თვალბიცი;
ნაზი წელი რხევით შენსკენ რონინებს;
მიმოჰქრიან შენთვის ზღვაში ხომალდნიც“. და სხვ.

ღიახ, ასე შეგნებულად და განსწავლულად ალაპარაკებს ორბელიანი ბოქულაძეს. მაგრამ, როცა საქმე საქმეზე მიდგება და მუშამ მდგრად უნდა მოითხოვოს თავისი, პოეტი მას ასე ათქმევინებს:

„ეჰ, ძმავ, წადი შენ შენს გზაზე სიმღერით...
მე ჩემს ბარგსა როგორმე იქ მოვიხსნი,
სად მე და შენ ვიქნებით თანასწორნი,
საუეუნიის განსასვენსა ალაგსა!“.

ერთი სიტყვით ორბელიანის მუშა ერთობ თვინიერი არსებობა და საიქიოს უპირებს თავის მჩაგვრელს ანგარიშის გასწორებას, სააქაოს კი მზად არის უპროტესტოდ იცხოვროს.

ასეთია ის ლიტერატურა, რომელმაც ასახა ჩვენი მუშათა მოძრაობა. საერთოდ უნდა ითქვას, რომ სამრეწველო პროლეტარიატის ყოფა-ცხოვრება და იდეალები ჭერჯერობით ვერ დაუსურათებია. სათანადოდ ჩვენს ლიტერატურას. მაგრამ ამ მხრივ უკეთესი მდგომარეობა არათუ ჩვენში, რუსეთშიც კი არ არის, მუშათა კლასის შემოქმედება მთელი სიგრძე-სიგანით ჩვენი თანამედროვე ცხოვრების საქმეა და მომავლის ლიტერატურაც უფრო ძლიერ და მხატვრულ სახეებს მოგვეცემს, ამ მთელი ქვეყნის ცხოვრების გარდაქმნილი კლასის ცხოვრებიდან.

დასასრულ ხაზი უნდა გავუსვათ იმ გარემოებას, რომ ამ განყოფილებაში განხილული ლიტერატურა ერთიანად ქალაქის გავლენითაა დაწერილი, მეცხრამეტე საუკუნის ლიტერატურა კი სავსებით სოფლურ ფონზეა გაშლილი, აშკარაა, რომ ქართველი ერის ცხოვრება უკვე გამოვიდა სასოფლო შუკების და პეიზაჟების გავლენიდან და ევროპის მსგავსად ქალაქური ელფერი მიიღო.

ქოლა ლომთათიძე მთელ თავის ყურადღებას ადამიანის სული-სა და გულის, შინაგანი არსების ამოცნობას ანდომებს. ეს საკითხი მას ისე აწუხებს როგორც ნ. ბარათაშვილს და შიო არაგვისპირელს. ქოლას აზრით „ძე კაცისა“ დიდი ეგოისტური არსებაა და ყველგან და ყველაფერში თავის პირად კმაყოფილებაზე ფიქრობს. მოთხრობა „უსათაუროს“ პერსონაჟმა, რომელიც თავდადებული რევოლუციონერია, თავის ცოლს — ხვარამზეს, ნება არ მისცა მტერთან ბრძოლის დროს გმირულად შეპყროდა სასიკვდილო ხიფათს. „შენცა მხოლოდ შენი ლამაზი ცოლი, შენი საყვარელი ქალი გინდოდა გადაგერჩინა, მხოლოდ შენი ცოლი, — სწერს მას ხვარამზე, — რომელიც უსაყვედურებს, რომ დიადი საქმე დაგა-ვიწყდა იმ წუთს და შენს პირადობაზე ფიქრობდიო. დაუსრულებელი მოთხრობის „ძე კაცისა“ გმირი იტანჯება იმის გამო, რომ მისი სატრფო თურმე უმისოდაც კარგად იცხოვრებს; შეუძლია ისე მოეწყოს, რომ მისი დახმარება და სიყვარული სრულებითაც არ დას-ჭირდეს.

ღიახ, ადამიანი ყველაფერს პირადის თვალსაზრისით უდგება და მხოლოდ იგი სწამს და იმას აღიარებს, რაც პირადად მას ააძებს და მის ინდივიდუალობას დააკმაყოფილებს.

მაგრამ ქოლა ლომთათიძე ჩვეულებრივი მეტაფიზიკოსი იქნებოდა, რომ მისი ასეთი განაჩენი საბოლოო და უცვლელი ყოფილიყო ადამიანის შესახებ. მან მშვენიერად იცის სინამდვილის დიალექტიკა და მისი მუდმივი ცვალებადობა. ყველაფერი მოძრაობს, ყველაფერი იცვლება. ადამიანის სამოქმედო გარეშე პირობებიც მუდმივ ცვალებადობაშია, ამიტომ თვითონ ადამიანის ხასიათიც ერთგვარ დაუდგომლობას განიცდის: ერთ მომენტში ერთნაირია, მეორეში — მეორენაირი. დღეს შეიძლება იგი, მართლაც, უსაზღვრო ეგოისტია, მაგრამ ხვალ, მეორე პირობებში, ის უაღრესად სოციალური არსებაა, და თავგამოდებით იბრძვის საქვეყნო იდეალებისათვის. არ შეიძლება ყოველთვის ერთი საზომით მივიუდგეთ მას და ერთნაირად დავაფასოთ მისი არსება.

ქოლა ლომთათიძის ერთ-ერთი საუკეთესო ნაწარმოები „სადრ-ჩობელას წინაშე“ უსათუოდ ღრმა და მსოფლიო მნიშვნელობის თემაზეა აგებული. ამ მოთხრობის პერსონაჟს რევოლუციური მოღვაწეობისათვის ჩამოხრჩობა გადაუწყვიტეს. იგი საშინელ სულიერ

განცდაშია. მისი ფსიქოლოგია გონების შემარყევლის სინამდვი-
ლით და ხელოვნებით არის გადმოცემული. ამ მოთხრობაზე უკეთე-
სი ფსიქოლოგიური ნაწარმოები ქართულ ენაზე არ მოიპოვება,
პირველ ხანებში ჩვენს თვალწინ დგას ცხოველური შიშით შეპყ-
რობილი არსება, რომელიც ჩამოხრჩობის შიშით ლამის გაგიედეს.
ის მთელი სხეულით თრთის, ცახცახებს და მიზანში ამოღებულ ნა-
ღირივით. საკუთარ უმწეობაში იკრუნჩხება. დადგა მისი აღსასრუ-
ლის დღე, იღუპება უკვალოდ, უშედეგოდ ქრება, როგორც უბრა-
ლო მწერი. „ჩამომათარებენ სახეზე ტომარას, შემაყენებენ სკამზე
და ორ ბოძშუა გადმოკიდულ გასანთლულ ბაწარში გამომაყოფინე-
ბენ თავს, ჭალათი გამომაკლის სკამს ფეხქვეშ, დამეკიდება ფეხებ-
ზე, რომ თოკი უფრო შემომეხვიოს კისერზე და შემდეგ გამაკონ-
წიალებს... მე შემეკმევა სული, მოვინდომებ კისრისკენ ხელის წა-
ღებას, მაგრამ ხელები მაგრად იქნება გაკრული, დაეწვრილდები,
დავიღმანკები, მოვინდომებ ყვირილს, კენესას, მარა ვერ შეეძ-
ლებ... ენას ძალღივით წამოვაგდებ, თვალები გადმომცვივა ბუდი-
დან, დავიწყებ ტრიალს და რამოდენიმე წუთის შემდეგ გაჩერდე-
ბი ჰაერში... და ამ სურათის წინაშე გულგრილად იქნებიან გაჩერე-
ბულნი პროკურორი, მღვდელი ჭვართ ხელში, ციხის უფროსი,
ექიმი, ჯარისკაცები“. კეშმარიტად შემარყეველი სურათია, საშინე-
ლი თავისი უბრალო ტრაგიკულობით. ასე ლაპარაკობს თავის თავ-
ზე ფიზიკურად დამფრთხალი და ათრთოლებული ადამიანი, რო-
მელიც თავის თავს მარტო გრძნობს და გარეშეთაგან გამოთიშუ-
ლია.

მაგრამ გაღის ხანი, პირველი შიში და თავზარდაცემა გაივლის,
ნერვები წყნარდება. განწირული არსება უკვე მოსულიერდება და
ცხოველური შიშიც გაივლის, საკუთარ განწირულ სიცოცხლისათ-
ვის ცახცახი უკვე შენელდა. დასახრჩობად გამზადებულს აგონდება
თავისი სიცოცხლის უბედნიერესი წამები და მის არსებასაც სულ
სხვა აზრები და განცდა ეუფლება. „აბა, ერთი ის რად ღირს, —
ამბობს იგი, — რომ ჩემი საშუალებით ბევრი, ბევრი თავი ამუშა-
ვებულა, ბევრი დაფიქრებულა! განა მე არ ვიყავი ბედნიერი, რომ-
ლის გატაცებულ სიტყვაზე იმდენს ანთებია თვალები და გულში
ბრძოლის ცეცხლი აგზნებია. სისხლი ამუშავებულა, აჩქარებულა! მე
ერთი იმ ბედნიერთაგანი ვახლავარ, რომელსაც მიმიღია რწმენა,
ატოკებული, გატაცებული, შემითვისებია ის და შემდეგ სხვების-
თვისაც გადამიცია და ამნაირად მეც. გადამიბამს ახალი რგოლი იმ
დიდი და მჭიდრო ჯაჭვისათვის, რომელსაც მუშათა პარტია ეწოდე-
ბა, მუშათა მებრძოლი არმია“. ამ სიტყვებიდან აშკარაა, რომ ეს გან-
წირული ადამიანი თავს ისევ სოციალურ არსებად გრძნობს, კო-
ლექტივის ნაწილად წარმოუდგენია და პირად უკვდავებასაც აქ

ხედავს იგი. ამის შემდეგ არც სახრჩობელაა საშიშარი და არც სიკვდილი. იგი ვაუკაცურად გასწორდება წელში და ზიზღით მიმართავს ძლიერთა ამა ქვეყნისათა: „ჩემს სახრჩობელას მე არ გავცვლი თქვენს კეთილდღეობაზე. თქვენ, რომელთაც ბედნიერება ავიშენებიათ სხვის უბედურებაზე, რომელთაც ატირეთ ქვეყანა, დედას დაუპარგეთ ალერსი მშობლისა და ქმარს წაართვით ცოლი, რომელთაც მოპარეთ ლუკმა ნაშრომი მშრომელთ... ეს თქვენი ჭკუაა, ასე რომ აწამა ქვეყნიერება. თქვენმა ჭკუამ შექმნა მშვიერთა არმია, თქვენმა ჭკუამ მოწამლა ჰაერი... თქვენი სიყვარულიც მძაგს და სიძულვილიც, თქვენ მიერ შექმნილი ზნეობაც და კანონიცა, მძაგს თქვენი ღმერთი, რომელმაც იქადაგა ყოვლად ბინძური სიტყვა-მოთმინება თქვენი სისაძაგლისა. იუდა ვერ იქნებოდა იუდა, თქვენ რომ არ ყოფილიყავით, თქვენ, რომლებიც ისე აძაგებთ და ანათემას უთვლით მას ახლა, როცა ქრისტე აღარ არის საშიში თქვენთვის, როცა ის თქვენი მომხრეა, ახლა აღარ გჭირიათ იუდა და აძაგებთ მას!... ჭურდები ადამიანის ბედნიერებისა, თქვენ სჯით იმას, ვინც ნაჭურდალისკენ ხელს გაიწვდის, გამყიდველნი, გამაუპატიურებელნი მეცნიერებისა და ნათელი აზრის, თქვენ კანონს იხმარიებთ მაშინ, როცა პატრონი თავის საქონელს მიაგნებს და თავის უფლების აღდგენას მოითხოვს“.

მრავალმხრივ შესანიშნავია ეს ადგილი: ერთი მხრივ, სასტიკი კრიტიკის ქარცეცხლშია გატარებული ბურჟუაზიული საზოგადოება თავისი ზნეობით და მოქმედებით და, მეორე მხრივ, გაშუქებულია უძნელესი პრობლემა პიროვნებისა და კოლექტივის შესახებ.

ჰოლას აზრით, „პიროვნება მაშინ არის ბედნიერი და უკვდავი, როდესაც იგი თავის არსებას და მოქმედებას კოლექტივის ნაწილად გრძნობს, როდესაც მისი აზრი და გრძნობა გარეშეთა ნაგრძნობ-ნაფიქრს უერთდება. ეს არის უაღრესად ცხოველმყოფელი იდეა, რომელიც ასულდგმულებს ამომავალ რევოლუციურ კლასს. ჩვენს დროში ასეთი კლასი მუშათა კლასია, რომელიც მედგრად ატარებს ცხოვრებაში ყველა ქვეყნის მშრომელთა შეერთების პრინციპს და წითელი დროშით ხელში გაბედულად მიიმართება სოციალიზმის სამეფოსკენ. ჰოლა ლომთათიძის არსების ყოველი წერტილი ამ საკაცობრიო იდეით არის გაქლენთილი. ამავე იდეით აღტაცებული მისი გმირი სიკვდილის საშინელ საიდუმლოებასაც კი სძლევა: „რა იქენი, სახრჩობელავ, ჭალათო! რად დაჰკარგე შენი საშიშარი სახე, რად მიცქერი აგრე უფერული და უშინაარსო? და შენც, სიკვდილო, ნუთუ ასეთი სუსტი ხარ?... რატომ ვეღარ მაშინებს შენი გულგრილი სახე. შენი ცივი ქშენა? ვერა, ვეღარ დამძლეე, ბებერო, ვერა! ამა-

ყად. უშიშრად გიყურებ თვალებში, ამაყად, უშიშრად ავაბიჯებ
ფეხს სკამზე („სახარჩობელას წინაშე“).

ასეთია იმ პიროვნების სულიერი განცდა, რომელმაც თავისი
თავი მთელის ნაწილად იგრძნო.

გალაკტიონ ტაბიძის შემოქმედება

(კრიტიკული ცდა)

ორი წლის წინათ 1917 წელს, ქუთაისში საჯაროდ გამართული
საუბრის დროს ჩვენ შევეცადეთ ზოგადად დაგვეხასიათებინა პირ-
ველი რევოლუციის აქეთ ამოძრავებული ჩვენი ლიტერატურა, რო-
მელმაც ცხრაასიანი წლების მიწურულში ჩვენს ძველ მწერლებთან
ერთად თითქოს მიიძინა და მიჩუმდა.

ჩვენ ის აზრი გამოვთქვეით, რომ გამოცოცხლებული ქართული
ლიტერატურა ერთგვარი მოსამზადებელი ხანის ელფერს ატარებს;
ზოგ უთუოდ ნიკიერ მწერალს ვახასიათებდით როგორც ეიწრო
ფარგლებში მოქმედ მხატვარს, რომელთა შემოქმედებას აკლია
ცხოვრების მრავალმხრივობის ცოდნა, მხატვრული სრულყოფილო-
ბა.

ამასთანავე, ჩვენ ის აზრიც გამოვთქვეით, რომ დიდ პოეტად თა-
ნამედროვეებიდან შეიძლება გახდნენ სანდრო შანშიაშვილი, გა-
ლაკტიონ ტაბიძე, ალექსანდრე აბაშელი, ნოე ჩხიკვაძე-თქო. არ ვი-
ცი, დანარჩენი სამი როგორ გაამართლებენ ამ აზრს, ხოლო გალაკ-
ტიონ ტაბიძემ კი თავისი ლექსების მეორე ტომის გამოცემით კი-
დეც უფრო გააძლიერა ჩვენი იმედები და დღეს უფრო თამამად
შეგვიძლია ვთქვათ, რომ გ. ტაბიძე დიდი პოეტი იქნება. დიახ, ასე-
თია ჩვენი განმეორებითი დასკვნა ამ მგონის შესახებ, თუმცა, რო-
გორც ქვევით დაინახავთ, ყველაფერი მისაღებად არ გვეჩვენება მის
პოეზიაში.

1

ჯერჯერობით გალაკტიონ ტაბიძის ლექსების ორი წიგნია გა-
მოსული, პირველი წიგნი 1914 წ. გამოვიდა, მეორე კი — ამ გა-
ზაფხულზე, ორივე წიგნი ძვირფასი მარგალიტებია ქართული ლი-
ტერატურისათვის. ჩვენს ხელოვნებას უთუოდ დიდი საგანძური
შეემატა ამ ტომთა გამოცემით. XX საუკუნის დასაწყისში ახალ
კალაპოტსა და ახალ ფორმებში ჩამდგარ ქართულ სიტყვაკაზმულ
მწერლობაში უთუოდ ფრიად საპატიო ადგილს დაიჭერს ნიკიერი

მგოსანი, რომელიც საკმაო პოპულარობით სარგებლობს ჩვენი საზოგადოების ფართო წრეებში და რომელზედაც დიდ იმედს ამყარებს ჩვენი ლიტერატურის კეთილის მსურველნი.

როგორია გ. ტაბიძის პოეზიის სული და გული, ანუ, როგორც ბელინსკი იტყოდა ხოლმე — რა შეადგენს ჩვენი მგოსნის აღმაფრენას, პათოსს?

ამ კითხვაზე გარკვეულ პასუხს მივიღებთ პოეტის ორივე წიგნის ზეზეურად გადათვალთვალებითაც კი. ზეზეურად-თქო ვამბობთ იმიტომ, რომ ახალგაზრდა მგოსანი ჭერჭერობით მაინც ერთობ სადა და ადვილად საცნობ სამოსელში გვევლინება, თითქმის ყოველ ლექსში თვალწინ დგას ქართული ლიტერატურისათვის კარგად ნაცნობი დეტალებრივი სახე „კჳეუთ ურწმუნო, გულით უნდო, სულით მახვრალი“ ნიკოლოზ ბარათაშვილისა. ხელოვნების სურათის ყოველი ნაკვეთის ჩვენებისას გ. ტაბიძე გულდათუთქული ქაბუკია მისტიურის სახით, რომელიც გოდებს:

„სწუხს ჩემი სული — ვით სამრეკლო
ცის უდაბნოში“.

ამქვეყნიური სიხარული მას არ უხილავს სინამდვილეში, მგოსნისათვის

„ყოველი წუთი სავსე იყო უმძაფრეს შხაით“.

არსება მისი მოშხამულია და გულამოსკვნით შესტირის ზეცას:

„ბუნება, ტრფობის წმინდა ყვავილი
'რომ დამაბარე — ვერსად ვერ ეპოე,
ზედნიერება ჩემთვის არ არის,
ბედკრული შვილი გამომიგლოე“.

განაწამები პოეტი სასოწარკვეთით ამბობს:

„ვიცი ბოლო აქვს ქვეყანაზე ყოველგვარ სახეს,
მაგრამ წამებას, ჩემს წამებას კი არ აქვს ბოლო“.

პოეტი გვეუბნება:

„სიმკაცრით შემხედავს საშვენი
თვალები შეკრული კამარის:
ქვარს ეცი, თუ გინდა, საშველი,
არ არის, არ არის, არ არის!“

ამიტომ უიმედოდ დაასკვნის:

„მე საფლავს ვეძებ, რომ დამიამოს
და დამეიწყოს გულის ღრმა წყლული“.

რამ დაუდაგა ასეთნაირად მგრძნობიარე გული ახალგაზრდა მგოსანს, ვინ აწამა მისი სული, ვინ ურჩევს ჭვარს ეცვას?

ბარათაშვილი თავის ზრახვებს „მხოლოდ ვარსკვლავთა თანამაველთა“ უმხელდა, ადამიანებისთვის კი ვერ გაებედა წმიდათა-წმიდის გადაშლა. ასე იქცევა გ. ტაბიძე.

„რა იციან მეგობრებმა, თუ რა ნაღველს იტევს გული,
ან რა არის მის სიღრმეში საუკუნოდ შენახული...
მხოლოდ ღამემ, უძილობის დროს სარკმელში მოკამკამემ,
იციის ჩემი საიდუმლო, ყველა იციის თეთრმა ღამემ.
იციის — როგორ დაერჩი ობლად, როგორ ვეწე და ვეწამე,
ჩვენ ორნი ვართ ქვეყანაზე: მე და ღამე, მე და ღამე.“

ღამე ბნელი და წაუკითხავია, მაშინ პოეტის სევდაც ჩვენთვის გამოუცნობი რჩება. აგრე ხელძვირობს ჩვენი მგოსანი, მაგრამ, როგორც ლირიკოსი, თავს ვერ იკერს და მოზღვავებული სევდა მაინც ამოაკენებს:

„მე შესიზმრება როგორც წმინდა, შორი ქვეყანა,
საღლაც, იღესღაც ზმანებული, ერთხელ ნახული“.

სწორედ ამ „ოდესღაც ზმანებულმა, ერთხელ ნახულმა“ ქვეყანამ დაუღალა ხელოვანს გული:

„და დღე და ღამ იმ ოცნებას კვლავ ატარებს ფიქრი ჩუპა,
იღუშლად არა რა მაქვს მწუხარე ეამს ნუგეშ მცემი“.

პოეტს მთელის თავისი არსებით სწამდა სიყვარული და კიდევ სწაღდა ამ გზით გაბედნიერება, მაგრამ:

„ღღესაც მარტო ვარ, სიყვარულის არ შესმის ნანა,
ჩემთვის მარტოღუნ უღაბნოა მთელი ქვეყანა“.

უმიზნოდ და უაზროდ როდი მოვლინებია ამ ქვეყანას მგოსანი, ის გვაძენებს:

„მქონდა მიზანი... ბრძოლა იყო და მისი მცნების,
მაგრამ კაცთ გესლით დაუძლურდი და მოვიშხამე“.

მგოსანს ჰყავდა სატრფო ამქვეყნად, მისი სიყვარულით და შეერთებით ის ბედნიერი იქნებოდა, მაგრამ რაღაც გამოუცნობი მიზეზების გამო მერიმ სხვას უძღვნა თავისი გული და ბედის მონა ჩვენი მგოსანიც უიმედოდ უსაყვედურებს თავის თავს — რისთვის მოვტყუედი და ვიფიქრე ბედნიერი ვიქნებოდით:

„ან ცას ღიმილით რად გავცქეროდი,
ან რად ვიკერდი შექს მოკამკამეს?“

ბედნიერების მიუწევდომლობა, სიყვარულის დაღუპვა, უმეგობრობა, ადამიანთა გაუტანლობა — აი, რა სტანჯავს, აი, რა სწამლავს მის არსებას. ამიტომაცაა რომ:

„უსიყვარულო, უმნიშვნელო
მარტონ ღღენი,
ოჰ, ვის, ვის ძალუშა განიადოს
ტანჯვა ესღენი?

ასე გოდებს და ასე ტირის ჩვენი მგოსანი. თუ ღრმად ჩაუყვირდებით, ეს გოდება სოციალური ხასიათისაა, პოეტი ცოდვილ დედამიწაზე მცხოვრებ ადამიანთა ცხოვრების უკულმართობას და ტირის, ამაზე ჩივის და გულდათუთქულია. პოეტს ამ ქვეყნად ერთი მეგობარიც კი არა ჰყავს, გული ვერავისთვის გადაუშლია.

2

1

ტაბიძე სოციალური ხასიათის გოდების პოეტია, მისი გოდება, მსგავსად ბაირონისა და ბარათაშვილისა, მსოფლიო გოდებაა. ამ გოდებას არა აქვს მარტო ნაციონალური ხასიათი, ამგვარი სულის ტანჯვა და ასეთნაირი მისწრაფება ყველასათვის ერთნაირია, განურჩევლად ეროვნებისა. დიდი პოეტები ყოველთვის ეძებდნენ ადამიანის არსებობის მიზანს, უძებნიდნენ აზრს ცხოვრებისას და ამით ცდილობდნენ სოციალურ საიდუმლოებათა წიგნის წაკითხვას. ამავე წიგნზე იტებს თავს გალაკტიონ ტაბიძე, მაგრამ სანუგეშო ვერა უპოვია რა და მისი გულიც დასევდიანებულია, მისი არსება დაცხრილული და ძოწხამულია.

„ფიქრს ვერ ვაკეებ ცრემლად მონაქუხს...
ვწუხვარ... ვეძახა სიცოცხლის მიზანს.
მაგრამ არავინ იძლევა პასუხს“. — ამბობს პოეტი.

ბევრი იტანჯა მგოსანმა, ეგონა, რომ ბედნიერებას მისწვდებოდა, მაგრამ მოტყუვდა:

„მე მჭეროდა, რომ შვება სუფევდა
უჩინრად საღმე: ქვეყნად თუ ცაში,
ნამდვილად იგი არსად არ სუფევს,
არც ცის სიურცეში, არც ქვეყანაში“.

ამიტომ თავის მტერევეაც ზედმეტია, მიზანს ვერ მივაღწევთ:

„ოჰ, ევა, ევა, ედემს დაკარგულს
ოღეს ვიგონებ, თვალნი ცრემლს ღვრიან,
ღარღით საშარე მე გამეხსრება,
დავიღუპები ადრე თუ გვიან.
და ვერ გავიგებ სიცოცხლის მიზანს...“

ათასი რომ ეძებოს და შეიძინოს ადამიანმა, ბოლო მაინც მიზნის მიუღწევლობა და სიკვდილია, ამ ხვედრს ვერაფერს გაექცევა:

„ადამიანო, ყოფნა შენი
კუბოდ იცვლება,
მე კი, უბედურს, თვით სიკვდილიც
არ მელირსება. —

ტირის პოეტი, რომელსაც ამ უმიზნო ცხოვრებაში სიკვდილის სურვილიც კი ვერ ასრულებია თავის დროზე.

კიდევ რომ გაბედნიერდეს ადამიანი და მიაღწიოს თავის მიზანს, შვებას მაინც ვერ ეღირსება, მისი ბედნიერება მიუწვდომელია და მარტო მირაჟია:

„მღუმარების გარეშე და სიცივის თარეშში
სამუდამო მხარეში მხოლოდ სიმწუხარეა,
ცეცხლი არ კრთის თვალეზში, წევხარ ცივ სამარეში,
წევხარ ცივ სამარეში და არც სულს უხარია“.

საზოგადოდ ქვეყნად სრული გაურკვეველობა და ქაოსია:

„რომელი ცნობს შენს სახეს, ან ვინ იტყვის შენს სახელს?
ვინ გაიგებს შენს ძახილს, ძახილს ვინ დაიჭერებს?
ვერაფერს განუგეშებს საოცრების უბეში,
სძინავთ ბნელ ხვეულებში გამოუცნობ ჭინვრებს“.

ადამიანს ირგვლივ გამოუცნობი სახეები და ქიმერები ახვევია, ბედნიერებისა და მისი რაობის წიგნი მისთვის „დაბეჭდილია ბეჭდითა შავით“, გარშემო ნისლი და გაურკვეველობაა, რომელსაც მგოსანი თითქოს კიდევ შეხარის და მოწიწებით ამბობს:

„წმინდა არს, წმინდა არს ქაოსი“.

ამ შეუცნობელ სამეფოში მოძრაობაც შესაფერი და შეუცნობელია:

„მხოლოდ ნისლის თარეშში, სამუდამო მხარეში,
ზევით თუ სამარეში წყველით შენაჩვენები,
როგორც ზღვის ხეტიალი, როგორც ბედის ტრიალი,
ჩქარი გრავინვა-გრიალით კრიან ლურჯა ცხენები“.

და რადგან ხსნა არსად არ არის, ბედნიერებისაკენ მიმავალი გზები დახშულია და განაწამებ პოეტს შავი ყორანიც ასე დასძახის:

„ჩვარს ეცი, თუ გინდა, საშველი
არ არის, არ არის, არ არის!“

პოეტი სასოებით შელალადებს მაცხოვარს:

„დაქრიან უდაბნოს ქარები,
მტანჯავენ და ვიცი — გახსოვარ!
სამრეკლოს ანგრევენ ზარები...
წმინდაო, წმინდაო მაცხოვარ!“

იმედმიხდილი პოეტი, სიკვდილისაკენ მიისწრაფის:

„შე გზა არ ვიცი უახლოესი:
ერთად ერთი გზა ირის სიკვდილი“,

რადგან

„არ არის არსად ბედნიერება,
თიქრები კვდება ნისლში და ქარში“.

ასეთია გალაკტიონ ტაბიძის, ამ გულდათუთქული რაინდის ტანჯული ზატება, რომელიც შესანიშნავი ხელოვნებით გადმოგვცა. რამდენი ორიგინალობა გამოიჩინა, რამდენი უცნობი სურათი დახატა, რამდენი პოეტური ხერხი იხმარა მან. მაგრამ ამაზე ქვევით ვილაპარაკებთ, ახლა კი ჩვენი ახალი ბარათაშვილის შემოქმედებითი სახის სხვა მხარეს უნდა მივაქციოთ ყურადღება.

3

როგორც ამოწერილ ადგილებიდან ჩახს გ. ტაბიძის შემოქმედება ერთიანად პესიმისტურია, მის წინ ქვეყნიერებას შავი ჩადრი ფარავს, მისთვის ყველგან ბნელია და საშველი არ არის. მაგრამ დიდი შეცდომა და უსამართლობა იქნებოდა, რომ პოეტის შემოქმედების მეორე მხარე — იმედია — არ აღგვეჩუხსა და შესაფერისად არ დაგვეფასებინა. ამ შემთხვევაში მგოსნის ჭმუნვარე სახე ცალმხრივი და ერთფეროვანი იქნებოდა: გ. ტაბიძის გულშიც ღვივის იმედის ნაპერწკლები, ის როდია სავსებით სასოწარკვეთილი და მოშხამული, მაგრამ თუ ჩვენ მაინც პირველად ყურადღება პოეტის პესიმიზმსა და უსასობას მივაქციეთ, ეს იმიტომ, რომ იმედიანობის ნაპერწკლები ჩვენი პოეტის ქმნილებებიდან მხოლოდ და მხოლოდ პირველ ტომში გამოსჭვივის. მეორე ტომი კი ნამდვილად სევდის წიგნია, უიმედო, უსასო, აქ ჩამოსჩხავის მგოსანს შავი ყორანი: „საშველი არ არის, არ არის...“

ლექსთა პირველ კრებულში, რომელიც გამოცემულია 1914 წელს, ავტორი ერთი თვალთ რომ შავ სამარისა და ჭურღმულისკენ იხედება, მეორეთი ხანდახან მაინც იმედიანობის ვარსკვლავს გაპყურებს.

„როცა მიღამო ვარდ-ყვავილებით
ლურჯ ბავერდივით მოიქარება,
როცა ბულბულის ხმები რაკაკით
ბუჩქებს ედება და იყარება,
ვიღაც მეძახის სიცოცხლისაკენ“.

გვეუბნება პოეტი, რომელიც ასე ანუგეშებს თავის გულს:

„ღამშვიდლი, გულო, შეგიყვარდება
ვინმე ამ ქვეყნად... ღამშვიდლი, გულო,
წავა დღეები უსიხარულო,
ისევ აღდგება გამქრალი შეება,
ჩემო ოცნებაჲ და სიყვარულო“.

მართალია, ამ უჩინარმა ღელვამ პოეტის არსება უღვთოდ და-
თუთქა,

მაგრამ:

„ოჰ, ნუ იფიქრებ, რომ მოკვდა გული,
რომ სულ დაემარხე ოცნება წრფელი,
განადგურების სევდიან გზაზე
ბევრი რამე მაქვს ხელუხლებელი“.—

ამბობს მგოსანი, რომელსაც პეპელასთან ერთად სჯერა,

„რომ მისი ყოფნა ვარდ-ყვავილებზე
სულ არ ყოფილა ისე აშაო“.

იმედინობასთან ერთად პოეტს ბრძოლის წყურვილიც აცხოვე-
ლებს, მას სწადია გმირულად ჩადგეს მოძმეთა შორის და მედგრად
შეებრძოლოს შავ ბედს:

„სიმღერაჲ, უხმე დალილთ, დაქანცულთ,
აჩვენე ცეცხლში ნაწრთობი გული,
დაე იცნობდენ ჰანგს დაუცხრომელს,
დაე იცოდენ, რომ ყოფნის მგმობელს
მათლამი კიდევ აქვს სიყვარული“.

დამახასიათებელია ამ ლექსის ბოლოს სიტყვების „ყოფნის
მგმობელის“ ხმაარება. პოეტი იმდენად არის განაწამები; რომ სიყ-
ვარულის ფიცის დროსაც კი ყოფნის გმობა ახსოვნს, უწმინდესი
გრძნობის გადმოშლაშიც კი შხამს ურევს იგი. ასეთივე იყო ბარა-
თაშვილის სულისკვეთებაც: მიუსაფარი და სულით ტანჯული პოე-
ტი, როდესაც შავი ყორნის ხმაზე უგზო-უკვლოდ მიაქანებდა თავის
მერანს, თითქმის სასოწარკვეთით გაჰკიოდა.

„სუტად ხომ შაინც არა ჩაივლის ეს განწირული სულის კვეთება“.

ადრინდელი ტაბიძე — ვიტყვით, პირველი ტომის ავტორი,
მართალია, გრძნობს სიკვდილის საშინელებას, მაგრამ წამსვე აქ-
ცევს მას ზურგს, არ უჭერის სკეპტიკოს მესაფლავებს და ცხოვრე-
ბის აუცილებლობასა და მიმდინარეობასთან წუთით შერიგებული
ამბობს:

„ასე ხლება ქვეყანაზე, ყველა ცოცხლობს, ყველა კედება“.

ჩვენს მგოსანზე უკეთ ძვირად თუ ვინმეს უგრძენია ამა ქვეყნის მშვენიერება და მომხიბლაობა.

„მთები! როგორ შეენის მათზე გაზაფხულის ბუჩქ-ფოთლი, როგორ შეენის ველზე ნაში გამჭვირვალე, როგორც ბროლი, ცა ისეა მოწმენდილი, ცა ისეა შეუშქრთალი. რომ ანგელოზს დაინახავს მოდარაჯე კაცის თვალი“.

ლაქვარდი ცის სიყვარულში ტაბიძესავით არც ერთ ჩვენს მგოსანს არ უფიქრია ანგელოზის დანახვა. მან იცის, რომ

„არსად ისე არ მღერიან როგორც აქ, ამ ქვეყანაში,
(გურიაში.— ე. ხ.)

არსად, არსად არ აჩუბობს ბრძოლის ენი, ბრძოლის ქარი, არსად ისე არ გადმოხეტის უქმარობის ნიაღვარი, და არსად მთელ ქვეყანაზე არ ჰკოცნიან ისე ენებით, ისე ცეცხლთ, ისე ენით და იმგვარი გატაცებით. ვერსად ისე ვერეინ გაგხვევს გამოიღვნობ ცეცხლის ტბაში, როგორც ლერწამ ქალწულები აქ, ამ წარმტაც ქვეყანაში“.

ქართულ ლიტერატურაში მე არ წამიკითხავს ამ ლექსზე უფრო მაღალმხატვრული, აზრიანი და მომხიბლავი რამ, ასე სხარტად, ღრმად და მოჭრით, არ ვიცი, რომ ვინმეს ეჩვენებდნენ ჩვენი ცხოვრების მიმზიდველობა და მომხიბლაობა.

მაშ, ტაბიძეც არ ყოფილა სრული უნუგეშო და უსაზღვრო პესიმისტი, მაგრამ ვიმეორებ, იმედიან ტაბიძეს ჩვენ ვხედავთ მხოლოდ პირველ ტომში, მეორე ტომის ტაბიძე კი სრული უიმედო და სასომხიხილია. იმედიანი ტაბიძე ერთიანად ჩაყლაპა უიმედო გალაკტიონმა. 4-5 წლის უკან თუ იგი ცალი თვალთ მანინც გაჰყურებდა იმედის ვარსკვლავს, დღეს ის ორივე თვალთ შავს წერტილს უცქერის და მგლოვიარე სერაფიმების ენით ასე მიმართავს თავის თავს:

„იყავ საოცრად მოხიბლული ასეთი ღამით
და უაილდის ვაეილივით დაეცი გზაზე.
ცასებები დგანან შენს საფლავთან ვით კენტავრები,
მათ სიბნელეში ნისლიანი და უეცარი,
გამოჩნდებიან პოეზიის თანამგზავრები,
სდგანან მწუხარედ და იტყვიან: აი ეს არი“.

ერთი მხრივ, სევდა-ტირილი და, მეორე მხრივ, იმედინობა, ჩვენი ცხოვრების უმიზნობის და სისაძაგლის გმობა და თან მომავლის რწმენა — ნამდვილი ბარათაშვილისებურია. ბარათაშვილმა იცის ცხოვრების ამოება, მეგობრის გაუტანლობა, სატრფოს ლაღატი, მისი არსება ერთიანდაა დაშხამული ჩვენი ცხოვრების სიდუხჭირით, მაგრამ ბედს მაინც ებრძვის, სიკვდილს არ შეტრფის და ნაღვლიანად ამბობს:

„მაგრამ რადგანაც კაცნი გვეყიან, შეიღნი სოფლისა,
უნდა კიდევაც მივსდიოთ მას, გვესმას შობლისა“.

ამნაირად პირველი ტომის ტაბიძე და ბარათაშვილი ერთნაირის თვალთახედვის ისრით არიან შეიარაღებულნი, ხოლო მეორე ტომის ტაბიძე უკვე დაშორდა ბარათაშვილის მთლიან სახეს და მარტოდა შავ აჩრდილად დგას განშორებული.

რაგვარ სოციალურ ნიადაგზე აღმოცენდა ტაბიძის შემოქმედება და სად უნდა ვეძებოთ მისი ჯერ ბარათაშვილისებური იმედიანობის და შემდეგ სრული უიმედობის მიზეზები?

4

გალაკტიონ ტაბიძე პირველი რევოლუციის შემდეგ ჩამოწოლილ რეაქციის დროს გამოვიდა სალიტერატურო ასპარეზზე. რეაქცია იყო არა მარტო პოლიტიკური, არამედ საზოგადოებრივი. 1905 წლის დამარცხებამ ბევრს შეურყია რწმენა და იმედი. დაიწყო რევინია და ნაგრძნობ-ნაფიქრის ხელახალი გადასინჯვა და აწონ-დაწონვა. ახალი აზრებისა და გრძნობების მაგიერ დაიწყო „კვლავ ფიქრი უკვე ნაფიქრის“, ერთი ადგილის ტკეპნა და სინჯვა. „შემცდარი ხომ არ ყოფილა უწინდელი ჩემი შეხედულება? იმიტომ ხომ არ დაემარცხდით, მიუწვდომელისკენ რომ ვიწვედით?“ ჩვეულებრივი იყო ასეთი კითხვების დასმა. საზოგადოების ერთი ნაწილი, ინტელიგენციის ფართო წრეები, რომელიც საკუთარ სოციალურ მდგომარეობის გამო მუდამ რყევაში და ყოველ რევოლუციაში უფრო სტუმრის როლს თამაშობს, ვიდრე მასპინძლობს, ამ კითხვებზე უმეტესად დადებით პასუხს იძლევა: კი, მაშინდელი ჩვენი შეხედულება შემცდარი იყო, მიუღწევლისაკენ მივიწვედით და მიტომაც დაემარცხდით. და იწყება ახალი იდეალების ძებნა, რენეგატობა, სხვათა ბანაკში გადაბარგება, ასეთი მაგალითები ბლომად მოიპოვება ჩვენში. ძველ რწმენათა რევინია განსაკუთრებით ძლიერი იყო ჩვენი ეროვნული ინტელიგენციის ფართო წრეებში. ბევრმა 1905 წელს „გასოციალისტებულმა“ ხელი აიღო ამ „უნიადაგო“ ოცნებაზე და უშიშარ ადგილს მოიკალათა. სოციალიზმის „გადასინჯვაზე“ ერთი მიმართულების ლიტერატურაში გვირავს ხმამალა იწყებს ლაპარაკი, მიიჩქმალა შორეული მიზანი და წინ წამოდგა პაქტიციზმი, რამაც ჩვენში კლასიკური გამოხატვა ჰპოვა განსვენებულ კიტა აბაშიძის სიტყვებში, ოთხმოცდაათიანი წლების ერთობას მძიმე — ნიშნის გამოუქლებლად მოვითხოვთ.

აი, ამ ხანამ იქონია უდიდესი გავლენა გალაკტიონ ტაბიძის შემოქმედებაზე. გ. ტაბიძე უტყუარი სარკეა ჩვენი ინტელიგენციის ფართო წრეების სულისკვეთებისა. იმ სულისკვეთების, რომელიც

თავის მიზნით და სიწრფელით უთუოდ უაღრესად კეთილშობილური და სპეტაკია, მაგრამ შეიძლება ზოგიერთ შემთხვევაში საზოგადოებრივი თვალსაზრისით სრულებითაც არ მივაკუთვნოთ გ. ტაბიძის შემოქმედებას.

პირველ ხანებში — პირველი ტომის ლექსებში — გ. ტაბიძეს ჯერ კიდევ უდგას ფეხი მიწაზე და ამიტომაც, რომ უიმედობასთან ერთად მისი ლირიკული ქნარი იმედოვან ჰანგებსაც დამღერის. იმედოვანობა და ოპტიმიზმი მუშა ხალხის თანდაყოლილი, მდგომარეობის მიერ შესისხლბორცებული თვისებაა, მიუხედავად იმისა, რომ „ყველა დაწყველილი კითხვები“ დემოკრატიისათვისაც არსებობს. ბრძოლისა და სიცოცხლის ინსტინქტი ისე ძლიერია მასში, რომ ბოლოს და ბოლოს ის მაინც ოპტიმისტია და ფილოსოფიურის სინდინჯით უყურებს სიკვდილსა და სიცოცხლეს, სიცილსა და ტირილს, ცხოვრებაზე ასეთ შეხედულებას, ანუ შერაცხვას ასე გამოთქვამს ვაჟა-ფშაველა:

„ბუნება მბრძანებელია,
იგივე მონაა თავისა...
ერთფერად მტერი თველი არის
საქმის თეთრის და შავისა;
საცა პირიშვეს ახარებს,
იქვე მოხრელია ზეაისა, ...
მაინც კი ლამაზი არის,
მაინც სიტურფით ჰყვავისა“.

იმავე მგოსნის სიტყვით ბუნებაში ერთგვარი აზრიანობა და მიზანშეწონილება არსებობს:

„ხევი მთას ამონებს, მთა-ხევისა,
წყალნი-ტყეს, ტყენი — მღინარეთ,
ყავილნი — მიწას და მიწა —
თავის აღზრდილთა მცენარეთ,
და მე ხომ ყველას მონა ვარ
პირზე ოფლ-გადამღინარეთ“.

აი ცხოვრების პროცესის ფილოსოფიური განჭვრეტა, მასთან შერიგების ნიმუში, რაც ასე ახასიათებს მშრომელთა კლასს, სოციალური ოპტიმიზმის ბუნებრივად მატარებელს. სწორედ ეს ოპტიმიზმია, პირველ ტომში გ. ტაბიძეს იმედოვანობის სამოსელში რომ გვაჩვენებს, სიცოცხლისკენ მაყურებელს გვიხატავს. მაგრამ გადის დრო, საზოგადოებრივი რეაქცია თანდათან ძლიერდება, დგება ოპიანობის შავი ხანა — 1914, 1915, 1916 წლები — ინტელიგენცია თითქმის ერთიანად შორდება დაბალ ხალხს... აი ამ ხანაში ტაბიძის განმარტოვებული მუზა, რომელიც უკვე დაუაჯკაებული და მომწიფებულია, ძალუმაღ მიექანება ლოგიკური დასკვნისაკენ და

კიდევ იწერება წიგნი. რომელსაც ეწოდება გ. ტაბიძის ლექსთა მეორე ტომი — სევდითა და უიმედობით აღსავსე.

იქონია თუ არა მეორე რევოლუციამ შესაფერი გავლენა ჩვენი პოეტის მუზაზე? ამ დიდებულ მოვლენას გ. ტაბიძე აღტაცებით შეხვდა. ქუთათურ „სოციალდემოკრატი“ მან დაბეჭდა მშვენიერი ლექსი — „დროშები, დროშები, დროშები, ჩქარა“...

მაგრამ მაინც ვერ სძლია ინდივიდუალიზმს.

„თორი ტყეების მიმყვება გუნდი
და კვლავ მართო ვარ მე ჩემს წინაშე“.—

მოთქვამს უიმედო მგოსანი მეორე ტომში.

ამნაირად, ჩვენს წინაშე დგას გულდათუთქული რაინდი, რომელსაც მხოლოდ ყმაწვილურ გატაცებისას ეწვევა იმედი, ესიზმრება ზღაპრული ქვეყანა, ხოლო მას შემდეგ თავჩაქინდრულია, უიმედოდ კენესის.

„შორეული ქალის ეშხი
მოკა... მაგრამ როდის?
სიყვარული სასახლეში
მხოლოდ ერთხელ მოდის“.

გ. ტაბიძის მუზას მართლაც განმარტოვებული სასახლე აქვს აგებული.

„და ვიყო ერთი — ყველგან, მუდამ მსურს, ვიყო ერთი“. დღეს მართლაც განმარტოვებულია, სურვილი აუსრულდა.

ტაბიძის შემოქმედების მეორე ხანის ერთ-ერთ დამახასიათებელ თვისებად სიმბოლიზმის საკმაოდ დიდი გავლენაც უნდა ჩაითვალოს, მაგრამ ამაზე ცოტა ქვევით გვექნება საუბარი.

5

ამნაირად, ჩვენ შეძლებისდაგვარად ავხსენით ტაბიძის შემოქმედების სული და გული, მთავარი დამახასიათებელი გზა. ჩვენ შევეცადეთ გადმოგვეშალა მგოსნის აზროვნება და მსოფლმხედველობა. შევეცადეთ აგრეთვე გვეჩვენებინა ამ მსოფლმხედველობის გამომწვევე საზოგადოებრივი პირობები. ახლა კი შევეხებით გ. ტაბიძეს როგორც მხატვარს, როგორც ხელოვანს.

გ. ტაბიძე, როგორც ხელოვანი, თავიდანვე თითქმის უნაკლო იყო და ზედმიწევნით აკმაყოფილებდა ესთეტიკის მოთხოვნილებებს, დღეს კი თვით უსასტიკეს დაფასებასაც თამამად გაუძლებს, სწორედ ამიტომ იყო, რომ ესთეტიკურად განუვითარებელი ჩვენი საზოგადოება და რამდენიმედ თვით მწერლებიც კი ტაბიძის შემოქმედებას კარგა ხანს ჭეროვანად ვერ აფასებდა. საზოგადოება ისე

იყო გატაცებული მორახუნე ლექსებით, რომ ტაბიძის ნაზი ქნარი მას ვერ სიბლავდა. მაგრამ ხელოვნებამ მაინც თავისი ქნა და ტაბიძეც დაათასეს.

ტაბიძე ძლიერი და შეუღარებელია, როგორც ნაგრძობ-ნაფიქრის ღრმა აღბეჭდვაში და მკვეთრად გადმოცემაში, ისე იმ ხელოვნურ ხერხებში, რომელსაც ის ხმარობს. ხელოვანის ალლო იმდენად ძლიერია მასში, რომ თითქმის ყოველი ლექსი დასრულებული და უტენდენციო ხელოვნური ქმნილებაა. ვერსად ვერ გრძნობთ აღებულები აზრის ან გრძნობის ნაძალადევი გადმოცემას. ყველგან ბუნებრივობა და მომხიბლავი უბრალოებაა, რაც უდიდესი განძია ყველა შემოქმედისათვის, მშვენიერი და ორიგინალური შედარება, ნარნარი და ქალწულებრივი, წრფელი გრძნობა — პირდაპირ ატყვევებს ადამიანს. ტაბიძე ყოველთვის და ყველგან გულწრფელია, მანკვა და ნაძალადევი ექსტაზი მისთვის არ არსებობს, მხატვრული გადაჭარბება და თავშეუკავებლობა მან არ იცის. მართალია, ხანდისხან ის ბარათაშვილის ბაძავეს (იოშლი, ტ. I, გ 27), ხან—ტიუტჩევს (იქვე. 46), მაგრამ საერთოდ ის მაინც ორიგინალური სურათებით მოაზროვნე მგოსანია და მისი პოეზიის საღებავიც ათასფეროვანია. თითქმის ყველა ლექსის თემა ერთნაირია, მაგრამ გადმოცემა ისე ხელოვნურია და იმგვარი საღებავებითაა შემკული, რომ პირდაპირ იხიბლებით და სრულებითაც ვერ გრძნობთ პოეტის ერთფეროვნებას.

ტაბიძის პოეტური ნიჭი იმდენად ძლიერი და მომჭადოებელია, რომ ყველას იმორჩილებს; თქვენ შეგიძლიათ არ გაიხაწილოთ ტაბიძის მსოფლმხედველობა, მაგრამ იმას კი ვერ უარყოფთ, რომ მისი ლექსების კითხვის დროს სწორედ იმ გრძნობას განიცდით, რასაც თვითონ პოეტი განიცდიდა, სწორედ ისე უყურებთ მასში ამ ქვეყნიურ ცხოვრებას, როგორც მგოსანი. პირადად მე არ ვიზიარებ ტაბიძის მსოფლმხედველობას, მაგრამ პირდაპირ ჟრუანტელს მგერის ამ სტრიქონების წაკითხვა:

„სიშკარის შემხედავს საშენი
თვლები შეკრული კამარის:
ქვარს ეციო თუ გინდა! საშველი
არ არის, არ არის, არ არის!
დაქრიან უღამნოს ქარები,
მტანჯავენ და ვიცი: ვახსოვარ!
სამრეკლოს ანგრევენ ზარები...
წმინდაო, წმინდაო მაცხოვარ!“.

მუსიკისა და რითმის მხრივ ტაბიძის პოეზია უმაღლეს წერტილზე ასულად უნდა ჩაითვალოს; ასეთი სადა, მომხიბლავი და ძალდა-

უტანებელი რითმა გრიშაშვილსაც კი არ მოეპოვება, ამ მხრივ ტაბიძე პირდაპირ აკაკია ჩვენი ახალგაზრდა ლიტერატურისათვის.

აი ყოველივე ამის გათვალისწინების შემდეგ — აზრის სიღრმე, ძლიერი ხელოვნური ალლო და საშემოქმედლო ტილოს სიფართოვე — გვგონია, რომ ტაბიძე ისევ პირველი ტომის ხაზს დაუბრუნდება და, ადრე იქნება თუ გვიან, თავს დააღწევს იმ მისტიურ ნისლს, რომელშიაც ის გახვეულია, ამას მოამოქმედებინებს პოეტს მისი მხატვრული ალლო და არა სხვა რაიმე.

მეორე ტომს აშკარად აზის სიმბოლიზმის ბეჭედი: მისტიკა, ღვთისმშობელი, წმინდა ჩასახვის მონასტერი, მცხოვარი, ჭვარის წერა, სამრეკლო, ზარები... და სხვა საეკლესიო ატრიბუტები ხშირია ამ ტომში. გაუგებრობას და სტილის ბუნდოვანობასაც, — რაც ასე ახასიათებს სიმბოლიზმს, დიდი ადგილი აქვს დათმობილი. ზოგი ლექსის კითხვის დროს ლექსიკონის ხმარებაც კი არის საჭირო. აღსანიშნავია და ხაზგასმული ის გარემოება, რომ შინაარსის ბუნდოვანებას თვითონ ლექსის ფორმის — გარეგანი მზრის ბუნდოვანებაც თან მისდევს. ფორმა და შინაარსი — ორივე ძნელად გასაგები — მშვენივრად შეუთანხმებია ტაბიძის ძლიერ ნიქს. წაიკითხეთ მეორე ტომი და აშკარად დარწმუნდებით ამაში.

სიმბოლიზმის დახასიათება ჩვენ სხვა ადგილას მოვახდინეთ „სიმბოლიზმი ქართულ ლიტერატურაში“, „ერთობაში“) და დინტერესებულ მკითხველს ადვილად შეუძლია ამ მიმართულების აწონ-დაწონვა. ეს ლიტერატურული მიმართულება საზოგადოებრივი რყევის, ქანაობის და ამ ქვეყნის უარისყოფაზეა აგებული. სრულიად ბუნებრივია, რომ ტაბიძის აფორიაქებულმა ინტელიგენტურმა სულმაც აქ იპოვა ნავსაყუდარი. მაგრამ ეს მიმართულება ავადმყოფურიც არის და ხშირად მომხდარა, რომ აქ მიმართულებისაგან განკურნებული მწერლები ისევ ჩვენს ცოდვილ დედამიწას დაბრუნებიან. ასე განიკურნა. მაგალითად, რუსეთის ბევრი სიმბოლისტი, დასავლეთ ევროპაშიც ხშირია ამის მაგალითები. აი, რას წერს ევროპის საუკეთესო სიმბოლისტი, მორის მეტერლინიკი: „მე დავწერე რამდენიმე პატარა დრამა, რომლებშიაც გამოიხატა მისტიკურად განწყობილი აზრის წუხილი. ეს წუხილი შეიძლება მისაღებია სახეში, მაგრამ ყოველ შემთხვევაში კეთილი გავლენა არა აქვს და არც უნდა მივეჩვიოთ ხოლმე მას. ამ დრამების წარმომშობი მთავარი მიზეზი ცხოვრების გაურკვევლობის წინაშე თრთოლვა და შიში იყო. მე მაშინ მრწამდა, რომ ქვეყნად არსებობს შეუცნობელი, აუცილებელი და ფატალური ძალა. რომლის გავება ადამიანისათვის შეუძლებელია და რომელიც ჩვენი მტერია... აქ არეული იყო ქრისტიანული ღვთაებისა და ანტიკური ფატუმის იდეა, რომელიც ბუნების სიბნელეშია მოთავსებული და შეუბრალებლად არღვევს ყველა

ჩვენს მისწრაფებას და ანადგურებს ადამიანის ბედნიერებას. „მეტერლინკის აზრით შეიძლება, რომ პოეტი გაიტაცოს ამ პასიურმა მსოფლმხედველობამ. „მაგრამ, — დასძენს იგი, — არ შეიძლება, რომ კაცი ერთ წერტილზე გაიყინოს, არ იმოძრაოს. ადამიანური გრძნობა პოეტობაზე უფრო ღრმა და ძლიერია და წინააღმდეგობა დიდი მიზნები უძევს“. ძლიერ კაცს, მეტერლინკის აზრით, მშვენიერად ესმის, რომ უნდა შეისწავლოს და იცოდეს მისი ბედნიერების მომსპობი ძალები, ამ ნიადაგზე მას ბრძოლაც მოეწივს და სხვ.

აი ასე მსჯელობს დიდი სიმბოლისტი და დიდი ხელოვანი მეტერლინკი, რომელიც სიმბოლიზმით გატაცების შემდეგ ისევ ქვეყანას დაუბრუნდა. ამიტომაც ვფიქრობ, რომ ტაბიძესაც მალე მოაბრუნებს ამ ქვეყნისაკენ მისი ადამიანური გრძნობა და მხატვრული ალღო. მისი გოდება და ტირილი გამოწვეულია სახელითა სიცოცხლისათა, სახელითა ამქვეყნიურ ბედნიერებისათა და დიდი ნიჭი კიდევ მიაღწევს მიზანს. ტაბიძემ თქვა, რისი თქმაც კი შეეძლო მისტიციზმის გზაზე, აქ ღარჩენა მას დღეიდან სიკვდილს უმზადებს: მასში ძლიერი და უსაზღვროა ცხოვრების ინსტინქტი — ამისთვისაა მისი ტირილიც აგრე გულშემზარავეი — ამიტომ, ჩვენი აზრით ტაბიძე ისევ ცხოვრებას მიხედავს, დაუბრუნდება პირველ ტომს, კვლავ აღინთებს ამქვეყნიურ სიღუბეჭირესთან საბრძოლველ ცეცხლს და ერთხელ კიდევ იტყვის საყვარელი გურიის შესახებ:

„არასდ ისე არ მღეროან, როგორც აქ, ამ ქვეყანაში...“

დავასრულეთ ჩვენი კრიტიკული ცდა. ღმერთმა გვაშოროს მსაჯულის როლი ამ შემთხვევაში, ჩვენ მხოლოდ ვცდილობდით ჩვენი სუსტი ძალ-ღონით აგვეხსნა და განგვემარტა მგოსნის შემოქმედება და მისი მომავალი გზები. არ ვიცი, რამდენად დამაკმაყოფილებელია ჩვენი ცდა, მაგრამ ერთ ღირსებას კი მაინც ვერაფერს წაართმევს ჩვენს ნაშრომს: ეს არის კეთილსინდისიერი დამოკიდებულება ავტორის წმიდათაწმიდასთან — მის პოეზიასთან. გვწამს, რომ უამისობა არ მიეტყვება პატრიოსან ადამიანს და ამ შემთხვევაში აშკარა შეცდომებიც კი ეპატიება მას.

თქვენ გთხოვთ საკურთხეველიდან აღსავლის კარებში ბარძიშით ხელში მორწმუნეთა საზიარებლად გამოსული მღვდელი, რომელიც მოწინააღმდეგებით ამბობს: „შიშითა ღეთისათა და სარწმუნოებით მოვედით“. ასეთნაირად მეხატება მე თავის ნაწერებში მგოსანი, რომელიც ღაღადებს: კრძალვითა ხელოვნებისათა და სიყვარულით მოვედით. და ვაი იმას, ვინც ბინძური გულით მიეგვება მას, ვინც შეურაცხყოფს პოეტის წმიდათაწმიდას.

შიო არაგვისპირელი

(გარდაიცვალა 1026 წ. 2 იანვარს)

ქართულმა ლიტერატურამ დაკარგა სიტყვის დიდი ოსტატი. შიო პირველი ფრაზიდანვე გაგრძნობინებდათ მომხიბლავ გრაციულობას და პირველი სურათითვე დაგატყვევებდათ

არ შეიძლება მისი ეტიუდი ბოლომდის არ ჩაგვეკითხათ. ყოველი გამოთქმა, ყოველი წერტილიც კი რაღაც ემოციას აგიფართქმლებდათ. სადა ენა, მოკვეთილი სურათი, უკიდურესობამდე დახვეწილი ფრაზა: მოკლე, მკაფიო, მჭრელი. არც ერთი ზედმეტი ბგერა, სიტყვის უდიდესი ეკონომია.

სურათი ცოცხალი და მწველი. ყოველ ნაკვეთს ფიზიკურად გრძნობ. შიოს აწერილი ნამი უსათუოდ ლოყაზე მოგეპყურება, მისი ჭია-მაია ხელზე დაგ. ცოცხალს, წვიმის წვეთები სხეულს გისველებენ.

ყველგან მიმზიდველი ქანდაკება, ყოველ სურათში მარმარილოს სადა ნაკვეთი, ორიგინალური პროფილი, არსად შაბლონი. სიტყვა ახალ ელფერში, აზრი ახალ სამოსელში...

ასე არ წერდნენ იმ დროს, როდესაც შიო არაგვისპირელმა მოპკიდა კალამს ხელი. სტილის მხრივ შიომ უსათუოდ ახალი სიტყვა თქვა ჩვენს ლიტერატურაში.

სალიტერატურო ასპარეზზე იგი გამოდის 1890-იან წლებში. ჩვენი პროზა ამ დროისათვის თითქმის ჩამოყალიბებული იყო. ილია ჭავჭავაძემ სიტყვის უაღრესი ეკონომიით გამოაქანდაკა თავისი „ოთარაანთ ქერივი“; ა. ყაზბეგმა თავისი მოზღვავებული გრძნობების გამოსახატავად თავისებური მეტყველების სტილი შექმნა, რასაც არ შეიძლება არ გაეტაცა შიო არაგვისპირელი. მაგრამ შიო, როგორც ორიგინალური შემოქმედი, თავისი აზრისა და გრძნობის გამოსახატავად სრულიად ახალ ენობრივ ქსოვილს ქნის.

საპირთა თვითონ ამ სტილის გაცნობა. შიოს სტილის თავისებურებას მაშინ იგრძნობთ, როდესაც წაიკითხავთ, მის საუკეთესო მოთხრობებს, ესკიზ-ეტიუდებს: „მიწა“, „ჩემი პირველი სიყვარული“, „მხრები-და ავიჩეჩე“, „არ გვინდა, არა“ და მრავალი სხვა — აი მისი სტილის დამახასიათებელი ნაწარმოებნი.

პირველი ჩვენი მწერალი, რომელმაც ქალაქური ნერვიულობა და თრთოლა გამოხატა, შ. არაგვისპირელი იყო. აქამდე ჩვენი ლიტერატურა სოფლის იდეალებში და ლანდშაფტებშია ჩაფლული. ნელა მოძრაობს, არ ეჩქარება, პატრიარქალურის სიდინჯით შლის სახეს სახეზე. გრძელი სიტყვა, კრიმანჭულები, ქარაგმები...

შიო კი ქალაქური დინამიური ცხოვრების მხატვარიც და მისი სიტყვაც ამ მდგომარეობის შესაფერისია.

მთელი თავისი შემოქმედებაც შიომ ამ ფონზე გაშალა; ფსიქოლოგიური ეტიუდები — აი, მისი საყვარელი ლიტერატურული ფორმა. ამ გზით შეძლო მან ადამიანის შესწავლა და მისი არსის წვდომა.

მართალია, მას აქვს ისეთი მოთხრობებიც. სადაც ის ჩვენს ყოფა-ცხოვრებასაც ეხება, გვიხატავს გლეხის ჭირ-ვარაშ („ჩემი ბრალი არ არის, ღმერთო“, „მერე რიდათი იცხოვროს“, „ესაა ჩვენი ცხოვრება“, ჩემო შვინდაე“ და სხვა...) და მთავრობის თავგასულობას, მაგრამ ეს მოთხრობები იდეურად არ არის ორიგინალური, „ტექნიათა მოტრფიალეებისა“ და ე. ნინოშვილის შემოქმედებითს ხაზს აგრძელებს. გლეხის სიღარიბე, უფიცობა, უფულებობა, ჩარჩების თარეში, — ყოველივეს ეს დაკვირვებით აგვიწერეს ს. მგალობლიშვილმა, რ. ერისთავმა, ნ. ლომოურმა და სხვ... და რომ არაგვისპირელი ბოლომდის ამ გზას გაჰყოლოდა, შეიძლება დიდი ორიგინალობა ვერ გამოეჩინა. ყოველ შემთხვევაში, აშკარაა, რომ ეს გზა არ იყო მისი სტიქია. ის აქ მხოლოდ დროებითი სტუმარი იყო და მან ძალიან მალეც იპოვნა თავისი გზა.

რას შეიცავს ადამიანის არსება და რას წარმოადგენს იგი, როგორც ასეთი? — ეს საკითხები არ მოშორებია შიომ არაგვისპირელის მუზას სიკვდილის კარამდე. 1892 წელს დაწერილ მოთხრობაში — „ადამიანი“ — ვკითხულობთ: —ადამიანი!.. ადამიანი!.. ადამიანი!.. ძალას ატანდა თავის თავს თედო, მაგრამ აზრი აზრს არ ეკარებოდა, თითქმის იმის თაეში მართო ერთი წარმოდგენის მეტი აღარა მოიპოვებოდა რა და სიტყვა „ადამიანი“ ისევ სიტყვად დარჩა და შინაარსი ვერა მოუპოვა რა“.

ასეთ მდგომარეობაშია მოთხრობის პერსონაჟი, მან არ იცის, რა არის ადამიანი, რას შეიცავს იგი და რა არის მისი დანიშნულება. ადამიანი მისთვის გამოუცნობელი სფინსქია. მაგრამ გადის ხანი და შიომ არაგვისპირელიც ცდილობს განმარტოს ეს შეუცნობელი არსება, რომელსაც ძალიან ხშირად დიდი პრეტენზიები აქვს და ბუნების მეფეთაც კი მოაქვს თავისი თავი. ის არ ცხრება ბუნების წინაშე, ჭიუტად ებრძვის მას და გადაწყვეტილი აქვს მისი დამორჩილება. „როგორც ადამიანს სურს, — ვკითხულობთ „ბუნების მეფენში“, — ისე დაატრიალებს ბუნების ჩარჩს: უნაყოფო ნიადაგს გაანაყოფიერებს და სადაც ქვისა და რიყის მეტი არა იყო რა, იქ მშვენიერად შემკულ მცენარეულობას მოიყვანს, მოაშენებს ცხოველთ“... „სადაც სიმშვენიერება, სადაც გული სიამით გაიშლება, იქ ადამიანს შეუძლია სიკვდილი დაბადოს, იგი გაანადგუროს და გააოხროს, თუკი მისი გონება მოითხოვს. მაშ გაუშარჯოს ადამიანს — ბუნების მეფეს“.

ღიახ, ადამიანი ერთი შეხედვით თითქოს, მართლაც ასეთია,

მაგრამ საკმარისია სულ ცოტა გაუჩიუტდეს ბუნება — მხოლოდ ერთხელ დაიგრავინოს ზეცაში და კოკისპირულად გაწვიმდეს, რომ ამ ტრაბახა არსებამ მაშინვე კლდი ამოიძუოს, უძლურად მოიხაროს ქელი და თავისი პიროვნების გადასარჩენად სოროში შეძკრეს.

გარდა ამისა, რომ ადამიანი სუსტი და უღონო არსებაა, იგი იმავე დროს დაუნდობელი ეგოისტია, რომლის გამარბალებული ეშვები არავის არ იბრალებს. ყოველივე წმინდა და იდეალური გაჰქეცლა მან: სიყვარული, მეგობრობა, თავდადება მოყვასისათვის, პატიოსანი სიტყვა, ყველაფერი ეს უშინაარსო სიტყვებია მისთვის.

წმინდა სიყვარული ადამიანმა ანგარებთან გრძობად აქცია, ორპირობს მის ვარშემო, თვალთმაქცობს. ამ თემას არაგვისპირელი რამდენჯერმე უბრუნდება და ყოველთვის ადამიანის სისაძაგლეს გადმოგვიშლის. ეტიუდები: „ქარი კი ზუოდა, კენესოდა და გმინაედა“, „მხრები-ლა ავიჩეჩე“, „ბალღი ყოფილხარ“ — ამ თემებზეა აგებული.

ადამიანის ორპირული ცვალებადობა და ეგოიზმი ყოველთვის იმას ცდილობს, რომ თავისი ქვენა გრძობები თეორიულად გაამართლოს. „წერილის ნაგლეჯში“ — კვითხულობთ: „მაგრამ მხოლოდ მაშინ ხარ ჩემი ყველაი, როდესაც გხედავ, ან მაგონდები. როდესაც კი შენს მაგივრად სხვასა ეხედავ ან მაგონდება სხვა ქალი, რომლის წინააღმდეგ არა მაქვს რა, მაშინ... მაპატიე ჩემო კარგო, შენდამი სიყვარული აღარ არსებობს, შენ აღარა ხარ ჩემი ყველაი. ჩემი ყველაი ის... ის არის, რომელ მშვენიერსაც ეხედავ და რომელი მშვენიერიც ჩემს წინ დვას იმ უამად. ის მიყვარს იმ უამად, გავიუებით მიყვარს და ეს გრძობა ისეთივე გულწრფელია, როგორც შენდამი“.

მეგობრობა რომ სისულელეა, ამას არაგვისპირელი „ბალღი ყოფილხარში“ გვიჩვენებს. უნდა ფიქრობდე მხოლოდ შენს პირად სიამოვნებაზე და, სულერთია, სადაც დატყებები და ვისთანაც ინეტარებ. მეგობრის წინაშე ერთგულების ფიცი და ამავე დროს მის ცოლთან მრუშობა სრულიად კანონიერი და დასაშვები მოვლენაა. ამ რწმენისაა ამ ეტიუდის გმირი.



არაგვისპირელი რომ მართო ამ თვალსაზრისით უდგებოდეს ადამიანს, იგი წმინდა წყლის მეტაფიზიკოსი იქნებოდა და, როგორც ასეთი, ვერასოდეს სათანადოდ ვერ შეიცნობდა ადამიანის ბუნების რაობას. მართალია, ადამიანი ხშირად ეგოისტი და დაუნდობელია, მაგრამ როგორც საზოგადოებრივი ცხოვრების ნაწილი, ისიც

გარდევლად ემორჩილება სინამდვილის დიალექტიკას. ამიტომ სწორი არ არის, როცა მას დროისა და სივრცის გარეშე უდგებიან და განყენებულად ცდილობენ მისი ხასიათის შეცნობას. ხშირად არაგვისპირელი ერთობ ნაძალადევე ექსპერიმენტს ახდენს ადამიანის სულსა და გულზე. მისი ფსიქოლოგიური ეტიუდები მხოლოდ ერთ მომენტში იხილავენ ადამიანს, სახელდობრ ავადმყოფურ — ნერვიულ მდგომარეობაში და რა გასაკვირია, რომ ამ დროს ერთგვარ ცალმხრივობაში ჩავევარდეთ: ამ ავადმყოფური მომენტის განზოგადებაც შეცდომა იქნებოდა.

ამას უსათუოდ გრძნობს შ. არაგვისპირელი და რამდენადმე ახერხებს ერთხელ შემუშავებული აზრის თავიდან მოშორებას, ადამიანის ბუნებას სხვა თვალსაზრისითაც ახასიათებს: შავი საღებავებით შეზავებული სურათების გვერდით, ხანდახან ფერად ფერებსაც გვაჩვენებს.

მისი ეტიუდის ერთი პერსონაჟი მუცელზე ხელის დაკვრით ამბობს: აი ჩვენი პირველი და უკანასკნელი მიზანიო. ცოტა გაფართოებით, ამ მცნებას ხელს მოაწერდა შიოს თითქმის ყველა გმირი, მაგრამ მან გვიჩვენა ისეთებიც, რომელთა გულშიც მაგრად ღვივის იდეალური სიყვარულის ცეცხლი: ისინი ღრმად გრძნობენ უხეში სინამდვილის წიაღში ყოველივე მაღალის და უმწიკვლოს შეურაცხყოფას და მათი არსებაც თავგამოდებით ებრძვის ყოველგვარ სისაძაგლეს. ამ შემთხვევაში არაგვისპირელი უსათუოდ სწორად უდგება ადამიანის სულსა და გულს.

შიო არაგვისპირელი საზოგადოდ ისეა განწყობილი, რომ ცხოვრებაში სიკუდიის მეტს ვერას ხედავს: ამ ნიადაგზე ხანდახან უკიდურესობაშიაც კი ვარდება, მაგრამ შიგა და შიგ მისი შემოქმედება ჯანსაღ ელემენტებსაც შეიცავს. ვიმეორებ, მხოლოდ ამ შემთხვევაში მიწვდა იგი ცხოვრების დიალექტიკას და ცალმხრივობასაც თავი დააღწია. მისი გული თითქოს სამუდამოდ არის გაბზარული ადამიანის საშინელების გამო, მაგრამ არის მომენტებიც, როცა გაბზარული გულიც მრთელდება.



აქ მინდა გაკვრით შევეხო არაგვისპირელის, შედარებით დიდ ნაწარმოებს — „გაბზარულ გულს“, რომელიც „ცისარტყელაში“ დაიბეჭდა. ეს მოთხრობა — არაკი მწერლის შემოქმედებას არც იდეისა და არც სტილის მხრივ არ ახასიათებს. მოთხრობის სიუჟეტი ერთობ ნელა ვითარდება, ხან წარმტაცად გეჩვენებათ, ხანაც მომხიბლაობას ჰქარავს. არაკში მრავალი წარმტაცი სურათია, მაგრამ

იდეურად არ არის გამართული, და დასრულებისას გაურკვეველობასა და უკმაყოფილებას გრძნობთ.

შეოცნებე ოქრომჭედელი მახარე მოხიბლულია კაცია-ბატონის ქალის — ეთერის წარმტაცი ხმით და ცდილობს ისეთი ზარი გამოსკედოს, რომელიც ეთერის ხმასავით წვრილა იქნება. დიდი ხნის შემოქმედებითი მუშაობის შემდეგ ამ მიზანს მიაღწევს და კოშკში მომღერალ ეთერს ბანს აძლევს თავის საოქრომჭედლოდან. ეთერს თავზარს სცემს ეს. და რალაც ჯადოქრობა ჰგონია. როდესაც გაიგებს რაშიცაა საქმე, გადასწყვეტს ეს ზარი შეიძინოს. ამ დროს ის ამჩნევს, რომ მახარეს უანგაროდ შეჰყვარებია იგი. ანგარებიან საქმროებით თავმობეზრებული ეთერი მახარეს სამაგიეროს მიუძღვნის და სიყვარულის აკრძალულ ნაყოფსაც იგემებენ, ამასთან ერთად ეთერი იმ ზარსაც დაეპატრონება. ამის შემდეგ ეთერს მოტყუებით შეირთავს მეფისწული; მახარე დარდით გადაიკარგება. მახარეს მოტრფივალე ეთერი მეფისწულს ცოლობას არ უწევს და ზარის ხმით აპირებს გართობას, მაგრამ ზარი შემთხვევით იზარება და ეთერის დაქორწინების შემდეგ დანჯღრეულად რეკავს. ვერაინ ვერ გაამართლა ვერც ზარის და ვერც ეთერის გული. ეთერი მამის სახლში ბრუნდება. აქ მახარესაგან ვაჟი შეეძინება, მახარეც მოდის. ამ დროს მეფე და მეფისწული ომს იწყებენ. საომრად მიდის მახარეც. ირკვევა, რომ მეფეს ხალხისათვის უღალატნია, ხალხი მას ჩაქოლავს, მახარე შეეცადა, დაეცვა იგი, მაგრამ მეგობარმა ირემამ ლამის ისიც ჩააქოლჩინა ხალხს. მახარე ტირის — ხალხის მტრად დამსახა ირემამო. ასე თავდება ეს გაჭიანურებული და საკმაოდ დაბნეულ სიუჟეტზე აგებული არაქი, რომელმაც ერთ დროს დიდი აღტაცება და მოლოდინი გამოიწვია.

შოი არაგვისპირელის სახელი და არაქის პირველი ნაწილი, მართლაც დიდ იმედს უღვიძებდა მკითხველებს, მაგრამ მოლოდინი ვერ არის გამართლებული. როგორც ეტყობა, ავტორს მარადიული ძიება და ამის შესაფერი შემოქმედებითი მუშაობა უნდა ეჩვენებინა, მაგრამ აშკარაა, რომ მიზანს ვერ მიაღწია: ვერც იდეა წამოაყენა გარკვეულად და ვერც ტექნიკურად დასძლია იგი.

შოი არაგვისპირელმა პირველი რევოლუციის ზოგიერთი მომენტის ასახეაც სცადა ნაწარმოებში „საშინელება“ (გრდემლი № 1), მაგრამ აქაც დამარცხება განიცადა. ის არ იყო მებრძოლი ბუნებით, მისი სული სულ სხვა ყალიბის იყო და უჩვეულო გზაზე სიარული არ ეხერხებოდა.

ასეთი არის არაგვისპირელის შემოქმედება, როგორც ფაქტი, რომელიც წარმოიშვა განსაზღვრულ ისტორიულ — საზოგადოებრივ პირობებში. თუ ეს პირობები უგულვებელეყავით, მაშინ ამ ფაქტის წარმოშობის მიზეზები ჩვენთვის გაუგებარი იქნება; ჩვენი

მსჯელობა განყენებული იქნება და ისეთ ცალმხრივობაში ჩაეარდებოდა, როგორშიც განსვენებული მწერალი ხშირად ვარდებოდა, როდესაც ადამიანის რაობას ერთობ ხელოვნური ექსპერიმენტით იკვლევდა.

არაგვისპირელის სამწერლო ასპარეზზე გამოსელისა და მისი ნიჭის გაფურჩქნის ხანა (1890—1900 წ.) როგორც რუსეთში, ისე ჩვენში, მუშათა კლასის და საზოგადოდ დემოკრატიული ფენების ამოძრავების ხანაა. რუსეთის დიდი შიმშილობა და მასთან დაკავშირებით საზოგადოებრივი ძალების ამუშავება, მრეწველობის აყვავება და პროლეტარიატის ორგანიზაციულად დარაზმვა, — აი რას ვხედავთ რუსეთში და მერე ჩვენში. 80-იანი წლების მომშხამველი რეაქცია იფანტება, ყინული გალხვა.

ეს გამოცოცხლება ლიტერატურასაც ეტყობა. ამ დროს წარმოიშვა რუსეთის უდიდესი იმედიანი და აღფრთოვანებით აღსავსე მწერალი მ. გორკი. იგი თავისი „ქარიშხლის წინამორბედით“, რომელიც ჩეხოვის წარბეზდაშვებული და სევდის მქონავი შემოქმედების გვერდით ფეიქერაკივით ავარდა ზეცაში. ინტელიგენციის ნაწილი აღფრთოვანებით მიეგება გორკის რევოლუციონურ რომანტიკას, ნაწილი კი ისევ თავჩაქინდრული იყო, არა სწამდა საზოგადოებრივი ძალების გამოცოცხლება და თავის „გამიშვლებულ სულს“ ჩაჰყურებდა.

ჩვენში, თითქმის ამგვარსავე მოვლენას ჰქონდა ადგილი, თუმცა მიზეზები სხვა იყო. გაბატონებული ინტელიგენციის დიდი უმრავლესობა, რომელიც თავადაზნაურული წრეებიდან იყო გამოსული, და რომლის მოღვაწეობა 60-80-იან წლებიდან იწყებოდა, საკმაოდ უიმედო სულისკვეთებას ატარებდა. ამის მიზეზი ქართული ნაციონალიზმის უნუგეშო მდგომარეობა იყო. ერის მხსნელად თავადაზნაურობა იყო მიჩნეული. ეს წოდება, კი უკვე აშკარად ჩანდა, რომ ბატონყმობის შემდეგ პირქვე დაექანა. ბევრი რეცეპტი დაიწერა იმის შესახებ თუ „რა უშველიდა თავადაზნაურობას“.

ეს ინტელიგენტური უიმედობა ლიტერატურაშიაც გადავიდა: ილია და აკაკი ზოგჯერ უიმედოდ უცქერიან საქართველოს ბედს. ილია თავის „ანრდილიში“ გულდათუთქული ამბობს ძველი საქართველოს ეროვნული ემბლემის — მცხეთის შესახებ „აწ სამიკიტნო დაბად გამხდარა“. თუმცა აკაკი სიხარულით მღერის: „არა, აყვავდეს იმედი, გულს ვერ გამიტეხს ქალარა“, მაგრამ ეს სიტყვებიც მას ეკუთვნის: „ჩემო თავო, ბედი არ გიწერია“.

ჩვენში გაბატონებულ აზროვნებას არ სწამდა, რომ საქართველოს ბედი ერის მშრომელი ნაწილის ამოძრავებასთან იყო დაკავშირებული და უიმედობას გამოთქვამდა. მესამედსეულების წარმოშო-

ბა და მუშათა კლასის ჩანასახების ამოძრავება უკანონო და შემთხვევით მოვლენად იყო მიჩნეული.

შიო არაგვისპირელიც ამ უიმედოდ განწყობილ ფენებში მოკცვა და მამათაგან ნაანდერძევი სკეპტიციზმი უფრო გააღრმავა და გაამშვენებდა. ის ყოველმხრივ უიმედობას ხედავდა: განწირული გლეხობა, ეროვნული იდეის სიკვდილი („ჩემი სამშობლო ჩემი გულა“) და მისი პასიური ბუნებაც „გაშიშვლებული სულის“ ანალიზს შეუდგა. რასაკვირველია, აქ არ არის დოსტოევსკისებური 35 ათასი ვერსის შემოვლა თავისივე სულის გარშემო, ვერ ვხედავთ კარამაზოვ — რასკოლნიკოვების შემარყეველ სულში ჩაძირვას, მაგრამ შიოს ნიჭი მაინც საკმაო სიძლიერით გაგრძნობინებთ ადამიანის ტრავმას.

უღრობის და უიმედობის ხანა ხელს უწყობს განყენებულ აზროვნებას და სინამდვილის ზურგის შექცევას. ბარათაშვილსაც ასეთმა ურდობამ ათქმევინა: რა არის ჩვენი ყოფა-წუთისოფელიო, მაგრამ მგოსნის მჩქეფარე ტემპერამენტმა გამოსავალიც იპოვა: არც კაცი ვარგა, რომ ცოცხალი მკვდარსა ემსგავსოსო და სხვა... არც არაგვისპირელია სრულიად უსასო, მასაც სწამს ციციანთელას ბრძოლა, მაგრამ ისიც აშკარაა, რომ მისი შემოქმედება უმეტეს შემთხვევაში სწორედ უსასობით არის გაყვანილი. თავისმა ეპოქამ უსათუოდ ღრმა ბეჭედი დაასვა მის ნაზ სულს, რომელიც არასოდეს არ შერიგებია მის გარშემო გამეფებულ სიმახინჯეს: ებრძოდა ადამიანის ეგოიზმს და დაცემულობას, გულს უწამლავდა თავისი დროის სოციალური და ეროვნული უბედურობანი. მისი არსება არასოდეს არ შერიგებია გარეშე ცხოვრებაში არსებულ უსამართლობას, შიოს გაბზარულ გულს არასდროს ყალბი კენესა არ აღმოხდენია.

ვლადიმერ მესხიშვილი როგორც მოქალაქე

(მოგონება)

ვლადიმერ მესხიშვილს ყველანი ვიცნობთ, როგორც დიდ ხელოვანს, დიდებულ არტისტს. მისმა ნიჭმა უმაღლეს საფეხურზე აიყვანა ქართული დრამატული ხელოვნება. ქართული თეატრი რომ ხალხის კუთვნილებად გადაიქცა, ამაში უდიდესი ღვაწლი მიუძღვის ამ ადამიანის მოღვაწეობას. მესხიშვილი მთელი ეპოქა ქართული თეატრის დემოკრატიზაციის საქმეში.

მაგრამ თანამედროვე თაობა მას არ იცნობს, როგორც მოქალაქეს, როგორც ხალხის პოლიტიკური ცხოვრების თანამოზიარეს.

მე მინდა მოვიგონო დიდი არტისტის ცხოვრებიდან ერთი მო-

მენტი, რომელიც სამუდამო ბრწყინვალეობით ჩარჩენილა ჩემს მენსიერებაში. ეს წუთები ადამიანის კეთილშობილურ გრძნობათა უდიდეს დემონსტრაციად წარმოგვიდგება. ამ დაუფიწყარმა ფაქტმა ასევე უფრო ძლიერი კვალი დააჩნია ჩემზე, ვიდრე წიგნთა მრავალმა ტომმა.

და განა მართო ჩემზე? დარწმუნებული ვარ, ისინიც ჩემსავით თბილი გრძნობითა და განუზომელ სიხაზით იგონებენ ვლ. მესხიშვილის ცხოვრებიდან ამ ვაჟკაცურ სულიერ სიდიადეს, ვისაც წილად ხვდა ბედნიერება ენახათ ესოდენ დიდებით მოსილი მესხიშვილი.

ეს მოხდა პირველი რევოლუციის ბობოქრობის დროს, 11 აპრილს, ქუთაისის თეატრის სცენაზე. მთელი საქართველო რუსეთთან ერთად რევოლუციურ ქარტეხილს შეეპყრო, ჩვენს სამშობლოში უჩვეულო გრიგალი ტრიანგლებდა, ამგვარი მოძრაობა ქართველი ერის ისტორიაში ჯერ უნახავი და განუცდელი იყო. ისტორიის ეკლიან გზაზე მთელი ერის უდიდესი ნაწილის გამაერთიანებელი გრძნობები პირველად ფეთქავდნენ, ქართველობის სხვადასხვა ნაწილი ბევრჯერ აღუფრთოვანებია ძველ დროში აღტაცების გრძნობას. მტერთა შემუსვრა და „ჭკა მაგას“ ყიეინით მუდამ გაყრუებული იყო ჩვენი ქვეყნის მიწა-წყალი.

ქართველო, ხელო ხმალს იყარ,
დრო მოდის გამარჯვებ-სა.

ერთნაირად ნაცნობი ჰიშინი იყო ქართლელისა და იმერლისთვისაც, კახელისა და მეგრელისთვისაც... ეროვნული შინდისფერი დროშა ხევსურსაც ისეთი ვაჟკაცობით ეპყრა, როგორც ჯავახელს. გურულსაც ისე აკავშირებდა იგი, როგორც ფშაველს...

მაგრამ წითელი ფერის ალმის ფრიალი საქართველოს მიწა-წყლის თითოეულ ნაწილში და ისიც ერთსა და იმავე დღეს, ერთსა და იმავე წამში, ჯერ არავეს ენახა...

ფეოდალური დაქსაქსულობა აფერხებს ქართველი ხალხის კონსოლიდაციას.

დღეს კი ქვეშაბრტად განსაცვიფრებელი გაერთიანება დამყარდა. წითელმა დროშამ მთელი მშრომელი საქართველო შეაჯავშინა და ერთ ეროვნულ შეგნებაში გააერთიანა. „ქართლის ჰიშინი“ სრულიად საქართველოს ჰიშირად გადაიქცა. გურიის გასანადგურებლად გაგზავნილი ალიხანოვის ჯარები, თბილისის გარეუბნისა და კახეთის გლეხთა მოთხოვნებით დამფრთხალმა მეფის მთავრობამ, უკანვე გამოიწვია.

— გურულები ჩვენი ძმები არიან, მათი სისხლის დაღვრა, ჩვენ-

თვის ყელის გამოქრას ნიშნავსო, — განუცხადეს აღმოსავლეთ სა-
ქართველოს მშრომელებმა მეფის ჯალათებს...

მე მაშინ ჯერ კიდევ უწვევრ-ულვაშო მასწავლებელი ვიყავი...
23 მარტიდან მთელმა მასწავლებლობამ მეფის რეჟიმს გაფიცვა გა-
მოუცხადა... სკოლებში შესვლას მანამდე არ ვაპირებდით, სანამ
დამფუძნებელი კრება არ იქნებოდა მოწვეული... არც მეტი, არც
ნაკლები... საზოგადოება აღელვებულია სვანეთში შამშე გელოვანის
თავად გარდატეხების მიერ მოკვლის ამბით... ხალხი აღელვებუ-
ლია, ხიდები აყარეს, სვანეთის გზები შეიკრა. გარდატეხებები კოშ-
კებში ჩაიკეტნენ.

სკოლიდან გამოქცეული ქუთაისში ჩამოვედი. თეატრში თავად-
აზნაურობის კრებაა. მაშინვე აქეთკენ გავექანე. შავ ხალხთან ერ-
თად მეც ქანდარაზე ავიპარე... აბა პარტერში ვინ შემადგმევიანებდა
ფეხს... აქ იყვნენ ჩოხოსნები, ხანჯლოსნები, სერთუკიანები... ვხედავ-
დი თათქარიძეებს, სოლომონ მორბელაძეებს, ტარიელ მკლავაძეებს,
ქავკავაძის არჩილებს, კესოებს... თავადი დავით ნიჟარაძე „თოფი-
თა და ჭინჭილით“ ბუმბერაზულად გამოიყურებოდა, ტელმაკ გუ-
რიელი თავისი გაჩეჩილი თმით, ფაფანაკით, მოკლე ჩოხით, გადაგ-
დებული ყაბალახით და მესტებიანი პატარა, ფეხებით კოდალას
ჰგავდა, ლეჩხუმელი ოქროპირი — იასონ გელოვანი პათეტურად
შლიდა თეთრი ჩოხის სახელოებს, ხიკოკია თაყაიშვილი უშნოდ
აწოწვილიყო და... ენამახვილობდა...

მე კი ქანდარიდან გადმომეყო თავი და გაკვირვებული ეუც-
ქეროდი ამ განსაცვიფრებელ ადამიანთა გროვას. ამდენი თავადი,
ამდენი აზნაური ჩემს სიცოცხლეში არ მენახა..

ისმის ხმაური, ყვირილი, დავა... გუბერნიის მარშალი, სვიმონ
წერეთელი, რევაზ ბაკურაძე — ძლივს აწყნარებენ კრებას.

მესმის ვიღაც მოხუცი ლაპარაკობს, მერე გავიგე, რომ ჭაფა-
რიძე იყო; „75 წლისა ვარ და ასეთ ამბებს არ მოვსწრებივარ, არ
ეიცი, სიზმარში ვარ თუ ცხადში. ახლანდელ მდგომარეობაში დამნა-
შავენი ახალგაზრდები არიან, მათ ააღელვეს გლეხობა, მათვე უნდა
დააწყნარონ სოფელი, ამ 40 წლის წინათ ჩამოჰკრეს ზარი და გა-
ათავისუფლეს გლეხობა; დღეს მეორედ ჩამოჰკრეს ზარი და იძახიან:
გლეხებო, თქვენია ყოფა-ცხოვრებაო, ვინ იცის, ხეალ ეგება მესა-
მედაც ჩამოჰკრან და ცოლები, ან ქალიშვილებიც ჩამოგვართვან“...
(„ივერია“, № 55, 1905).

გაათავა მოხუცმა და შორაპნელი თავადი დ. იაშვილი — გა-
მოწვეპილი ტარიელ მკლავაძე თავზარდაცემული გაჰკივის ტრი-
ბუნიდან:

„ოჯახები მიგვიტოვებია, არ ვიცი, შინ ცოცხალი ჩავალთ თუ
არა“.

მომავონდა, გაზეთ „ივერიაში“ (ამ დროს ფილიპე გოგიჩაიშვილი იყო მისი რედაქტორი) დაბეჭდილი ერთი თავადის მიერ თბილისში, კრებაზე ნათქვამი სიტყვები: „ბატონებო, გლეხები ჩვენზე ძალას ხმარობენ, ჩვენც ძალით უნდა შევეგებნეთ, ისინი ამბობენ, — ჩვენ არავითარი ძალის არ გვეშინია, ძალა ვერ გაგვაჩერებსო. მაგრამ უნდა დაუშუქიყოთ, რომ ჩვენც შეგვიძლია, ჩაეპქროთ ეს მოძრაობა; ჩვენ უნდა მივიღოთ სასტიკი ზომები, მთავრობას უნდა მოვთხოვოთ, რომ ჭარი მოგვეცეს ამ სტიქიური ძალის მოსასპობად“ („ივერია“, № 20, 1905).

— ომი უნდა გამოუეცხადოთ, — გაპკივის იქვე თავადი დ. ჩოლოყაშვილი.

— გლეხების საწინააღმდეგოდ თავადებს ქუთაისსა და თბილისშიც ერთი ენა აქვთ, — ვფიქრობ მე... ამ დროს ისევ იაშვილი გამოდის სცენაზე და ასე მეტყველებს:

— პირადად მე ხალხის ამალელებლებს არ ვიცნობ, — ეს კი ვიცო, რომ მისი წამქეზებლები ისევ სერთუქოსნები არიან. ხალხთან ყოველთვის ერთობა გქონდა (ალბათ, ექსპლოატაციის ნიღაბზე. ვ. ხ. —) ამ ორი წლის წინათ ერთი მსახიობი შეიქნა ავადყველა დაეხმარა, ზოგმა თუმანი გაიღო, ზოგმა 5, ზოგმა 3 მანეთი, ზოგმა უკანასკნელი მანეთიც კი შესწირა და რა გამოვიდა ამით? მორჩა თუ არა, აი, აქ, ამ სცენაზე ისეთი წარმოდგენების მართვა დაიწყო, რომ სულ სამარეს გვითხრიდა თავადაზნაურობას“.

ეს მსახიობი იყო ელადიმერ მესხიშვილი. რომელიც იქვე იჯდა ლოჯიაში და თავისი აპოლონ ბელეფერის მშვენიერებით ზიზღით გაპყურებდა ულუაშებაპრეხილ ჩოხოსანს, რომელსაც ქანდარა უსტვენდა, პარტერი ტაშს უკრავდა, ხოლო „სერთუქოსნები“ იგივე თავადები, მაგრამ ლიბერალურად განწყობილი ინტელიგენტები, — ექეილები, ექიმები და სხვ. — დარცხენილი და გაწითლებული უსმენდნენ, ზოგი მათგანი სიბრაზით კბილებს აკრაპუნებდა, „მამათა სიშიშვლის“ გამო.

როგორ შეგვეარცხენინეს ჩვენმა მამებმა!.. ჩვენ ქვეყნისათვის ავტონომია გვინდა მოვითხოვოთ და ესენი საქვეყნოდ თავს გვეკრიანო, — გაისმოდა მათ შორის.

„მამათა და შვილთა“ ნამდელი ოღი იყო, — „ქარაშხალი კრქა წყალში“, თანაც მესხიშვილის, ამ ეროვნული დიდების წინაშე, — ბოდინს იხდიდნენ.

— ნუ გეწყინებათ, აპატიეთ, ჩვენი მამები ძველი ხალხიაო.

სიტყვების ლამაზი ლეჩაქით ფარავდნენ მამათა სიშიშვლეს პატრიარქ ნოეს ორი შვილის მსგავსად.

მესხიშვილი კი სპასუხო სიტყვას მოითხოვეს. მაგრამ ნებას არ აძლევენ, არც თავადი ხარ და არც აზნაურიო. არტისტი ცხარობს,

წყრება, ნამდვილი ზევსია, თვალთაგან ცეცხლს აფრქვევს და თითქმის ძალით იკერს ტრიბუნას...

რა სანახაობაა... გაცეცხლებული აპოლონი: თეთრი ზამბახებით შემკული თავი, გაშლილი შუბლი, წარბებად ისრები, თვალთაგან ცეცხლი...

ქანდარა ოვაციებს უმართავს „შიელები“ — სერთუკოსნები — ლირიკულად სცემენ ტაშს, მათები ბუზღუნებენ, თავმჯდომარემ არ იცის, რითი იმართლოს თავი... „გუბერნატორმა თუ გაიგო“, — ჩურჩულებენ ნიჟარაძეები, წერეთლები, გელოვანები, გურიელები...

...და აი ალაპარაკდა მშვენიერება, ამეტყველდნენ მესხიშვილის ბაგენი... უცებ სამარისებური სიჩუმე მყარდება.

— ბატონი იაშვილი მაყუედრის, — ლაპარაკობს მესხიშვილი, — რომ ჩვენ ფული შევეუკრიბეთ ჩვენს არტისტს, მოვარჩინეთ და ის კი ისეთ წარმოდგენებს მართავს, რომ თვალდაზნაურობას სამარეს გვითხრისო, მოგახსენებთ, ბატონო იაშვილო რომ მე აზნაურობას არ ვეკუთვნი! მე ვეკუთვნი მთელ ერს! ფულს კი არ ვემსახურები, არამედ სცენას, ჩემს რწმენას და ვერავითარი სასყიდლით ვერაფერ ვერ მიყიდის და ვერ მათქმევინებს იმას, რაც ჩემს რწმენას ეწინააღმდეგება. ალბათ, იაშვილს „კაი გრაციხი“ აქვს მხედველობაში. მერე რა ეთქვი მე ამ პიესაში? დავანახვე თვალდაზნაურობას მისი ნაკლოვანებანი, მისი გონებრივი და ზნეობრივი სილატაკე? მისი არარაობა დღევანდელ ცხოვრებაში... (ყვირილი, არ ალაპარაკებენ, რამდენიმე ხნის შემდეგ მესხიშვილი ლაპარაკობს)—აი, თქვენ შეკრებილხართ საერთო საკითხის გადასაჭრელად. აქ ბევრი წინააღმდეგია დღევანდელი ბიუროკრატიული წესწყობილებისა და კიდევ გამოსთქვამს თავის აზრს, მე წინააღმდეგი ვარ, მაგრამ მე აქ ლაპარაკის ნება არა მაქვს, საპასუხო სიტყვასაც კი არ მანებებენ; მე კი, რა შემძლია გითხრათ თამამად: თვალდაზნაურობამ დაკარგა თავისი მნიშვნელობა, იგი თავისი საქციელით ხშირად წინააღმდეგია დღევანდელი მოძრაობისა, იგონებს რაღაც უმნიშვნელოს და ვიწრო საშუალებებს და ფიქრობს ამით განმათავისუფლებელი წინსვლა შეაჩეროს... თქვენ თუ კავშირი და მოქმედება გინდათ, შეუერთდით ხალხს საერთო მტრის წინააღმდეგ გასალაშქრებლად, — აი ნამდვილი და უებარი წამალი. სამი დღე კრებები იმართება და ყვირილის და არეულობის მეტი არაფერი გაგიკეთებიათ, ეს თქვენი თხოვნები და პეტციები ერთ გროზადაც არა ღირს, ყველაფერი ფუქია. აი, ამას გეუბნებით მე დღეს აქ, ამას გეტყვით მე ყოველთვის იქ, სადაც ჩემი ნამდვილი ასპარეზია, სადაც წმინდა მოვალეობა მიმიწევს, — აი, ამ სცენაზე... ახლა ხომ ხედავთ. რა ძლიერი ყოფილა აქედან წარმოთქმული სიტყვა, როგორ დაუწევს გული ზოგიერთისათვის. დიად, ეს სიტყვა ყოველთვის ძლიერი ყოფილა და იქნება, ვიდრე თქვენი

უსუსური ლაპარაკი, მესხიშვილი კიდევ შეგაკრებინებთ ფულს, როცა მართალი სიტყვის გაგონება მოგიხდება სცენიდან“¹...

... და მესხიშვილის აბობოქრებული ზევსური სახეც მოსწყდა ტრიბუნას, შეწყდა აპოლონის მეტყველება...

რომ იცოდეთ, რამდენი სიძლიერე და სილამაზე იყო ამ, მართლაც სილამაზის მატარებელ ადამიანში. ასე მგონია, ახლაც მესმის მისი ხვერდოვანი ხმა, რომელმაც ასეთი სიძლიერით იცოდა უსაზღვრო გულისწყრომის აღმოთხევა... არა მგონია, რომ ქართველ თავადაზნაურობას ამაზე საშინელი სიტყვა მოესმინოს თავისი ისტორიის სამარცხვინო გზაზე.

ათასჯერ მოვეოლილვარ ამ ამბავს და ყოველთვის ასე დამისრულებია:

— ახ, ნეტავი თქვენი თვლით გენახათ ამ დროს მესხიშვილი!

ახლაც ამ სიტყვებით მივმართავ ამ სტრიქონების მკითხველს...

მხატვრული ლიტერატურა 1905 წელს

1905 წლის რევოლუციასთან დაკავშირებული ლიტერატურა სამ ნაწილად უნდა გაიყოს. პირველ ნაწილში შევა რევოლუციის წინა წლები, მეორეში — თავად რევოლუციური ხანა და მესამეში — რევოლუციური ეპოქის მომდევნო წლები.

ეს იქნება აღებული პერიოდის ლიტერატურის ქრონოლოგიურად განხილვა. მაგრამ ამ თვალსაზრისის გვერდით აუცილებელი იქნება მეორენაირი მიდგომაც, რომლის მიხედვით მთელი ხანა ვერტიკალურ განკვეთილობაში უნდა წარმოვიდგინოთ. ქრონოლოგიური თვალსაზრისის მიხედვით ჩვენ იძულებულნი ვიქნებით თანდათანობით აღვნიშნოთ ის ლიტერატურული მოვლენები, რომელთაც ადგილი ჰქონდა განსაზღვრულ ხანაში, ხოლო ამავე ხანის ვერტიკალურად განკვეთა ასეთნაირად გვესმის: როგორ ასახეს რევოლუციური ეპოქა ძველმა, უკვე დასრულებულმა და ცნობილმა მწერლებმა და, მეორე მხრივ, რევოლუციის პროცესში რაგვარ ახალ ძალთა გამოსვლას ჰქონდა ადგილი: ვინ და რომელი წრის ადამიანებმა მოჰკიდეს სამხატვრო კალამს ხელი და რა ლიტერატურული ღირებულება შექმნეს მათ?



მე-19 საუკუნის ქართული ლიტერატურა 1905 წლის რევოლუციის წინ საბოლოოდ ჩამოყალიბებული იყო.

¹ ურ. „მოგზაური“, № 15, 1905; აგრეთვე, ვაზ. „ივერია“, № 55, 1905.

ჩვენი მწერლები ილია ჭავჭავაძის მეთაურობით მშრომელი ხალხის ინტერესების სადარაჯოზე იდგნენ და მხატვრული თხზულებებითა და პუბლიცისტური წერილებით ამხელდნენ ცხოვრების მანკიერ მხარეებს, რითაც რაზმავდნენ მშრომელ ხალხს უსამართლობის წინააღმდეგ.

1905 წლის რევოლუციის წინა პერიოდში რევოლუციურ მოწოდებად გაისმა დიდი აკაკის ჰანგები. იგი აღტაცებით მიეგება დიდ სახალხო მოძრაობას და მხატვრული სიტყვით ეხმარებოდა მშრომელ ხალხს.

გარდა ეროვნული საკითხისა მე-19 საუკუნის ქართული ლიტერატურა სოციალურ საკითხებსაც გვიშლიდა თვალწინ. როდესაც მეოცე საუკუნის მიჯნაზე ვდგებით და ერთგვარ შეჭამებას ეახლდებით, უთუოდ უნდა ვალიაოთ, რომ ქართულმა ლიტერატურამ ამ დარგშიაც უდიდესი მუშაობა გასწია და მისი საზოგადოებრივი ფუნქციაც პირნათლად შეასრულა.

ჩვენმა ლიტერატურამ თავის დროზე მხატვრულად ასახა ახალი ეკონომიკური ვითარება, სოციალური დიფერენციაცია, ადამიანთა სხვადასხვა სახეები. გ. ერისთავის კომედიებში (50 წლები) მძლავრად გაისმის ახლად ფრთებგაშლილი ბურჟუაზიული კლასის ახმაურება.

დაწყებული მუშაობა განაგრძეს ანტონოვმა, არდაზიანმა და კონქაძემ. ეს გზა სამოციანი წლების აქეთაც მიმდინარეობს გ. წერეთლისა და ევნატე ნინოშვილის შემოქმედებაში. 70--80-იან წლებში რუსული ლიტერატურისათვის მთავარ საგანს ახლად განთავისუფლებული გლეხი შეადგენდა. ეს მომენტი ჩვენმა ლიტერატურამაც წარმოგვიდგინა ხალხოსანთა სახით. ანტონ ფურცელაძის, რაფიელ ერისთავის, სოფრომ მგალობლიშვილისა და ნიკო ლომოურის შემოქმედება ფრიად მნიშვნელოვანი ღირებულების შემცველ მომენტებს წარმოადგენს ქართული ლიტერატურის ისტორიის გზაზე. ამ ჯგუფის მწერალთა ზეგავლენით იწყებენ მხატვრულ შემოქმედებას ი. დავითაშვილი, ნაწილობრივად ალ. ყაბეგი, ვაჟა-ფშაველა, ეკ. გაბაშვილი, შ. არაგვისპირელი, დ. მეგრელი და სხვები.

თავადაზნაურული წოდების სრული გაღარიბების ცოცხალი სურათი მოგვცეს დავ. კლდიაშვილმა, მელანიამ და სხვ.

იოსებ დავითაშვილის შემოქმედება იმ მხრივ არის აღსანიშნავი, რომ მან სისწორით გადმოგვცა ახლად ფეხადგმული მუშათა კლასის სულიერი მისწრაფებანი და მით იგი პროლეტარული მწერლობის ნაადრევ მერცხლად უნდა ჩაითვალოს.

1905 წლის რევოლუციის მოახლოება ქართულმა მწერლობამ ადრე იგრძნო, პირველ მერცხლებად უნდა ჩაეთვალოთ იროდიონ ეედოშვილი და ია ეკალაძე. ეედოშვილის ლექსები რევოლუციონურ

ცეცხლს აჩაღებდა სახალხო განმათავისუფლებელი მოძრაობის გარეგანად. მუშათა წრეებში, ოჯახებში სკოლებში, სცენაზე და რევოლუციონური ინტელიგენციის რიგებში ალტაცებით კითხულობდნენ მის ლექსებს. ია ეკალაძის მოთხრობებიც დიდ გავლენას ახდენდა ამავე წრეებზე; 1904 წელს მისი მოთხრობების პირველი კრებულის გამოსვლამ ალტაცება გამოიწვია რადიკალურად მოაზროვნეთა შორის.

მოკლედ რომ აღვნიშნოთ, განვლილი საუკუნის ჩვენმა ლიტერატურამ თავისი ძალ-ღონის მიხედვით უსათუოდ პასუხი გასცა ხალხისათვის საჭირობოროტო საკითხებს და ამით პირნათლად შეასრულა თავისი ფუნქციონალური დანიშნულება.

არც ერთი, ასე თუ ისე მნიშვნელოვანი საკითხი არ გამოპარვია მათ ყურადღებას: თავადაზნაურობის გადაგეარება — გაღარიბება და ბურჟუაზიული ურთიერთობის მოელინება, დიფერენციაცია გლეხთა წოდებაში, მუშათა კლასის ანოძრავება და სხვ. საკითხები თავის დროზე იქნა მხატვრულად ასახული. ასე რომ, დაკვირვებული მკვლევარი პირველი რევოლუციის წინადროინდელ ჩვენს ლიტერატურაში საკმაო მასალას იპოვის, ყველა იმ მტკივნეულ საკითხს, რომელიც განვლილმა საუკუნემ წამოაყენა და გადასაქრელად უანდერძა მომავალს. როდესაც თქვენ კითხულობთ რაფიელ ერისთავის ლექსს

„— ე შავი მიწა მაინც რომ
სასყიდლად არა მქონოდა,
შავ სამარემდინ — რა ეყო —
მე რაღა დამაღონებდი“, —

აუცილებლად მოგაგონდებათ ის გლეხი, რომელსაც ბატონყმობის გაუქმებამ ვერაფერი შესძინა და რომ რ. ერისთავის გლეხების გვერდით ეგ. ნინოშვილის კაცია მუნჯაძეები და გოგია უიშვილებიც იყვნენ თავიანთი უუფლებობისა და უმწეობის მოსასპობად გამოსულნი. ხოლო ყველა ამათ წინ უსწრებდა ი. დავითაშვილის მუშა-პროლეტარის ცხოვრების ამსახველი სურათები.

ჩვენ მიერ მიღებული გეგმის თანახმად ჯერ შევჩერდებით იმ ლიტერატურულ პროდუქციაზე, რომელიც ძველი მწერლობის ზოგიერთმა წარმომადგენელმა შექმნა რევოლუციის პროცესში, მერე კი შევვხებით ახლად აზვირთებულ ცხოვრების ტალღებში წარმოშობილ მწერლებსა და მგოსნებს.



როგორც ქრონოლოგიურად, ისე პროდუქციის ღირებულების მხრივ ყურადღებას იქცევს აკაკი წერეთლის პოეზია. აკაკი თავიდან-

ვე დემოკრატიულად განწყობილი მწერალი იყო: მეფის თვითმპყრობელურ რეჟიმს სალიტერატურო ასპარეზზე გამოსვლიდანვე კიცხავდა: ასეთი განწყობილება ოთხმოციან წლებში უმადლეს ხარისხამდე ავიდა, ამ წლებში დაწერა მან თავისი ცნობილი „ხანჯალი“, რომელსაც დაბეჭდვა მხოლოდ პირველი რევოლუციის ხანაში ელირსა. გარდა ამისა მას ეჭავრებოდა ის წოდებაც, რომელიც ცარიზმის დასაყრდენი იყო. მე ვლადიმერს მგოსნის წოდებაზე, ე. ი. თავად-აზნაურობაზე. ამ წოდების როლი აკაკის უკვე გათამაშებულად მიიჩნდა და მომავალში მისგან არაფერს გამოელოდა. ამიტომ იყო, რომ ჯერ კიდევ 1902 წელს აკაკი ასე ამღერდა:

„მაგრამ ვხედავ მომავალში
გამოსულა მუშად ერი,
ერთმანეთთან შეთანხმებით
ძლიერი და ბედნიერი.

გზა გაქაყანს და ხილსაც აგებს
სისხლითა და ოფლით რწყულსა,
და მომავლის მოიშედვ,
აღარ იმჩნევს წულულად წულულსა..
გამარჯვება ნამდვილ მუშებს,
ეაშა, ეაშა მომავალსა..
ის ასწორებს დღევანდლობის
გამრუდებულ გზა და კვალსა“.

აკაკიმ ინსტიტუტურად იგრძნო ახალი ღროის მოახლოება და ალტაცებით თქვა:

„ჩვე: ცისარტყელად მესახვის
იწედი მომავლისა:
წყარო, შეიდგერი, შეიდძალი,
ტკბილად ამხელი თვალისა.

იქ ვხედავთ მეთაურებსა
კანგამოცვლილად სუვეელას,
როგორც ყოფილსა მყრალ ჳიად
აბრეშუმისა პეპელას..

აღარ არიან მათ შორის
კოკოლიკ-ტეტრეველები,
რომ მოშმეთ გასაყარცვავად
ააფათურონ ხელეში.
მათ ნაცელად სსეები ჩაბმულან
მეთაურ მოწინაედეო... და სხვ.

რევოლუციის წინა წლებში მგოსანი თავის თავს ცეცხლით მქშინავ მთაზე გრძნობდა, მისი მხატვრული ალლო ამჩნევდა, რომ

საქართველოში ახალი განწყობილება ჩამოყალიბდა და ახლოა ის დრო, როდესაც სოციალური მიწისძვრა უნდა მოხდეს. და აი, გაისმა თუ არა პირველი გუგუნე, აკაკიმ 1905 წლის 6 მარტს ამოიძღვრა:

„ამ დღეს ველოდი, მოვეწარა!..
ვიცინი, აღარ ესტირი მე!
ახალგაზრდებო, აწ კი თქვენ
გამოდით, თქვენი ჰირომე!..
ბუერი რამ მოთქვამს... რომ მეთქვა,
დავიმახინჯე პირი მე!..
ახლა არ გვგლეჯენ ენასა, —
სთქვით რამე, თქვენი ჰირომე!
„ასწერ გაზომეთ და ერთჯერ
გამოსჯერთ“, ახლაც ვუვირი მე,
ნუ აჩქარდებით! ნურც შიშობთ,
განმტკიცდით, თქვენი ჰირომე!
ბუერი ვეცადე, ძირმწარეს
ვერ გავუთხარე ძირი მე,
ახლა კი თქვენი ჭერია,
დაძბარეთ, თქვენი ჰირომე!
კუბოს კარამლე მისული
რალა ვარ, განაწირი მე?
მაგრამ თან თქვენი იმედი
მოყუება, თქვენი ჰირომე!
ნუ გამოიტყუნებთ იმედსა,
ხომ ხედავთ, აღარ ესტირი მე!
დრო მოდის — ერთად ვიცინოთ!
ვიცინოთ თქვენი ჰირომე!

იმავე წლის ნოემბერში აკაკი ამბობს:

ასრულდა თითქმის, რასაც ენატრობდით
ჩვენ ამ ნახევარ საუკუნეში
და. როგორც სუამონ მოხუცებულსა,
შეც მომეფინა, მოხუცს ნუგეში.

მადლობა უფალს. მოვიდა წარღვნა,
რომ წაიღეოს უსამართლობა
და დაემკვიდროს ამიერიდან
შეება, თანხმობა, ძმობა, ერთობა.

ჩვენ არ შეგვიძლია მოვიყვანოთ ყველა ის ლექსი, რომელიც მგოსანმა დაწერა დასახელებულ ხანაში, მოვიყვანთ მხოლოდ ზოგიერთიდან თითო-ოროლა კუპლეტს. 1905 წლის დეკემბერში აკაკი წერს:

„ძირს. მთავრობავ უსამართლო
ველარ ვიტან გასაქირსო“, —

ყოველი მხრით გეძახიან:
„ძირს, მთავრობავ! აწ კი ძირსო!“
ხალხი იბრძვის!.. ხალხი ჰღელავს.
ველარ ასდებ აწ აღვირსო!..
ყოველის მხრით შეგძახიან:
„ძირს, მთავრობავ, ძირს და ძირსო!“

1906 წლის პირველ იანვარს მგოსანი ასეთი შინაარსის ლექსს აქვეყნებს „ინტერნაციონალის“ სათაურით:

„აღსდებ, ყოველი მხრის მუშავ!
გაიღვიძებ, პროლეტარო!
ჩვენვე უნდა მოვეპოვოთ
ჩვენს თავს აწ დრო სანეტარო!
უნდა მტერი დაეპარცხოთ,
ძალმომრევი, უსამართლო!
რა გვაქვს მასთან ჩვენ საერთო
საპირადო ან სამდალო?
ეს იქნება საბოლოო
შეტაკება მწარე ომი!..
და, თუ ვსძლიეთ, ჩვენთან ერთად
გაიხარებს ყველა ტომი.

მოცილილ ხალხის მუქთახორას,
ამ ქვეყნად რომ დაწანწალებს,
ნამუშევარს სტაცებს ღარიბს
და უკიდებს გულში ალებს,
უნდა დაესცეთ თავზე მებო,
გაურჯელად ვინც ნეტარებს!..
გაუმარჯოს მხოლოდ შრომას,
მუშებსა და პროლეტარებს!..
ყოველი მხრის მუშა-ხალხი,
დროა, შეეკრბეთ, ნუ გაქვთ შიში!
უნდა მელგრად მივიტანოთ
იმ ჩვენს მტერზე იერიში!“

კლასთა ბრძოლის არსი, მოძრაობის სოციალური მოტივები და მჩაგვრელისაგან განთავისუფლების გზები აკაკის არ ჰქონდა ზუსტად რევოლუციური თვალსაზრისით აღქმული. მისი მთავარი მიზანი იყო მეფის რეჟიმის დამხობა, ამ გზით საქართველოს განთავისუფლება. „შრომელი ერი“, აკაკის აზრით, ის ძალაა, რომელიც სამშობლოს დაიხსნის და „კავკასიონზე მიჯაჭვულ ამირანს“ გაათავისუფლებს.

„სიმაღ ავიღე კალაში,
ჩანგით მიემართე წერასა
და შეეუერთე ჩემი სვეც
გლეხისა ბედისწერასა“, —

ამბობს აკაკი „მოზუცის ნატურაში“ და თან ეიმედება, რომ ქართვე-

ლი გლეხი, მართალია, ჟერ კლასთა ბრძოლას აწარმოებს, მაგრამ

„ქართელი გლეხიც ასეა:
სიბნელით გაბრუებული,
ჟერ შინაურებს ეხლება,
რომ მოიფხანოს იქ გული.
მერე შეუბრუნებს გარეშეს,
შინვე რომ დაიგეშება
და მაშინ იხსნის თავს მხოლოდ,
მაშინ კი ენუგეშება.“

მაგრამ, ფაქტია, რომ პოეტმა პირველი რევოლუცია დიდი აღ-
ტაცებით მიიღო.

მეორე დიდი პოეტი, რომელიც სიხარულით მიეგება რევოლუ-
ციას, ვაჟა-ფშაველა იყო.

ვაჟა ხალხოსანთა მკვიდრი შეილია: მშრომელი ხალხი და მისი
ინტერესები მისთვისაც საყვარელი იდეალი იყო:

„გულს ნუ გამოიტებს ტანჯვაში,
მამყოფე შეუდრეკელადა,
ეფიქრობდე, მუდამ მზად ვიყო
დაჩაგრულების მკეცელადა.“

ეს სიტყვები და მრავალი სხვა, ვაჟა-ფშაველას ეკუთვნის. რე-
ვოლუცია ჩაგრულთა ამოძრავების პროცესია და, როცა ვაჟამ ეს
ამოძრავებული ელემენტები დაინახა, აღტაცებაში მოვიდა:

„ხმალს ლესავს ბერიკაული,
დაფიქრებული ძალზედა,
ქლესავს დიდრონი საღესით,
თან ცერთ გაღუსობს ფხაზედა,
დიღხანს ეკიდა კარხაზე,
არ გატანილა კარზედა,
შემკვარტილი აქვს ქარქაში
მტერი სღებია ტარზედა.“

ბერიკაული ვაჟას წარმოდგენით რევოლუციისათვის ამოძრავე-
ბული ადამიანია. ასეთივე პერსონაჟი დახატა მან პოემაში „მოლო-
დინი“. ბესო ქალაქში იყო სამუშაოდ, ღარიბი ცოლ-შვილი მოუთ-
მენლად მოელის მას, მაგრამ მის მაგიერ წერილი მოსდით ერთო-
ბაში მონაწილეობისათვის ციხეში ვზივართო. თავისი დამო-
კიდებულება რევოლუციისადმი ვაჟა-ფშაველამ ასე გამოთქვა:

„მათრია წუთისოფელმა
და მომათრია დღემდისა,
ნასეაში შხაში, ნაღველ
ღღეს, ვხედავ ტებება ჩემთვისა.
ფრთები შეისხა ოცნებამ,
მტკივანი წელი მიჩება,
“

თითო წელს ათასად ჩაეთელი,
რაც წარსულს გადაშირჩება.
ამერიიდან კალარაჲ
შაფეჲრად გარდაიქმნება,
პირჩება გულის წყლულები,
ჩჩება სნეული ოცნება.

პირველი რევოლუციის დროს სრულიად ჯანსაღად იყო და შე-
მოქმედებაც შეეძლო უკანასკნელ ხალხოსანს ს. მგალობლიშვილს,
რომელიც იმავე დროს თავის ჯგუფის მწერლებიდან ყველაზე უფ-
რო ორთოდოქსალური ხალხოსანი იყო. ს. მგალობლიშვილი ყოველ-
გვარ სახალხო მოძრაობას მშრომელ გლეხთა ინტერესების თვალ-
საზრისით უდგებოდა. ასე განკვირბა მან 1905 წლის რევოლუცი-
აც. პროლეტარიატი და მისი ხელმძღვანელობითი როლი მისთვის
ისე მიუღებელი იყო, როგორც რუსეთის სოციალისტ-რევოლუცი-
ონერებისთვის. 1905 წლის რევოლუცია ს. მგალობლიშვილმა ასახა
მოთხრობაში „ჯორ-ზაქარა“. ჯორ-ზაქარა ავტორის საყვარელი ტი-
პია, რომელიც ბატონყმობიდან მოყოლებული დაუღალავად იბრძ-
ვის მშრომელი გლეხობის დამჩაგვრელთა წინააღმდეგ. ის ხან მარ-
ტო იბრძვის და ხანაც ამხანაგებს შემოიკრებს, კლავს სოფლის ამა-
ოხრებელ მოურავს. აკაეშირებს გლეხებს და სხე. მისი რწმენით
„სოფელს ბევრი რამ შეუძლია, აბა სოფელი დაირხეს. შეინძრეს,
ხმა ამოიღოს, სიმართლე მოითხოვოს, თუ ყველა ეს შეწუხება არ.
მოსპოს, — ამბობს ჯორ-ზაქარა. უნდა ერთი პირობით შევიკრათ, —
განაგრძობს იგი, — უნდა გავერთიანდეთ მთელი სოფელი, როგორც
ერთი კაცი. შეგვაწუხებენ — შევაწუხოთ. დაგვეკრენ — დაგვკრათ“.
რევოლუციონერ ჯორ-ზაქარას მხარში უდგანან სოფლის ღარიბებიც.
პუბლიცისტურად განწყობილ ავტორს ბევრი შავი საღებავი აქვს
ნახმარი მეფის მთავრობის და მისი აგენტების დასახასიათებლად,
ქება-დიდებას უძღენის თავისუფლებას, შრომას, ძმობას, ერთობას...
მაგრამ, როგორც ვთქვით, მგალობლიშვილი გლეხობის მეტს ამ
ბრძოლაში ვერავის ხედავს, თანაც არც ისე ძლიერი მხატვარია, რომ
ძლიერი შთაბეჭდილება დატოვოს.

ია ეკალაძის ზრდა პირველი რევოლუციის წინა წლებში დას-
რულდა, სხვა მწერლებზე მეტი ამ ხანაში მას უნდა მოეცა. თუმცა
ეს ასე არ მოხდა, მაგრამ, რაც მან მოგვეცა, მისი შემოქმედებიდან
ჩანს, რომ ხალხის მთავრობისადმი სიძულვილი მან კიდევ უფრო გა-
აღრმავა და გაააღმასა. აღსანიშნავი რევოლუციონური ალტყინების
დროს ეკალაძის მიერ დაწერილი „შვილი მუშა ბოქულაძისა“. გრ.
ორბელიანის „მუშა ბოქულაძე“, როგორც ვიცით, მშვიდობიანად
განწყობილი მუშაა, სოციალურ უკულმართობას, მართალია ხედავს,
მაგრამ ამ შებრძოლებას აქ არ უპირებს და საიქიოს მოგთხოვ პა-

სუხსო — ეუბნება თავის შემავიწროვებელს. სულ სხვაა ეკალაძის შვილი მუშა ბოქულაძისა, რომელიც რევოლუციის ქარიშხალს რევოლუციონურად გარდაუქმნია და ბრძოლის ველზე გამოსული ასეთ ყიყინას სცემს:

„ნუ მიუჩრებ ვგრე გაკვირვებითა,
გაეიცანი ჩემი თავი აწი მე.
შრომის ოფლით ვაწმენდილს და გაბანულს,
მანუგეშებს მომავალს სიამე,
ნუ იჩაჩები, შებრალებას არცა ვთხოვ“ და სხვ.

თავის მამასავით სოციალური უსამართლობის გადაქრა მას ზეცაში არ გადააქვს, იგი თავიდან თეხებამდე მიწიერი არსებაა და საკითხსაც რეალურად აყენებს. ია ეკალაძემ ამ მუშის სახით უსათუოდ ეპოქის შესაფერი ტიპი მოგვცა.

დუბუ მეგრელიც, რომელსაც საკმაოდ ღვაწლი მიუძღვის ქართული დემოკრატიული ლიტერატურის წინაშე, ასე ეხმაურება ეპოქას:

„სისხლის ღერა... ისევ სისხლის ღერა,
ტანჯვა ვაება, ტირილი,
შეორეთ მოსვლის დღესა ჰვავს,
ქვეყნად ბატონობს სიკვდილი.
და ჩვენც ვნუგეშობთ, რომ დიდხანს
ვერ გასტანს ეს დ'ო შევბნელი.
რომ შესცელის მალე დღე-ღამეს,
გამობრწყინდება ნათელი“.

თედო რაზიკაშვილი, — ვაჟას ძმა, — რომელიც თავიდანვე დემოკრატიულად იყო განწყობილი, ასე მიეგება რევოლუციას:

„რალა დროს ტყბილი ხეზია,
და ან მყეფარე ბელბული,
ყოფნა-არყოფნის საკითხსა
უპყრია ჩვენ სულ-ველი“ და სხვ.

აი, თვალსაჩინო ადგილებში იმ შემოქმედებიდან, რომელიც მოგვეცეს რევოლუციის წინა დროს მწერლებმა. ვერ ვიტყვით იმას, რომ ახალი დროის ტიპები და რევოლუციის მამოძრავებელი ძალები კონკრეტულ სახეებშია მათ მიერ დახატული. მაგრამ ის კი აშკარაა, რომ ისინიც გატაცებული იყვნენ მშრომელი ხალხის ამოძრავებით და თავიანთ გატაცებას ლირიკის სახით გვაძენებდნენ.



ენახთო რანაირად მიმდინარეობდა უახლესი ქართული მწერლობის წარმოშობის პროცესი პირველი რევოლუციის წინაშე.

როდესაც ცხრაას ხუთი წლის ქართულ ჟურნალ-გაზეთებს ათ-ვალეირებთ, თქვენ ხედებით აუარებელ მელექსეთა სახელსა და გვარს, თითქმის ყოველ ნომერში ათავსებენ ლექსებს, თუ პატარა მოთხრობებს. სად წავიდა ამდენი პოეტი, რატომ ვერ შერჩინენ ლიტერატურას? თითქმის ყველა მათგანი თითო-ორიოლა ლექსს წერს და მერე ქრება? ამის მიზეზი, ჩემი აზრით, ისევე იმავე რევოლუციის ორომტრიალს უნდა მივაწეროთ. რევოლუციური ქარიშხალი მებრძოლს აფორიაქებს და ათრთოლებს, ზოგი ბარიკადებისკენ გარბის, ზოგი ხმაღს ლესავს, ზოგი კიდევ ყველაფერს ერთად აკეთებს: ბარიკადებზედაც იბრძვის, აგიტატორიცაა, ლექსებსაც წერს, თოფსაც იმარჯვებს და ვინ იცის, კიდევ რა... მოზღვავებული გრძნობა ათასნაირად იჩენს თავს. აზვირთებული ენერგია კლდე-ღრეს ედება, ამოძრავებული აზრი ათი ათას ნაკადებად იღვრება...

დამჭდარი ფიქრებისთვის არავის სცალია: რომ მოიცალო კიდევ, სინამდვილე არ მოგაცლევინებს. ყოველგვარ გეგმას ჩაგიშლის, შენს ოცნებას სხვადასხვაგვარად ცვლის, ერთი საათის უკან დაწყებული საქმე უკვე მიგიგდია და სხვას ეპოტინები, გუშინდელ აღმა ნახნავს, დღეს დაღმა ფარცხავ...

ასეთ მდგომარეობაში არის ყველა ის პოეტი, რომელიც ამ დროს მოქმედებდა ქართულ პრესაში. მათი დიდი უმეტესობა ახლად გამოჩეკილია და სასელიოუპოვებელი, პეპლებივით დაბორობალობენ. ხან ერთ ყვაილს ამოსწუწნიან და ხან — მეორეს, დიახ, ასეთია მათი ბედი, თუმცა... ეპოქას მაინც ახასიათებენ და მოვლენის მთლიან სახეს მაინც იძლევიან. მაგრამ არა თითოეული მათგანი, არამედ ყველანი ერთად, კოლექტიურად აღებულნი, ერთი ერთს მომენტს იძლევა, მეორე — მეორეს, მესამე — მესამეს, ანდა ერთმანეთს ბაძვენ და იმეორებენ, მაგრამ, ვიმეორებ, საერთო ჯამში მაინც რევოლუციას ახასიათებენ. გავიცნოთ მოკლედ ის კოლექტიური სურათი, რომელიც მათმა შემოქმედებამ მოგვცა რევოლუციის ქარტეხილში, გავიცნოთ ამ ზღვაში გადაეარდნილი კენკის ბედის მქონე პოეტების სახელი და გვარები, თუ ფსევდონიმები. — მუშა სარქისა სოციალ-დემოკრატიულ გაზეთ „ლამპარში“ — წერს:

„შეირცა მუხა ძველ დროის,
ველარ იკიდებს ფესვებსა,
ფურცელი ცვივა ნელ-ნელა,
ჩქარა დაუშვებს ტოტებსა;
ძირი ეხმება, ეერ გასძლებს,
რაც გინდ დაუსხან წყალა,
ქვეშ მყოფებს ძლიერ სჩაგრავდა,
არც არის შესაბრაღა...“ და სხვ.

ლადო დარჩია იმავე მიმართულების „ელვა“-ში ასეთ სტრიქონებს უძღვნის გარდაცვალებულს მებრძოლს:

„როს სისხლის წვიმა წაუკეთეს ქვეყნად,
საცა კი არის მტარვალთა ბინა,
ის ეშაფოტი მათე დაეღმის,
ვინც სამუდამოდ შენ დაგაძინა.
როს აუვაელება ჩაგრულთ სამყარო,
როს გაისარებს ქვეყნად ყოველი,
წითელ ასოთი ჩააწერება
ისტორიაში შენი სახელი“.

გაზეთ „ივერიის“ ფურცელზე ილია ამბობს:

„ბნელ ქვეყანას, გაქვავებულს
მზემ მალდიდან სხილი სტყორცნა
და მშობლურის სიყვარულით
ჩაეხეია, გარდაუკუნა...“

იქიდანვე გაისმის ბ. პელაშვილის მოძახილი:

„ტანჯულ ხალხის დრომა მალა
აფრიალდა, გაიშალა,
მტანჯველთ უნია ჯაანასონ
ტანჯელმა აღეს თავის ძალა“. და სხვ.

„ლამპრის“ ფურცელზე გი-გი იმედოვნებს, რომ:

„არ გამქრალა, არც გაქრება
ღველფში ლევის ნაკერცხალი,
ახლო არის ის მომენტი,
რომ ავარდეს ცაში ალი.
მტერო, კენესით რომ დამჩხავი,
დაგისხია ცეცხლზე წყალი,
დანთხულმა შენგან სისხლმა
თერთ აღაგზნო ნაპერწკალი“.

დ. ნინოწმინდელი სოციალისტ-მედერალისტების გაზეთ „ცნობის ფურცელში“ წერს:

„ახმაურდება ქვეყანა,
ხმას გასცემს კიდე-კიდესა,
იღსდექით, შრომის შვილებო,
სიბნელე იხდის რიღესა.
სინათლე მოგცემთ იმასა,
რასაც ისურვებთ გონებით
და გაიხარებთ, დასტებებით
თქვენი ნაშრომით, ქონებით“.

ლადო ახობაძე ასეთ სურათს ხატავს:

„ქარიშხალია... ძრწის ქვეყანა, ჰენესის შთა-ბარი,
ცა იმეხება, ზოცა გრიალით ასკდება ნაპირს,

მწარე ნანინას დაღრიალებს ქარბუქი ველად
და კენესით მოსთქვამს ხალხის ტანჯვას, ხალხის გასაქირს.
როგორც ქუ ვეფხვი, მრისხანებით საეცე გრივალი
თავს დასტრიალებს ამაყად მდგომ ბუმბერაზ მთასი,
ქვეყნის პირიდან აღგვას უქადს ქედმოუდრეკელს
და საბძოლველად იორკეცებს თვის გულის თქმასა.

ქუთათურ სოციალ-დემოკრატიულ გაზეთში „შიკრიკი“, კან-ლო-
ნის ასეთი ლექსია მოთავსებული:

„წინ, წინ გასწი მხნედ და მეღვრად.
არ უხარო მტარვალთ ქელი,
დე, გესროლონ მათ ისრები,
გაგიგმირონ თუნდ გულშეკრდი!“

თუ კი გესმის ჩაგრულ ხალხის
იღუმალი გულის ძვერა,
ან თუ შეგწევს ძალა ბრძოლის,
გსურს სიმართლის დროშის ჰერა,

წინ, წინ გასწი წინსვლაშია
მებრძოლისა მხოლოდ ძალა.
ვამა, ვამა მას, ვინც თავი
მთლად განთიადს ანაცვალა!“

გადასახლებაში მყოფი იზიძე ასე ესალმება „ლამპრიდან“ ამ-
ხანაგებს:

„შორს მყოფი, თქვენი რაზმელი,
გულით მოგიძღვნი სალაშსა,
გამარჯვებულსაც ეხედავდე
თქვენს დროშას, თქვენსა ძალასა“. და სხვა.

გარდა აქ მოყვანილი მელექსეებისა, ლექსებს თუ ესკიზებს
ათავსებდნენ 1905 წელს შემდეგი ავტორები: ა. განჯისკარელი, დ.
კორღელი, ზაზანაშვილი, ა. ქელიძე, დ. ჭოლეველი, ესმაშვილი,
გ. უბედური, ქიტერა კეთებაშვილი, იყალთოელი, დონ-ლანი, კირვა-
ლიძე, გ. ჭაბაური, გ. ლადოშვილი, ფონ-ტეფო (ნოზაძე), არტო
და სხე.

ახლა გადავიდეთ ისეთ პოეტებზე და მწერლებზე, რომელთაც
დაახლოებით ამ ხანებში დაიწყეს წერა და დღემდის შერჩნენ ქარ-
თულ ლიტერატურას და ჩვენს მწერლობაშიაც დიდი თუ პატარა
ადგილი მოიპოვეს, ზოგი მათგანის სახელი ლიტერატურას შერჩა,
თუ შერჩება, ზოგი კი ლიტერატურის ისტორიის მასალად გადაქცე-
ულა. ვეცდებით დავიცვათ დაბეჭდვის ქრონოლოგიურობა, მოგე-
ყავს მათი ლექსებიდან ზოგიერთი დამახასიათებელი ადგილები.

კოტე მაყაშვილი გაზეთ „ივერიაში“ ბეჭდავს ასეთ ლექსს:

„შეინძრა მკედარი ქვეყანა,
სულთქმა აღმოებერა შეეზისა,
და ზღვიდან ზღვამდე გაისმა
ხმა ტბოლი სასოებისა.
ბარად მოვიდა ამბაი;
შეთქმულან ყველა მთანიო,
და დაუხსნია ტყვე-ქმნული
ძლიერი ამირანიო.
ინგრევა ტახტი მაგარი
წყელიადის დროშის მკერისო.
ამირან მოდის, ამირან,
მოდის და მოიძღერისო;
წინ ბრძოლის ველზე, ეაუკაცნო!
ბუერი რამ მოგვიომენია,
მაგრამ მოგვხედა ბედმა და
აწ გამარჯვება ჩვენია!“

დ. თომაშვილი სიხარულით ამბობს:

„მოდით, ძმებო, მეგობრებო,
ერთმანეთი გადაუკონოთ
და ერთობის ძლიერი ხმა
ხმელეთს მოედოთ, მთას შვერტყორცნოთ.“

იალონი (იასამანი) სოციალ-დემოკრატიული „მოგზაურიდან“:

„ჩაგრულთ დროშა სულ წინ მოაქვთ
შესახვედრად განთიადის,
მეზრძოლთ გრგვინა, მძლეთამძლე ხმა
პარსა ძრავს, ცამდე აღის“.

**იმავ ორგანოდან კ. გოგოლაძე — რევოლუციის ასეთ სურათს
ხატავს:**

„ზღვა კი ქებს, გრგვინავს, გრილებს
ცას სწვდება ზვირთთა ქუხილი,
შავ ძალებს კლდეზე ახეთქებს,
ისმის ბრძოლა და დულილი“.

**ფ. რუშაველი (ფ. მგელაძე) პატიმარ მუშის ანდერძს ასე გად-
მოგვცემს:**

„მაშინ ჩემო გულის სატრფოვ,
მომიგონე მეგობარი,
მოირბინე ჩემს საფლავზე
მზიარული, გულით მტკბარი,
მქუხარე ხმით ჩამომძახე:
მედგრად დაესცეთ მტერს თაუზარი
და ბორკილი დაეამტვრიეთ,
დღეს მონობა აღარ არის“.

ვარლამ რუხაძე გაზეთ „ელვაში“ წერს:

„მტარვალ შემოგვესია
მთლად ბორბტებად ქცეული.
აგვიკლო, აგვაწიოკა,
არავის გვინდობს წყეული.
სახლარი გადაგვიბუგა,
თუ რამ გვებადა, წაკვართვა,
მშიერ-ტიტველნი დაგვეარა,
გვაწაშა, ტყავი გაგვართვა.
მაგრამ ამაოდ... ჩვენ ვიღრე
ძალი და ღონე გვექნება,
სულ ვებრძოლებით ბორბტ სულს,
გული არ შეგვიშფოთდება“.

ნ. ზომლეთელი (ნ. ქურიძე) „ლამპრიდან“:

„მტვერში და სისხლში მოსერილი
და გაჩეხილი /შუაზე,
გულში სიციცხლით აღსაესე დღეს პირქვე
გღია ქუჩაზე.
რა მოხდა? უსამართლობის და გარყენილების მცველები
გმირს თავს დაესხნენ და გულზე დააკრფინეს ხელები.
სიშართლის მღალადებელსა მოაკუშშვინეს პირია.
მაგრამ იცოდეთ, მტარვალნი, ქვეყნად კვლავ ბევრი გმირია“.

პოეტი ქალი, განდეგილი „ცნობის ფურცელში“ ათავსებს „ინტერნაციონალის“ თარგმანს თუ გადმონაკეთებს:

„აღზღუქ, ბედისგან განაწირალო,
მთელი სამყაროე მშიერთ და მონათ...
პირქვე დაეაშობთ ძალმომრეობას,
იმის საფუძველს ვაქცევთ ნაყარმტვრად,
ახალ ცხოვრებას .შეკქმენით და იმას,
ვინც არაა იყო, ვაქცევთ ყველაფრად“.

იასამანი — იმედით ამბობს:

„ღე, ჩავიდეს დღის მნათობი,
მელამურად მთვარე გვრჩება,
თანეე ახლავს პირფარეში
და ურიცხვი ვარსკვლავთ კრება.
„დღეს გმირები საქმანოა,
ერთს ამწყვედევენ — ასი რჩება,
ეგ ბუნების წესი არი,
მტკიცე კანონმდებულება“.

ბეგლარ ახოსპირელი — „ცნობის ფურცელში“:

„მაგრამ გრიგალო, გრიგალო,
სხივი ჩანს გაზაფხულისა,

დაიქე-დაიგრიადე,
მოგეკალ წელელი გულისა.
ცაე, სისხლის წვიმა დაუშეო,
აუბლ-ქაჭთ სტუორცნე გენია!
აღზდექი, ქრისტეე, და შენთან
აღზდგეს, რაც აღსადგენია.“

სოლომონ გოშაძე „ცნობის ფურცლის“ დამატებაში:

„დაჩაგრუნო, ყველა ერთად
მო, შემოკრბით მოედანზე,
შეუაჩენოთ, ეინც კი ჩვენგან
შორს დაღვება, ივლის განზე.
აქ საქვეუნოდ სიმართლის ხმა
ვ. გვიწინით ვამცნოთ კილით კიდეს,
რომ შტრის ქვაგულს შორიდანვე
შენის ზარს და თრთოლუას ჰგერიდეს“.

იროდიონ ეედოშვილი, რომელიც ამ ხანებში თითქმის ყველა
პოეტზე ნაყოფიერი იყო, იმავე გაზეთის დამატებაში ამბობს:

„უალზე შემდგარა ცისკარი,
ლიმილით გასცქერს განთიადს,
შეწერა ზეწარს აფარებს
მქუხარე ღამის ხეაშიადს.
იფეთქა აღმოსავლეთშიც,
წითელი დროშა გამალა
და თავისუფალს აზირანს
სხიეები გადააყარა“.

1906 წლის 9 იანვარს, ერთი წლის უკან პეტერბურგის ქუჩებ-
ში მომხდარი ტრაგედიის მოსაგონად დ. თომაშვილი (დ. ოყრეში-
ძე) ასეთი შინაარსის ლექსს ათავსებს „ცნობის ფურცელში“:

„სალამი თქვენს სულს. თქვენს წმინდა აჩრდილს,
სისხლდანთხეულნი ბრძოლისა ველზე
და ზეარაყ მსხვერპლად შეწირულებო
შაჰისუფლების საკურთხეველზე!“

მეტეხში მჭლომი დ. მეჩონგურე (დათიკო ქარცივაძე) ბოლშე-
ვიკურ გაზეთ „დროში“ ატირებული დედის სახეს იძლევა:

„ისევ სტირის... ცხარე ცრემლი
მშობლის თეალებს არ შორდება.
წყვეტას უთვლის თავის მტერსა
და ხელები უთრთოლდება.
აღარა ყავს თავის პირში
იმედი და სასოება;
გამოსტაცა მტარვლის ხელმა,
ჩაუშწარდა მას ცხოვრება“.

კატო მიქელაძე „ცნობის ფურცლის“ დამატებაში წერს:

„ზღვა ღელაეს, მზისა სხივებმა
გაჟფანტა ბნელი, წყელიადი,
გადაფარა მიღამოს
ოქროს ზეწარი ღიალი.
კლდე იძერის, მისი ფესვები
ქანაობს, ძირში ირყევა,
ზღვა ღელაეს, შინა სვაეების
საცაა ჩამოინგრევა.
ცა პირმცინარე ვლეარებს,
გაუღის ბზინვა, კრიალო,
ზეცაში ზარის რეცვა,
ჩიტებმა იწყეს ფრთხიალი“.

ასეთია ის მოზაიკური სურათი, რომელიც დაგეხატებათ, როცა გაეცნობით 1905 წლისა და ნაწილობრივ 1906 წლის ქართულ პერიოდულ გამოცემებში მოთავსებულ ლექსებს, როგორც სახელის და გვარების გამოცნობიდან დაეინახეთ, ზოგი აქ მოხსენიებული პოეტი მხოლოდ ერთხელ თუ ორხელ გამოჩნდა გაზაფხულის პეპელასავით და მერე სადღაც გაქრა, ზოგი კი დღესაც მაგრად დგას ჩვენს მწერლობაში.

ეს, როგორც უკვე გვქონდა ნათქვამი, ეპოქის თრთოლვით აიხსნება. ამ გარემოებითვე აიხსნება აგრეთვე ის უდავო ფაქტიც, რომ ეს პოეტი (თუ მელექსენი) ისე გვანან ერთმანეთს, როგორც ორი წვეთი წყალი: თითქმის ყველა ერთ ხმაზე მღერის, ყველას ერთი ენა და სტილი აქვს, ყველა აგიტატორია, ლოზუნგებს ეძიებს მასე-ზის საორგანიზაციოდ და თვითმპყრობელობის შაეად დასასურათებლად. ბევრ მათგანს პოეზიის ნიშანწყალიც კი არ სცხია, მაგრამ მიუხედავად ამისა, თითოეული ზევით მოყვანილი სტრიქონი თავის დროზე უდიდეს სოციალურ მოვალეობას ასრულებდა: ხელს უწყობდა მშრომელთა შეკავშირებას, აძლიერებდა ცეცხლის ალს და შავ ძალასთან ბრძოლის წყურვილს; მარტო ამ თვისებისათვის ეს პოეტები ღირსია იმისი, რომ მათი სახელი, თუნდაც თითო-ოროლა სტრიქონი იცოდეს დღევანდელმა ჩვენმა თაობამ.

მაგრამ სურათი არ იქნებოდა მთლიანი, თუ პროზაიკოსებსაც არ მოვიხსენიებდით. ამავე ეპოქაში ნიკიერ-მწერლად იყო მიჩნეული რევოლუციის წინა წლებში სალიტერატურო ასპარეზზე გამოსული მწერალი ქალი ნატ. აზიანი (დონდაროვა), რომელმაც რევოლუციის პერიოდში „მოგზაურში“, „დროში“ და სხვა სოციალდემოკრატიულ გაზეთებში მოათავსა შხამიანი ენით დაწერილი სატირები. ყურადღებას იპყრობდა ნინო ნაკაშიძე, რომელმაც ამ ხანებში დაწერა დროის შესაფერი მოთხრობები: „სალდათი“, „მოვალეობა“ და სხვ. ნაყოფიერად მუშაობდა აგრეთვე პ. ირეთელი (პ. კალანდა-

ძე), რომელმაც დაწერა: „დედა“, „ოცნება“, „საზიზღარნი“, „შავი მიხა“, „მარო კი ელოდა“, „უკუღმართი დამე“ და სხვა მრავალი.

რევოლუციას ემსახურებოდა ნარკანი (ნიკო კურდღელაშვილი), რომელმაც ამ ხანებში დაწერა შემდეგი ბრძოლის ცეცხლით სავსე ესკიზები: „ამაყი სული“, „ნეტავ მოეკლათ“, „თავისუფლება“, „ლაჩარი“ და სხვ.

მოსწრებული კალმის პატრონი იყო ს. ყიფიანი, რომელმაც „ივერიის“ ფურცლებზე მრავალი ესკიზი მოათავსა. ეს ესკიზები შემდეგ ცალკე წიგნადაც გამოვიდა „წერილი მოთხრობანის“ სათაურით.

მოთხრობებს თუ ესკიზებს წერდა მარიამ გარიყული, არტისტი ვალერიან შალიკაშვილი, ს. პართენაშვილი, იონა თლულელი (იონა ბელიაშვილი), განდევილი, ელფთფერიძე, ელპიტიშვილი, ნ. ყიფიანისა, ს. ციმაკურიძე და სხვები. დროის შესაფერ მოთხრობებს თარგმნიდენ: ი. ხირსელი, ნატ, გიგაური, თედო სახოკია, ალექსანდრე ლომთათიძე, კოწია ჭაფარიძე, ზ. ედილი, დათიკო ჩადუნელი, მიხ. კინწურაშვილი, გიუნაშვილი და სხვ. მელექსეებიდან აღსანიშნავი არიან: რ. ბებიაშვილი, დარია ხუნდაძე, მელიტონ გობეჩია, სპირ. ქელიძე, ჩხერმელისპირელი (ილია ფერაძე) და სხვ. ამავე ხანაში იწყეს წერა დღევანდელმა პროლეტარულმა მწერლებმა გ. ხეჩუაშვილმა და შ. ნავთლულელმა. გ. ხეჩუაშვილის, რომელმაც ცხრაასიან წლებში დაიწყო „ივერიაში“ მწერლობა, ამ დროს რამდენიმე წიგნაკიც კი ჰქონდა გამოცემული.

გარდა 1905-6 წლის ეურნალ-გაზეთებისა, ეპოქის დასახასიათებელ მასალებს ჩვენ ვეძებთ აგრეთვე თვითმპყრობელობის ცენზურის ნაშთებში, რომელიც ცენტრალურ არქივში ინახება. მეფის მიერ დაყენებული აზრის ქალათების ნასაქმევში მრავალი მასალა მოიპოვება მაშინდელი პრესის დეენისა და შევიწროვების შესახებ; როგორც მასალებიდან ჩანს, განსაკუთრებით იდევნებოდა რევოლუციური მოძრაობის ქრონიკულად გადმომცემი ცნობები და პუბლიცისტური წერილები. მთავრობა დევნიდა აგრეთვე მხატვრული შინაარსის მასალებსაც: ლექსებს, სურათებსა და სხვ. ერთ საქმევში ინახება ირ. ვედოშვილის ლექსი „ვაი ჩვენს თავს“:

„ეშმაკები ლოცულობენ,
გულს ჰკიდიათ ავგაროზი,
ვაი, ჩვენს თავს, ვაი, ჩვენს თავს,
ავად არის ტარტაროზი.
სიცხე მისცა ორშაბათსა
და სამშაბათს შოუმატა,
არ ეშველა, თუმც შესწირეს
სამსხვერპლოზე შავი კატა.“

იმის შემდეგ ხელმოკრულ
 მოიწვიეს ქაჩთა დასი,
 ზოგს უჭირავს სველი ტილო,
 ზოგსაც მოაქვს ოქროს თასი.
 ზოგი მაწას, ზოგი შუბლსა,
 ზოგი გულზე ადებს ხელებს,
 ყველას გარედ ისტუმრებენ,
 ვინც ხმამალა ჩაახველებს.
 მიჯნომ რაც დღე-ღამე მოდის,
 ანთ სუსტდება ავადმყოფი,
 სიცა არის დაობლდება
 აოქოხეთის სრა სამყოფი.
 ეშმაკები ზარს ამბობენ.
 გულს ქვილიათ ავგაროზი,
 ვაი, ჩვენს თავს, ვაი, ჩვენს თავს,
 კვდება, კვდება ტარტაროზი"...

აკრძალულია და საქმეებში ინახება პოეტი ქალის განდევნილის
 ლექსი პროზად: „ამოეიკენესე“, ცენზურას შეუჩერებია აგრეთვე
 საბავშვო ჟურნალის „ნაკადულის“ ნომერში მოთავსებული ლექსი
 „პატიმარი“, რომლის ავტორი ვილაც „ნ-ური“-ა. აი ეს „ქვეყნის
 დამაქცევარი“ ლექსიც:

„საით იყავი, ჩიტო ლამაზო,
 და სად რა ნახე გასახარელი?
 მითხარი ჩქარა, ჩემო მალხაზო,
 შემომწოლია გულზე ნაღველი.
 მარტოდმარტო ვარ... მხოლოდ კედლები
 ხედავენ ჩემს დარდს, ჩემს მწუხარებას,
 და ვგრძნობ მათ შუა ისე მოკვდები,
 რომ ველარ ენახე თავისუფლებას"...

ვასო გადილიას აუკრძალეს ლიბკნეხტის „ობობა და ბუზიდან“
 გადმოკეთებული „ორი არსება“. მასვე აუკრძალა გამოეცა პლენა-
 ნოვის, ლასალის, სპირიდონოვას ქალისა და სხვების სურათები.
 მთავრობას აუკრძალავს აგრეთვე ბრადიაგას (ერაძე) „ვირი და მუ-
 შა კაპიტალისტურ წესწყობილებაში“ გამოცემა, ვანო მოხევეს, ნი-
 კოლოზ (იგივე გილა) ლუდუშაურის ლექსთა კრებულსაც „ამონაქ-
 ვნესი“ შავი ბედი სწვევია: მუშათა კლასის კაპიტალისტების წინა-
 აღმდეგ წამქეზებელად უცენიათ და დაუჭერიათ ლუდუშაური. რო-
 გორც სტამბა „გუტენბერგის“ პატრონის იოსებ ფურცელაძის გან-
 ცხადებიდან ჩანს, ლუდუშაური ყაზბეგიდან ყოფილა და 1909 წლის
 იანვარში მოუკლავთ. ასეთივე ბედი სწვევია ფოთში გამოცემულ
 კონსტანტინე ქანტურიას ლექსთა კრებულს.

აკრძალულია აგრეთვე იალონის „ჯარისკაცის სიმღერა“, ხოლო
 მგოსანის აკაკი, ლექს „ინტერნაციონალისათვის“, რომელიც „პა-
 ტარა გაზეთში“ იყო მოთავსებული, სამართალშია მიცემული.

ცენზურას აუკრძალავს აგრეთვე ევგენი დვალის ლექსები.

დასასრულ ერთ მომენტზე აუცილებლივ უნდა შევჩერდეთ: ესაა კლასობრივი ელემენტის ცხადყოფა ჩვენს მწერლობაში. რევოლუცია კლასობრივი ბრძოლის უაღრესად გამწვავების ხანაა. კლასები იბრძვიან, როგორც იარაღით ხელში, ისე იდეოლოგიურად. გამოსახა თუ არა ჩვენმა ლიტერატურამ მოცემულ ხანაში თავისი კლასობრიობა? იყო თუ არა, დღევანდელი ენით რომ ვთქვათ, მემარჯვენე და მემარცხენე ფრონტი? ჰქონდა თუ არა რევოლუციის მიღება — არმიღებას ადგილი?

რასაკვირველია, თავადანაწარობა საკმაოზე მეტიც გვყავდა. ბურჟუაზიაც მოგვეპოვებოდა, მაგრამ მნიშვნელოვან პოლიტიკურ ძალად ჩამოყალიბება არ მომხდარა. მართალია, ზუბიკო აბლუშენიშვილი თავისი შავი რაზმით მედგრად ებრძოდა თავადობის წინააღმდეგ ამხედრებულ ქართლის გლეხობას, გიორგი ამილახვარიც შეიარაღებულ ჩაჩნებით ცდილობდა თავის ფეოდალურ ციხე-კოშკების და ხოდაბუნების დაცვას; ისიც მართალია, რომ ჩვენი ქვეყნის ბურჟუებიც კადეტებისებური პარტიის შექმნაზე ოცნებობდნენ (სოსიკო მერკვილაძე 1907 წელში „საეპრო გაზეთსაც“ კი სცემდა მათ შესაკავშირებლად), მაგრამ ყოველივე ეს სრულიად უმნიშვნელო შავი წერტილები იყო აბობოქრებული პროლეტარიატისა და მშრომელი გლეხობის წინააღმდეგ. ეს რევოლუციის მამოძრავებელი ძალები მჭიდროდ იყვნენ დაკავშირებული რუსეთის მუშებსა და გლეხებთან.

ამასთანავე ისიც უნდა ვიცოდეთ, რომ თვითმპყრობელობის ჩამოგდებას სიხარულით ეგებებოდა აგრეთვე წერილობტურუაზიული და ნაწილობრივ გადატაკებულ თავად-ანაწარობიდან გამოსული რადიკალური ინტელიგენცია: ექვილების, ექიმების, მასწავლებლობის და სხვა ჯგუფების სახით.

მთელი რევოლუციის სიგრძეზე საქართველოში რამდენიმე პოლიტიკური პარტია მოქმედებდა, ეს პარტიები თავის შესაფერ სოციალურ ფენებთან იყვნენ დაკავშირებულნი და, მაშასადამე, რევოლუციას სხვადასხვანაირად აფასებდნენ: ზოგი მისი გულწრფელი მომხრე იყო, ზოგი ფარისევლური, ზოგი საბოლოოდ ღებულობდა მას, ზოგიც სანახევროდ. ამ ნიადაგზე სამკვდრო-სასიცოცხლო ბრძოლა იყო მათ შორის მაშინდელი ურწანალ-გაზეთების ფურცლებზე, დაუნდობელი ბრძოლა, რომელიც ხანდახან მახინჯ ფორმებსაც კი ღებულობდა... მაგრამ, მეორე მხრივ, გაკვირვებთ შემდეგი უტყუარი ფაქტი. კითხულობთ ამა თუ იმ მიმართულების გაზეთებში მოთავსებულ ლექსებსა თუ მოთხრობებს და გოცებთ ერთი გარემოება: ეს ნაწარმოებები ორი წვეთი წყალივით გვანან ერთმანეთს და გარჩევას მათ შორის ვერ პოულობთ, თითქმის ყველა ერთი ენით

ლაპარაკობს: მთავრობას წყველის და კრულავს. შეე ძალებს აძაგებს, მუშათა კლასს, საზოგადოდ მშრომელებს და ჩაგრულებს თავგამოდებით ექომბაგება, — „მაღე მზე გამობრწყინდებაო“ — ყველა ერთად გაიძახის...

მაგრამ გაიარა თუ არა რევოლუციის დღესასწაულმა და აღფრთოვანებამ, წამოყო თუ არა რეაქციამ თავი, მაშინვე გამოჩნდა ლიტერატურაში კლასობრივი ფიზიონომია, გამოირკვა, ვის რა უნდოდა და ვინ რას გამოელოდა ამ მოძრაობიდან.

საქართველოს სინამდვილეში რევოლუციური მოძრაობის ჰეგემონი პროლეტარიატი და მშრომელი გლეხობა იყო სოციალ-დემოკრატიის ხელმძღვანელობით. დანარჩენი პარტიები და მათი დასაყრდენი საზოგადოებრივი ფენები, რომელნიც სრულებითაც არ იზიარებდნენ მუშათა კლასის სოციალურ და პოლიტიკურ პროგრამას, კბილის ღრქენით ურიგდებოდნენ საერთო ქართველის დროს მის ბატონობას, მაგრამ დამარცხდა თუ არა რევოლუცია, მაშინვე თავი წამოყვეს პროლეტარიატის კუდში იძულებით მომყოლმა პარტიებმა და რევოლუციის დამარცხება სოციალ-დემოკრატიულ პარტიას გადააბრალეს. თქვენმა სექტანტობამ და საერთო სამოქმედო პლატფორმაზე ხელის აღებამ, გვაკუმბინა დამარცხება: თქვენ ჩვენი ჩჩევა რომ დაგეჭერებინათ, კლასთა ბრძოლის მაგიერ თანხმობა გექადაგნათ, ამ გზით თვითმპყრობელობას შეეებრძოლებოდით, გამარჯვება უსათუოდ ჩვენი იქნებოდა, ავტონომიას მოიპოვებდა საქართველო და რეაქციაც ფეხს ვერ მოიკიდებდაო, — ასე ღალატებდა საქართველოს ზოგი მამულიშვილი.

სად უნდა ვეძებოთ ამ გალაშქრების მთავარი მიზეზი? რასაკვირველია, კლასობრივ ურთიერთობაში. პროლეტარიატი და მისი პარტია, უპირველეს ყოვლისა, მჩაგვრელთა კლასობრივი მტერი იყო. ჩვენს მიზანს არ შეადგენს რეაქციის დასაწყისიდანვე სოციალ-დემოკრატიის წინააღმდეგ მიმართული ბრძოლის ეტაპების გადმოცემა, იმ ბრძოლის, რომლის დროს პროლეტარიატს ორ მხრივ უტყვედნენ: ერთი მხრივ, საზოგადოების ზედა ფენები თავის წვრილბურჟუაზიული და თავადაზნაურული ინტელიგენციით და, მეორე მხრივ, ფეხმომაგრებული თვითმპყრობელი მთავრობა. ჩვენი მიზანია, ვაჩვენოთ მკითხველს, თუ რა სახით გამოისახა ეს ბრძოლა მხატვრულ ლიტერატურაში. მუშათა კლასის იდეალების წინააღმდეგ აშკარა გალაშქრება ჩვენს მხატვრული ლიტერატურაში არ მომხდარა, მაგრამ პარტიზანული ხასიათის ბრძოლებს უსათუოდ ვხვდებით.

1906—7 წლებში დაწყებული პოლიტიკური და ნაწილობრივ საზოგადოებრივი რეაქცია საქართველოს პირობებში განსაკუთრებული სიძლიერით მიმდინარეობდა. მუშათა და გლეხთა მასები ურყევად იღვწენ რევოლუციის იდეების სადარაჯოზე. რეაქციის ბოროტი ძალებში ჩაქედილი ქართველი მუშა და გლეხი დადუმებული იყო და აშკარად ვერ მიემართა ბრძოლის იმ ფორმებისათვის, რომელსაც ისინი ხმარობდნენ რევოლუციის დროს. სამაგიეროდ, ამ ერთადგილზე დგომის დროსაც ამ ფენების წიაღში წარმოებდა რევოლუციის შედეგების მკაცრი ანალიზი: დამარცხების მიზეზების შესწავლა, რევოლუციის მამოძრავებელი იდეების ყოველმხრივ აწონდაწონვა, არსებულ ვითარებაში გარკვევა და სხვ. ამავე დროს ეს კლასი უდიდეს საზრდოს აძლევდა მისი წიაღიდან გამოსულ ახალი დროის მწერლებს.

რევოლუციის დამარცხების შემდეგ საქართველოში ფრიად ცხოველ ლიტერატურულ მოძრაობასთან გვაქვს საქმე; შეიძლება ვადაპკრით ითქვას, რომ რეაქციის ხანაში, ვიდრე თებერვლის რევოლუცია მოხდებოდა, მთელი ქართული ლიტერატურა 1905 წლის იდეების ზედგაელენით მიმდინარეობდა.

რეაქციის ხანაში გულისწყრომით აღსავსე ლირიკა ბასრი თარალი იყო და ჩვენი პოეტებიც შეუჩერებლად აღვივებდნენ „ქეთილშობილურ გულის რისხვას“ მტარვალთადმი, მაგრამ ახალი ცხოვრების ეპიკურად გადმოცემაში უსათუოდ მოიკოკლებდნენ: ი. ევლოშვილის, ვ. რუხაძისა და სხვების რევოლუციონური რომანტიკა ჩამოყალიბებულ პლასტიკურ პერსონაჟებს ნაკლებად იძლეოდა, მათი ლექსები ხშირად რევოლუციონურ რიტორიკას წარმოადგენდა მუშისა და გლეხის შესახებ, თითონ მუშა და გლეხი კი ან მკრთალად გამოჩანდა, ანდა მის მაგიერ თითონ პოეტი გველაპარაკებოდა.

ეს ნაკლი ბელეტრისტიკამ შეავსო. ი. გედევანიშვილის „მსხვერპლში“ და „გამცემში“ ასახულია ახალი ტიპები — გლეხური და ინტელიგენტური, რომელნიც ახალ ვითარებაში და ყოფაცხოვრებაში არიან წარმოშობილნი. ლეო ქიაჩელმა რომან „ტარიელ გოლუაში“ 1905 წელი საკმაო სიფართოვით მოგვცა. იგივე ავტორი თავის რომანში „სისხლი“ ისევ უბრუნდება ქართველი ხალხის დიდი ამოძრავების ხანას და ცოცხალ ტიპთა მთელ რიგს იძლევა. ნიკო ლორთქიფანიძის შემოქმედებასაც რამდენიმედ მაინც რევოლუციის იდეები ასაზრდოებდა. ამის თავდებია „გზაშარაზე“. ბოლოს, ნებას მივცემ ჩემს თავს ქრონიკის წესით მოვიყვანოთ ერ-

თი კალმოსნის ნაწერთა სია. ეს ავტორი ჩემი ორეულია — ვ. მა-
ლაქიაშვილი. რომელმაც რევოლუციის წინ, 1904 წელს, ეურნალ
„მოამბეში“ მოათავსა ახალი დროის სუნთქვით გაყდენთილი მოძ-
რაობა „ლუკმა პურისტის“, რევოლუციის დროს დაბეჭდა რამდე-
ნიმე ესკიზი და რეაქციის ხანაში გამოაქვეყნა რომანი „შოთა
ბროლიძე“, შემდეგ „სამნი“ და მოთხრობათა მთელი რიგი. აქვს
აგრეთვე დროის შესაფერი ლირიკული ლექსები და რამდენიმე
პოემა. ხაზგასმით აღსანიშნავია შალვა დადიანის მწერლობა რევო-
ლუციის დროს და მომდევნო წლებში. ამ მწერლის კალამს ეკუთ-
ვნის რამდენიმე პიესა: „მღვიმეში“, „როს ნადიმობდნენ“, „გუშინ-
დელნი“ და სხვ. ამ პიესებში მოცემულია ახალი დროის დამახა-
სიათებელი ტიპები. დრამატურგიაში მუშაობდა საკმაო ნიქიტა და
წარმატებით აგრეთვე ტრიფონ რამიშვილი, რომელსაც ეკუთვნის
„მეზობლები“, „საბედისწერო დამბახა“ და სხვა პიესები. ამავე
დარგში მუშაობდნენ სიო ქანტურიშვილი, პ. ირეთელი, ნ. შიუკა-
შვილი და სხვები. ამ ბოლო ხანებში პირველი რევოლუციის დრო-
იდან რომანი დაწერა ს. თალაკვაძემ (1905 წ.), პ. საყვარელიძემ
„დაფანტული ფურცლები“.

განვიღო ეპოქაში ძლიერ ბელეტრისტად უსათუოდ ქოლა
ლომთათიძე უნდა ჩაითვალოს. ეს მწერალი ჯერ არ არის სათანა-
დოდ შესწავლილი და გავრცელებული. მისი მოთხრობები „სახრ-
ჩობელის წინაშე“, „პირველი მაისი“ და სხვ. თამამად შეგვიძლია და-
ვაცყენოთ გამოჩენილი ეპოქის მწერალთა ნაწერების გვერდით.

ლიტერატურა არის არა მარტო ფაქტი, არამედ ფაქტორიც.
იგი არა მარტო არსებულ პირობებში თამაშობს საზოგადოებრივი
ფუნქციის როლს, არამედ მომავლის ცხოვრებაზედაც ახდენს გავ-
ლენას და მძლავრი ორგანიზატორის სახით გამოდის. იგი უდიდეს
საზოგადოებრივი სკოლაა, რომელიც მიმართულებას აძლევს
ადამიანთა აზრსა და გრძნობას.

ეს როლი პირნათლად შეასრულა ახალმა ქართულმა ლიტერა-
ტურამ, რევოლუციის ხანაში იგი გვერდით ედგა მშრომელთათვის
თავდადებულთა გუნდებს და ბრძოლისაკენ მოუწოდებდა მათ. შავ-
ბნელი რეაქციის მძვინვარების დროს კი მომავალ ბრძოლებისათ-
ვის წრთენიდა მშრომელთ, უნერგავდა მძლავრ აზრებს და უღვი-
ძებდა სოციალურ გრძნობებს.



ლიტერატურასთან დაკავშირებით უნდა აღინიშნოს ქართული
თეატრის მუშაობაც. ჩვენი სცენა იდეოლოგიურად ქართული ლი-
ტერატურის მთავარ ნაკადთან იყო დაკავშირებული; რევოლუციამ-

დე თეატრი და მწერლობა ერთის გზით მიდიოდნენ. ეს გზა ეროვნული გოდების გზა იყო, გზა ნაციონალური რომანტიკისა. თუ ლიტერატურა „ბედი ქართლისას“, „ბაში-აჩუკებს“, „თორნიკე ერისთავებს“, „მეფე დიმიტრი თავდადებულებს“, „ხევისბერ გოჩებს“ და სხვა ამ უნარის თხზულებებს იძლეოდა ძლიერი პატრიოტული ლირიკის თანაბრად, ქართულ სცენაზე საგრად ჰქონდა ფეხი მომაგრებული ისეთ დრამატულ თხზულებებს, როგორც არის დ. ერისთავის „სამშობლო“, ვ. გუნიას „და-ძმა“, ა. ცაგარლის „ქართველი დედა“, ყაზბეგის „კონსტანტინე ბატონიშვილი“, სუმბათაშვილის „დალატი“, აკაკის „პატარა კახი“, „თამარ ცბიერი“ და სხვა. ამავე დროს ქართულ სცენას ძალიან მცირე ასპარეზი ჰქონდა და მისი გავლენაც ერთობ განსაზღვრული იყო. მუდმივი დასი მხოლოდ ტფილისსა და ქუთაისში იყო. ისიც აკადემიური ხასიათის. მაგრამ დაბერა თუ არა რევოლუციის ქარიშხალმა, ჩვენი თეატრიც მაშინვე შეირხა და მყისვე იწყო როგორც იდეურად გადახალისება, ისე ხალხის ფართო მასებთან დაკავშირება-დაახლოება. რევოლუციის პროცესში კი სცენა ნამდვილ პოლიტიკურ ტრიბუნას მოგვაგონებდა. ეს ტრიბუნა რევოლუციურმა ხალხმა ერთი ხელის დაკვრით დაიახლოვა და ცენტრების გარდა წარმოდგენებს ვხედავთ საქართველოს მიყრუებულ დაბა-სოფლებშიაც კი; გადაპარბებული არ იქნება, თუ ვიტყვით, რომ პირველი რევოლუციის ეპოქაში ჩვენს ქვეყანაში არ დარჩენილა არც ერთი ცოტად თუ ბევრად მნიშვნელოვანი დაბა თუ სოფელი, რომ წარმოდგენა არ გამართულიყო და დროის შესაფერი ლექსები არ წარმოთქმულიყო. განსაკუთრებით აღსანიშნავია საქართველოს მუშათა მოძრაობის ცენტრები: ქიათურა, ტყიბული, ფოთი, ბათუმი, არას ვამბობ თბილისსა და ქუთაისზე. ყველა ამ ადგილებში პროლეტარული ელემენტების ინიციატივით ფეხს იკიდებს დემოკრატიული ხასიათის თეატრი, რომელიც თავგამოდებით ემსახურება უმეტესად ხალხის პოლიტიკურ გათვითცნობიერებას.

კონ მუშაობს ამ ხანაში ქართულ სცენაზე? ჰიორითად მუშაებდა, რასაკვირველია, ძველ, დამსახურებულ. ქართველ არტისტებს ვხედავთ. ესენია ვ. მესხიშვილი, ვ. გუნია, კ. მესხი, ვ. აბაშიძე, შ. დადიანი, დ. ჩაჩკვიანი, ნ. ჩხეიძე, გაბუნიას ქალი, ვ. შალიკაშვილი, ნ. გვარამე და სხვები. მაგრამ ამათ გვერდით არაკვალიფიციური ძალებიც ამოძრავდნენ, რევოლუციურმა ტალღამ უხვად გამოიყვანა სცენაზე მუშები, მოწაფეები, სტუდენტები, მასწავლებლები და სხვა პროფესიის ინტელიგენტი. ყველა ესენი, სწადაც კი ხელი მიუწვდებათ მართავენ წარმოდგენებს, საღამოებს ღიერტისმენტით, ლიტერატურულ დილებს და სხვა. წარმოდგენები იმარ-

თება უცებ შეხანხლულ სცენებზე, სკოლებში, დარბაზებში და ხშირად ღია ცის ქვეშაც კი.

თეატრის დემოკრატიზაციამ და რევოლუციის გზაზე დადგომამ ერთნაირად გადაახალისა რეპერტუარიც: რევოლუციის ხანაში ქართულ სცენაზე ბატონობს: „ექიმი შტოკმანი“, „უან და მადლენა“, „ფეიქრები“, „კაი გრაკხი“, „ერნანი“, „ქოხში“, „წამხდარი სისხლი“, „მეზობლები“ — ტრ.რამიშვილისა, „მღვიმეში“, შალვა ლაღიანისა, „ძალა აღმართს ხნაეს“ — ვ. გუნიასი და სხვ. პიესებში პირველ ადგილას მასეების სოციალურ ზრდასა და ამოძრავებას ეხედავთ, დაგმობილია ძველი პარაზიტული წოდებები და კრიტიკის ცეცხლში ტარდება მათი დამცველი ბიუროკრატიული მთავრობები.

წერილები ლიტერატურის შესახებ

ზოგს ჰგონია, რომ პოეზია, ბელეტრისტიკა უსაქმურთა თავშესაქცევია, რეაქციის დროს გასართობი რამ არის, რევოლუციის დროს კი უნდა შეფობდეს მხოლოდ მიტინგი და ორატორი, აგიტაცია და აგიტატორი.

და ის კი დაეიწყებიათ, რომ პოეზია და საზოგადოდ ხელოვნება უდიდესი აგიტატორია, ამაზე ძლიერ გულის განმგმირავე და შთელი სულიერი ცხოვრების ამაფორიაქებელ სიტყვას ვერც ერთი ტრიბუნიდან ვერ გაიგონებთ. ხელოვნება უდიდესი ოწინარია ადამიანთა ცხოვრების წინ გასაქანებლად, ხელოვნება უდიდესი რევოლუციონერია.

„დიდი ხნის შეგუბებულს გრძნობას ეს-ლა აკლდა, რომ წამალსავეთ აფეთქებულიყო და მთიულის არსება მთლად აღეგზნო, თავდავიწყებამდის მიეყვანა.

— რას სჩადი-მეთქი? — გაბრაზებით განუმეორა ქალმა და ხელი გულთან მიაბჯინა. — რას სჩადი?

— იმას რო დავილიე. უშენოდ სიცოცხლე გამწარდა და ჩემი უნდა იქნა! — მათიამ ისევ მოზიდა ქალსა, რომელიც განთავისუფლებასა ცდილობდა. ცეცხლში ჩაგდებული ჩირალი ერთბაშად აენტო, იქაურობა გაანათა და მათიამ დაინახა შეშინებული სახე მზალოსი, რომელსაც თავი უკან გადაედო, თმა გასწეწოდა და თვალები გაბრწყინებოდა: შეხედა და გამმაგებამ უმატა.

— ჩემი უნდა იქნა, ჩემი! — ხმის კანკალით წამოიძახა იმან და ისე მოსწია, რომ ქალის ძელებმა ქახქახი დაიწყო. მზალომ დაიწივლა, მოქნილს სახრესავით მოიზნიქა და კაცი ჩააკლდა იმის სიცოცხლით საესე ტუჩებს.

— უსირცხვილოვ!... ნამუს დაკარგულო! ფუი შენს კაობას,—

ხმამალა წამოიძახა ქალმა და დაუმატა: — მაშ, შენთვის აღარც ნათესაობაა, აღარც ძმადნათესაობა!..“

იცი, ვის წინაშე აღმართა ამ სიტყვებით გამარმალებული ხმალი მათიამ? ის ეკვეთა ძველ დამყაყებულ ზნეჩვეულებებს და ტრადიციებს, პიროვნების დამაბრკოლებელ ზღუდეებს. აუჯანყდა აღ. ყაზბეგის იდეალს და კერპს — თემს, დაგმო კანონები ძმადნათესაობის შესახებ, ეძგერა „ნათესაობის მომგონთ“ და თვით ღვთის არსებობაშიც კი შეიტანა ეჭვი.

კითხულობთ ამ სტრიქონებს, თვალწინ გოდვას მათიას პოეტური და გულის წარმტაცი სიყვარული მზალისადმი და შენც წყევაკრულვით იხსენიებ თემს და უარყოფ ღმერთს. ხელოვნებამ გაგიტაცა, მოგაჯადოვა, მთელი შენი არსება გარდაქმნა.

და კიდევ იტყვის ვინმე — ხელოვნება არ არეველუციონერებს აღამიანსო? ხელოვნება არ არის უძლიერესი აგიტატორი?

ხელოვნება არა მარტო სინამდვილის სარკეა, არამედ უდიდესი იარაღია ცხოვრების უკულმართობასთან საბრძოლველად, ცხოვრების უარყოფითი მხარეების დახატვა და იმავე დროს, აქვე, განახლების ნაპერწკლების აღმოჩენა. ზიზღი — ბნელეთს, საღამი — განთიადს, წყევა და კრულვა მას, ვინც იდეალს შეურაცხყოფს; თავდადებით ბრძოლა იდეალური ქვეყნის გასამეფებლად! — აი უდიდესი საგანი და დანიშნულება ხელოვნებისა.

პიუგო ლაპარაკობს: „ხელოვნების მეოხებით ჩვენ ვიზიარებთ არა მარტო იმ რეალურ არსებათა ტანჯვა-სიხარულს, რომელნიც ჩვენს გარშემო ცხოვრობენ, არამედ იმათ ზვედრსაც ვინაწილებთ, რომელნიც ჩვენს შემდეგ იარსებებენ. ჩვენი მგობრობელობა ფართოვდება და გულში იხუტებს პოეზიის მიერ შექმნილ დაუსრულებელ ქვეყნიერებას“. ამიტომ, — დასძენს შესანიშნავი მწერალი, — ხელოვნება უაღრესად უწყობს ხელს ცხოვრების პროგრესსო.

პოლიტიკა და ხელოვნება, ბევრ რამეში ერთდებიან. ისე ხელოვნება ცდილობს, რაც შეიძლება, ღრმად შეარჩიოს და აამოქმედოს აღამიანი, როგორც პოლიტიკა, ისე ხელოვნება უნდა ცდილობდეს, რომ რამდენადაც შეიძლება ბოლომდის ამოსწურონ აღამიანის სული და გული და შეიცნოს მისი არსება. პოლიტიკასა და ხელოვნებას სხვადასხვანაირად შეუძლიათ გაანოყირონ ერთიმეორე: პოლიტიკას შეუძლია მისცეს ხელოვანს უაღრესად კეთილშობილური მასალები, ამოძრავოს თავდამავიწყებელი იმპულსები, ხელოვნებასაც თავის მხრივ შეუძლია ერთიათასად გააძლიეროს მებრძოლის ნებისყოფა, გაამდიდროს მისი სულიერი სამყარო, განუმტკიცოს რწმენა და ა. შ.

თანამედროვე კაცობრიობა უდიდესი ცვლილებების წინაშე დგას. საერთაშორისო ომმა ყველასათვის აშკარა ჰყო ბურჟუაზიუ-

ლი ურთიერთობის მოქველება და მთელი ქვეყნის ახალ საფუძველზე აგების აუცილებლობა. ამჟამად მთელი თავისი სიგრძე-სიგანით დღესავით ნათელია, რომ ამ საშინელი ომის შემდეგ იქნება არა მარტო პოლიტიკური ცვლილებანი, არამედ არსებული სოციალური ურთიერთობის შერყევა და შეცვლა. შეიძლება ჯერჯერობით სამუდამოდ ვერ დამარცხდეს ბურჟუაზიული საძირკველი, მაგრამ სასიკვდილო ლახვარი რომ ჩაეცემა, უეჭველია, — შემდეგი მისი არსებობა სასიკვდილოდ გამზადებულის აგონია იქნება.

მაშასადამე, ადამიანთა დასაყრდნობი ნიადაგიც მუდამ რყევაში იქნება, წინანდელ მყუდრო ცხოვრებას ბოლო მოეღება და მთელი კაცობრიობის მდგომარეობაც ისეთი იქნება, როგორც იმ მგზავრებისა, რომელთაც შორეულ მგზავრობის დროს სრულიად მშვიდი ზღვა მოულოდნელად აუღელდათ და ერთ დროს მათი თითქოს მძლავრი გემი, ახლა უმწუოდ მიჰყვება-მოჰყვება აღშფოთებულ ტალღებს, ნაფორივით ათამაშებს და როდის დაიღუპება არავინ იცის.

როგორ გამოიხატება ყოველივე ეს მომავლის ხელოვნებაში. რაგვარად აღბეჭდავს ადამის ძეთა გემის ასეთ საფრთხეში ჩაგდებას პოეზია, ამ სიტყვის ფართო მნიშვნელობით?

აი საინტერესო კითხვები, რომლებსაც მხოლოდ მაშინ გვეცემთ პასუხს, თუ ნათელი წარმოდგენა გვექნება წარსული დროის ლიტერატურაზე და საზოგადოდ ხელოვნებაზე. ისტორია უდიდესი მასწავლებელია აწმყოსა და მომავლის გასაგებ-შესასწავლად და ჩვენც ამ შემთხვევაში მას მივმართავთ.

თანამედროვე ევროპის საერთო განათლების განთიადზე ჩვენ ვხედავთ პეტარკას, ბოკაჩიოს, დანტეს. ეს იყო საშუალო საუკუნეების ზიწურულში და ახალი ისტორიის დასაწყისში. ამ ხანას აღორძინების ხანა, ანუ რენესანსი ჰქვია (XIII—XIV სს.). ამ ხანაში პირველად აღიმალა ხმა საერთო განათლებამ სასულიერო მოძღვრების — თეოლოგიის — წინააღმდეგ, უარყო გრძნობისა და აზრის შემოზღავი სქოლასტიკა და სასტიკი ომი გამოუცხადა ეკლესიის ავტორიტეტს, რომელიც გარდაუვალ ლოდად აწვა მთელ მაშინდელ კაცობრიობას; სამღვთო წერილის გარეშე აზროვნება არ შეიძლებოდა, ყველა უნდა ცდილიყო, რომ აქ მოენახა საჭირბოროტო კითხვების პასუხი და გარეშე სახარებისა ყოველივე ეშმაკეულისა იყო.

მას აქეთ ბევრი ბუმბერაზი მოაზროვნე წარმოშვა კაცობრიობამ, მრავალ მწვერვალსა ვხედავთ ხელოვნებისა და ფილოსოფიის სამეფოში. ამ მწვერვალებიდან ჩვენ მხოლოდ ორზე გვექნება ლაპარაკი: ერთია გოეთე — „ფაუსტის“ ავტორი. და მეორე — მუდამ მჭექარე და მოუსვენარი ბაირონი.

ჯერ ვილაპარაკოთ გოეთეზე.

მუდამ წყნარი, მუდამ მშვიდი და მასთან მუდამ პარნასზე შარავანდელით მდგომი გოეთე ბოლოს და ბოლოს მაინც ცოდვილი დედამიწის შვილად დარჩა, აგრე მხატვრულად და ხელოვნურად გამოთქმული მისი აზრები მაინც ცხოვრების ანარეკლი შეიქმნა, ვერც საბერძნეთის კლასიციზმით გატაცებამ უშველა დიდებულ მგოსანს და ვერც პარნასზე განსვენებამ. დიახ, გოეთესაც თავის ბეჭედი დასვა ცხოვრებამ, მაგრამ არა საერთო ცხოვრებამ — დაყენებულმა გარეშე ისტორიისა, არამედ განსაზღვრულმა დრომ, სახელდობრ მეთვრამეტე საუკუნის მიწურულმა და მეცხრამეტე დასაწყისმა.

ილია „მგზავრის წერილებში“ გოეთეს მყინვარს აღარებდა და ამბობდა: „ქვეყნის ყაყანი, ქვეყნის ქარიშხალი, ქროლვა, ქვეყნის ავ-კარგი მის მაღალს შუბლზედ ერთ ძარღვსაც არ აატოკებს. ძირი თუმცა დედამიწაზედ უდგა, თავი კი ცას მიუბჯენია, განზედ გამდგარა, მიუკარებელია“ და სსჯ. ასეთი თვალთ უყურებდა გოეთეს, იმ გოეთეს, რომელმაც გარეგნულად, მართლაც წყნარად და არა შილერივით თრთოლვით და ბაირონივით გრგვინვით გამოხატა განსაზღვრული დროის მისწრაფებანი. ძველი, ფეოდალური ქვეყნის ნიადაგი მეჩვიდმეტე საუკუნეში შეიჩრყა. ეს იყო ინგლისში, სადაც ამ დროს დატრიალდა უდიდესი რევოლუცია: მოვიგონოთ მეფე კარლოსის თავის მოკვეთა, პურიტანული დემოკრატიის დიქტატურა, კრომველის პროტექტორატი, მოვიგონოთ ამ დროს იდეოლოგიის წარმომადგენელი — შწვრლები და ფილროსოფოსები — ჯონ მილტონი... ჰობსი... და ჯონდოკი. პირველი კრომველის მალმერთებელია, მეორე რეაქციის წარმომადგენელია, მესამე რევოლუციას ამართლებს. ყველა კლასს ჰყავს თავისი იდეოლოგი.

ინგლისის ცხოვრების შერყევა დასაწყისი შეიქნა უდიდესი კატასტროფების. სოციალური მიწისძვრა ინგლისის შემდეგ საფრანგეთში გახშირდა. ეს იყო მეთვრამეტე საუკუნეში. ამ ძირითადი რყევის მახარობელი მერცხლებიც ბლომად მოველინენ მაშინდელ საფრანგეთს: მონტესკიე, რუსო, ვოლტერი და ენციკლოპედისტთა ბრწყინვალე კრებული. ფეხქვეშ ნიადაგშერყეული ადამიანი ტოკავს და თრთის, ღელავს და საბრძოლველად მიიწევს.

ამ ეპოქას რაციონალიზმის — გონების ბატონობის — ხანას უწოდებენ. საშუალო საუკუნეებში და რამდენიმედ რეფორმაციის დროსაც, გრძნობა ბატონობდა, ყველაფერი რწმენით უნდა მიგელო ხუცებისაგან, გონება უკანა კარებში იყო, ახლა კი, როცა პაპის ბატონობა შეიჩრყა, სარწმუნოების არტახებიც დაჯდა და წინ გონება წამოდგა, უკან კარებში გრძნობა მიბრძანდა. დღეს გონება მეფობს ყველგან, ადამიანი უძლეველ არსებადაა აღიარებული, ღვთის მაგიერ გონება გაღმერთდა, მხოლოდ და მხოლოდ იმას

უჯერიან, რასაც გონება დაამოწმებს, „მე ვაზროვნებ, მაშასადამე, მე ვარსებობ“ — ამბობს დეკარტე (1596—1650 წწ.).

შეირყა გერმანიის ცხოვრებაც, ჰქუხს შილერი, ქველმოქმედებს გოეთე, რომლის გენიალურ არსებაში თავს იყრის მთელი მაშინდელი აზროვნების მთავარი ნაკადულები.

გოეთეს „ფაუსტი“ ფოკუსია, რომელშიც თავი მოიყარა მაშინდელი აზროვნების სხვადასხვა მიმდინარეობამ და ამ წერტილიდან იგი იქცა უდიდეს მდინარედ, თვით ზღვადაც კი.

რაკი პიროვნებამ შესძლო წელში გამართვა და თავისი თავი ყოვლის შემძლედ აღიარა, მისი მხრივ სრულიად ბუნებრივი და აუცილებელი იყო ექიმ ფაუსტის პირით, შემდეგ მისწრაფებათა აღიარება: „დადამიანი უნდა მისწოდეს სამყაროს ყოველ საიღუმლოებს, გაიგოს მისი შინაგანი შენობის აზრი და მიზანი, უნდა იცოდეს ბუნების ცელილებათა რაობა, უნდა შეიგნოს ქვეყნიერების მამოძრავებელი ყოველივე ძალა, დაიტიოს თავის არსებაში მთელი დაუსრულებელი სამყარო, შეიგნოს სიცოცხლის სათავე, ქმნილებათა დასაწყისი, მსოფლიოს ოწინარი, ცა და ქვეყანა“.

აი ამ მისწრაფებებით არის გამსჭვალული ფაუსტი, რომელიც თავის დროის მოაზროვნეთა შორის მიუცილებლივ ტიპიური არსებაა. „ის ეძიებს აბსოლუტურს, გარდუევალს, უსაზღვროს, მაგრამ მისი ამო ძებნა ვერ დააკმაყოფილა ვერც მეცნიერებამ და ვერც მაგამ, ტყვილა მიჰყიდა ეშმაკს სული, და ეს იმიტომ, რომ ფაუსტი მეტაფიზიკოსია, მეცნიერებას არამეცნიერულ მოთხოვნილებას უყენებს. აი რას ამბობს გოეთეს შემოქმედების კარგი მკოდნე ა. შახოვი: არსებობს სამგვარი მსოფლმხედველობა: პირველყოფილი, ეპიური, გულუბრყვილო სარწმუნოებრივი. რომელიც ერთიანად ეყრდნობა სარწმუნოებას და უარყოფს მეცნიერებას, მეორეგვარი შეხედულებაა მეტაფიზიკური, შუაში მდგომი, რომელიც ცდილობს შეარიგოს სარწმუნოება და მეცნიერება, რწმენა და ცოდნა, ურევს სარწმუნოებრივ და მეცნიერულ კითხვებს. დასასრულ არის მესამე შეხედულება, რომელიც ერთიანად უარყოფს სარწმუნოებას და ემყარება მეცნიერებას (გვ. 163).

ფაუსტი შუათანა აზროვნების წარმომადგენელია, ის ცდილობს, შეარიგოს მეცნიერება და სარწმუნოება. ფაუსტი თავისი დროის კაცია, რომელსაც ერთი მხრივ, შეუგნია ახალი ფაქტორის — გონების ძალა, მაგრამ, მეორე მხრივ, მასში ჭერ კიდევ ძლიერია საშუალო საუკუნეების თეოლოგიური გავლენა. ამიტომაც ის გაეხვევა საშინელ ქსელში და მის არსებას მოიცავს უსაზღვრო უიმედობა, პესიმიზმი, გონება როდი მიაჩნია მას ახლა ყოვლის შემძლედ, ეჭვი შეეპარა მის ძლიერებაში, გული ვაუტყდა მასზე. ამავე დროს ის

ხედავს საფრანგეთის რევოლუციის თავჩაღმართში დახრას და ეს გარემოება კიდევ უფრო აძლიერებს მის უიმედობას.

გოეთე მსოფლიო გოდების მგოსანია, მისი ვერტერი და ფაუსტი ამ მსოფლშეგრძნების საუკეთესო წარმომადგენლები არიან.

ასეთივე გოდების უდიდესი წარმომადგენელია ბაირონიც, ის არსებითად იმავე თვალთახედვის ისარზე დგას, რომელზედაც გოეთე იდგა. ბაირონის პოეზიაც იმ ნიადაგით იკვებებოდა, რომელზედაც ფრთები გაშალა გოეთეს ფილოსოფიურმა შემოქმედებამ. „მეტაფიზიკურ გოდებას, რომელიც ვერტერისა და ფაუსტის სახით გადმოგვიშალა გოეთემ, ბაირონის პესიმიზმთან ერთად საერთო ნიადაგი აქვს თანამედროვე ცხოვრებაში. როგორც პირველი, ისე მეორე იყო შედეგი იმ გაორებული მსოფლშეგრძნებისა, რომელიც სუფევდა მე-18 საუკუნის გასულს და მე-19 საუკუნის დასაწყისის“, ამბობს შახოვი ზემოთ დასახელებულ წიგნში (191 გვ.).

მაგრამ გოეთესა და ბაირონს შორის დიდი განსხვავებაა. მათ ერთი მეორეს ვერაერთარ შემთხვევაში ვერ მივეუთანასწორებთ, ერთია გოეთეს გოდება. მეორეა ბაირონის.

გოეთე სამყაროს შენობას დასტრიალებს თავს, უნდა გაიგოს მისი შინაარსი, წაიკითხოს ქმნილებათა წიგნი, გამოიცნოს საიდუმლოებანი. ფილოსოფოსი გოეთე კოსმოსს მისჩერებია და მისი პესიმიზმიც ამ ნიადაგზეა აღმოცენებული. ის ზეცაში დაფრინავს, შორდება საწუთროებს, მისი ფაუსტი ჩვენი ნ. ბარათაშვილივით შელალადებს ზეცას: „გულის თქმა ჩემი შენს იქითა ეძიებს სადგურს, ზენაართ სამყოფს, რომ დაშთოს აქ ამოება“.

ბაირონი კი, მწუხარე ბაირონი. ამ ცოდვილ დედამიწაზეა ერთიანად მიჯაჭვული და მისი ტანჯვით ეწეის სული. ის ათასში ერთხელ თუ აიხედავს „ზენაარ სამეფოსკენ“ და ისიც წყვეა-კრულვას თუ მიუძღვნის მას, ხსნას კი მისგან არ გამოელის, არც აინტერესებს მისი რაობა.

ბაირონი მიწის შვილია და არც ერთი წუთითაც არ ივიწყებს მის ინტერესებს: ადამიანი და მის მიერ შექმნილი ურთიერთობა, — აი მთავარი საგანი ბაირონის პოეზიისა. აქ ტრიალებს იგი, აქ ჰქვს და ჰქუხს მისი არსება.

ბაირონს გოეთესავით სწამს გონების ყოვლისშემძლეობა, ისიც რაციონალიზმის პირმშოა, ისიც გონებიდან გამოელის ხსნას. მაგრამ გაირჩევა იმით, რომ გოეთემ თავისი გონება კოსმოსისაკენ მიაპყრო, ხოლო ბაირონმა — მიწისკენ, პირველს უნდა სამყაროს შეცნობა და საკუთარი სურვილების მიხედვით დამორჩილება, მეორეს — საზოგადოებრივი ცხოვრების გაგება და შესაფერად გარდაქმნა.

დამარცხდა გოეთე, ამო შეიქნა მისი ძებნა და მის არსება-საც საშინელი გოდება მოიცავს, წამოიხოქვის ბაირონი და ისიც გულის გამგმირავად აკვნესდება. ამნაირად, ადამიანის გონება ორივე გზაზე მარცხდება, ვერც ზეცას მიწედა და ვერც ამ ცოდვილ წუთი-სოფელს.

წინა წერილიდან ვიცი, თუ რისთვის დამარცხდა გოეთე, ახლა კი ჩავუკვირდეთ, თუ რისთვის გოდებს ბაირონის ქნარი.

მთელი მეთვრამეტე საუკუნის აზროვნება არსებული პოლიტიკური წყობილების უსასტიკეს კრიტიკას წარმოადგენდა, კრიტიკის ქარცეცხლში გატარდა ყოველივე პოლიტიკური წყობილება და დაწესებულება. ამ დროს გადაიგრგვინა საშინელმა პოლიტიკურ-სოციალურმა ქარტეხილმა — საფრანგეთის რევოლუციამ. დაიმსხვრა ის, რაც ასე სასტიკად დაგმეს. ძველი დაინგრა, ახალი უნდა აშენდეს, მაგრამ სწორედ აქ იწყება კრიზისი. „ძმობა, ერთობა, თავისუფლება და თანასწორობა“ არც ისე ადვილი დასამყარებელი შეიქნა ქვეყნად, ვერ გააერთიანა ამ ღობუნგმა ყოველი ადამიანი, ყველამ საკუთარი შინაარსი ჩადო შიგ და რევოლუციამაც საშინელი ხასიათი მიიღო, ბოლოს და ბოლოს საზოგადოების ერთი ნაწილი დაერია მეორეს და ხან ერთი-პარტიის ლიდერი ადის გილიოტინაზე და ხან — მეორესი.

მაშ, აქაც მარცხდება გონება, მარცხდება მისი აბსოლუტური ძლევამოსილება, მან ვერ გაამართლა მეთვრამეტე საუკუნის იმედები. მირაბლს და მარატის სიტყვები ნაპოლეონის ზარბაზნების გრგვინამ შესცვალა, თავისუფლების საოცნებო ქალწულის მაგიერ პირქუში მეტერნიხი მოველინა ევროპას.

ბაირონი მოდარაჟე ლომივით შეპყურებს ყოველივე ამას ტემზის ნაპირებიდან და პირველი დამარცხებისთანავე გააფთრებული წამოიჭრება უკულმართობასთან საბრძოლველად.

როცა ევროპის სახელმწიფოებმა დაამარცხეს ნაპოლეონი და გამარჯვებული მოკავშირენი პარიზში შევიდნენ, ბაირონმა ტეცხლის ფრქვევით წამოიძახა: „პარიზში ქურდები შევიდნენო“. მასში ზიზღი გამოიწვია ლონდონის მიერ ლიუდოვიკო მე-18 პატივსაცემად გამართულმა დღესასწაულმა და, „მსგავსად იაკობინელისა“, კატეგორიული უარი განაცხადა დასწრებოდა მეჭლისს. ის გულმონამლული გაიძახოდა: „მაშ დაიღუპა ყოველივე იმედი საფრანგეთში რესპუბლიკის შემოღების შესახებ“. ხოლო, როცა ბურბონები ისევ დაბრუნდნენ და მოხდა რესტავრაცია, ბაირონმა გულსწყრომით შეაჩერა თავისი დღიური და მოხია დაუწერელი ფურცლები. აი რა ეწერა უკანასკნელად ამ დღიურში (1814 წ. 19 აპრ.): „ბურბონთა მეფობა ისევ აღდგა!!! ჩალათებო, ჩამოაბრჩეეთ ფილოსოფია!.. პირდაპირ ვალიარებ, რომ დიდნანს მძულდა როგორც

ჩემი თავი, ისე აღამიანები, მაგრამ არასოდეს არ ყოფილა, რო მე მოყვასისთვის სახეში ჩამეფურთხებინოს! ოო, საშინელებაჲ, მ, კეტიდან შევიშლები“¹.

ბაირონი საშინელი მტერია ყოველგვარი დესპოტიზმის და უგულწრფელესი რესპუბლიკანელია. ის ცხარე ცრემლებით მის ტირის კრომველის ხანას და კეცხლს აფრქვევს ყოველგვარა უსამართლობის გამო. ის, როგორც ლორდი, ზედა პალატის წევრი იყო პირველად პარლამენტში შესვლისას ზიზღით დაუხვდნენ მას ლორდები, ხოლო მეორედ კი მთელი პალატა დაგმო და მიწასთან გაასწორა აჯანყებული მუშების დასჯისთვის. ნოტინგემის ოლქში ახალი მანქანების შემოღებით აუარებელი მუშა ფეიქარი დაჩა ქუჩაში, მშვიერნი ქარხნებს მიესიენ დასალეწად. მთავრობამ ძალას მიმართა მათ დასამორჩილებლად; ხოლო ეს აქტი პარლამენტს უნდა დაეკანონებია. და აი ბაირონი საშინელი პროტესტით გამოდის, მუშებს იტაცეს. სხვაფრივ მოპყრობას მოითხოვს და ბევრ მწარე კეშმარიტებას შიახლის ცხვირში ლორდებს. პალატამ მიანიც თავისი კანონი მიიღო. მაგრამ ბაირონი განაგრძობდა ბრძოლას და მიღებულ კანონს სამარცხვინოდ თვლიდა, თავის თავს კი ფეიქრების მომხრედ აცხადებდა (დასახელ. შრომა, გვ. 66).

ევროპის რეაქციით გულმოკლული და საყუთარი სამშობლოს მიერ ფარისეველთა და დამყაყებულ კონსერვატორთა სამფლობელოსაგან ათვალწუნებული ბაირონი თავის ჩაილდ ქაროლდიეით წყევლის გულზეიად ინგლისს და უკეთესი ქვეყნების საცებრად მიდის აღმოსავლეთისაკენ. ეგონა. ესპანეთში დატკებოდა, სერენადების და ტორეადორების ქვეყანაში განისვენებდა. მაგრამ რა ნახა იქაური მონობა და სასტიკი პოლიტიკური რეჟიმი, თავისებურად დასძახა: „აღსდექით, ესპანელებო!“ გული მოუკლა მშვენიერი ელადის ნახვამ. თურქთა ბატონობის შედეგებმა და აქაც ყოიენებს: „ხელი ხმალს, ბერძნებო!“ როგორც ვიცი, ამ უკანასკნელთა აჯანყებაში მან დიდი მონაწილეობა მიიღო და მოწინავე კაცობრიობის სიმპათიაც დაიმსახურა.

ასეთი იყო ბაირონი. ყოველი მისი ლექსი, ყოველი მისი პოემა ამქვეყნიური უკულმართობის შესაძუსრად და მიმართული, ყოველი აკორდი მისი ქნარისა საზოგადოებრივ უკულმართობას გმობს და სწყევლის. ის როდია გოეთესაეით მშვიდი და ობიექტური შემოქმედი, ის ლირიკოსია, მკაცრად დაუპირისპირებია თავისი თავი საზოგადოებრაეისათვის და ყოველგვარ მის მოქმედებას გმობს და უარყოფს.

მისი გზირები სულ სხვა ქვეყნის შვილები არიან, თანამედროვე

¹ ბაირონი, ა. ვესელიოვსკისა, 1902 წ., გვ. 86.

საზოგადოებაში მათ ადგილი არა აქვთ; ისინი ან აღმოსავლეთის ზღაპრული სისხლისმსმელნი არიან და ან დაუნდობელი ყაჩაღები და ბნელი წარსულის მქონენი.

ბაირონს ვერ აკმაყოფილებს ვერც მისი დროის ჩვეულებრივი ადამიანი და ვერც მის მიერ შექმნილი საზოგადოებრივი ურთიერთობა, მას უსაზღვრო მსოფლიო გოდება მოიცავს ამ ნიადაგზე და უკანასკნელ ამოსუნთქვამდე სასტიკად მოთქვამს შავ აწმყოზე და ბრწყინვალე მომავალზე.

მაშ, ასე, ჩვენ, ერთი მხრივ, გაეცანით სამყაროზე მკვნესარ გოეთეს და, მეორე მხრივ, მოვიგონეთ საზოგადოებრივი უკულმართობის გამო გულდათუთქული ბაირონი.

რა კავშირი ექნება ამ ორ მწერალს ახლო მომავლის ხელოვნებასთან? ნუთუ მათ მოტივებს კვლავ გაიმეორებს ლიტერატურა?

გოეთესა და ბაირონის მიერ წამოყენებული კითხვები დღესაც ვადაუპკრელია, ორივე ეს კითხვა ჯერ კიდევ წინ უდგას მოაზროვნე კაცობრიობის გრძნობასა და გონებას.

არსებითად ყველა დიდი მწერალი ამ ორ მთავარ კითხვათა გარშემო ტრიალებდა და ახლაც მათ ევლება თავს. ბაირონის ქნარის მთავარი საგანი ადამიანთა ცხოვრების მოწესრიგებაა. იგი თანამედროვე აზროვნებისა და ხელოვნების უდიდესი პრობლემაა.

როგორც უკვე ვთქვით, ჩვენ უდიდეს გადატრიალებათა და კატასტროფების ხანაში ვცხოვრობთ, ჩვენს წინაშე იშლება და ვითარდება კაცობრიობის მოწინავე იდეები, კვლავ გამოჩნდა ცხოვრების კაბადონზე მოკიაფე ვარსკვლავი ბედნიერი ცხოვრებისა, იგრძნო კაცობრიობის უდიდესმა ნაწილმა, მუშათა კლასმა თავისი თავი ყოვლის შემძლებლად და ამირანის ძალ-ღონით აღქურვილი თავგანწირულად ეკეთათ მტარვალთა სამეფოს.

ადამის ძეთა დასაყრდნობი ნიადაგის დღევანდელისებურად შერყევა უცნობი და უჩვეულოა მთელი ისტორიისათვის: ასე ღრმად და აგრე ყოვლის მხრივ ძვირად თუ ამოძრავდება დედამიწა.

ამიტომ აზროვნებაც ასეთნაირად ამოძრავდება და მრავალფეროვანი იქნება.

დღევანდელი მიწისძვრა მოულოდნელი როდი იყო, ამ კატასტროფის მოახლოვებას კარგა ხანია გრძნობდა კაცობრიობა, რომლის ორი სხვადასხვა ნაწილი — ბურჟუაზია და პროლეტარიატი — სულ სხვადასხვანაირად შესტრფის და ეგებება მას. იმ დროს, როდესაც ბურჟუაზია დამფრთხალია და უგზო-უკვლოდ ეხეთქება აქეთიქით, როდესაც აღსასრულის მოახლოების უამს მისი აზროვნება და შეგრძნება ძველ მეტაფიზიკურ გზაზე დგება, ამ დროს მისი მოწინააღმდეგე კლასი დროშაგაშლილი მიისწრაფვის წინ, მისი მო-

მავალი ბრწყინვალეა, თავისი წილი ცის კამარა უღრუბლოა და ბედნიერების ვარსკვლავები ციმციმებენ ზედ.

ცნობილია: სიმბოლისტური მიმართულება განა გოეთეს ფაუსტივით მეტაფიზიკური მსოფლმხედველობის გამომსახველი არ არის? რეალური ქვეყნის საშუალებით არარეალურის შეცნობა, ბუნების საიდუმლოებათა გაგება და ამოკითხვა, სამყაროს შინაგანი არსების შეგნება, მეცნიერებისა და მისტიკური ბოდვის შეერთება-შეუღლების ცდა, — აი ის გზა, რომლითაც მიდიოდა ფაუსტი.

„სიმბოლასტს, უაიოეჲლს უოღლისა, სწამს, — აძობს პ. კოგანი, — მარადიული აბსოლუტური ქვეყნის შეცნობის შესაძლებლობა. ეს ქვეყანა, მისი აზრით, არსებობს ჩვეულებრივი ხილული ქვეყნის გარშემო. პოზიტივიზმი თავისი კვლევის საგახს ჩვეულებრივი მოვლენებით, ფენომენებით საზღვრავს, სიმბოლიზმი კი ხელახლა ცდილობს ნუმენების ქვეყნის გაგებას, უნდა ამოკითხოს სამყაროს საიდუმლოება. ის ხელახლა ცდილობს, გაიდოს რეალური ქვეყნისა და ტრანსცენდენტალურის შუა ის ხიდი, რომელიც თითქოს ჩააბზო მთელი საუკუნის მეცნიერულმა მუშაობამ“.

დააკვირდით კარგად, განა ეს ძიება ფაუსტისებურია? იმ ფაუსტის, რომელიც არც ისე დიდი ხნის წინათ მისჩერებოდა ზეცას თავის გენიოს შემქმნელთან — გოეთესთან ერთად. ცხადია, რომ ერთი და იგივე მოტივი განმეორდა სწორედ მაშინ, როდესაც დაიწყო ისეთი საზოგადოებრივი კატასტროფები და შერყევანი, რომელნიც მოხდა გოეთეს დროს.

სიმბოლიზმი საკმაოდ ძლიერი მიმდინარეობა იყო დღემდის დასავლეთ ევროპის ლიტერატურაში, ეს მიმართულება, რომლის საუკეთესო წარმომადგენელი თავიდანვე გრძნობდნენ ბურჟუაზიული ქვეყნის აღსასრულის მოახლოვებას, დღევანდელ კატასტროფათა მეოხებით უეჭველია, რომ ერთიასად გაძლიერდება და გაღრმავდება. ჭერ საერთაშორისო ომის საშინელებანი და შემდეგ ზედმომყოლი რევოლუციები კიდევ უფრო დააფრთხობენ კაცობრიობის ერთი ნაწილის აზროვნებას და ფაუსტივით აამეტყველებენ მას.

ყველამ იცოდა, რომ ოში უსაშინელესი რამ არის, უნდოდან; რომ ეს ომი არ დატრიალებულიყო, მაგრამ ბურჟუაზიული კონკურენციის სიძლიერე იმდენად დიდი გამოდგა, რომ ეს გრიგალი მონაწილეთა უმეტესობის სურვილის წინააღმდეგ ამოძრავდა, დიახ. ისტორიის უღმობელმა კანონებმა თავის სურვილისამებრ დაატრიალა საშინელი ისტორიული ბორბალი, რომელმაც თან მოსპო და განადგურა უთვალავ ადამიანთა სიცოცხლე.

რა არის ეგ ისტორიული აუცილებლობა? ადამიანის გარეშეა ეს, ძალა, თუ მის არსებაში იმალება? შეიძლება მისი შეცნობა?

ეგებ აქ ის ბედისწერა დაგვეტრიალებს, რომლის წინაშე ქედს იხრია და ძველი საბერძნეთის აზროვნება?

აი კითხვები, რომლებიც არა ერთხელ დაუსუამს მკვლრებით აღმდგარ მეტაფიზიკას სიმბოლისტიების პირით და უეჭველია, რომ დღესაც უფრო ღრმად და მკაფიოდ დაისმება ამგვარი კითხვები. ისტორიიდან ვიცით, რომ ასეთ ამოცანათა გასაგებად ხშირად ზეცისკენ მიუმართავთ და უეჭველია ასეთივე მოვლენის მოწამე ვიქნებით, როცა კვლავ მოგვევლინება რომელიმე გოეთე დროის შესაფერად მორთული და მოკაზმული. ექვს გარეშეა, რომ მისი თანამგზავრი იქნება ახალი ბაირონიც, რომლის მსოფლიო გოდება კოსმოსური ხასიათის კი არ იქნება, მსგავსად გოეთესი, არამედ — სოციალური.

დღევანდელი ვითარებიდან საერთაშორისო მუშათა კლასი ბევრ რაიმეს გამოელის; მისი დიდი ნაწილი სოციალიზმის განხორციელებაზე ოცნებობს. პორლეტარიატს სწამს, რომ უთუოდ ჩაუყრის საძირკველს ახალ ცხოვრებას, შექმნის ახალ საზოგადოებრივ ურთიერთობას და მხატვრული აზროვნებაც ამ მიმართულებით განვიითარდება და ღირსეულად შეასრულებს თავის ფუნქციას.

გაპპრიტ ჩვენს ლიტერატურაში

მახსოვს, ამ რამდენიმე წლის წინათ იერემიას გოდება იყო ქართულ პერიოდულ გამოცემათა ფურცლებზე: დიდი თუ პატარა, მეცნიერი თუ უმეცარი ერთხმად მოსთქვამდა:

— დავიღუბეთ, ქართული ლიტერატურა მოკვდა: არ გვიჩნდება ან ახალგაზრდა პოეტები, ბელეტრისტები, დრამატურგები; სანამდის შევეყუროთ ილიას, აკაკის, ყაზბეგს, ბარათაშვილს, ვაჟას, ნინოშვილს?

რასაკვირველია, მოვლენის მიზეზსაც ეძებდნენ. ზოგის აზრით, ქართული ლიტერატურის დაჩაჩანაკების მიზეზი კრიტიკოსების არყოლა იყო; ამათი აზრით, კრიტიკოსი მწერლის წინამძღოლი, ხელმძღვანელი და მასწავლებელია. ხოლო თუ მასწავლებელი არ არის, ეჭვი არაა, რომ შეგირდიც ან სულ არ მოიძებნება და ან მუდამ შეგირდად დარჩება ანბანით ხელში. მეორეთა აზრით, ქართული მწერლობის დაცემის მიზეზი თითონ ქართული ცხოვრება იყო, რომელიც ისე განიავდა და დაიყარა, რომ ვინც უნდა ეძებოს, მის განსაკუთრებულ სახეს მაინც ვერ აღადგენს, ვერ დახატავს. ამიტომ, — ასკვნიდნენ ისინი, — ჩვენში ბევრს შესწევს წერის უნარი და ნიჭი, მაგრამ ფუქსავატი ჩვენი ცხოვრება საამისო მასალას არ იძლევა და სხვა ასეთები.

ეს გოდება არც კი იყო დასრულებული, რომ ქართულ ლიტერატურას რაღაც გამოცოცხლება დაეტყო: ნელ-ნელა გამოჩნდნენ ახალგაზრდა მწერლები და ჯენი ლიტერატურის გამოღვიძებაც ფაქტი შეიქნა. იბეჭდება აუარებელი ლექსი, იბეჭდება დრამები, მოთხრობები. კიდევ ცოტა ხანი და კრიტიკოსთა რაზმიც გამოდის სალიტერატურო ასპარეზზე, კვირა ისე არ გაივლის, რომ ამა თუ იმ ორგანოში სიტყუაკაზმული ნაწარმოების გვერდით ვეებერთელა კრიტიკული ფელეტონები არ ნახოთ გამოვიშული. ერთი სიტყვით, ქართული ლიტერატურა აღდგა მკედრით, მესაფლავეთ არ გაუშართლდათ მოთქმა, მიწაში ჩასადებად გამზადებულ მიცვალებულს სიცოცხლის ნიშნები აღმოაჩნდა; მაშ როგორ შეიძლება მისი დამარხვა! მოშორდით, მოშორდით, მას კიდევ სიცოცხლე სურს!

რომ ეს ასე იქნებოდა, ყველა დაკვირვებულ ადამიანს უნდა სცოდნოდა. ქართველმა ერმა გაიღვიძა, შეკავშირდა, მთელი ქვეყნის ყურადღება მიიპყრო და განა მოსალოდნელი იყო, რომ ასეთი ერის მხატვრული ლიტერატურა დაღუპულიყო? ხელოვნება ერის სული და გული, აზრი და გრძნობაა, ეს ამა თუ იმ ხალხის კოლექტიური ფილოსოფიაა და განა შეიძლება, რომ სიცოცხლით მჩქეფარე ქართველ ერს სული და გული გამოფიტოდა, თავის სულიერი ცხოვრების უზენაესი გამოხატულება დაღუპოდა?

როცა იმ გოდების დროს ასეთ მოსაზრებას მოიყვანდა ვინმე. ჩვენი ნაფიცი იერემიები, რომელნიც მხოლოდ თავის თავს აძლევენ ნებას ქართველ ერზე გულმტკივნეულად ილაპარაკონ და სხვისი ნათქვამი კი ნიანგის ცრემლების ღვრად მიიჩნიონ, აი ეს იერემიები მაშინ ზიზღით ამბობდნენ ხოლმე: — ვიცით, რისთვისაც ლაპარაკობთ მაგებს, მაგრამ შეცდომაში ვერავის შეიყვანთ! განვლილი მოძრაობა ფუჭი იყო თავისი შინაარსით. ხელოვნური მიზნების განსაზღვრის გარეშე იყო გამოწვეული და შედეგებიც ფუჭი შეიქნა. საქართველოს განმაახლებელი კი არა, დამღუპველი იყო ეს მოძრაობა და, რასაკვირველია, ყალბ გზაზე შემდგარ ერს, სამარის პირად მისულ ხალხს, ლიტერატურაც უნდა დაღუპოდაო და სხე.

მაგრამ, როგორც ხედავთ, ეს ასე არ მოხდა და განვლილმა სახალხო მოძრაობამ ძალუმად გადაგვიშალა ქართველი ერის სული და გული; ამას ამტკიცებს ჩვენი ლიტერატურის დღევანდელი მდგომარეობა: წარმოიშვენ ნიჭიერი პოეტები, დრამატურგები, ბელეტრისტები. მუშაობს ქართული აზრი, ფუთქს ქართული გრძნობა.

ნიჭიერი პოეტების მთელმა რიგმა, რომელთა გუნდი ვარსკვლავებით კაშკაშებს საქართველოს სულიერი ცხოვრების ცის კაბადონზე, აშკარად დაგვანახვა ჩვენი პოეზიის ცხოველმყოფელობა, გამოვლინდა მისი სიძლიერე, სიღრმე, ტემპერამენტი. თანაც, რაც თავიდათავია, ისიც დაგვანახა, რომ იგი მიჯაჭვული არ არის მარტო

ქართულ ცხოვრებაზე, არა ჰგავს განუვითარებელ ხალხთა, ასე ვსთქვათ, საშინაო პოეზიას და საკაცობრიო კითხვებსაც სწვდება, ცდილობს გვერდით ამოუდგეს მოწინავე ერთა ლიტერატურას. ეს ცდა ბევრ შეზღვევაში მარტო. ცდა არ არის, მას რეალური ნაყოფიც მოჰყვა.

ამავე დროს დღევანდელ ქართულ პოეზიას ერთგვარი ელფერი და მიმართულება როდი აქვს, როგორც ეს იყო განვლილ საუკუნეში ცოტას გამოკლებით. მაშინ ჩვენი პოეტები საქართველოს ბედს დასტირობდნენ, მასზე ფიქრობდნენ. მასზე ოცნებობდნენ, დღეს კი, გარდა ამისა, ჩვენი პოეზია სხვა პრობლემებსაც დასტირიალებს. ამ მხრივ იგი შეიძლება ორ მძლავრ ნაკადად დაეყოთ. ერთი ნაკადი ისევ ძველ კალაპოტს გააგრძობს, ისევ მიჯაჭვულ ამირანს მისტიკის, მეორე კი მთელი თავისი გატაცებით და ახალგაზრდული თავდავიწყებით იკაფავს ახალ გზას. ქმნის ახალ მიმართულებას. მას აღარ აკმაყოფილებს ვიწრო ნაციონალური ჩარჩოები და დიდი ძალით გვიხატავს საკაცობრიო იდეებსაც.

გარდა ამისა, სხვა ნიშნობრივ თვისებათა მიხედვითაც დაიყოფება ჩვენი დღევანდელი პოეზია; მას მარტო ორი ფერი არ ამკობს, ის მრავალსახიანი, მრავალფეროვანია, რაც, უპირველეს ყოვლისა, იმას ამტკიცებს, რომ იგი განვითარებულია, წინ მიდის და მომავალიც ბრწყინვალე აქვს.

ერთობ ფრთხილად და ბევრის გამოკლებით ასევე ითქმის დრამატული ხელოვნების შესახებაც. აქაც ვხედავთ ახალ ნაკადულებს, ახალ ნაბიჯებს, და ახალ მიღწევებსაც კი. ის ჯერჯერობით სუსტობს, ვაჟკაცურად ვერ დამდგარა საკუთარ ფეხზე, მაგრამ მარტო ის, რომ ხელოვნების ეს დარგი ჩვენში ერთ წერტილზე არ გაიყინა და სიციცხლის უნარს შესაფერად იჩენს, მარტო ეს, ვიმეორებ, იმის მომასწავებელია, რომ დღეს თუ ხვალ ქართული ხელოვნება აქაც ფეხს მოიმჯრებს და ეცდება გვერდით ამოუდგეს მოწინავე ერთა სულიერ მისწრაფებას. დღევანდელი მისი სისუსტე, უპირველეს ყოვლისა, იმით უნდა აიხსნას, რომ დრამატულ ხელოვნებას, შედარებით ჩვენს პოეზიასთან, ნაკლები ტრადიცია აქვს, ნაკლებად იყო ჩვენს წარსულში განვითარებული და შესაფერი ფორმებიც არა აქვს წარსულისაგან გადმოცემული. ჩვენი პოეზია კი ჯერ კიდევ მეთორმეტე საუკუნეში იდგა მიუწვდომელ სიმაღლეზე. ჯერ კიდევ მაშინ ჰქონდა მას შემუშავებული დღევანდელ დღისათვისაც კი სათაყვანრ და საიდეალო ფორმები; და რა ვასაკვირია, რომ ხელოვნების ეს დარგი დღეს გაცილებით ძლიერი იყოს, ვინემ დრამატული ხელოვნება.

ბელეტრისტიკის შესახებ უფრო გაბედულად შეგვიძლია ვილაპარაკოთ. მართალია, ის პოეზიასავეით განვითარებული არ არის, მაგ-

რამ მხარს რომ ღირსეულად უმშვენიებს, ეს უცილობელი ფაქტია. ჩვენი ახალი ბელეტრისტიკა დღეს ფრთებს ისწორებს, გზებს ეძებს და ლამობს შესაფერი ადგილი დაიჭიროს. დაკვირვებული თვალი მაშინვე შეამჩნევს, რომ ახალმა მოთხრობამ ჩვენში უკვე დაკარგა ან თანდათან კარგავს ეთნოგრაფიულ, კუთხურ ხასიათს და საერთო ეროვნულ სახეს იღებს. დღევანდელ მოთხრობათა გმირებად ვხედავთ არა მარტო გურულს, მეგრულს, ან მთიულს, ან ტეტისას, არამედ საერთოდ ქართველს, რომელშიაც გადაღულებულია ქართლელიც, კახელიც, გურულიც, მეგრელიც, იმერელიც... პერსონაჟები ლაპარაკობენ არა მხოლოდ რომელიმე კილოთი, არამედ ყველას ნიერ მიღებული ქართული ენით. ეს, რასაკვირველია, დიდი ნაბიჯია წინ, განვითარების გზაზე გადადგმული, და ვინც ამას ვერ ხედავს, ის ან ბრმაა და ან ერთობ შეუპყრია და აზრის დაკარგვამდე მიუყვანია იერემიულ გოდებას. მართალია, ჯერ ვერ ვხედავთ ქართველის ტემპერამენტით და ნების ღონით აღჭურვილ გმირებს. რომელიც თავის შესაფერად ატარებენ ცხოვრებაში საქვეყნო იდეებს. მართალია ქართულმა ბელეტრისტიკამ ჯერ ვერ დაგვიანახა, თუ როგორ გამოინერგა ჩვენს ნიადაგზე საერთაშორისო პრობლემები და რა სახით ცდილობს ქართველი ამ პრობლემათა განხორციელებას. დიახ, ჩვენ არა გვევანან მაქსიმ გორკები, ჯეკ ლონდონები, უაილდები, მაგრამ ყველაფერი ეს დროის საქმეა: დღევანდელი მდგომარეობა იმის თავდება, რომ ჩვენშიც ფრთას გაშლის ისეთი ნიჭი, რომელიც თამამად ამოუდგება გვერდით ევროპის მწერლებს. შეიძლება დიდად ახალი აზრი და მიმართულება ვერ შეიტანონ ქართველმა მწერლებმა საქვეყნო ხელოვნების საღაროში, მაგრამ საკუთარი სახით და ფორმით რომ შესაფერად ადგილს დაიკერს ერთა პანთეონში, ეს უეჭველია...

მაგრამ... მე დღევანდელი ქართული ლიტერატურის მარტო საქებად და საღიღებლად როდი ამიღია ხელში კალამი. მარტო მისი ხოტბით როდო მინდა დავასრულო წერილი. არა, ეგ ძალიან ადვილი ხელობაა საზოგადოდ და განსაკუთრებით ჩვენში, სადაც ბევრ შემთხვევაში ამა თუ იმ სალიტერატურო კითხვის გადასაწყვეტად მარტო ორი სიტყვაა არსებობის: კარგია, ცუდია. ან მთლად უარყოფენ რომელიმე ნაწარმოებს, ან სრულიად უცვლელად მიიღებენ, შუათანა რამ, ანალიზზე დამყარებული მათემატიკურად გამოანგარიშებული დასკვნა კი სანთლით საქმეარია; ეს არც გასაკვირია, ვინაიდან ამას შრომა უნდა, საქმისადმი სიყვარული და ცოდნა, ამ თვისებების საჭიროებას, მართალი უნდა ვთქვათ, ბევრი ზედმეტ ბარგად თელის და თუ შემთხვევით შეძენილი ორიოდ აზრი გამოამხეურა რომელიმე ორგანოს ფურცლებზე — ერთი პოეტი ცამდის აიყვანა, მეორე კი დაასამარა — ყველაფერი გათავებულია და ულ-

მობელი კრიტიკოს-მსაჯულის ადგილიც უკვი მიჩნეული აქვს. მაგრამ ამაზე ქვევით გვექნება ლაპარაკი.

აიღეთ რომელიც გნებავთ დღევანდელი ქართველი პოეტი, შეისწავლეთ მისი ნაწერები, გაივლინეთ მისი გრძნობით და აზრით, მისი პათოსით და თქვენ ნათლად დაინახავთ, რომ თქვენდა შეუმჩნეველად მოთავსებულხართ ცხოვრების ერთ-ერთ კუნძულში, ჩაქედილხართ პატარა კალაპოტში და სხვაგან არც კი გინდათ გადაიხედოთ. თქვენი აზრი, თქვენი მისწრაფება, თქვენი სიხარული და სევდა, მთელი თქვენი ცხოვრების დასაწყისი თუ დასასრული, აქ. ამ პატარა ნაკუჭში მოთავსებულა და თანაც დარწმუნებული ხარ — რაც ყველაზე უარესია — რომ მთელი ცხოვრება შენს გარშემო ტრიალებს, შენ ხარ სამყაროს ღერძი, ქვეყნის გამამშვენებელი და ბატონ-პატრონი.

ვთქვათ, თქვენ კითხულობთ პეტრეს ნაწარმოებს, იგი ნიჭიერი პოეტიცაა, ამიტომ მის ნაწერებს გულდასმით, სიყვარულით კითხულობთ. მაგრამ რა? პირველი ლექსიც იმ გრძნობას გიღვიძებს, რა გრძნობასაც — უკანასკნელი, ხან ამ მხრივ უდგება პოეტი თავის საგანს, ხან იმ მხრივ, ე. ი. ერთსა და იმავე საგანს დასტრიალებს, სხვა კითხვები მისთვის არ არსებობს, მისი თვალთახედვის ისარი ერთობ შემოფარგლულია. არსებითად ასეთივე სიტყვებით დახასიათდება პოეტი ივანეც, რომლის პოეზია პრიმიტიული სათვალეებით მისჩერებოდა მშრომელს. იბრალებს მას, ცრემლებს ღერის მის მდგომარეობაზე, მაგრამ, ვინაიდან პოეტის მსოფლმხედველობა ერთობ შეზღუდულია, მას არ ძალუძს, კითხვა ფართოდ დასვას, მშრომელთა ბედი გაითვალისწინოს სხვადასხვა სოციალური კლასების შესლა-შემოხლაში, მათთან დამოკიდებულებაში. კი, ყველაფერი ის, რაც მგოსანს შეუქმნია, კარგია, მაგრამ ამავე დროს ეს მხოლოდ პირველი ნაბიჯია და მარტო ამაზე შეჩერება არ შეიძლება, საჭიროა მეტი სიმაღლე, მეტი თვალსაწიერი, მეტი მრავალფეროვნება: ცხოვრება ურთულესი მოვლენაა, პიროვნება და საზოგადოებრივი ჯგუფი. იგი ყოველი ფეხის გადადგმაზე აუარებელ საჭირბოროტო საკითხს უყენებს პოეტს; ისიც იძულებულია, გასცეს ესა თუ ის პასუხი რომელიმეს. მაშასადამე, პოეტი მრავალმხრივ განათლებული უნდა იყოს, რათა არც ერთი კითხვა უპასუხოდ არ დატოვოს, არც ერთ პრობლემას გვერდი არ აუაროს, ყველა საკითხი საკუთარი მსოფლმხედველობით გააშუქოს. ჩვენი პოეტების საგრძნობი ნაწილის მსოფლმხედველობა ერთობ მარტივია, ხშირად შაბლონურიც კი: მათ შორის ძვირია ისეთი ნიჭი, რომელიც თავის არსებაში იტყედეს ცხოვრების მრავალფეროვნების ცოდნას და იმავე დროს ხელოვნებით გადმოგვეცემდეს მას. მათში ვერ ნახავთ ფართო, უნივერსალური ფანტაზიის მქონეთ, მრავალფეროვანი სინამდვილის მრავალფეროვანადვე აღმბეჭდავს.

ნიკი განმაზოგადებელი, ცხოვრების ათასგვარ კითხვათა ერთ წერტილში თავის მომყრელი, სიჭი მძლავრი და ფართო ფანტაზიისა, რომელსაც „ძალუმს სრულქმნა სიტყვათა“, — აი ვის ელის დღევანდელი ქართული პოეზია, რომლის, თუ შეიძლება ასე ითქვას, ანალიტიკური ელემენტებიც უსათუოდ შეერთდება ერთგვარ სინთეზში. ასეთი სინთეზის მომხდენი ნიკი ყოველგვარ კითხვას შეეხება, ცხოვრების მრავალფეროვნებას უტყუარად და უშიშრად გადაგვიშლის თვალწინ, აი სწორედ მაშინ ვიხილავთ იმ ჰუმარიტად შემოქმედს, ვისზედაც ათქმის: დაწერა წიგნი, მსმენელთა გულისა გასაგმირალო.

თითქმის ასევე ითქმის დრამატურგისა და ბელეტრისტის შესახებ, აქაც ცარიელია დიდი მწერლის ადგილი, აქაც უნდა მოვიდეს ნიკი სრული, ნიკი მრავალფეროვანი, რწმენით აღსავსე. მან ნელნელა უნდა აღივლიოს ქართული სიტყვაკაზმული მწერლობის ზღვა, ძალუმად დაატრიალოს მასში შემოქმედების ხომალდი და დროშაგამოიღოს გასწიოს უცნობ ნაპირსაკენ...

როგორც მკითხველი დაინახავდა, ჩვენს სიტყვაკაზმულ მწერლობას, დადებით მხარეებთან ერთად, ნაკლიც აქვს, კარგთან ავიც ახლავს. ბევრი რამ მასში გამოსარჩევია, გამოსახილავი, ბევრი უარსაყოფია, ბევრი მისაღები, რიგი სასარგებლო, რიგიც გამოუსადეგარი. მერე ვისი საქმეა, ვინ უნდა ეწეოდეს ამას? რასაკვირველია, ლიტერატურული კრიტიკა. ეს მისი წმინდა დანიშნულებაა და ვერც ვერავინ შეეცილება მას. ამ შემთხვევაში, ასე ვთქვათ, კონკასის. თუ ერთგვარი ხელმძღვანელის როლი უთუოდ ეკუთვნის ლიტერატურულ კრიტიკას. მერე როგორ ასრულებს ის თავის ფუნქციას?

გადაპრით შეიძლება ითქვას, რომ ჩვენი დღევანდელი ლიტერატურული კრიტიკა უბადრუკ მდგომარეობაშია და ვერ ემსახურება თავის მიზანს.

პირველ ყოვლისა, აქ ვერ ნახავთ ისეთ კრიტიკოსს, რომელიც თვალს ადევნებდეს ქართული ლიტერატურის ყოველგვარ მოძრაობას, მის სულთათქმას, ხელში ეჭიროს მწერლობის მაქა და გულმტკივნეულად აღნიშნავდეს ყოველგვარ მის ცვლილებას. არა, აქ ხშირად გაზეთის საშუალებითაც კი აცხადებენ: ჩვენ მოცლა არა გვაქვს თვალყური ვადევნოთ იმას, რაც ქართულ გაზეთებში იბეჭდება და ამიტომ, ვისაც სურს, მიუდგომლად გავარჩიოთ მისი ნაწერები, შეკრიბოს თავისი თხზულებანი და მომწოდოსო. დიდი საქმის ამაზე მეტად აბუჩად აგდება არ შეიძლება!

მოვიგონოთ ბ. ბელინსკი, ეს უმწიკვლო და შეუბღალავი რაინდი რუსეთის კრიტიკული ლიტერატურისა. რა გატაცებით უყვარდა მას მშობლიური ლიტერატურა, რა თავდავიწყებით და ენერგიით ემსახურებოდა მას. დღე და ღამე, ყოველ წამს მასზე ფიქ-

რობდა, მასზე ოცნებობდა, მისი გრძნობა და აზრი პირდაპირ მიჯაჭვული იყო მშობლიურ ბელოვნებაზე, განა რომელიმე თავდაიწვევებულ ახალგაზრდას ისე შეუძლია უყვარდეს თავისი სატრფო, როგორც ბ. ბელინსკის უყვარდა რუსული ლიტერატურა? ამ მხურვალე სიყვარულის შედეგი იყო, რომ ბელინსკიმ ზოგი შეუსაბამო რამ თქვა რუსეთის ლიტერატურაზე (გრიბოედოვის პიესის პირველი დაფასება და სხვ), მაგრამ ამავე სიყვარულმა სასწაულიც მოახდინა და ვიღაც „რაზნოჩინელი“, უნივერსიტეტიდან — უნიკოებისათვის გამოძევიებული სტუდენტი. ლიტერატურაში პირველ გამოსვლისთანავე ყველას მიერ თვალყურისაპყრობი შეიქნა, მისი „სალიტერატურო ოცნებანი“ ის ქვა იყო, რომლის გადასროლამ უცებ შეარყია მაშინდელ კრიტიკოსთა დაობებული ტბა.

ყხედავთ ჩვენში რაიმე ამის მაგვარ მოვლენას? არა, აქ კრიტიკულ წერილებს განცხრომის დროს წერენ, ისე, სხვათა შორის, უსიცოცხლოდ, უსიყვარულოდ. მოეწონება ვინმეს რომელიმე ნაწარმოები. შეაქებს, არა და, გვერდზე გადაისვრის, რა საქირია, რაც არ მოეწონს, იმაზე წერს.

ბ. ბელინსკი სანთლით და საკმეველით ეძებდა ნიქს, ყოველ მწერალს სიყვარულით აღსაესე გულით უახლოვდებოდა; გულდასმით სწავლობდა ყოველ სტრიქონს, ყოველ გვერდს და შემდეგ გამოჰქონდა ესა თუ ის მსჯავრი. მართალია, ის საშინლად მკაცრი იყო (შეუბრალებელ ბესარიონს უწოდებდნენ), მაგრამ. ამავე დროს ის უალრესად მოსიყვარულე პირბუნება იყო: თავყანს სცემდა დიდსა თუ მცირეს.

ჩვენი კრიტიკოსები კი. გვაპატიე, ბესარიონ ბელინსკის შარავანდდით მოცულო სახელო, შენს გვერდით რომ მათ ვაყენებთ, სულ სხვა ინტერესებს, ცოდნასა და სიყვარულს ავლენენ: ახალ ნაწარმოებს სიყვარულით კი არ კიდებენ ხელს, არამედ — დასჯის მიზნით. მოწინააღმდეგე მიმართულებისა თუ არის, არც კი შეხედავენ: ვთქვათ, ჩაიკითხა ნაწარმოები. მაგრამ არ მოსწონს; ამ არმოწონებას მხოლოდ ორიოდ სიტყვით ეტყვის მკითხველს, ისიც კარგაო.

რატომ არ ვარგა? როგორი უნდა ყოფილიყო ნაწარმოები? და სხვა ამგვარი კითხვივით ტყუილად თუ მიმართავთ მას, ის ოლიმპის მთაზე განისვენებს, თქვენთან სალაპარაკოდ როდი სცალია?

შეიძლება ნაწარმოები სუსტია, როგორც მთელი, მაგრამ კარგი აქვს ნაწილები, იქნება მთავარი პერსონაჟი ვერ არის კარგად დახატული, მაგრამ, სამაგიეროდ, მეორეხარისხოვანი ტიპები კარგადაა დასურათებული? ამგვარ კითხვებზე პასუხს ჩვენს კრიტიკოსებს ნუ მოსთხოვთ.

ყოველი მწერალი, რომელსაც ერთი პიროვნების მაინც ცო-

ცხალ ადამიანად ჩვენება შესძლებია, რომელსაც მისდა შეუმჩნეველად გაეცნობოდა ხელში ადამიანის აბსტრაქცია; ვიმეორებ, ასეთი მწერალი უკვე საინტერესოა და კრიტიკოსის მოვალეობაა — ყურადღებით მოეპყრას მას. მწერალი, რომელიც სურათს მაინც თუ ცოცხლად ხატავს სალიტერატურო ასპარეზზე გამოსვლისას აუცილებლივ ყურადღებას იმსახურებს. თუ კრიტიკოსი ნიჟიერია და მას მინიჭებული აქვს მხატვრული აღლო, ის იმწამსვე იცნობს ქეშმარიტ მხატვრულ ნიქს, ერთი კალმის მოსმით შეატყობს მას და, თუ ძალა შესწევს. შესაფერ ხელმძღვანელობასაც გაუწევს.

გარდა ლიტერატურისადმი სიყვარულისა, საჭიროა, რასაკვირველია, რაიმე იდეა, რომლის განსახორციელებლად კრიტიკოსი იღებს კალამს ხელში და არჩევს ამა თუ იმ ნაწარმოებს; ლექსია თუ ზოგადობა. დრამაა თუ კომედია მარტო იმისათვის ხომ არ იწერება, რომ რამდენიმე ტონა ქალაქი დაიხარჯოს, ყველაფერ ამას თავის განსაზღვრული მიზანი და მიმართულება აქვს დასახული. ყოველგვარი ნაწარმოების ავტორს თავისებურად ესმის ცხოვრება და თავისებურად ცდილობს მის გარდაქმნას, თუ გაუმჯობესებას: აი აქ კრიტიკოსის იდეალიც უნდა გამოჩნდეს, მისი ფილოსოფიაც ნათელი უნდა იყოს.

დღევანდელი ჩვენი კრიტიკოსების ერთი ნაწილი კი კალამს მარტო იმიტომ იღებს ხელში, რომ, რაც შეიძლება ბუნდოვანი ფრაზებით აგვიხსნას კოცინის მნიშვნელობა. ამაზე მეტი უიდეოება შეიძლება?

არა, ბატონებო, ჩვენთვის დღეს საჭიროა არა ისეთი კრიტიკოსი-სიმიბოლისტი, რომელიც თბილ საუბარებში ზის და ხავერდოვანი სათვალევებით ათვალეობს ცხოვრებას, არა ისეთი, რომელთა „ხელმძღვანელობამ“ უდიდესი გრძნობა, სიყვარული ერთიანად გაძარცვა, ამოაცალა მას ყოველივე იდეალური, შორს ჩვენგან! ჩვენ გვინდა ისეთი კრიტიკოსი, რომელიც იქნება საქმის მცოდნე, კაცთმოყვარე, ქეშმარიტი მამულიშვილი, ნაწარმოების მხატვრული თავისებურებისა და მისი ღირებულების მარქსისტულ-ლენინური თვალსაზრისით გარჩევის უხარის მქონე.

მშობლიური ენის სწავლების ზოგი საკითხი

მხატვრული ნაწარმოების შესწავლის დროს ერთ-ერთ საყუდლებო მომენტს შეადგენს მწერლის ენაზე დაკვირვება. ამ სახის მუშაობის მიზანი იმაში მდგომარეობს, რომ შეგირდმა შეითვისოს მშობლიური ენის სალიტერატურო ენა და სწორმეტყველების ნიმუშები. მაგრამ უნდა ითქვას, რომ ამ მიზანში ბევრი რამ არის გასარკვევი და ნათელსაყოფი. თუ მასწავლებელი სათანადოდ არ არის ამ საკითხებში გარკვეული, მისი მუშაობაც ვერ იქნება სათა-

ნადო გზით მიმართული და ვერც საჭირო ნაყოფიერებას მოიტახს.

ენა და მისი ფორმები არ არის ერთ წერტილზე გაყინული ჟაქტი, იგი ერთიანად ემორჩილება ევოლუციის რკინის კანონს და წუდამ ეამს დუღილში და ცვალებადობაშია. ენას აქვს თავისი როგორც აწმყო, ისე წარსული. აქვს აგრეთვე მომავალიც. არსებული ცოცხალი ენა შედეგია წარსული ისტორიული განვითარების და თანაც საფუძვლად უდება მომავალ ენობრივ ევოლუციას.

ბუნებრივად ისმება ასეთი საკითხი: რომელი ენა უნდა ისწავლებოდეს სკოლაში — ისტორიული, თუ აწმყო სალაპარაკო, ან კიდევ მომავლის ენა?

მაგრამ საკითხი არც ამა თუ იმ პასუხის გაცემით ამოიწურება. საქმე ისაა, რომ ენა, მართალია, უაღრესად თავისებური სოციალური მოვლენაა, მაგრამ ინდივიდუალური მოვლენაცაა და არასოდეს არ შეიძლება მისი გარდუეალ კანონებში ჩასმა, ყველასათვის ერთნაირად მისაღებ ფორმებში ჩამოყალიბება.

ენა ადამიანთა ინდივიდების კოლექტიური შემოქმედების ნაყოფია და იმდენად მრავალფეროვანია იგი, რამდენი შემოქმედიც მონაწილეობას ღებულობს მის გამდიდრებასა და განვითარებაში. ენის წინსვლა მჭიდროდ არის დაკავშირებული სოციალური ცხოვრების უღრმეს მოვლენებთან და ამაზე დაყრდნობილი ადამიანის სულიერ-გონებრივ შემოქმედებასთან. ყოველი ახალი მოვლენა ერის ეკონომიკურ-პოლიტიკურ-კულტურულ სფეროში გადადის ხალხის ენობრივ სალაროში.

საერთო ეროვნული ენის გამდიდრებაში და ფორმების გამოშუშავებაში მონაწილეობას ღებულობს როგორც ყოველი ცალკე პირი, ისე რომელიმე კლასი, სოფელი და ტომი. მიუხედავად იმისა, რომ ქართველ ხალხს აქვს ერთი სალიტერატურო ენა, საქართველოს სხვადასხვა კლასებს მაინც განსაკუთრებული ელფერის სალაპარაკო ენა, ანუ კილოკავი ახასიათებს. ქართლში სხვა იერით ლაპარაკობენ, ვიდრე იმერეთში. გურია თავისებურ სურნელებას აძლევს საერთო დედა ქართულს, ასეა რაჭა, აჭარა, კახეთი, ჭავჭავთი, ლეჩხუმი... ცალკე პიროვნების შემოქმედების თავისებურების საუკეთესო მაგალითი ცალ-ცალკე მწერლების შემოქმედებაა. თუ მწერალი ოდნავად ნიჭიერია, მას უსათუოდ ახასიათებს ენის თავისებურება: სიტყვათა მარაგი, წინადადების კონსტრუქცია, გამოთქმის სურათიანობა და სხვ. აკაკი წერეთელს თავისი ენა აქვს, ილია ჭავჭავაძე თავისებურად გამოთქვამს აზრებს, ასევე ვაჟა-ფშაველაც, ყაზბეგიც და სხვ.

ვისი ენა ვასწავლოთ მომავალ თაობას — აკაკის, ვაჟასი, ილიასი თუ რომელიმე პროვინციის ან კიდევ საერთო ეროვნული ენა? როგორ მოვექცეთ თვითონ შეგირდის შემოქმედებას ენის სფერო-

ში, პატივი ვსცეთ მის ინდივიდუალობას თუ სხვათა ენობრივ სიმ-
დიდრეს ვაზიაროთ იგი? უმეპელია, რომ ყოველივე ეს საკმაოდ არ-
თულებს ენის სწავლების საქმეს.

სკოლაში ენის გარშემო მუშაობა არსებულ და ხმარებაში
მყოფი ენობრივი ფაქტებიდან იწყება, ვიხილავთ სასკოლო სახელმძ-
ღვანელოები ამ ენით არის შედგენილი. მაგრამ გზადაგზა ვერც ენის
ისტორიას აუხვევთ გვერდს. მაგ., ხშირად ძველ, დღეს ხმარებიდან
გამოსულ ფორმებსაც შევხვდებით და მათი ასსხაც აუცილებელი
გახდება. მაშასადამე, ენის აწმყო და მისი ისტორია აუცილებელი
რამ არის სასკოლო მუშაობაში და საკითხიც იმის შესახებ, თუ რო-
მელი ენა ისწავლებოდეს — აწმყოსი თუ წარსულის, თავისთავად
წყდება. რაც შეეხება მომავლის ენას, აქ მხოლოდ კერძო ინდივი-
დის მხრივ ხალხის ენის ბუნებასთან შეთანხმებულ ცალკე ფორმე-
ბის შექმნასთან გვაქვს საქმე და ამიტომ რაიმე ფართო მიზნების
დასახვა შეუძლებელი იქნებოდა. ესპერანტოზე მუშაობა ჩვენი საქ-
მე არ არის.

რაც შეეხება იმას, თუ ვისი ენა უნდა ისწავლებოდეს აწმყო-
დან — მწერლის, პროვინციის, თუ საერთო ეროვნული — ეს უფ-
რო რთული საქმეა, თუ მივიღებთ მხედველობაში იმ გარემოებასაც,
რომ ბავშვის პირად შემოქმედებასაც ანგარიში უნდა გაეწიოს ამ
მუშაობის პროცესში.

თანამედროვე ენა ასეთნაირადაც შეგვიძლია წარმოვიდგინოთ:
ლიტერატურული ენა, ხალხის ენა და ცალკე პიროვნების ენა:

ლიტერატურული ენა ის ენაა, რომლის საშუალებით გამოით-
ქმის ხალხის უკეთეს და ნიჭიერ შვილთა მიერ ნაგრძნობი და ნა-
ფიქრი სათუთ და უაღრესად დახვეწილ ფორმებში. ამ ენაზეა და-
წერილი სულიერი კულტურის უძვირფასესი საგანძურები—სხვა-
დასხვა შინაარსის წიგნები, ამ ენით ლაპარაკობენ პოლიტიკური
მკვებრმეტყველნი და პროფესორ-მასწავლებლები, ამ ენაზე იცემა
მრავალტირაჟიანი ჟურნალ-გაზეთები, ამ ენაზე ლაპარაკობს სცენა,
სკოლა. ლიტერატურულ ენას ახასიათებს უაღრესი დახვეწილობა და
სიზუსტე, ფორმათა ერთნაირობა და სხვ. ენის ევოლუციის სა-
ერთო კანონებს, რასაკვირველია, ლიტერატურული ენაც ემორჩი-
ლება, ავტორის ინდივიდუალობასთან აქაც გვაქვს საქმე, მაგრამ
საერთო ნორმების არსებობა მაინც უტყუარი ფაქტია და ყოველი
თავისებურობა არსებული ნორმების საფუძველზე ხდება, გამო-
სავალი წერტილი უმეტესობის მიერ დაკანონებული ფორმებია.

ლიტერატურული ენა, როგორც სანიმუშო რამ, საფუძვლად უნ-
და ედოს მფელ სასკოლო მუშაობას, ეს ენა უნდა იყოს მისაბაძი
ნიმუში, რომელიც თავის მხრივ იწვევს მოწაფეში პირადი ენობრი-
ვი შემოქმედების გაღვივებას. დააკვირდით ჩვენი დიდი მწერლების

გაელენას შედარებით პატარა ნიჟის მწერლებზე. მაგალითისათვის ავიღოთ აკაკი წერეთელი, რომლის მსუბუქმა ენამ და მომხიბლავმა ფორმებმა მგოსანთა მთელი რიგი შექმნა და საერთოდ მეტად გააადვილა აზრისა და გრძნობის გამოთქმის საშუალებანი. აკაკის ენა სამაგალითო და მისაბაძი შეიქმნა ყველასათვის, აკაკის ცქრიალა ლექსების შემდეგ შეუძლებელი შეიქმნა თუნდაც ნ. ბარათაშვილის, გრ. ორბელიანისა და სხვათა ენით წერა.

მოსწავლე ახალგაზრდობაც ასეთ მიმართებაში უნდა გვეყავდეს სალიტერატურო ენის მიმართ. მაგრამ ეს სრულებით არ ნიშნავს იმას, რომ ხალხური ენა უგულებელვყოთ და შესწავლისა და მიბაძვის საგნად არ გადავაქციოთ. ლიტერატურულ ენას იმდენად უფრო მეტი ღირსება აქვს, რამდენად იგი ხალხის სალაპარაკო ენას უახლოვდება და მისგან სესხელობს გამოთქმის საშუალებებს. ხალხური ენა ის ანკარა წყაროა, რომლის წვეთების სხურება ერთიანად აცოცხლებს და აცხოველებს ლიტერატურულ ენას. უკანასკნელს ყოველ წუთს მოელის ერთგვარი გამოფიტვა და შაბლონურ ფორმებში ჩაფლვა, კანცელარიულ ენად გადაქცევა, თუ მას ღრმად არ უდგას ფესვები ერის საფუძველში — მშრომელ მასაში.

ხალხური ენა უაღრესად მოკვეთილია, სურათოვანი და სადა, რისკენაც ყოველ წუთს უნდა მიისწრაფოდეს ლიტერატურული ენაც.

ამიტომ ხალხური ენაც აუცილებლივ უნდა შეადგენდეს შესწავლის საგანს და სკოლის კედლებში ლიტერატურული ენის გვერდით მაშვრალთა ენაც უდიდესი ყურადღებით უნდა სარგებლობდეს.

როგორც ლიტერატურული, ისე ხალხური ენა, რასაკვირველია, ისწავლება ყოველი მოწაფის ინდივიდუალური შემოქმედების მიდგომით და ელფერით. ამიტომ ეს მომენტიც შესაფერადგვილზე უნდა იყოს დაყენებული და არამც და არამც არ უნდა დაიხრდილოს. არ შეიძლება მოწაფეს მოეთხოვოს წეროს ისე, როგორც წერდა ვაჟა-ფშაველა, ილია, აკაკი. არც ისე შეიძლება მოეთხოვოს, რომ სახალხო ზღაპრებისა და თუნდაც ლექსებისებურად წეროს. რასაკვირველია, ყოველივე ეს მისაბაძი და სამაგალითოა, როგორც სიტყვათა მარაგის, ისე ლაშაზი გამოთქმების მხრივ, მაგრამ უნდა გატარებულ იქნეს შეგირდის საკუთარი შემოქმედების ბრძმედში და მხოლოდ ამის შემდეგ იქნება ნაყოფიერი ყოველგვარი მიბაძვა.

ენის საშუალებით ადამიანი სხვაზე გადასაცემად გამოთქვამს (ზეპირად თუ წერით) თავის აზრსა და გრძნობას, რათა ძირითადი მიზანი — სხვაზე გადაცემა — უკეთ განხორციელდეს, საჭიროა, აზრი იყოს ნათლად და გასაგებად გამოთქმული. ეს კი შესაძლებელია მხოლოდ მაშინ, თუ ადამიანი თავის აზრს გამოთქვამს მოკლედ და სხარტად, ზედმეტი სიტყვების დაურთველად. „გრძელი სიტყვა

მოკლედ ითქმის, "ზაირია ამაღ კარგიო", — უთქვამს სტილის გენი-
ალურ ოსტატს შოთა რუსთაველს. რუსები ამბობენ: ლაპარაკში
სიტყვებს უნდა ევიწროებოდეს და აზრს ეფართოებოდესო. სიტყ-
ვის მინიმუმი და აზრის მაქსიმუმი, — აი რა მოეთხოვება ენის კარგ
მცოდნეს. ფრაზაში არ უნდა იხმარებოდეს არც ერთი ზედმეტი სიტ-
ყვა, რაც აზრის გამოთქმას აბუნდოვანებს, თანაც თითოეული ახა-
ლი წინადადება უმეტეს შემთხვევაში რაიმე ახალს უნდა უმატებ-
დეს უკვე ნათქვამსა და ამნაირად ფრაზათა შორის შეურყეველი
ლოგიკური კავშირი უნდა არსებობდეს.

გარდა ამისა, სხვისი აზრის უკეთ შესაგნებად ენა უნდა იყოს
სურათოვანი, ცოცხალი შედარებებით სავსე და მუსიკალური.

სურათოვნება უაღრესად ალაზნებს და თანაც ადიდებს ენის
მოქმედების ძალას. ეპითეტი, ტროპი და ფიგურალობა ერთიანად
იტაცებს სულსა და გულს და მონანსენის შეგნების პროცესიც ერ-
თიანად ძლიერი ხდება.

ამიტომ ამ გარემოებასაც დიდი ყურადღება უნდა მიექცეს
სასკოლო მუშაობის დროს. მოწაფეები უნდა იხსომებდნენ მწერალ-
თა და ხალხურ ნაწარმოებთა სურათოვან გამოთქმებს. თითონაც უნ-
და ქმნიდნენ მათი მიბაძვით და ყოველივე ეს საჭიროების მიხედვით
გადაჰქონდეთ თავის ზეპირსა თუ წერითს მეტყველებაში.

მოკლედ, გასაგებად, სურათოვნად და ორიგინალურად თავისი
აზრის გამოთქმა, — აი რა უნდა იყოს ჩვენი სასკოლო მუშაობის
მიზანი მშობლიური ენის შესწავლის დროს.

„ვეფხისტყაოსანი“ სკოლაში

ძველი ქართული ლიტერატურა საშუალო სკოლის მე-8 კლას-
ში ისწავლება. „ვეფხისტყაოსნის“ შესწავლას წინ უსწრებს რამ-
დენიმე აგიოგრაფიული სალიტერატურო ძეგლი და კარის პოეზიის
ნიმუშები.

თითოეული ეს მასალა განიხილება განსაზღვრულ საზოგადო-
ებრივ-ისტორიულ გარემოში: მოწაფეები ზოგადად ეცნობიან საქარ-
თველოს ეკლნომიკურ სტრუქტურას, წოდებებსა და წოდებრივ ურ-
თიერთობას, პოლიტიკურ წესწყობილებას, მეზობელ სახელმწიფო-
ებთან ურთიერთობას. საერთო კულტურული განვითარების დონეს
და ლიტერატურულ მოვლენებს.

„ვეფხისტყაოსნის“ შესწავლის დაწყებამდე მე-8 კლასის მო-
წაფეებს საკმაოდ გარკვეული წარმოდგენა უნდა ექნეთ საქართვე-
ლოს ისტორიული გზების შესახებ. მთლიანი სახელმწიფოებრივი
ორგანიზაცია საქართველოს ტერიტორიაზე მხოლოდ მე-9 საუკუნი-
დან ისახება, მანამდე ქართველი ტომები ცალკე საერისთაოებად იყ-

ენენ დაქსაქსულნი და არც დამოუკიდებელი პოლიტიკური ცხოვრება ჰქონდათ. მე-7 საუკუნემდე სპარსელებისა და ბიზანტიელების ხელში იყვნენ, მერე აღმოსავლეთ საქართველოში არაბები ბატონობდნენ, დასავლეთში კი ბიზანტიის გავლენა იყო. მე-9 საუკუნიდან დაწყებული ქვეყნის გაერთიანების პროცესი დასავლეთ საქართველოდან წამოვიდა. ბიზანტიის გავლენა მოჩვენებითი იყო. სინამდვილეში კი ქართველი ფეოდალური მეფეები თავისუფლად მოქმედებდნენ თავიანთ ქვეყანაში და განვითარებული ბიზანტიის ზეგავლენასაც თავის სასარგებლოდ იყენებდნენ. ამიტომაც საქართველოს ეს ნაწილი წინ უსწრებს აღმოსავლეთს სახელმწიფოებრივი მშენებლობის მხრით. დიდი ნაბიჯი წადგა წინ სამხრეთ საქართველომაც — ტაო-კლარჯეთმა, საიდანაც გამოვიდა ქართველ მეფეთა დინასტია — ბაგრატიონები.

პირველი მონარქი, რომელმაც გააერთიანა აღმოსავლეთი და დასავლეთი საქართველო, იყო ბაგრატ III (980—1014), მას მოჰყვნენ გიორგი I (1014—1027), ბაგრატ IV (1028—1072), გიორგი II (1072—1089), დავით აღმაშენებელი (1089—1125), დიმიტრი I (1125—1156), გიორგი III (1156—1184) და თამარ მეფე (1184—1212). ეს არის ეპოქა, რომელმაც წარმოშვა მძლავრი ქართული აბსოლუტური მონარქია, რომლის ეკონომიკურ ბაზას შეადგენდა საუკუნეთა მანძილზე მტკიცედ ჩამოყალიბებული ფეოდალური მიწათმფლობელობა. მთელი სახელმწიფოს მიწა-წყალი ეკუთვნოდა მეფეებს და ფეოდალებს, ხოლო მიწას ამუშაებდა გლეხობა — მიწის მუშაკნი — ყმებისა და მონების სახით, როგორც სახელმწიფო ორგანიზაციის ჩამოყალიბება, ისე ფეოდალური მიწათმფლობელობის დამკვიდრება ცხარე ომებისა და კლასობრივი ბრძოლის საშუალებით სწარმოებდა მთელი ამ ხანგრძლივი პერიოდის განმავლობაში.

კულტურული განვითარების მხრით მაშინდელი საქართველო ბევრად არ ჩამოუვარდებოდა თავის მეზობლებს — სპარსეთსა და ბიზანტიას.

ისტორიული მოვლენების დაწვრილებით შესწავლა ქართული ლიტერატურის მასწავლებელს არ ევალება, მისი საქმეა საერთო მიმოხილვა, რაც შეეხება ლიტერატურულ ფაქტებს, აქ კი დაზუსტებული მუშაობაა საჭირო.

შოთას ქმნილებამდე ქართულ ლიტერატურაში მიმდინარეობს ორი მძლავრი ნაკადი: საეკლესიო — აგიოგრაფიული და საერო; ეს ორი მიმართულება მრავალ წერტილში ხვდება ერთმანეთს, მათი სოციალური ფუნქცია თითქოს სხვადასხვაგვარი უნდა იყოს, მაგრამ საბოლოო ჯამში, როგორც სასულიერო, ისე საერო მწერლობა ქართველი ხალხის სახელმწიფოებრივად ჩამოყალიბებას ემსახურე-

ბა. „შუშანიკის წამება“, როგორც რელიგიური საპროპაგანდო ძეგლი. ამავე დროს ეროვნულ დამოუკიდებლობის იდეასაც ემსახურება, ამავე საქმეს აკეთებდა არაბთა ბატონობის დროს „აბო ტფილელის წამება“ და ზოგიერთი სხვა ძეგლი. კარის პოეზიის ნიმუშებიდან თითქმის ყველა ისახავს განსაზღვრულ ეროვნულ-სახელმწიფოებრივ მიზნებს. სპარსულიდან გადმოკეთებული „ამირან-დარეჯანიანი“ გმირობისა და ვაჟკაცობის სულით არის გაუღწეო, მთელ ნაწარმოებში რაინდული ბრძოლები იშლება და ხმლების ჩახაჩუნი გაისმის. ბრძოლებისა და სისხლის ღვრით საესე საქართველოს გაერთიანების პროცესი სწორედ მათი მოვლენებით ხასიათდებოდა. მოსე ხონელის საშრობოც შესანიშნავად ამჟღავნებდა ეპოქის იდეოლოგიას. იმ ხანას; როდესაც ქართული ეპიკები თავიანთივე ფეოდალური სამფოლგობების გაფართოების საქმეს მუშტითა და ხმლით ასრულებდნენ, სწორედ მეფის სადიდებლად და ვაჟკაცთა სიმამაცის საქებრად შეთხზული ნაწარმოები უნდა მოეცა. „ამირან-დარეჯანიანი“ მშვენიერად ასრულებდა ამ ფუნქციას. ამავე მიზნებს ემსახურებოდა შავთელის „აბდულმესია“ და ჩახრუხადის „თამარიანი“. ხალხის გამაერთიანებელი ძალის — მეფის ქება-დიდება და ღვთის წარმომადგენლად გამაცხადება, სარწმუნოებრივი გრძნობის, სახელმწიფოებრივი გრძნობის, სახელმწიფოებრივი მიზნებისათვის გამოყენება, — საიქიოს დიდებით სააქაო საქმეების მოგვარება, — აი, რა ახასიათებს შოთას წინადროის ქართულ ლიტერატურას. როგორც აგიოგრაფიული, ისე საერთო ხასიათის შინაარსის ნიმუშების საბრძოლო დედაზრი ეპოქის მოწინავე იდეებს წარმოადგენდა.

ყოველივე ამაზე მოწაფეებს სრულიად გარკვეული წარმოდგენა უნდა ექნეთ, რათა სათანადოდ შეძლონ „ვეფხისტყაოსნის“ იდეური რაობის შეგნება, რომ უკედავ პოემას, რომელიც „ოქროს ხანის“ ლიტერატურის ლოგიკურ განვითარებას წარმოადგენს და რომელიც იდეოლოგიურად მტკიცედ არის დაკავშირებული წინადროის ქართულ ლიტერატურასთან, წინ უძღოდნა სალიტერატურო ფორმებისა და ენის ჩამოყალიბება. პროზაული თხზულების ნიმუშებს წმინდანთა წამებანი და „ამირან-დარეჯანიანი“ წარმოადგენს, ლექსის ფორმით შეთხზულია „აბდულმესია“ და „თამარიანი“. თანაც ლექსთა თხზვის კულტურა — რიტმი, რითმა, მარცვალთა განსაზღვრული რაოდენობის დაცვა — მაღალ დონეზეა ასული. შავთელის „აბდულმესია“ ათმარცვლოვანი ლექსით არის დაწერილი, ჩახრუხადის „თამარიანი“ — რვა მარცვლოვანი შაირით. რაც შეეხება სალიტერატურო ენას, ისიც შესანიშნავად არის განვითარებული, განსაკუთრებით სრულიად გადმოკეთებულ-გადმოქართულებული რომანის „ვისრამიანის“ ენა.

ყოველივე ზემონათქვამი „ვეფხისტყაოსნის“ შესწავლის წინ უნდა გამოვრებულ და შევამებულ იქნას. უნდა მოიხაზოს თამარის ეპოქა. როგორც წინა პერიოდის განვითარების მომდევნო საფეხურია ამის შემდეგ იწყება „ვეფხისტყაოსანზე“ მუშაობა.

პირველად მოწაფეებს გადაეცემა ცნობები რუსთაველის, როგორც პიროვნების შესახებ. ამის შემდეგ პირდაპირ უნდა იქნეს დაწყებული პოემის კითხვა იმ ადგილიდან, საიდანაც ფაბულა იწყება: „იყო არაბეთს როსტევან“ და სხვ. ნაწარმოების შესავალი, როგორც ერთგვარი თეორიული ნაწილი. შესწავლილ უნდა იქნას მას შემდეგ. რაც საკუთრად პოემა გარჩეული და შეთვისებული იქნება. მხოლოდ ამ მუშაობის შემდეგ შოთას პოეტიკის თეორიული მოსაზრებანი ადვილად დასაბუთდება პოემიდან შესაფერი ადგილების მოყვანით.

მოწაფეებს ძალიან აინტერესებთ „ვეფხისტყაოსნის“ ტექსტის ორიგინალობისა და კვლევის საკითხები. ვევი არ არის, რომ საშუალო სკოლასაც უნდა ჰქონდეს ამ მომენტებზე გარკვეული წარმოდგენა. ამიტომ მასწავლებელმა უსათუოდ უნდა მისცეს მოწაფეებს ზოგადი ცნობები ამ საკითხებზე ინფორმაციის სახით: უნდა მოკლედ გააცნოს ტექსტის ისტორია.

ამ საუბარსაც მასწავლებელი ჩაატარებს პოემის გარჩევის შემდეგ: საგნისადმი დამოკიდებულება და ინტერესი ამ დროს გაცილებით უფრო შეგნებული და ძლიერი იქნება, ვინემ პოემის დამუშავების წინ. მაგალითად, „ვეფხისტყაოსნის“ ორიგინალობაში მოწაფეები მხოლოდ მის შემდეგ დარწმუნდებიან, როცა დოკუმენტალურად გაეცნობიან პოემის იდეების და მხატვრული სახეების ნათესაობას ქართულ სინამდვილესთან: ლიტერატურასა. იდეოლოგიასა, ეკონომიკურ ფორმაციასა და სახელმწიფოებრივ წყობილებასთან. მასწავლებლის ცოდნაზე და პედაგოგიურ უნარზეა დამოკიდებული, თუ რამდენად ნაყოფიერად გამოიყენებს იგი ყველა იმ მასალას, რომელიც „ვეფხისტყაოსნის“ კვლევის პროცესში დაგროვილა.

„ვეფხისტყაოსნის“ წაკითხვის ორგანიზაცია

ენობრივ სიძნელეთა გამო, მოწაფეთა დიდ ნაწილს უძნელდება „ვეფხისტყაოსნის“ წაკითხვა და გაგება. ამიტომ პოემის კითხვის სიმძიმე კლასში პირველ ხანებში მაინც მასწავლებელზე გადადის. მისი გარკვეული და სანიმუშო კითხვა თანდათან შეიყვანს მოწაფეებს რუსთაველის შემოქმედების მომხიბვლელ სფეროში და სიტყვათაგან აწყობილ მუსიკაში. მოქმედების დრამატუზში და სწრაფი განვითარება, მომხიბლავი პოეტური სურათების კინემატოგრაფიული

სისწრაფით ცვლა და მომჯადოებელი მუსიკალობა პირველი ტაეპე-
ბიდანვე იმორჩილებს მოწაფეთა წარმოსახვის უნარს. ძლიერი სუ-
რათები და მაღალი პოეტური მეტყველება თავიდანვე უდიდეს ინ-
ტერესს აღვიძებს და მოწაფეებზე გულისფანქვალთ უგდებენ ყურს
მასწავლებლის კითხვას. ამავე დროს საკუთარ წიგნებშიც ჩუმად კი-
თხულობენ და მხადამსარ მიჰყვებიან მასწავლებელს. კითხვისას მას-
წავლებელი დროდადრო, მთლიანი ნაწილის წაკითხვის შემდეგ, 2-3
წუთით ჩერდება და რამდენიმე სიტყვით განმარტავს წაკითხულ ნა-
წილს. მაგ., პირველი თავის კითხვის დროს შეჩერდება მე-8 ტაეპის
დასასრულთან, ამ სიტყვების წინ: „ავთანდილ იყო სპასპეტი“ და
სხვ. უკვე წაკითხულის შინაარსს ასე გადასცემს: არაბეთის მეფე
როსტეგანი, რომელსაც სიბერე მოუახლოვდა, გადაწყვეტს, თავის
სიცოცხლეშივე ტახტზე აიყვანოს თავისი ერთადერთი ასული — თი-
ნათინი. ამ გადაწყვეტილებას მეფე ვეზირებს აცნობებს. ვეზირები
დაწამობას გამოთქვამენ: მართალია, ქალია, მაგრამ მეფობა მასაც
ბეუძლიაო — მოახსენებენ:

„თუცა ქალია, ხელმწიფედ, მართ ღმრთისა დანაბადია;
არ გათნუთ, იცის მეფობა, უთქვენოდ გვიტყვამს კვლადია...
ლუკვი ღობისა სწორია, ძუ იყოს, თუნდა ხვადია“.

ამის შემდეგ მასწავლებელი წაიკითხავს და მოკლედვე განმარ-
ტავს სან მომდევნო ტაეპს, რომლებიც გვაცნობს ავთანდილის ვინა-
ობას და თინათინისადმი სიყვარულს. შემდეგ—თინათინის გამეფე-
ბის და მის გამო გამართულ ნადიმს, ამას მოჰყვება ავთანდილისა და
სოგრატის გასაუბრება როსტეგანთან მერე სანადიროდ გასვლა, ნა-
ღირობა და ა. შ.

გაკვეთილი ისე უნდა იქნეს მოფიქრებული, რომ პირველი თავი ერთ
გაკვეთილზე იქნეს წაკითხული მასწავლებლის მიერ. კითხ-
ვის პროცესში მასწავლებელი განსაკუთრებით აღნიშნავს აფორის-
ტულ გამოთქმებს და ძლიერ პოეტურ სურათებს. საშინაო დავალებად
ამ გაკვეთილის დასასრულ მიცემული იქნება მოწაფეების მიერ
ამავე თავის წაკითხვა და ავეგმევა, საშინაო დავალების სახით უნდა
წაიკითხონ აგრეთვე მეორე თავიც („ნახეს, უცხო მოყმე ეინმე“).

მეორე გაკვეთილზე მასწავლებელი მოითხოვს პირველი თავის
შეკუმშულად გადმოცემას აფორიზმებისა და პოეტური სურათების
შესაფერად გილებზე ციტირებით (უმთავრესად წიგნიდან, ნაწილობ-
რივ ზეპირადაც), შემდეგ გადადის მეორე თავის კითხვაზე. თუ მო-
წაფეებმა ეს თავი დავალების თანახმად გულდასმით წაიკითხეს, მას-
წავლებლის კითხვა მეორე გაკვეთილზე გაცილებით უფრო გასაგები
იქნება, ვინემ ამას პირველ გაკვეთილზე ჰქონდა ადგილი. თუნდაც
წაკითხული არ ჰქონდეთ, მეორე თავს პირველთან შედარებით მაინც

უკეთ გაიგებენ: უკვე აღძრული ინტერესი, მარტივი და ძლიერი სახეები და თხრობის წარმტაცი სილამაზე უდიდეს შთაბეჭდილებას აქვს ბავშვის განცდაზე, ენობრივი სიძნელე სრულიად შეუმჩნეველად ქრება, პოემის მომხიბლავი შინაარსი გაუგებარ სიტყვებს მთლიანად წაკითხული ფრაზის საშუალებით ნათელს და გასაგებს ხდის. მესამე-მეოთხე თავებიდან თითქმის ყოველგვარი სიძნელე ქრება: მოწაფეები მშვენიერად ითვისებენ პოემის შინაარსს და თანდათან ხდება აქტიურ მკითხველებად.

თითქმის ყოველი გაკვეთილი ისე უნდა დასრულდეს, როგორც პირველი გაკვეთილის შესახებ იყო ნათქვამი: საშინაოდ უნდა მიეცეს დღეს წაკითხული ნაწილი ადგილების გადმოცემით (წიგნზე ფართოდ დაყრდნობით), მოკლე გეგმით და შემდეგი გაკვეთილის შინ წაკითხვით. რამდენჯერმე იქნება აგრეთვე წაკითხულის მთლიანი შინაარსის გადმოცემა პირველი თავიდან. ამ დროსაც მოწაფეები ფართოდ იყენებენ წიგნს — ახდენენ ზუსტ ციტირებას, იყენებენ შოთას სიტყვათა მარაგს და გამოთქმებს. ზოგიერთი ადგილი მოკვავთ ზეპირადაც. პოეტის ციტირებას, მის სიტყვათა მარაგის გამოყენებას და აფორიზმების ზეპირად თქმას განსაკუთრებული ყურადღება უნდა მიექცეს. მოწაფის თხრობის მწერლის მაღალ მეტყველებამდე აყვანა და არა პირიქით — მწერლის ენის ბავშვამდე ჩამოყვანა, — აი, რა პრინციპით უნდა ხელმძღვანელობდეს ყოველთვის სკოლა.

მასწავლებლის მიერ რამდენიმე თავის სანიმუშოდ წაკითხვის შემდეგ მოწაფეები ისე გააქტიურდებიან, რომ უკვე შესაძლებელი იქნება ძლიერ მოწაფეთა კითხვაში ჩაბმა მასწავლებლის შესანაცვლებლად. შესაძლებელი გახდება აგრეთვე ზოგიერთი თავის შინ წასაკითხად მიცემა, ხოლო საკლასოდ შინაარსის გადმოცემით დაკმაყოფილება. ამ ხერხს განსაკუთრებულ პირობებში უნდა მიემართოთ.

წაკითხული უნდა იქნეს პოემის მთელი ტექსტი და არა მისი შემოკლება, როგორც ეს არის წარმოდგენილი მე-8 კლასის სახელმძღვანელოში. ყოველმა სკოლამ მიზნად უნდა დაისახოს, რომ „ვეფხისტყაოსანის“ ეგზემპლარი თითოეულ მოწაფეს ჰქონდეს შეძენილი, გენიალური პოემა მისი ბიბლიოთეკის კუთვნილება უნდა იყოს.

რამდენი საათი უნდა მოეანდომოთ პოემის წაკითხვას? დაგეგმვაყოფილებს თუ არა პროგრამით განკუთვნილი საათები? თბილისის სკოლები „ვეფხისტყაოსანზე“ მუშაობენ მთელი მესამე მეოთხედის განმავლობაში, ექვსდღიურში ლიტერატურას მე-8 კლასში ეთმობა 3 საათი, მეოთხედში გამოდის 30 საათი. ამ საათებით დაკმაყოფილება არავითარ შემთხვევაში არ შეიძლება, ამიტომ აუცილებელი იქნება კლასგარეშე კითხვისა და ლიტერატურული წრეების ფართოდ.

გამოყენება. პოემას დაახლოებით სულ 40 საათი დასჭირდება. წაკითხვისათვის საჭირო იქნება 12—15 საათი მაინც. თუ მუშაობა ისე წარიმართება, როგორც ზევით იყო ნაჩვენები, აფორიზმებისა და მეტაფორების დიდი ნაწილი ამ პროცესში შეისწავლება, შინაარსიც ისე კარგად ეცოდინებათ, რომ პოემის კითხვის დამთავრების შემდეგ ძალიან ადვილად შეძლებენ მის გადმოცემას.

აქვე უნდა შეეჩერდეთ ერთს გარემოებაზე—ეს არის გაუგებარი სიტყვების ახსნა. ნათქვამი იყო, რომ ბევრი სიტყვა, პოემაში გამოყენებული, გასაგები ხდება, მაგრამ მთლიანად მაინც ამით ვერ დავეკმაყოფილებით; საჭირო იქნება სპეციალური ახსნა-განმარტებაც. როგორც მოწაფეს: ისე მასწავლებელს ფართო დახმარებას გაუწევს ამ მხრივ არსებული ლექსიკონები, ზოგ სიტყვას მასწავლებელი ხსნის, ზოგსაც მოწაფეები ეძებენ ლექსიკონში. თანაც ისიც უნდა ვიცოდეთ, რომ ფართო ფილოლოგიურ მუშაობას საშუალო სკოლაში ვერ ვაწარმოებთ, — ეს უნივერსიტეტისა და სპეციალისტების საქმეა. ამიტომ შესაძლებელია, ზოგი სიტყვა ყოველმხრივ არ იქნეს ახსნილი, ზოგიც შეიძლება აუხსნელი დარჩეს, — ამ გარემოებამ არ უნდა შეგვაშინოს, თუკი, რასაკვირველია, ეს სიტყვა პოემის შინაარსის გაგებას არ უშლის ხელს.

შინაარსის მთლიანი გადმოცემა

პოემის წაკითხვის შემდეგ შინაარსი მთლიანად უნდა იქნეს გადმოცემული და აეგვილი. ნაწარმოებში არსებითად ორი სამეფოს — არაბეთისა და ინდოეთის ფარგლებში დატრიალებული ამბებია მოთხრობილი. არაბეთიდან მოკმედებენ: როსტევეანი, თინათინი, ავთანდილი და შერმადინი, ინდოეთიდან კი: ტარაული, ნესტან-დარეჯანი და ასმათი. პოემაში მოცემულია აგრეთვე ნურადინ ფრიდონისა და მელიქ სურხავის სამეფოები. უკანასკნელი წარმოადგენს ქალაქ-სახელმწიფოს — სახელად, გულანშაროს. პოემის შინაარსიც შეიძლება ამ ოთხი ნაწილის მიხედვით დაიყოს: ჯერ გადმოცემული იქნება არაბეთის სახელმწიფოსთან დაკავშირებული პერსონაჟების ამბავი, მერე ინდოეთის და ა. შ.

შეიძლება შინაარსის გადმოცემის დროს ავტორს მიეყვებთ კვალდაკვალ და მისი გეგმით ვიხელმძღვანელოთ. მასწავლებელს შეუძლია გამოიყენოს გადმოცემის მესამე გზა: პოემის კინოსურათებად გაშლა ისე, როგორც ეს მოცემულია პოემაში. ვინაიდან შინაარსის სათანადოდ ათვისების საკითხს განსაკუთრებული მნიშვნელობა აქვს „ვეფხისტყაოსნის“ შესწავლის დროს, ჩემი აზრით, სამივე ეს საშუალება უნდა იქნას გამოყენებული ან მთლიანად პოემისთვის, ანდა კომბინირებულად. სამივე შემთხვევაში ფართო ადგილი

უნდა დაეთმოს წიგნის გამოყენებას: შესანიშნავი ადგილების ციტირებას. თანდათან უნდა გაძლიერდეს აგრეთვე ზეპირად ამა თუ იმ ადგილის მოყვანა.

შინაარსის გადმოცემის პროცესში გამომუშავდება ფაბულის გეგმა, სწარმოებს აგრეთვე ტექსტის კომენტირება. გეგმა პოემის კითხვის დროსაც დგებოდა, მაგრამ ეს იყო თითოეული თავის ამომწურავი, ეხლა კი უფრო ზოგადაა გეგმა უნდა იქნას გამომუშავებული. მაგალითად? 1) თინათინის გამეფება და ავთანდილ-როსტევეანის გასვლა სანადიროდ, 2) უცხო ყმის ნახვა და მიმალვა, 3) თინათინის დავალება ავთანდილის მიმართ, 4) ავთანდილის წერილი ყმების მიმართ. 5) ავთანდილი მიდის ტარიელის სძებრად. 6) ავთანდილი ნახავს ტარიელს, 7) ტარიელი ჰყვება თავის ბავშვობისა და გამიჯნურების ამბავს, 8) ტარიელი ასრულებს სატრფოს დავალებას ხატაელთა შესახებ, 9) ნესტან-დარეჯანის დაკარგვა, 10) ტარიელი ეძებს ნესტანს, 11) ფრიდონთან შეხვედრა, 12) ტარიელი და ასმათი, 13) ავთანდილის დაბრუნება არაბეთს და ტარიელთან ხელახალი წასვლის გადაწყვეტილება, 14) ანდერძი ავთანდილისა როსტევეანისადმი, 15) ავთანდილი კვლავ მიდის ტარიელთან, 16) ფრიდონის სამეფოში ავთანდილის წასვლა და მისი განცდანი, 17) ავთანდილი გულანშაროში და ფატმან ხათუნთან შეხვედრა, 18) ავთანდილი მიაგნებს ნესტანის კვალს, 19) წიოილი ნესტან-დარეჯანისა საყვარლისადმი, 20) ავთანდილი ბრუნდება ფრიდონთან და ტარიელთან, 21) სამი რაინდის თათბირი ქაჯეთის ციხის ასაღებად, 22) ნესტან-დარეჯანის განთავისუფლება, 23) ტარიელისა და ავთანდილის გამარჯვებით დაბრუნება და მათი ქორწილები, 24) სამი სამეფოს ბედნიერი ცხოვრება.

მხატვრული ანალიზი

პოეტური ნაწარმოების მხატვრული შეგრძნობა კითხვის პროცესში ხდება, ფორმა განუშორებელია შინაარსისაგან. მაგრამ სასკოლო მუშაობის პროცესში მაინც აუცილებელი ხდება მხატვრული ანალიზის გამოცალკეება, — ეს იმ მიზნით, რომ მოსწავლის ყურადღება გამახვილდეს ნაწარმოების ფორმაზე და აზრის გამოთქმის საშუალებებზე.

ფორმის მხრივ „ვეფხისტყაოსანი“ ეპიკური პოემაა. ეპიკური პოემა ეწოდება ისეთი ეპოსის (გვარის, ფორმის) ნაწარმოებს, რომელიც ლექსად გადმოსცემს რაიმე ფაბულაზე (ამბავზე) აგებულ მოთხრობას. პოემად იწოდება აგრეთვე ბარათაშვილის „ბედი ქართლისა“, ი. ჰავჭავაძის „კაკო ყაჩაღი“ და „განდევილი“, აკაკის „თორნიკე ერისთავი“, „ნათელა“ და მრავალი სხვა.

არჩია რა რუსთაველმა თავისი იდეების გამოსატქმელად ეპიკური პოემის ფორმა, თანაც თავისი მიზნების მიხედვით შეარჩია მოქმედი პირები: ბრძოლის უნარი და წყურვილი, მაღალი იდეალებისათვის თავდადება, ჩაგრულთა გაბედნიერებაზე ფიქრი მან დაინახა იმ რაინდთა შორის, რომელნიც გარს ეხვივნენ სამეფო ტახტს, აძლიერებდნენ მას და იბრძოდნენ მის განსადიდებლად. ამიტომაც თავისი პოემის მოქმედი პირები მას ამ წრიდან უნდა აერჩია. მაგრამ არ შეიძლებოდა მართო ამ წრით დაკმაყოფილება, ეს იქნებოდა მხატვრულად გაუმართლებელი არჩევანი: რაინდები არ ცხოვრობდნენ სხვა ფენებიდან იზოლირებულად, სინამდვილეში ისინი ზედბოდნენ სხვა ფენების ადამიანებსაც: ყმებს, ვაჭრებს, შონებს, ამიტომ რუსთაველი თავისი იდეის უკეთ გამოსახატავად ამ წრეებდნაც ირჩევს შესაფერ პერსონაჟებს: შერმადინს, ასმათს, ფატმანს და სხვ.

ამის შემდეგ იგი ითხოვს ერთგვარ ფაბულას, ამბავს, ასაკს განსაზღვრული გეგმის მიხედვით: ჯერ გვაჩვენებს თინათინის გამეფებას და ნადირობას, მერე უცხო ყმას, შემდეგ მის საძებნად წასულ აეთანდილს და ა. შ. ფაბულის გაშლის პროცესში მგოსანი აგვიწერს პერსონაჟების გარეგნობას და მოქმედებას, გვაცნობს მათს აზრებს, მათს სამოქმედო არეს, სხვა პირებთან დამოკიდებულებას და სხვ.

შოთა რუსთაველი გენიალური ოსტატობით შლის თავისი პოემის არაკს, ფაბულას. მისი თხრობა მკითხველს იტაცებს და აქადლოებს. უპირველეს ყოვლისა მკითხველის ფანტაზიას აცხოველებს მძლავრი მხატვრული სურათების მოკვეთილად და სწრაფად ჩვენება: ჯერ ერთი სანახაობის სიმშვენოერის ცქერით ვერ დამტყბარხარ და მეორეს გაჩვენებს, ერთი პოეტური სახე მეორის გვერდით აელვარდება. მეორეს მესამე მოსდევს, კიდევ უფრო ძლიერი, კიდევ უფრო გამკვირვებელი. დავაკვირდეთ პოემის პირველ თავს: პირველ ტაეპში მოკვეთილად არის მოხაზული როსტევეანის პორტრეტი, მეორე ტაეპში და მესამის პირველ ორ სტრიქონში თინათინის პროფილს ვხედავთ, მეოთხე და მეხუთე ტაეპებში როსტევეანი ვეზირებს ეთათბირება, მომდევნო სამ ტაეპში ჩვენ წინ დგანან ამეტყველებული ვეზირები, მე-9-11 ტაეპებში აეთანდილს გვაცნობს, მერე კი უცებ მოლის ზვიადი მეტყველება:

„არაბეთს გასცა ბრძანება დიქან არაბთა მუჯღმან“...

გაკვირვებულნი მიჰყვება გონების თვალი ამ ბრძანებას და კიდევ მოულოდნელად ასეთი სანახაობა გაიფლავებს:

„მოვიდეს სრელნი არაბნი, ჯარი განმრავლდა ხანისა,
ეთანდილ პირ-მზე, სპასხეცა ლაშქრისა ბევრ-ათასისა“...

იქვე კიდევ უფრო წარმტაც სურათია:

თინათინ მიჰყავს მამასა პირითა მით ნათელითა,
დასეა და თავსა გვირგვინი დასდგა თავისა ხელთა...

მოვიგონოთ, როგორი სისწრაფით ვითარდება ნადირობის სურათი, როგორ მოულოდნელად „ნახეს, უცხო მოყმე ვინმე“, რამდენი სისწრაფეა მის ბრძოლაში და ნაირნაირ პოეტურ სურათთა ჩვენება... შოთას კალამი ერთგვარი ჯადოქრული ნიჭით არის დაჯილდოებული, მისი წვერის ყოველი განახაზი სულ ახალ-ახალ სახეებს იძლევა, უჩვეულო და დრამატულ მდგომარეობებს ქმნის... და სწორედ თხრობის ასეთი უნარია, რომ იტაცებს და ატყვევებს მკითხველის წარმოსახვის ნიქს, თვალისმომჭრელი სურათები ერთიანად აფორიაქებენ მკითხველის ემოციურ სფეროს. ამავე დროს შოთას მიერ მოკვეთილად დახატული სურათი ყოველთვის დეტალების მოცემით არის გაცოცხლებული და არსად სქემატიზმსა და სიმშრალეს ადგილი არა აქვს. ავიღოთ მაგალითები:

„ადგეს სოგრატ და აეთანდილ ტანითა მით კენარიითა,
თვითო აიესეს ჰოქები, მივლენ ქცევითა წყნარიითა,
წინა მიესხდეს მუხლ-მოყრით, პირითა მოცინარიითა,
ვაზირი ლაღობს ენითა, წყლიანად მოუხნარიითა“.

პირველ სტრიქონებში შეიძლებოდა მარტო სოგრატის და აეთანდილის ადგომაზე ყოფილიყო ნათქვამი, მაგრამ პოეტმა ამასთან დაუმატა „ტანითა მით კენარიითა“, ე. ი. შნოიანიითა; მეორე სტრიქონს აცოცხლებს ეს სიტყვები: „მივლენ ქცევითა წყნარიითა“; მესამე სტრიქონის მოძრაობას აძლევს ეს ნათქვამი: „მუხლმოყრით, პირითა მოცინარიითა“? უკანასკნელ სტრიქონში ამ როლს ასრულებს სიტყვები: „ლაღობს“ და „წყლიანად“.

ეს გამაცოცხლებელი სიტყვები მხოლოდ დეტალებს იძლევა, მაგრამ ისეთ დეტალებს, რომლებიც სურათს ამოძრავებს და მიმზიდველს იღის.

შოთა უხვი და დაუშრეტელია სიტყვათა მარაგის მხრით, მაგრამ ძუნწია ფრაზაში სიტყვათა გამოყენების საქმეში, ამავე დროს მისი სიტყვა ათასჯერ შერჩეულია და აწონილ-დაწონილი. სიტყვათა და პოეტურ გამოთქმათა შერჩევა მიუღწეველ სიმაღლეზე აიყვანა მან, მისი გენიალობა აზრის ოსტატურად გამოთქმაში აქ აღწევს მრავალ მიუწვდენელ მწვერვალამდე: მისი შედარებები და მეტაფორები თვალს გვქრის, მისი რითმები მუსიკით გვიმონებენ.

ლექსად აზრის გამოთქმა განსაკუთრებულ ნიქს მოითხოვს. რუსთაველი ამ მხრივ განუზომლად იყო ბუნებისაგან დაჯილდოებული: ის იმდენად დაუფლებია ქართველი ხალხის დაუშრეტელი სიტყვების მარაგს, იმდენად დაუმორჩილებია თითოეული სიტყვა,

რომ პროზით ლაპარაკი, ალბათ არც ეხერხებოდა. შოთას ლექსიკონის თითოეული სიტყვა თავისთავად იწვევს რითმებს, მისკენ მიისწრაფის.

შოთას ლექსის ფორმა 16-მარცვლოვანი შაირია, რომელიც ძირითადად ახასიათებს ქართულ ხალხურ შემოქმედებას: ჩვენი ხალხური ლექსების უდიდესი ნაწილი ამ ფორმით არის შეთხზული. რუსთაველის გენიოსობის ერთ მხარეს ისიც გვიმტკიცებს, რომ იგი ასეთი სიღრმით მისწვდა მშრომელი ხალხის აზრთა გამოთქმის ფორმებს და თავისი ნიჭის წყალობით უმაღლეს ხარისხამდე აიყვანა ეს ფორმა.

შოთა წერს მაღალი და დაბალი შაირით:

იყო არაბეთს (როსტეჟან), მეფე ღმრთისაგან სვანნი.
მაღალი, უხვი, (მაღბალი), ლაშქრო-მრავალი ყმიანი,
მოსამართლე და (მოწყალე) შორკმელი, კაჯეზიანი,
თვით მეომარი (უებრო), კვლა მოუბარი წელანი,

თითოეულ ამ სტრიქონში 16-16 მარცვალია და ოთხ-ოთხი მუხლი, მასთან პირველ მუხლში არის ხუთი მარცვალი, მეორეში — 3, მესამეში — 5 და მეოთხეში — 3. ციფრებით რომ დაწვეროთ, ასეთ სურათს მივიღებთ 5 3 5 3 = 16.

მუხლებში მარცვალთა ასეთ დალაგებას ეწოდება დაბალი შაირი, ანუ რუსთაველური.

შეიძლება სალექსო სტრიქონი ისევე 16-მარცვლოვანი იყოს, მაგრამ მარცვალთა რაოდენობა თითოეულ მუხლში სხვაგვარი იყოს. მაგ:

ნახეს, უცხო /მოყმე ვინმე/ ჯდა მტირალი წყლისა პირსა,
შავი ცხენი ქსადავითა/ ჰყვა ღოშა და/ ვითა გმირსა,
ხშირად ესხა /მარგალიტი/ ლაგამ-აბჯარ-უნაგირსა,
ცრემლსა ვარდი /დაეთრთვილა/, გულსა მღულრად/ ანატირსა“.

თითოეულ ამ სტრიქონში არის 16-16 მარცვალი, ოთხ-ოთხი მუხლი, ხოლო თითოეულ მუხლში ოთხ-ოთხი მარცვალი.

პოეტურ შემოქმედებას თავისი ლექსიკა (სიტყვები, გამოთქმანი) უნდა ჰქონდეს. პოეტური ლექსიკის სიმდიდრეს და სიძლიერეს დიდი მნიშვნელობა აქვს. შოთა რუსთაველი ამ მხრივაც მიუწევდომელი მწვერვალია ქართულ პოეზიაში. მის მიერ აზრის გამოთქმის დროს ხმარებული პოეტური შედარებანი, ეპითეტები, მეტაფორები, ალეგორიები და სხვ. საშუალებანი პირდაპირ წარმტაცია და გამაოცებელი.

მოვიყვანოთ ზოგიერთი შედარება I და II თავებიდან:

„მათ გაანათლნეს ყოველი, ერთ მზემან მანათობელმან“,
 „ლარსა მხვეტლიან ლაშქარნი, მართ ვითა მიკობრენია“,
 „რომე ჰგეანდა სიუხვითა ბუქსა ზეით ნახუქალსა“,
 „სათა სპასჳეტი, ჩაუქი, ვითა ვეფხი და ლომი“,
 „ავთანდილის შემხედველთა: „ჰგავსო აღეას, ედემის ხეა“,
 „ხელთა ნაქედი მათრახი ჰქონდა უსხოსი მკლავისა“,
 „ცრემლსა სისხლი ეტოღა, გასდის ვითა ნაგუბარი“,
 „თვალი მზეებრ გამოიტღეს“

და სხვ.

ეპითეტები I და II თავებიდან:

პირველ ტაეპში როსტევეანის დასახასიათებლად ნათქვამი სიტყვები — სვიანი, მაღალი, უხვი და სხვა — სულ ეპითეტებია: „ავთანდილ პირმზე, სპასჳეტი ლაშქრისა ბევრ ათასისა, — „პირმზე“ ეპითეტია. „მოიხმო მისი გამზრდელი, ერთგული, ნაერთგულევი“. აქ ორი უკანასკნელი სიტყვა ეპითეტია. „ქურციკი მაღლა მხტომელი“, ორი ბოლო სიტყვა — ეპითეტია და სხვ.

შოთას ლექსიკა განსაკუთრებით მდიდარია მეტაფორებით. მეტაფორა არსებითად შედარებაა, მაგრამ შესადარებელი საგანი აქ არ ჩანს და პირდაპირ ერთი საგნის ნაცულად მეორე იხმარება დიდი მსგავსების გამო. ფრაზაში: „არცა გახლიჩა ბაგეთათ თავი ვარდისა კონამან“, სიტყვები „ვარდის კონამან“ ნახმარია უცხო ყმის — ტარიელის ნაცულად. „მელნისა ტბათა მიართვით, ჰბურავს გიშრისა კერითა“, ამ წინადადებაში „მელნის ტბა“ შავი თვლების ნაცულად არის ნახმარი, გიშერი — წამწამების.

აი კიდევ რამდენიმე მეტაფორული თქმა:

„ტაიკი მიუქს მერანსა, მოეფინების მზე ევლად“,
 „ამართის ფერად შესცვალა ბროლი: ცრემლისა ბანამან“,
 „გალიმის, ლოწი გააპის, კბილთაგან ეღვა კრთობოდა“,
 „ავთანდილ მკერდსა დაასხა მან — ლომსა სისხლი ლომისა“.

და სხვ.

ეპითეტებს, ცნობილ აფორიზმებს და პოემის ზოგიერთ ადგილს (პირველი თავი, ავთანდილის ანდერძი, მისი ლოცვა მიზგიტას, „მიმავალი ცასა შესტირს, ეუბნების, ეტყვის მზესა“ ბოლომდე, წერილი ნესტან დარეჯანისა და სხვ.) მოწაყეები ახსნიდა და განმარტების შემდეგ ზეპირად შეისწავლიან.

„ვეფხისტყაოსნის“ შესწავლამ ისე უნდა დაინტერესოს და ჩაითრიოს მოწაყეები, რომ მისი ყოველმხრივი დამუშავების შემდეგ ხელახლა წაიკითხონ პოემა. ახსნა-განმარტებებისა და კომენტარიების შემდეგ წაიკითხვა ერთიანად განამტკიცებს პოემის შინაარსს და მხატვრულ სიძლიერეს მოწაყეთა შეგნებაში. მოწაყეებს უნდა ეურჩიოთ, რომ პოემა ყოველთვის სმამალდა იკითხონ:

უნაც გაიწაფება და ყურიც შეეჩვივს რუსთაველის ლექსთა მუსიკას.

პოემის შესწავლის დასრულების შემდეგ უნდა მოხდეს მისი შედარება „ნიბელუნგებთან“, „დონ კიხოტთან“ და „ტრისტანისა და იზოლდას“ წიგნთან. იმ შემთხვევაში, თუ ეს თხზულებები მოწაფეებს წაკითხული აქვთ, „ვეფხისტყაოსნის“ შესწავლის პროცესშიც შეიძლება პარალელების გატარება შესაფერი კომენტარების ჩატარებით.

„ვეფხისტყაოსანზე“ მუშაობა იწარმოებს ორი თვის მანძილზე. ამ ხნის განმავლობაში პოემის გარშემო უნდა შესრულდეს რამდენიმე წერითი სამუშაო, ზოგი საკლასო, ზოგი საშინაო. კლასში უნდა შესრულდეს 3-4 ნამუშევარი, შინ — 4-5.

საწერი თემები შეიძლება ასეთი იყოს:

1. პირველი თავის შინაარსი.
2. თითოეული მოქმედი პირის მოკლე თავგადასავალი (ცალ-ცალკე სამუშაოდ).
3. ტარიელის, აეთანდილის, ნესტან-დარეჯანის, ასმათის და შერმაღინის დახასიათება, ცალ-ცალკე ნამუშევრები.
4. შოთა რუსთაველის სოციალური იდეალი.
5. მსჯელობითი ხასიათის თემები: „სჯობს სიცოცხლესა ნაზარაასსა სიკვდილი სახელოვანი“, „ზოგან თქმა სჯობს არათქმასა, ზოგან თქმითაც დაშავდების“, „ვეფხისტყაოსნის“ სოციალური ფუნქცია (ე. ი. ეპოქის რა მოთხოვნებიას ემსახურებოდა იგი), რუსთაველის მნიშვნელობა ქართულ ლიტერატურაში, რუსთაველი და ჩვენი ეპოქა, რუსთაველის იდეური ნათესაობა მის წინა ეპოქის მწერლობასთან და სხვ.

მხატვრული ნაწარმოების ანალიზის საბოლოო მიზანს შეადგენს მხატვრული სახეების საშუალებით გამოთქმული დედააზრის ნათელყოფა, ე. ი. მწერლის მიზანდასახულობის გამორკვევა. ამ მიზნის მისაღწევად უნდა შესწავლილ იქნეს ნაწარმოებში მოცემული მხატვრული სახეები: მთავარი და მეორეხარისხოვანი პერსონაჟები. მათი სათანადოდ შესწავლა მხოლოდ მაშინ მოხდება, როდესაც გავითვალისწინებთ იმ სოციალურ-პოლიტიკურ და იდეოლოგიურ გარემოებას, რომელშიც ისინი წარმოიშვნენ, განვითარდნენ, მოქმედებდნენ. სასკოლო მუშაობა უნდა დაწყებულ იქნეს სოციალურ-პოლიტიკური მომენტის გათვალისწინებით. ეს საკითხი უნდა გადაიჭრას ნაწარმოების ტექსტზე დაყრდნობით, შეიძლება გამოყენებულ იქნეს სხვა წყაროებიც, მაგრამ მთავარი წყარო მაინც ნაწარმოები უნდა იყოს.

შოთა რუსთაველი თავისი დროის მოწინავე მოაზროვნე იყო.

იგი ვერ თავსდება ეპოქის ფარგლებში, გმობს კლასობრივი საზოგადოების უსამართლობას და უკეთესი მერმისისაკენ მიისწრაფის.

შოთას „ვეფხისტყაოსანი“ მომხიბლავი და წარმტაცი ნაწარმოებია, რომელიც საუკუნეთა განმავლობაში ქართველი ხალხის ცხოვრების გზაზე ბრწყინვალე ვარსკვლავად ანათებს. ამ ნაწარმოების გმირთა ვაჟკაცური ბრძოლა აფრთოვანებდა მას და აქებებდა უსამართლობის წინააღმდეგ საბრძოლველად.

შოთას იდეებს და მისწრაფებას ჩვენი დროის თაობაზე უკეთ ვერავინ ვერ დააფასებს: ჩვენს სინამდვილეში ხორცს ისხამს ის მისწრაფება, რომელიც შოთას აფრთოვანებდა, მისი ზღაპარი სინამდვილედ იქცევა, რასაკვირველია, სხვა გზით და სხვადასხვა საშუალებით, ვინემ შოთას ჰქონდა წარმოდგენილი.

„ვეფხისტყაოსნის“ შესწავლას უდიდესი აღმზრდელობითი მნიშვნელობა აქვს ჩვენი ქვეყნის ახალგაზრდობისათვის, იგი აღვივებს უსაზღვრო აქტიობას, სოციალურ გრძნობებს, ძიების სურვილს და თავდადების გრძნობებს, ამიტომ შესაფერად უნდა იქნეს იგი გამოყენებული, როგორც სააღმზრდელო საშუალება.

აქვე უნდა განიმარტოს ისიც, თუ რა როლი ეკუთვნის ამ მუშაობაში, ე. ი. პოემის იდეურ ანალიზში მოწაფეს და როგორი უნდა იყოს მასწავლებლის ხელმძღვანელობა?

მასწავლებლის ხელმძღვანელი და წამყვანი როლი, რასაკვირველია, თავიდანვე აუცილებელია, მაგრამ პერსონაჟების დახასიათების პროცესში მოწაფეებს გაცილებით უფრო დიდი როლი უნდა დაეთმოს, ვინემ მომღვენო მუშაობაში. ხასიათის თვისებების გამორკვევის დროს მასწავლებლის მიერ შესაფერი კითხვების დასმით ირკვევა ტიპების სამოქმედო გარემო, რათა ხასიათის თვისებათა წარმოქმნის მიზეზი აშკარა და გასაგები იყოს. მოწაფეები ამ დროს ასახელებენ პერსონაჟის ნამოქმედევს და ნაფიქრს, აზრის დასამტკიცებლად ახდენენ ტექსტებიდან შესაფერი ადგილების ციტირებას.

რაც შეეხება დედააზრის გამოყვანას, ამასაც ადვილად შეძლებენ ისინი, თუ მასწავლებელი შესაფერად წარმართავს მუშაობას. საკაცობრიო აფორიზმებსაც დასძლევენ მოწაფეები, მაგარამ, ეჭვს გარეშეა, რომ მასწავლებლის კომენტარები, საკითხის დასმა და საერთოდ მუშაობაში ჩარევა ფართო განმარტებებით აუცილებელი იქნება. შეიძლება გაკვეთილის დიდი ნაწილი ლექციური მეთოდითაც კი ჩატარდეს. თავისთავად იგულისხმება, რომ თვითონ მასწავლებელი სათანადოდ უნდა იყოს გარკვეული „ვეფხისტყაოსნის“ საკითხებში, რათა მუშაობას მიეცეს მაღალი ხარისხი და ღრმა მნიშვნელობა.

ალექსანდრი ბავშავაძის შემოქმედების შესწავლა სკოლაში

(საშუალო სკოლის მე-8 კლასი)

მე-19 საუკუნის ლიტერატურის შესწავლა იწყება ალექსანდრე ჭავჭავაძის შემოქმედების განხილვით. ამ მუშაობას წინ უნდა უძღოდეს ეპოქის მიმოხილვა: ქართლ-კახეთის სამეფოს კრიტიკული ეკონომიკურ-პოლიტიკური მდგომარეობა მე-18 საუკუნის მიწურულში... ახალი მმართველობის პირველი წლები: ქართული სამეფო გვარეულობის წვერთა რუსეთში გადასახლება, სამეფო ტახტთან დაახლოებული ფენების მიერ მალალი თავადაზნაურობა და სამღვდლოება, პოლიტიკური უფლებების დაკარგვა, უკმაყოფილება ყოფილ მმართველ წრეებსა და ხალხში. ~~საოკუპაციო წარების განუწყვეტელი გზავნა ა/კავკასიაში საქართველოს სამხედრო გზით, მოსახლეობის აწიოება, აჯანყების სამხადისი მთიულეთში (1802 წლიდან), გლეხთა აჯანყება მთიულეთში (აღწერილია ალ. ყაზბეგის „ელგუჯაში“) და უკმაყოფილო თავადაზნაურობის ნაწილის მიმხრობა, ბატონიშვილი ფარნაოზის მეთაურობა, აჯანყების სისხლში ჩახრჩობა. ასეთივე ხასიათის აჯანყებანი კახეთში (1812 წ.), გური-აში, იმერეთში, რაჭაში (1820 წწ.). 1829 წლის შეთქმულება გურიაში, 1841 წლის ჯანყი იქვე, თავადაზნაურული ინტელიგენციის შეთქმულება 1832 წ.~~

საქართველოს დაპყრობასთან დაკავშირებით წარმოშობილი ახალი სოციალური მოვლენები: ვაჭრობის გაძლიერება, ადგილობრივი ვაჭრული ფენების ფულის ტრიალის ზრდა, ნატურალური მეურნეობის შერყევა, ახალი საყოფაცხოვრებო მოვლენები (ახლებური ჩაცმა-დახურვა და საცხოვრებელი პირობები), „ევროპული კულტურის“ გარეგნულად გადმოღება: სტუმრიანობა, დროსტარება, გასართობი და სხვ. ფლანგვა და ხელგაშლილობა გაბატონებულ სოციალურ ფენებში, ყმა-გლეხობის ცხოვრების გაუარესება. საერთო უკმაყოფილება არსებული ვითარებით, გამოსავლის ძიება, ოცნება ძველ, დაკარგულ, დამოუკიდებელ ეროვნულ ცხოვრებაზე...

მიმოხილვისათვის მასწავლებელს გამოადგება: 1) აშხ. ფილ. მახარაძის წერილი: „საქართველო მე-19 საუკუნეში“, 2) ალ. ფრონელი — „მთიულეთი 1804 წ“.

ეპოქის მიმოხილვას (დაახლოებით მე-19 ს. პირველი ნახევარი) მოუხდება ერთი საათი. მეორე საათის პირველ ნახევარში მოხდება ამის გამოკითხვა და ალ. ჭავჭავაძის მოკლე ბიოგრაფიის გაშლა მოხაზულ ფონზე. ამ დროს განსაკუთრებით ხაზი გაესმება საზოგადოებრივ სულიერ განწყობილებას, პოეტის აზრთა მიმდინარეობას, რაც ძირითადად ხაზებში საერთო სულისკვეთებას ემთ-

ხევა: არსებულით უკმაყოფილება და ოცნება დაკარგულ წარსულ ცხოვრებაზე, რომელიც, თანადროულობის სიმწვავეებთან შედარებით, სანატრელად გამოიყურებოდა.

ამის შემდეგ დამუშავებული იქნება ალ. ჭავჭავაძის ლექსი: „ვაპ, დრონი, დრონი!“ დამუშავება მოხდება ძირითადი მეთოდური დებულებების საფუძველზე: ლექსის მთლიანად წაკითხვა და მისი ნაწილებად შესწავლა სიტყვათა ახსნით, შინაარსის კომენტარებით და დედაზრის გამოყვანით.

ალ. ჭავჭავაძე ამ ლექსით ჰქმნის გარკვეულ სულიერ განწყობილებას და აზროვნებას. კითხვის დროს ჩვენს თვალწინ წარმოისახება არსებული ვითარებით უკმაყოფილო პოეტი, რომელიც გულისტკივილით იგონებს „სიზმრებრივ ჩქარად“ გამქრალ, მტკბარად ნაგებებ დროს:

„ვაპ, დრონი, დრონი, ნაგემნი მტკბარად,
წაროღტენენ, განჰქრნენ სიზმრებრივ ჩქარად.

პოეტი მოშორებულია მოყვასს, საყვარელ გარემოს და თავი-სიანებს, რის გამოც ის მოწყვეტილია „ძალას ცხოვრებისას“, სიცოცხლის დედაძარღვი გადაქრილი აქვს:

„არ გივირსთ, მხედაეთ კვლავთა სულმღგარად?“.

მან „ერთმან ერთგზის ერთს“ უძღვნა თავი და მასვე ემონება „მტკიციელ და მყარად“, — მაგრამ „გლაზბედისაგან ესრეთ“ დასჯილს „იგიცა“ ელტვის, გაუარბის. გაწამებული პოეტი ამბობს:

„უსასოდ ყოფას სჯობს ყოფა მკვდარად...“

აქ სასოწარკვეთის უმაღლესი წერტილია, მაგრამ ეს არის აზრისა და განწყობილების ერთი ნაკადი; მას პარალელურად საკონტრასტოდ მიჰყვება მეორე აკორდი, რომელსაც ტონს აძლევს ასეთი თქმა:

„გლაზ, ბედისაგან ესრეთ დასჯილი
იმედოვნებას ვუწოდებ ფარად“.

პოეტი არ უხრის ქედს გარემოებას და ბოლომდის არ მიჰყვება აზრთა უიმედო დინებას; კლდესავით დგას მოზღვავებულ უბედურებათა წინაშე: „არ ესდევ უამთა ცვლას“-ო, გვეუბნება და, „ერთგზის“ ერთისადმი თავის მიმძღვენელი, მედგარად ამბობს:

„მე იგივე ვარ მარად და მარად“.

სატრფიალო საგნისადმი მას შეუცვლილად „უცავს სიმტკიცე“, — „საცა გინდ ვიყო, მასთან ვარ მარად“ — დაასკვნის. აშ-

კარაა, რომ პოეტის ტრფობის საგანი არის „დრონი, ნაგემნი მტკბარად“, ე. ი. საქართველოს ეროვნული თავისუფლების დრო.

ამ ლირიკული ლექსის მიღმა ჩვენს თვალწინ წარმოისახება ასეთი პოეტური სურათი: უბედობათა შორის გაკაეებული მგოსანი გმირულად დგას უამთა ცელის გზაზე და უდიდესი განცდით გამოვეცემს თავის გრძნობებს და აზრებს.

ამნაირად, მხატვრული სახე და პოეტის სულიერი განწყობილება მთლიანად დაემთხვა ეპოქის წამყვან სულიერ განწყობილებას.

მუშაობის პროცესში ხაზი უნდა გავსვას ორ მომენტს: ა) პოეტი უკმაყოფილოა აწმყოთი, ბედისაგან დასჯილია და, ცოცხალი რომ არის, ისიც უყვირს. ბ) გულის მოსაოხებლად იგონებს მტკბარად ნაგემებ წარსულ დროს.

ამ ლექსის შემდეგ უნდა შესწავლილ იქნეს „გოგჩა“¹. მასალის ტექსტის შესწავლა უნდა მოხდეს ისე, როგორც ნაჩვენებია: „ვაჰ, დრონი, დრონის“ შესახებ. ლექსში „გოგჩა“ ასეთი კონტრასტებიანი მხატვრული სახეა მოცემული:

თვალწინ გვეშლება „გოგჩა, ტბა ვრცელი, ხმოვანებით ზღვისა მბაძაეი“, რომლის ნაპირზე მოჩანან „ნაქცევი მისთა კიდეთ, ძაძით მმოსველნი“, „პალატთა დიდებულთა ნგრეული ნაშთი“, „კამარა ძლივ საცნობო ყოფილ ტაძარად“, სადაც ერთ დროს „მეფენი მოწიწებით იდრეკდნენ მუხლთა და ცისა მიმართ გრგვინვიდიან ხმანი თსალმუნთა“; ახლა კი სულ სხვა სურათია: „დღეს ეს ნაქცევი... ჰხედავს თვის ქვეშე დამოჩქველად ოდენ პირუტყვთა“. ლექსი თავიდან ბოლომდე ასეთ კონტრასტებს იძლევა: რა იყო და რა არის, დღეს რას ვხედავთ, წარსულში კი რა იყო? ოდესღაც, ძველი დიდების დროს, აქ მცხოვრებთა „შორის ხშირ ყოფილან ქურღურთა მქონე“, ვერცხლით და ნდობით აღჭურვილი მოვაჭრენი, „ხელოვანნი მომგებლობისა“, დღეს კი მტკრად აღგვილან ძალი და იგი ღონე“.

„ვრცელსა ვაკეს, ქვა-ყრილსა ბნელად“, ერთ დროს საასპარეზო მოედანზე, „ჰქონიათ ტაიქთა სრბოლა, ჩოგნით ტაცება, შუბთა ტრიალი, ჯირითთ ტყორცნა და ისართ სროლა“. დღეს „დახავსილნი“ „ქვეანი შავნი“, იმ ნეტარ დროში „ურთიერთთან კავშირობით ამალღებულან“ და მაშინდელი ადამიანებიც „ბედნიერნი და კმაყოფილნი“ ყოფილან: „განცხრომილან, განშეებულან“... მათ გულებშიც ენთო სიყვარულის ცეცხლი, ლამაზი ბანოვანნი „ახლად — მშლილობანი“ „ქაელის სიწმინდეს“ „მიუზიდავს ნაპირს

¹ აქვე უნდა აღინიშნოს, რომ მე-9 კლასის სახელმძღვანელოში მოცემული ლექსთა დალაგება არ მიმართინა მართებულად.

ამ ტბისას“; „რამდენ გზის მთვარეს“ ჩაუხედავს ტბის წყლის სარკეში ტურფა ასულებთან და ვარდ-ყვავილებთან ერთად!..

„მაგრამ რა?!. დროსა მსვრელის ცვლით, ყოვლთა წარწყმედით, ციურთა მჯობი მშვენიერობაე სხვათებრ მოსთვლილა“... შეუბრალებელ დროთა სელას ძველი დიდება მოუსპია. თვით ჩენი, თანამედროვეების დასასრულიც, პოეტის აზრით, ასეთი იქნება.

პოეტი ცდილობს შავ აწმყოს თვალი ააჩიროს. და წარსულის შოგონებით დატკბეს, მაგრამ საბოლოო ნუგეშს იქაც ვერ ხედავს; მან მშვენივრად იცის, რომ ჩენაც ერთ დროს „ნგრეული ნაშთნი ვიქნებით“ და ის, რასაც გოგჩის ტბის ნაპირებზე ახლა ვხედავთ, არის „ხვედრი უცილო“, „ჩენისა მომავლისაცა ნამდვილი ხატი“.

ყველაფერი ეს „თვალთა და გულსა კაცისასა სევდით ავსებენ“; ირგვლივ მეფობს: „უდაბურება, მჩუმაჩება, არარაობა“.

ეს ლექსი თავიდან ბოლომდე უიმედო სულიერ განწყობილებას ჰქმნის და პირველად გარჩეულ ლექსს დედააზრით პრინციპულად ეწინააღმდეგება: იქ აქტივობა და ბრძოლის სულია მოცემული, აქ კი პასივობა, გლოვა და უსასოებაა. მაგრამ ამ ლექსებს შორის საერთო დებულებებიც არის, დებულებები არსებითი და დამახასიათებელი: ა) აწმყო ცხოვრებას პოეტი ორივე ლექსში შავი ფერებით ხატავს, თანადროულობა მისთვის მიუღებელი და უარსაყოფია; ბ) წარსული ცხოვრება კი ორივე ლექსის მიხედვით წარმტაცი და დიდებული იყო, იმ ნეტარ დროში „ჰყვავებულან დიდებულად ქალაქნი ვრცელნი“ და სხვ.

რომელმა მოვლენამ გადააქცია ჯოჯოხეთად პოეტისათვის აწმყო ცხოვრება? მეფის რუსეთის ბატონობამ. ალ. ჭავჭავაძე ვერ ურიგდება იმ ვითარებას, რომელიც შეიქმნა ამ წიადაგზე, მთელი მისი სიმპათია წარსულს ეკუთვნის: იგი შესტრფის საქართველოს დამოუკიდებელ ცხოვრებას, ებრძვის ეროვნულ ჩაგვრას და პრეტესტს უცხადებს ცარიზმის კოლონიალურ პოლიტიკას... ამის წინააღმდეგ მან დასწერა ლექსი „მუსტაზადი“, რომელიც ასე იწყება: „ისმინეთ მსმენო, ჳირთა მთმენო“. ეს ლექსი, საძინელი გულისწყრომით არის სავსე. მეფის მთავრობა და მის მიერ წელში გაწყვეტილი რუსის ხალხი, უკიდურესობამდე მისულ პოეტს გაერთიანებულნი ჰყავს და ასეთის სიტყვებით ამკობს მათ: „ცხოვრება ცუდნი, გულით მრუდნი, პირბენნი, სათნი“, „ჳაჳთ ყოფაქცევა აქვთ“, ისინი არიან „კაცთა მკილაენი, ლიზლნი, აენი, ეშმაკ სადგურნი“ და სხვ.

მეოთხედ უნდა შესწავლილი და გაანალიზებულ იქნეს ლექსი:

„ვაჰ, სოფელსა ამას“. უკვე განხილულ ლექსში ჭავჭავაძე, ამ ლექსის თემასთან შედარებით, ცალკეულ მოვლენებს ეხება, ასე ვთქვათ ემპირიულ სფეროში რჩება. „ვაჰ, სოფელსა ამას“ კი

სხვაგვარი ხასიათის ნაწარმოებია, აქ საკითხი ზოგადად არის დასმული და პრინციპული მსჯელობაა მოცემული არსებული უსამართლობის შესახებ.

პირველ სამ ლექსში მგოსანს საქართველო ჰყავს სახეში. ამ ლექსში კი საერთოდ მთელ მსოფლიოში არსებულ უსამართლობას და დაუნდობლობას ჰგმობს: ჰავეკავაძე ამ ლექსით ზოგადკაცობრიული საკითხის შესახებ გვაცნობს თავის აზრსა და შეხედულებას. მგოსანი ვერსად ვერ ხედავს სამართლიანობას: ეს სოფელი ბორბტების და სიცრუის ქურია, აქ გამეფებულია მდაბალთ ჩაგვრა, მტაცებლობა, ხვეჭა, ძარცვა, ცალკე პიროვნებათა სიმდიდრე შეგროვილია „მდაბალთ ჩაგვრით, მტაცებლობით და ხვეჭით“. სამეფონიც „შხეცებრ კაცთა მხეველობენ“, ერთმანეთს იპყრობენ და ანგრევენ, სამართალი ფეხქვეშ ითელება. ბატონობს ფიზიკური სიძლიერე „ძალი დავალს ღიმით ნაქცევთა ზედა“ მაგრამ დღეს გამარჯვებულს ხვალ ახლადგაღლიერებული ვინმე დაამზობს და „თვისგან ქნილი თვისდავე მიექცევის“. ასეთი დღე მოვლით დღეს უძლეველ მეფეებს, მათ ზოხელღენს და ყველა იმათ, ვინც ამწარმოებე, „ღარიბთ ცხორებებს“ ვინც მათგან მოითხოვს „ურცხვად, უსამართლოდ მონებას“. პოეტი ასე ემუქრება მდაბალთა მჩაგვრელთ: „მოვლოდეთ მათთან თანასწორებას. არ მარადის იშვათ მდაბალთ ჩაგვრით, მტაცებლობით და ხვეჭით“.

თუ ჩაუუკვირდებით, დაგინახავთ, რომ ამ ლექსის შინაარსი საქართველოს უბედურების შეგნებით არის გამოწვეული: სამეფოთა და მეფეების ბედის ცვალებადობა უპირველესად საქართველოს გულისხმობს, ლექსში დაგმობილი სხვა უსამართლობანიც ჩვენი ქვეყნის ცოცხალი სურათია: ცარიზმი იმონებდა ყველას, ქართველი ხალხი მზაკვრულად და დაუნდობლად დაიპყრო, ქვეყანა სისხლით მორწყო, გაამეფა შიში, ძრწოლა; ირგვლივ ჩანს „პალატათა დიდებულთა ნგრეული ნაშთი“ და ტაძართა ნაქცევი, „უბედურება, მჩუმარება, არარაობა“... ყველაფერ ამაზე „ძალი დავალს ღიმით ნაქცევთა ზედა“. ეს ძალა არის თვითმპყრობელი რუსეთის ხმალი, რომელმაც ყელი გამოსწრა ქართველი ხალხის ეროვნულ თავისუფლებას. ამნაირად, კერძო შოვლებები პოეტმა პრინციპულ სიმაღლემდე აიყვანა და თავისი სამშობლოს ტანჯული ბედი მთელ მსოფლიოში გაბატონებულ უსამართლობას დაუკავშირა. ეს ჩაგვრა, პოეტის აზრით, ორგვარია: ეროვნული („სამეფონი ურთიერთსა მცველობენ“) და კლასობრივი („რომელნიც ამწარებთ ღარიბთ ცხოვრებას“).

ალექსანდრე ჰავეკავაძის ამ ლექსზე დაყრდნობით, ილია ჰავეკავაძე ამბობს: „პოეტი უჩივის ამ ყოფას და უქადის, რომ დრო მოვა და სხვა იქნებოა და ამბობს — გაფრთხილდით:

„რომელიც ამწარებთ ღარიბთ ცხოვრებას
და ქსობოვთ ურცხვად, უსამართლოდ მონებას!
მოელოდეთ მათთან თანასწორებას“.

ილიას აზრით, მის წინამორბედ თანამოგვარეს „საყოველთაო
უნუგეშო ყოფამ მაშინდელის დროისამ წარმოათქმევინა“ ეს აზრი,
რომელშიც, იმავე ილიას სიტყვით, გამოისმის „ნუგეშისმცემელი
ჩმედი“ (ი. კ-ძე, ტ. 4. გვ. 228-9).

ცარიზმის საპროტესტო აზრებია გატარებული ა. ჭავჭავაძის ამ
ლექსებშიც: „ჰო, ვით გვემტყუნა“, „უწყალო სენმან“, „ჰკენესს გუ-
ლი“, „ჰეა, ჩემო ოცნებაე“, „უმგევანთა ტრფობა“ და სხვ.

ეს ლექსები სახელმძღვანელოში არ არის მოცემული, მაგრამ
ერთიანად ამართლებს ზევით განხილული ოთხი ლექსის შინაარსს —
ა. ჭავჭავაძის შემოქმედების ძირითად ხაზს, რომელიც განსაზღვრუ-
ლია ეპოქის მამოძრავებელი საჭირბოროტო საკითხით და პოეტის
ბოგრაფიით, განსაზღვრულია, რასაკვირველია, — აგრეთვე კლასი-
სობრივად.

შემდეგ გარჩეულ უნდა იქნეს სახელმძღვანელოში მოთავსებუ-
ლი დანარჩენი ოთხი ლექსი: „სხვადასხვა დროის კაცი“, „სიყვარუ-
ლო, ძალსა შენსა“, „მუხამბაზი ლათაიური“ და „სახე შენი მესახე-
ბა“. ამ ლექსების თემა სიყვარული და ქეიფის მოტივია.

აღნიშნული მასალების ტექსტუალურად და შინაარსობრივად
შესწავლას განუყრელად თან უნდა ახლდეს მხატვრული მომენტების
განხილვაც. აღ. ჭავჭავაძის ლექსი შინაგანი მთლიანობისა და აღნა-
გობის მხრივ სრულ მხატვრულ შთაბეჭდილებას სტოვებს, რითმაც
უნაკლოა.

ამიტომაც სთქვა ილია ჭავჭავაძემ:

„მისი ლექსი შეებით, ლხენით !
ხან შეჯღისში მოფრინდება,
გულს ჩაგვეკერის, ქლადობს, ჰხარობს,
გამღერებს და ამღერება“.

აქვე უნდა აღინიშნოს, რომ მგოსნის ყველა ლექსს როდი ახა-
სიათებს ეს სიმსუბუქე: ხშირად მის ლექსებს არქაული ელფერი
გადაჰკრავს და წიგნური ხასიათი აქვს: ეტყობა, რომ ა. ჭავჭავაძე
ძლიერად განიცდიდა ანტონ კათალიკოსის ტრადიციას და ხალხური
ენობრივი სისადავე, გურამიშვილის მსგავსად, ყოველთვის არ ემორ-
ჩილებოდა.

მთელი შემოქმედების შემაჯამებელ დახასიათებამდე, მოწაფე-
ებს ცნობები უნდა მიეცეს იმის შესახებ, რომ ა. ჭავჭავაძე მთარგმ-
ნელიც იყო. მან გადმოიღო რუსულით პუშკინის რამდენიმე ლექსი,
თარგმნიდა აგრეთვე ფრანგულიდან ლაფონტენს, ვოლტერს და რა-

სინს. იგი იყო ფართო მსოფლმხედველობის ადამიანი, ირანისა და ევროპის ლიტერატურის მცოდნე, კარგად ერკვეოდა მაშინდელ პოლიტიკაში, მეგობარი იყო ზოგიერთი დეკაბრისტისა და საერთოდ რადიკალურად იყო განწყობილი. მისი შემოქმედების ძირითადი ხაზებია: უარყოფითი დამოკიდებულება ცარიზმის დამპყრობელ პოლიტიკისადმი და მეფის რეჟიმის წინააღმდეგ ოპოზიციური განწყობილება. ამ სულისკვეთების სათავე კლასობრივი მომენტით იწყება, საერთოდ კი პოეტი ბანს აძლევს იმ ფსიქოლოგიას და აზრთა მიმდინარეობას, რომელნიც ქართველი ხალხის უმეტესობას ახასიათებდა. ალ. ჭავჭავაძის ქნარი თითქმის ყოველთვის ჩაგრულებს უგალობდა და ხალხის ფართო მასებში მეფის მთავრობისადმი უკმაყოფილო გრძნობებს აღვივებდა.

ერთადერთი ლექსი, რომელიც ეწინააღმდეგება ამ დასკვნას, არის „კავკასია“. ამ ლექსში, კავკასიის ბუნების აღწერის შემდეგ, ორი ასეთი ადგილია:

გარნა რომელს (მთას) ბოლოსდა, როსსთ მხედართ აღზრდილი, მიებჯინა უღრეკად მამაცი ციციშვილი. ეს ციციშვილი, ციციანოვია, რომელიც 1803 წლ. გაათრებით იბრძოდა ჩვენს ქვეყანაში მეფის პოლიტიკის. სადიდებლად და მოკლულ იქნა ბაქოში 1806 წ.

ლექსი ასე თავდება:

განიხსნა გზა, ეშვათ ივერიელთ სასოება,
რომე მუნით შევიდეს მათ შორის განათლება.

ამ სიტყვებიდან გამოდის, რომ ალ. ჭავჭავაძეს მეფის რუსეთი განათლების შემომტან ძალად უცენია. მაგრამ მთელ მის შემოქმედებიდან ეს ლექსი არის ერთადერთი, სადაც პოეტი თითქოს ურიგდება ცარიზმს, დანარჩენ შემთხვევებში კი იგი... ტანჯული ხალხის მხარეზეა.

პოეტის შემოქმედების მთლიანობისთვის მისი შემოქმედების შეჯამების დროს ხაზი უნდა გაესვას აგრეთვე სიყვარულისა და ქეიფის მოტივებს. ა. ჭავჭავაძეს ახასიათებს თემატური შინაარსიანობა და სინამდვილის მრავალმხრივი ცოდნა. იგი მრავალმხრივი შემოქმედია.

ალ. ჭავჭავაძეს შესწავლის დროს არ შეიძლება მარტო ზემოთქმულით დაკმაყოფილება. იგი არის ჩვენში რომანტიკული სკოლის ფუძემდებელი, ამიტომ ამ სკოლის ძირითად პრინციპზე აუცილებლივ აქვე უნდა შევჩერდეთ.

რომანტიკული ლიტერატურული სკოლის ძირითადი საფუძვლები არის: უარისყოფა იმისა, რაც არსებობს და სასურველის ძიება, კონფლიქტი აწმყოსთან და მისწრაფება შორეულისაკენ, რომელიც შეიძლება წარსულშიც იყოს და მომავალშიც. სასურველ იდეალს

წარსულში ეძებს რეაქციული კლასების თვალსაზრისის გამომხატველი რომანტიზმი, ხოლო მომავლის რომანტიკა — ეს აღმავალი კლასის სულიკვეთების დამახასიათებელია. ორთავე თვალსაზრისი აწმყოს უარყოფს, ხოლო სასურველს პირველი ეძიებს წარსულში, მეორე — მომავალში.

გრიგოლ ორბელიანის შემოქმედების გარჩევა საშუალო სკოლის IX კლასში

გრ. ორბელიანი ერთი იმ პიროვნებათაგანი იყო, რომელიც თავისი საზოგადოებრივი და სამსახურებრივი მდგომარეობით თითქმის ყოველთვის ახლოს იდგა მთავრობის წარმომადგენლებთან; ამავე დროს იგი თავისი დროის ქართველი ინტელიგენციის თვალსაჩინო წარმომადგენელიც იყო.

ეს ორი ბანაკი თითქმის მთელი საუკუნის მანძილზე პირისპირ უდგას ერთმანეთს: მეფის რუსეთის აგენტები, რომელნიც მტრულ გარემოცვაში იყვნენ და ვულკანზე გრძნობდნენ თავს, ქართველ ხალხს და ქართველ ინტელიგენციას შიშითა და უნდობლობით უცქერდნენ. მათ საამისო საბუთებიც ბლომად ჰქონდათ, საბუთები სარწმუნო, დამაჯერებელი: მთიულეთისა (1803—1804 წ.) და კახეთის (1812 წ.) აჯანყება. ამბოხებულ ხალხს თან გაჰყვა თავადაზნაურული წოდებისა და ინტელიგენციის საგრძნობი ნაწილი, ხოლო 1832 წლის შეთქმულება მთლიანად ამ ინტელიგენციამ მოაწყო. გრ. ორბელიანი შეთქმულების ერთი იდეოლოგთაგანი იყო. თანაც შეთქმულებთან ორგანიზაციულად იყო დაკავშირებული.

მართალია, ამ დიდი ისტორიული ფაქტის შემდეგ ორბელიანი ფრონტს იცვლის და მეფის მთავრობის პოლიტიკას ემსახურება, მაგრამ ქართველი ინტელიგენციის ნდობა მას მაინც არ დაუკარგავს: როგორც სამოციან, ისე 80-იან წლებში, იგი თავისიანებში თვალსაჩინო როლს თამაშობს და მისი პოეტური ღვაწლი ყველას მიერ არის აღიარებული. 70-იან წლებში გრიგოლ ორბელიანმა დიდი საყვედური დაიმსახურა თერგდალეულებისაგან. მოვიგონოთ ი. ჭავჭავაძის გამოცანები, პამფლეტები, მაგრამ ძველი თაობის ინტელიგენციის თვალში, იმ ინტელიგენციის, რომელიც ხსენებული აჯანყების პერიოდში ენთო და კიდევ „მოქცვიანდა“, პოეტი დიდი ავტორიტეტით სარგებლობდა. მისი პოეტური მოღვაწეობა თერგდალეულთათვისაც დიდ ღირებულებას შეიცავდა. ასე რომ, გადაჭარბებული არ იქნება, თუ ვიტყვი, რომ გრ. ორბელიანმა თავისი თავი და პოეტური შემოქმედება ანთებულ ჩირალდანად გამოატარა და 80-იან წლებში მუშა ბოქულაძის სახეც თანაგრძნობით ასახა:

„მკერდი ღია, ოფლით გასერილ, შტერიანი,
ფერით რკინა, კისერჩაჟანგებულო“.

მეფის მთავრობის პოლიტიკას ქართველი ხალხი ხშირად ებრძოდა. ამ ტრავმის უკანასკნელი აქტი იყო გურიის ამბები 1841 წელს. უთანასწორო ბრძოლაში სისხლით დაცლილი პატარა ერი თავჩაქინდრული დგას. ყირიმის ომმა (1853—1856 წწ.) თითქმის ერთხელ კიდევ აღადგინა დამსხვრეული იმედები, მაგრამ კავკასიის ომების ლიკვიდირებამ და 1859 წელს შთის არწივის — შამილის დატყვევებამ ეს იმედებიც კარგახნით ჩააქრო.

გრ. ორბელიანი ამ გარდატეხის წლებში ისტორიის მნიშვნელოვან მწვერვალებზე დგას: 1832 წლის შეთქმული, 1841 წელს უკვე გურიის აჯანყებას აქრობს, შამილის საწინააღმდეგო ომებშიც აქტიურ მონაწილეობას ღებულობს. შესამჩნევი როლი შეასრულა მან 70-იან წლებშიც, — ბატონყმობის გადაყარდნის საკითხში: ამ დროს პოეტი უდიდესი ნდობით იყო აღქურვილი მეფის მთავრობის მიერ — მეფის ნაცვლის მოვალეობას ასრულებდა.

იგი წინააღმდეგი იყო ბატონყმობის მოსპობისა და ერთხანს კიდევ შეაჩერა ამ საქმის სინამდვილეში გატარება. ბოლო ათეულ წლებში გრიგოლ ორბელიანი უკვე სამსახურში აღარ არის და ქართველი ინტელიგენციის რიგებში ჩამდგარი, საზოგადოებრივ საქმიანობას ეწევა.

ეპოქის მიმოხილვა, რომელიც წინ უნდა უძღოდეს მწერლის შემოქმედების განხილვას, ნახევრად უკვე შესრულებულია ალექსანდრე კავკაჟაძის შესწავლასთან დაკავშირებით. გრ. ორბელიანზე მუშაობის დროს ეს მომენტი უფრო ღრმავდება და უფრო დაწვრილებით იქნება გაშლილი. განსაკუთრებული ყურადღება მიექცევა 1832 წლის შეთქმულებას, მის ორგანიზაციასა და მიზეზებს. ამ მომენტის სათანადო გაშუქებაში მასწავლებელს დიდ დახმარებას გაუწევს 1935 წელს გამოცემული გ. გოზალიშვილის „1832 წლის შეთქმულება“. ხაზგასმით დახასიათდება აგრეთვე 40—50-იანი წწ., როდესაც საქართველოს ეკონომიკურ ცხოვრებაში მკვეთრი გარდატეხა მოხდა და საეკონომიკური კაპიტალმა თავისი საქმიანობა გამოაჩინა. ამავე დროს ეს მომენტი ნიშნავს ახალი საზოგადოებრივი ფენის — ვაჭრული წრეების — გაძლიერებას და ნატურალური მეურნეობის შერყევას. მოახლოებულია 1860-იანი წლების სოციალური მიწისძვრა — ბატონყმობის თავისებურ ფორმებში ლიკვიდირება.

ამ ფონზე მოცემული იქნება გრ. ორბელიანის ბიოგრაფია და ახლოებით ისე, როგორც ეს არის მოცემული ამ კლასის სახელმძღვანელოში. ბიოგრაფიის გადაცემის დროს განსაკუთრებულად უნდა აღინიშნოს მწერლის ცხოვრებიდან ის მომენტები, რომლებიც შეიცავს საზოგადოებრივ და სააღმზრდელო მომენტებს: მასწავლებე-

ლი ხაზს უსვამს შემოქმედების გარემოსაგან განსაზღვრას, მწერლის ცხოვრებას საზოგადოებრივი მნიშვნელობის მქონე ფაქტებს, მის სულიერ და იდეურ სიმაღლეს, უანგარობას, საზოგადოებრივ გრძნობებს, ჩაგრულთადმი თანაგრძნობას, ხალხისადმი სიმპათიას, მეფის მთავრობისადმი დამოკიდებულებას და სხვ.

ამის შემდეგ განიხილება გრ. ორბელიანის შემოქმედებითი პროდუქცია.

გრ. ორბელიანის პირველი ლექსები დაიწერა და გამოქვეყნდა 1827 წელს. როგორც ვიცით, 1832 წლის შეთქმულების ნიადაგი დეკაბრისტების აჯანყების დროიდან მზადდება. პირველი შეთქმულნი 1825 წლიდან აბამენ კავშირს ბატონიშვილებთან, რომელნიც საქართველოდან განდევნილნი იყვნენ. შეთქმულთა მუშაობა განსაკუთრებით გაძლიერდა 1826—1827 წწ., ვითარდებოდა აგრეთვე მომდევნო წლების მანძილზე. ფარული საზოგადოების მეთაური (ფილადელფოს კიკნაძე, ს. დოდაშვილი, ალ. ორბელიანი და სხვ.) გაფაციცებით ადევნებდნენ თვალყურს საერთაშორისო მდგომარეობას, აკვირდებოდნენ საშინაო ცხოვრებას და ამას უფარდებდნენ თავიანთ ტაქტიკას.

გრ. ორბელიანიც შეთქმულთა წრეში იყო და სულითა და გულით თანაუგრძნობდა მათ. სამშობლოს დამხობა და დამოუკიდებლობის დაკარგვა პოეტსაც სხვებივით უკლავდა გულს და ისიც ვაუკაცურად ემზადებოდა იმ მომენტისათვის, „როცა მტერი მამულის“ მიეცემოდა „მაზვილსა ლესულსა“.

ლექსში „ჰე, ივერიაე“ (1832 წ.) პოეტი ამბობს:

„შორით მოსული ჩემს მამულში მუვედრის ცხოვრებას,
მოყვრულადა გემტრობს, გვტაცებს ყოველს, გვიქმს აღერობას...
ესე ნაყოფი აქვს მარადის ცულსა მონებას.
ბედო! ნუ გძინავს, განიღვიძე, ისმენდ ვაებას“.

პოეტს მშვენივრად ჰქონდა შეგნებული ცარიზმის ბუნება, რომელიც მცირე ერების დამონებაში გამოიხატებოდა. იგი ვერ ურიგდება სამშობლოს დამონებას და ასე მოუწოდებს:

„ჰე, ივერიაე, ვიდრე იყო ქედმორდრეკილო...
... რად არა ვახსოვს ძეთა შენთა ხმალთა კრიალი,
ძლევათა მათგან, როს დიდებით იყავ მოსილი.
წინაპართ სისხლი აწ ჩვენს შორის არაა მდინარეებს,
თავიუფლება განქრა ჩვენთვის, რაღა გვახარებს...“

მეორე ლექსში, რომელიც იმავე წელშია დაწერილი, პოეტი რისხვით ამბობს:

„მისი სიწელი კიცხვითა
მარადის იხსენებოდეს,

ვინცა საღმრთოსა სიყვარულს
მამულისადმი არ ჰგარანობდეს.
და ვინცა შისსა ტყვეობას
გულზე გულითა მხედავდეს...
მტერის ხანჯალზედ აგმუღს
ვინცა სიამით არ ჰპყრებდეს”.

და სხვ.

გრ. ორბელიანი ზედავდა, რომ საქართველო ფიზიკური ძალის
ჟუპირატესობით დაჯაბნეს ეს აზრი ასე გამოთქვა პოეტმა:

✓
„ვა მას მხარეს, საღც მხოლოდ
ძალა რა მსაჭულოვნობდეს...
სად მსჭულზე მჭდომი ხანჯალი
კანონთა აღასრულებდეს”.

მესამე ლექსში გრ. ორბელიანი წერს:

„მე თავისუფლებისათვის სულს
მარადის მიკენსისს,
და ეს ოცნება დღედაღამ, ვითა
აჩრდილი თან მღვენის...
... ხმა საიდუმლო მარად ვამს
მეხერჩულების მე ყურსა,
ვამი არს მტერი მამულის მისცეთ
მახვილსა ლესულსა“...

პოეტი განაგრძობს, რომ „ჯერ არ სიკვდილსა იგი ელოდეს, ვინც
ურის მაწუხებელსა პირველად წინა აღუდგეს“, მაგრამ, — დაასკე-
ნის მგოსანი, — თავისუფლება არსად არავის უსისხლოდ არ მოუ-
პოვებია, ანიტომ:

„წარესწყმდები, მამულისათვის,
ვიცო, ვგარანობ და აღვიარებ:
და მისთვის ესრედ ჩემს სიკვდილს
ადრევე სიამით ვაქურთხებ“.

ასეთი გაბედული და მეგრძოლი სულით გაუღენთილი აზრი არც
ერთ ჩვენს კლასიკოსს არ გამოუთქვამს მე-19 ს. მანძილზე... მეგრ-
ძოლი სულით არის გაუღენთილი აგრეთვე რუსულიდან გადმოკეთე-
ბული ლექსი „აღსარება“, რომელიც დაწერილია 1831 წ.

ეს ლექსები პირდაპირ პროკლამაციურ როლს ასრულებდა შეთ-
ქმულთა იდეების გასაავრცელებლად¹.

ალ. ჰავჭავაძის განხილვის დროს დადგენილი იყო რომანტიკუ-
ლი სკოლის ძირითადი ნიშნები. ამ ნიშნების მიხედვით უნდა მივუღ-

¹ განსახკომის პროგრამაში ეს ლექსები შეტანილი არ არის, რაც კლასიკურ
მემკვიდრეობის შეუფასებლობაა ე. წ.

გეთ გრ. ორბელიანს. მასწავლებელი ხსენებული ლექსების განხილვის შემდეგ მოუწოდებს მოწაფეებს, გაიგონ, თუ ამართლებს ორბელიანის ლექსები რომანტიზმის პრინციპებს. კვლევა მოგვცემს ასეთ შედეგს: ორბელიანი აუკმაყოფილოა აწმყოთი და პროტესტანტულად არის განწყობილი ცარიზმის რეჟიმის მიმართ, გარემოსა და პოეტს შორის კავშირი დარღვეულია, პოეტი კონფლიქტშია თანადროულობასთან. სათანადო ადგილებს მოწაფეები ადვილად მონახავენ. ამნაირად, რომანტიზმის ორი ძირითადი ნიშანი უკვე ნაპოვნია და გრ. ორბელიანიც ამ სკოლას მიეკუთვნება. დასკვნა თვითონ მოწაფეებს გამოჰყავთ. ეს ლექსები საბუთს იძლევა მესამე დასკვნისათვისაც: ეს არის იმედი და მებრძოლი სული. მაშასადამე, ამ ლექსების მიხედვით, გრ. ორბელიანი მებრძოლ რომანტიკოსად წარმოგვიდგება, ამ შემთხვევაში იგი ენათესაება ბაირონს, რომელიც სინამდვილეს მუდამ უარყოფდა და მუდამ იბრძოდა უკეთესი მერმისისათვის.

პირველი დასკვნის შემდეგ გადავიდეთ „სადღეგრძელოზე“.

ეს თავისებური პოემა ავტორს ძირითადად დაწერილი აქვს 1826 თუ 1827 წელს, მისი უკანასკნელი რედაქცია კი 70-იან წლებში გაუქმებულია. საერთოდ, შეიძლება ითქვას, რომ ნაწარმოები გამოხატავს აზრთა განწყობილებას 30-იან წლებში, ე. ი. შეთქმულების პერიოდში. ჩვენ უკვე გავეცანით ამ პერიოდის ლექსებს, რომლებიც გაუღწეველია პატრიოტული სულით. „სადღეგრძელოში“ კი იმ სახით, რა სახითაც იგი დღესაა წარმოდგენილი, პოეტი დიდ იმედებს ამყარებს რუსეთის მეფე ნიკოლოზ I-ზე. რითი ავხსნათ ეს ამჟამად წინააღმდეგობა? ზოგიერთი მკვლევარის აზრით, ნიკოლოზ I-სადმი მიძღვნილი „ხელმწიფევე ჩვენო“ და სხვ. შემდეგ წლებშია ჩამატებული. ვფიქრობ, ეს აზრი სიმართლეს შეიცავს: უეჭველია, რომ 30-იან წლებში დაწერილ ნაწარმოებში პოეტმა მომდევნო წლებში რაღაც ჩაუმატა, წინააღმდეგ შემთხვევაში, გაუგებარია თითქმის 40 წლის მანძილზე პოემის რედაქტირების გაგრძელება. ამოვიღოთ ჭერჭერობით ეს ადგილი და ისე გავაანალიზოთ პოემის შინაარსი. ვნახოთ, თუ დაემთხვევა ამ შემთხვევაში პოემის შინაარსი უკვე განხილულ სამ ლექსს.

„სადღეგრძელო“ წარმოადგენს საქართველოს ისტორიის ერთგვარ მხატვრულ ილუსტრირებას: პორტრეტებად არიან მოცემული ჩვენი ისტორიის გამოჩენილი გმირები და მოღვაწეები, რომელთა ბოწყინვალე სახელებთან დაკავშირებულია ქართველი ხალხის სახელმწიფოებრივად ჩამოქნის პროცესი, შეუჩერებელი ბრძოლა ეროვნული თავდაცვისათვის, დიადი კულტურული მწვერვალების

დაპყრობის წლები და სხვ. ეს გმირები აღტაცებას ჰკვირიან გრ. ორბელიანს, რომელიც ასე მიმართავს მათ:

„გმირნო, მამულის მადიდნო,
თქვენა ხართ ჩვენი ღიღება!
თქვენთა სახელთა ამაყად
წარმოქმნილთა შთამომავლობა!
თქვენთა საქმეთა მოთხრობით
მოხუცს ცრემლ-მოედინება,
მხნობით აღტაცებულ
კაბუკი ხმალსა მიჰსწედება!“

ეს შესანიშნავი სიტყვები, რომელნიც ნამდვილი მოაზროვნე და კვემპარიტი პოეტის მიერ არის წარმოთქმული, ერთიანად ეგუება იმ ზეიად სანახაობას, რომელიც პოეტმა გვიჩვენა პოემის პირველ ნაწილში; ჩვენს თვალწინ გამოჩნდება დღეს ლეგენდარულად მიჩნეული ფარნაოზ მეფე, რომელმაც, პოეტის თქმით, დაუმკვიდრა „ერსა ერთობა და ერთობისა წესი და ძალი“, შემდეგ „მეფე მირიან ბრწყინავს გვირგვინით...“ ჩვენს წინ გაიფიქრებენ აგრეთვე ვახტანგ გორგასალი, დავით აღმაშენებელი, თამარ მეფე... ამას მოჰყვება შესანიშნავი სურათი:

„თამარის დროშა გაშალეს,
შეკრბა ღიღუბეს ლაშქარი,
კახი ფარ-შუბით, თუში ხმლით,
ფშავ-ხეუსურს ჰმევის აბჯარი“...

პოეტი გვაჩვენებს აგრეთვე ქეთევან წამებულს — ქართველი დედის სასახელო და საამაყო წინაპარს; აქვე არიან „კახეთის მხსნელი გმირები: შალვა, ელიზბარ, ბიძინა“, ვახტანგ მეექვსე, ერეკლე მეფე, „გუნდნი და გუნდნი ვაჟკაცთა...“

პოეტი აღტაცებულია ამ სანახაობითა და მისი მძლავრი მეტყველება მკითხველსაც ერთიანად იტაცებს. ზევით მოყვანილი პათოსური თქმა: „გმირნო, მამულის მადიდნო“, უდავოდ შეეფერება ამ დიად სანახაობას.

პოეტის სულიერი განწყობილება ამ დროს ერთიანად იმედიანი და ოპტიმისტურია; იგი აქტიურად არის განწყობილი და ამიტომაც ამბობს:

მხნობით აღტაცებულ
კაბუკი ხმალსა მიჰსწედებაო.

ამჟამად, რომ „სადღეგრძელოს“ საერთო ტონი და განწყობილება ძირითადად სრულიად ემთხვევა უკვე გარჩეულ სამ ლექსს. ნაწარმოების ფორმალური ნიშნებიც ამას მოწმობენ: იქაც

ძლიერი რომანტიკაა და აქაც, ენობრივ-სტილობრივი ერთიანობაც სრულიად ნათელია.

ამ პოემაში ჩანს აგრეთვე რომანტიზმის სხვა ნიშნებიც: ინდივიდუალიზმი და ბუნების სიყვარული. აქ არ მეფობს ფსევდოკლასიციზმის ობიექტურობა და პოეტის პიროვნების მიჩქმალვა, პირიქით, მგოსანი ყველაფერს საკუთარი ლირიკული განწყობილებით იძლევა, ყველაფერს თავისი პიროვნების ბეჭედს ასვამს.

ახლა უნდა დაისვას ასეთი კითხვა: რამდენად ეთანხმება გაკეთებულ დასკვნას პოემის ის ადგილი, რომელიც შეეხება იმპერატორ ნიკოლოზ I-ს? სრულიად აშკარაა, რომ ეს პანეგირიკული ადგილი შემდეგშია ჩამატებული, როცა ორბელიანი უკვე ცნობილი მწერალი იყო და მთავრობისაგანაც ესოდენ დაფასებული. ამ დროს უკვე უხერხული იყო დიდი გენერლისათვის 30-იანი წლების კაბუკური სილაღე და მეფის ტახტის აბუჩად აგდება, „სხვა იყო ის დრო“, „სხვა არის ახლა“, „სხვა ზღვა, სხვა გემი, სხვა ნიავექარი“. უკვე მოხუცებულ პოეტს თავაზიანობა შეეფერებოდა და... ამიტომაც პოემაში ჩაურთო მან ეს საერთო ტონის დამრღვევი ლექსი, რომლის შინაარსი მაინც არ შეიძლება ჩაითვალოს ანტიქართულად და ანტიეროვნულად. ცარიზმის პოლიტიკა ქართველი ერის მოსასპობად იყო მომართული: პოლიტიკურად მოსპობის შემდეგ, სპობდნენ ეკონომიკურად და კულტურულად, ჩვენი ხალხი უნდა გათქვეფილიყო „მპყრობელი ერის“ სიმრავლეში. გრ. ორბელიანი კი ასეთი პროგრამის შესრულებას გამოელის ნიკოლოზ „დაუეიწყარისაგან“:

„ძველი ივერი, შენი ივერი... შენგან მოელის, რომ ლამპარს ჰსწავლის კვალად აღუნთებ ძველად გამქრალსა... განახლებული, განათებული, ფენიქსებრ იწყებს აღმაფრენასა... თამარის ღღენი, შენ მოუვლინე შენსა ივერსაო“.

რა გამოდის აქედან? ცარიზმის პოლიტიკის სრულიად საწინააღმდეგო სურვილები: საქართველოს განახლება, განათლება, მისი ეროვნული სახის დაცვა და განდიდება... დიდმა პატრიოტმა პოეტმა წრეს გადასული ხოტბის დროსაც კი მშვენიერად იცის, რა უნდა თქვას და როგორ უნდა თქვას. თან ისიც უნდა ვიცოდეთ, რომ ასეთ აზრს მე-19 საუკუნის 40-იანი წლებიდან ქართველ ინტელიგენციამი დიდი გასავალი ჰქონდა: ორბელიანის ფორმულა არც თერგდალეულებს უარუყვიათ; პირიქით, ცარიზმის მიმართ ისინიც ამ აზრს ადგნენ, ილიას „ჩვენი თავის ჩვენადვე გვაყუდნეს“ — მაშინდელი გაგებით სრულიად ეთანხმება ორბელიანის შეხედულებას.

პოემა მთავრდება ეპილოგით, რომელშიც ასეთი აფორიზმია: „ან ეს რაცა ვსთქვი, რაღა ვსთქვი, თუ რაც მინდოდა ვერა ვსთქვი“. ეს მინაძღვენიც უსათუოდ შემდეგ არის მიმატებული, მისი ტონი ერთობ უიმედო და ელეგიურია და უნდა მიეკუთვნოს პოეტის შე-

მოქმედების იმ პერიოდს, როდესაც მისი შეგნება 30-იანი წლების აღმავლობის ნაცვლად, უიმედობას მოუტაცავს. ეს აფორიზმიც ბევრს ლაპარაკობს პოეტის სასარგებლოდ: მას ვერ უთქვამს, რის თქმაც უნდოდა. ყოველგვარ ექვს გარეშეა, რომ სათქმელი იქნებოდა ცარიზმის საწინააღმდეგო და ამიტომაც პოეტს ვერ გამოუთქვამს იგი.

1832 წლის შეთქმულების აღმოჩენამ და შეთქმულთა დასჯამ თავხარი დასცა მთელ მაშინდელ ქართველ საზოგადოებას და, უპირველეს ყოვლისა, თვითონ შეთქმულებს, მათ შორის გრ. ორბელიანსაც. ეს იყო ცუდ იმედთა სასტიკად გაცრუების წელიწადი. აშკარა გახდა, რომ პატარა საქართველოს იმხანად ქედი უნდა მოეხარადიდი იმპერიის მძიმე უღლის ქვეშ, ცარიზმი დამკვიდრდა „ღიდის ხნითა და სერიოზულად“

გრ. ორბელიანის შემოქმედებაში ამ წლიდან ძლიერი უიმედობა იკიდებს ფეხს. ამას ამტკიცებს ლექსი „იარალის“, რომელიც დაწერილია 1834 წელს. პოეტი ამ ნაწარმოებშიც უპირველესად ქეშმარიტი პატრიოტია, რომელიც რომანტიკული სკოლის მეთოდით ამულაენებს თავის ძლიერ გრძნობებს. აწმყოთი განაწამები მისი მხურვალე ოცნება ელფეროვანი ენით იგონებს წარსულის თვალისმომკრელ სურათებს:

— თუ ეთ იყრნი, ლომგელნი გმირნი,
პბრძოდნენ, ცხოვრობდნენ დროსა წარსულსა“.

როგორ შეგროვდებოდნენ „მტერთ... დაცემად“... „ქაბუჯნი მხნეობით აღტაცებულნი“, „ვით ალვა რგულნი, ცხენზედ უძრავად ესრედ მოჰქრიან, ეითა ნიაი“... პოეტს ცხადად ესმის მათი „ცხენთა გრიალი, შუბთა ტრიალი, ჟირითთ სრიალი „და სხვ., იქვე ეჩვენება ვრეკლე მეფე, რომელიც ამ წარმტაც სანახაობას „სიამით მარად უმზერდა შორით“... მაგრამ ყველაფერი ეს იყო ძველად, „როს ერთგულება, სარწმუნოება ივერთ თვისებას შეადგინებდნენ, ოდესაც ბრძოლა და მამაცობა მათსა სახელსა განადიდებდნენ“... დღეს კი პოეტი „უცხო ცის ქვეშ“ არის ოხვრით და ცრემლით ჰკრეტს „ზოგის წმინდა სამარეს“.

„წარსულთა დროთა, დიდების დროთა,
ყოელი კეთილი თანა წარჩეს“.

უიმედო მგოსანი ოცნებობს იმ გმირზე, რომლის ძლიერი ხმა დაძინებულ ბედს აღადგენდეს, „რომელ მარჯვენით, ერთისა დაკვრით უსულოდ ვეშაპს ძირსა დასცემდეს“. მაგრამ ვეშაპის — ცარიზმის — დამძლევი გმირი, რომელსაც შემდგომში აკაკის დაფი და ნაღარა უყიოდა, ჟერ არსად ჩანდა და ორბელიანიც ნაღელიანად ამბობდა:

-გულს ეწუხების, რა აგონდების
ლენს წარსულნი ნეტარებისა“.

მაგრამ სიმძიმის ცენტრი აქ უიმედობაში კი არ არის, არამედ იმ ძლიერ პატრიოტულ განწყობილებაში და ცარიზმის საწინააღმდეგო პროტესტებში, რითაც ეს ლექსია გაყენებული. სწორედ ამ დღეების გამო არის გრ. ორბელიანის პოეზია ჩვენთვის ძვირფასი მემკვიდრეობა. წარსულშიც ამიტომ ეწოდებოდა მას დიდი მგოსანი; „გი აღვიძებდა ეროვნულ თვითშეგნებას, უკმაყოფილებას და ზიზღს — „მპყრობელთა ზედამდგომელთა“ მიმართ.

ახალ ვითარებაში პოეტის პირადი ცხოვრებაც უკუდმა წარიმართა; მან ვერსად ვერ ჰპოვა სულის თავშესაფარი და მარადიული სიწყინარე: ვერც სიყვარულსა და ვერც დროსტარებაში. ამას მოწმობს ძლიერი ლირიკული გრძნობით გაყენებული ორი ლექსი: „ჩემს დას ეფემიას“ და „სალამო გამოსალმებისა“, რომლებიც ადგილებზე უნებური ჰიმნია სიყვარულის ამამაღლებელი, რუსთაველისებური გაგებისა, კავკასიის ბუნების სიდიადისა. ქართული პოეზიის ხელი-ხელ საგოგმანებელი მარგალიტია ასეთი თქმა სიყვარულის შესახებ:

„რაცა გვიშენებს სიცოცხლეს ზეცურა აა სხივითა,
და აღვემალლებს ამ სოფლით სოფლისა აღმაფრენითა“.

ბუნების შეუდარებელი სურათები:

„ბუმბერაზ მთანი მღუმარედ ცათამლის აყუდებულნი.

ჩხედან, ვით ღენი, სპეტაკის

ყინელ გვირგვინით შემეულნი“...

... „ჩუალნი, მთით დაქანებულნი,

აღმასებრ უფსკრულს ქსცივიან.

თერგი ჰრბის, თერგი ღრიალებს,

კლდენი ბანს ეუბნებთან“ და სხვ.

40-50-60-იან წლებში გრ. ორბელიანის შემოქმედებაში გულში ჩაკლული მამულიშვილური გრძნობისა და სევდიანობის გვერდით პირადული ლირიკა ძლიერდება: ქეიფი, დროსტარება, სიყვარული. ამავე წლებში ორბელიანი სწრაფად აღის სამხედრო კარიერის ახალ საფეხურებზე და მთავრობის თვალში უდიდეს ნდობას მოიპოვებს: ებრძვის შამილს, პაჭი-მურატს, აღტაცებულია ჩინ-მედლებით (როგორც ერთ დროს პუშკინს აღფრთოვანებას გვრიდა ნიკოლოზ I-ის სასახლესთან დაახლოვება) და წელიწადში თითო-ორჯერ ლექსს თუ ლაწერს.

60-იან წლებში ორბელიანი უკვე დიდი ფიგურაა, ისე დიდი, რომ ბატონყმობის გადავარდნის შეჩერებასაც კი ლამობს: პოეტს ახალი ცხოვრების ყლორტების წამოზრდა გამოეპარა: პირადი ზვიადობით დაბრმავებულს, თერგდალეულები ვერ შეუმჩნევია. ამ

ეპოქაში ერთიანად გამომქლავდა ორბელიანის კლასობრივი ბუნე-
ბა: იგი ვერ გასცილებია წარმომშობ წოდებას, მძაფრად ამქლავნებს
სამხედრო ინსტიტუტებს და მამაპაპურ მბრძანებლურ ქედმაღლო-
ბას, თანაც აღმერთებს ბახუსს. მაგრამ „ყველაფერი იცვლება, ყო-
ველივე მდინარებს“: ბატონყმობა ორბელიანის დაუკითხავად გადა-
ადო შეშინებულმა ალექსანდრე II-მ. თავადაზნაურობა პოეტის
თვალწინ კედება და ირიყება, ცხოვრებას ეუფლებიან ახალი ფენე-
ბი, პოეტიც მოხუცდა, მწვერვალებიდან დაბლობში ჩამოდის და ში-
ნაურებს ეკეთება: ლექსში „პასუხი შვილთა“ (1874) გრიგოლ ორ-
ბელიანმა „თერგდალეულები“ განაქიქა — უმადურნი ხართ, უვი-
ცები, სამშობლოს ღუპავთ, ენას ვერ იცავთ, მამებს ვერ აფასებთ,
როგორც საჭიროა, სამშობლოს ვერ დაიცავთო და სხვ.

კიდევ რამდენიმე წელიწადი და გრ. ორბელიანი ბეთანიის ეკ-
ლესიაში აღმონათხვეს გულში ჩამარხულ პროტესტს და სამშობლო-
სადმი უდიდესი სიყვარულის გრძნობას. „თამარ მეფის სახე ბეთა-
ნიის ეკლესიაში“ (1877) შესანიშნავი რომანტიკული ლექსია. ორ-
ბელიანი ხედავს ცარიზმის საქმიანობას, იბრძვის კიდევ მისი რე-
ჟიმის განსამტკიცებლად, მაგრამ არ იქნა და საბოლოოდ მაინც ვერ
შეიყვარა იგი, მაინც ზიზღით არის მისდამი აღვსილი; ცარიზმი მი-
აჩნია ისეთ ძალად, რომელმაც გააუბედურა საქართველო და პი-
რადად პოეტიც: მგოსანს თავისი თავი მოაჩნია გულშემუსვრილად,
დამცირებულად და ბედდაკარგულ ივერიის ძედ. საქართველო შავ
დროშია, აღარ ბრწყინავს, აღარ პშენის, დაცემულია სულით, წაწ-
ყმედის გზაზე ღვას... ლექსის ამ ადგილებში ღაღადებს უდიდესი
პროტესტანტული გრძნობა და ზიზღი აწმყოსადმი.

პოეტი წუთიერად ოცნებობს, რომ საქართველოს დაუდგეს თა-
მარის დროის მსგავსი დღენი, „ივერი აღსდგეს ძლიერი და დადგეს
ეროდ სხვა ერთა შორის“, „სწავლისა შეუქით განათლებული“, კულ-
ტურულ ქვეყნად გადაქცეული, ერთი სიტყვით, დროის მიხედვით
გარდაქმნილი და განახლებული (და არა ძველი ფეოდალური სახით,
როგორც ეს ვაიკრიტიკოსებს ჰგონიათ). ბოლოს, პოეტის ქნარი
უიმედოდ ჩაწყვეტილი სიმის ხმას გამოსცემს, თავდება ისე, რო-
გორც ლექსში — „იარალის“, მაგრამ როგორც ზემოთ ვთქვით, აქ
მთავარია პროტესტი და მამულისადმი სიყვარული და არა უიმედო-
ბა.

გრ. ორბელიანი, რომელმაც ბოლოს შეიგნო, რომ ცხოვრება
„ცრუ სოფელია და დაუნდობელი“, მასში „კეთილი სად არს ფერ-
უცვლელ“, ღრმა სიბერის ეამს „მუშა ბოქულაძის“ მიაპყრობს თვა-
ლებს. 1827 წელს „სადღეგარძელოში“ მეფეებს აღიდებს, ნახევარი
საუკუნის შემდეგ კი ბოქულაძის კურტანს ამკობს, სასახლეებიდან
ქოხებამდე ჩამოვიდა, ეპოქის მძლავრმა მუქლუგუნმა ქეშმარიტი

პოეტი მისდაშეუმჩნევლად გამოგლიჯა საკუთარ კლასობრივ განსაზღვრულობას და სახალხო ჰირვარამზე აამღერა.

ბოქულაძე არ არის სამრეწველო პროლეტარიატის წარმომადგენელი, იგი, ილია ჭავჭავაძის მუშის მსგავსად, ძველი დროის კურტნის მუშაა. მას სიცოცხლე „ტანჯვად გადაჰქცევია შოვნისათვის მხოლოდ ლუკმა პურისა, ის „კისერჩაქანგებულთა, სიყრმიდანვე დევნილი“, „სოფლის გარე უწყალოდ განდევნილი“, ის მუშაობს, „სხვანი კი იმღერიან“, ყველასაგან აბუჩად არის ავდებული, „კაცთა შორის კაცად არმიჩნეული“. მან იცის, რომ მისი მჩაგვრელია განცხრომის ძე, ეს მშვენიერი ქვეყანა ამ მჩაგვრელისთვის არსებობს, ყოველგვარი სიმდიდრე მისია. ბოქულაძე ასე მიმართავს მას:

-თვით მეც, მუშა, ჩემის ღონით, ოფლითა,
შენთვისა ვარ დაბადებით მსახურად...
შენ ხარ მეფე... მე ძალღადაც არ მაგდებ!“ და სხვ.

მუშის მდგომარეობა და განცხრომის ძის სახე აქ მკვეთრ ტიპიურ ხაზებშია მოცემული, მათი დაპირისპირებაც სრულ მხატვრულ შთაბეჭდილებას სტოვებს, პოეტის თანაგრძნობა მთლიანად მუშის მხარეზეა. შეიძლება სიყალბედ და პოეტის კლასობრივი თვალსაზრისის გამოვლინებად ჩაითვალოს ბრძოლაზე უარის თქმა და ზეცაზე მითითება (დაახლოებით იმ ხანებში მუშა პოეტი იოსებ დავითაშვილიც თითქმის ასეთნაირად სკრიდა ამ საკითხს; ასეა ყოველთვის მუშათა მოძრაობის დასაწყისში), მაგრამ ორბელიანის მიერ საკითხი მხატვრული სიძლიერით არის დასმული, ამისი უარყოფა არავის შეუძლია.

ვის შეუძლია უარყოს ის, რომ პოეტმა მხატვრული სიძლიერით არ წამოაყენა კლასობრივი ურთიერთობის საკითხი და მუშისა და მდიდრის დაპირისპირებით მძაფრად არ გვაჩვენა ბურჟუაზიული საზოგადოების ძირითადი წინააღმდეგობა? მართალია, ჩვენი თვალსაზრისით, საკითხის გადაჭრა არ არის სწორი, მაგრამ პოეტმა ჩვენ მოგვცა ის, რაც მას, უპირველეს ყოვლისა, მოეთხოვებოდა, როგორც მხატვარს: სინამდვილის მკვეთრი ანალიზი და ბურჟუაზიული ცხოვრებისადმი კრიტიკული აზრის გაღვივება. გრ. ორბელიანის შემოქმედრეობის ღირებულება ისაა, რომ პოეტი კრიტიკულად არის განწყობილი იმ დროისადმი, სადაც ეროვნული ჩაგვრა ხდება, იგი კლასობრივი ურთიერთობის საკითხსაც მკვეთრად აყენებს „მუშა ბოქულაძეში“, სწორედ ამით აიხსნება ის გარემოება, რომ 1905 წლის რევოლუციის პერიოდში ეს ლექსი გატაცებით იკითხებოდა სცენიდან რევოლუციური ხალხის აღსაფრთოვანებლად. მართალია, ორბელიანის შემოქმედებაში არის ჩვენთვის მიუღებელი ადგილები, მაგ., რელიგიის აღიარება, მეფის წინაშე თავისებურად ქედის მოხ-

რა („სადღეგრძელო“), ახალი თაობის წინააღმდეგ გალაშქრება, მაგრამ, მიუხედავად ამისა, ეს შემოქმედება წარმოადგენს ჩვენთვის ძვირფას ლიტერატურულ მემკვიდრეობას.

გრ. ორბელიანი სიტყვის დიდი ოსტატია: დახვეწილი ენა, აფორისტული თქმა, ტიპური სახეები... პოეტური ხერხები — ჰიპერბოლა, შედარება. მეტაფორა და სხე — აი, გრ. ორბელიანის პოეზიის მომხიბვლელ, პათოსი და საძოვლი.

ორი სტილი

ზურაბ ნაწარის ძე ანტონოვი (1820—1854). ამ ნიჭიერ დრამატურგს, რომელიც ერთგულ ძმასავეთ ამოუღვა გვერდით გ. ერისთავს, ზოგჯერ ჩვენი კრიტიკოსები გვერდს უვლიან, ანდა რაღაც ცალყბად იხსენიებენ. მე მგონია, რომ ეს უსამართლობაა: ყოველი გულწრფელი და ნიჭიერი შემოქმედი ღირსია იმისა, რომ შესაფერო ადგილი დაიკიროს ისტორიის ფურცლებზე. ვაი, თუ სიტყვამ „შესაფერი“ ეჭვი გამოიწვიოს მკითხველში! მე შევეცდები, შეძლებისდაგვარად, გავაცნო მკითხველს ეს მწერალი და დასკვნა თვითონ გამოიტანოს, მაშინ გავიგებთ, ღირსია თუ არა ანტონოვი იმ ყურადღებისა, რომელსაც ჩვენ ვაპყრობთ მას.

ანტონოვს დაწერილი აქვს სულ შვიდი დრამატული ნაწარმოები. აქედან ოთხი ქალაქურ და წვრილ-ბურჟუაზიულ ფონზეა მოცემული; ამავე დროს ეს პიესები — განსაკუთრებით სამი („მე მინდა კნენა გავხედ“, „განა ბიძიამ ცოლი შეირთო? და „მზის დაბნელება საქართველოში“) ყველაზე საუკეთესოა თემატიკისა და მხატვრული თვალსაზრისით, ამ პიესებში თავიდან ბოლომდე მაშინდელი ქალაქური ცხოვრების ყოფაა მოცემული. აბა რა უნდა ყოფილიყო მაშინდელი ჩვენი ქალაქები, როცა მათი მოსახლეობა ძალზე განსაზღვრული იყო! მაგრამ ანტონოვის ნიჭიერმა თვალმა უსათუოდ ტიპობრივად გადმოგვცა ამ პრიმიტიული სავაჭრო და გონებრივი ცენტრების სახე.

ანტონოვის პიესების არა მარტო ტიპაჟი, არამედ უმეტესად ქალაქური სურნელება იმით აიხსნება, რომ იგი დაბადებით და აღზრდით ქალაქს ეკუთვნოდა: მამა მისი გორელი ვაჭარი იყო, ტომით სომეხი და თავისი შვილი ვაჭრულ ატმოსფეროში აღზარდა. სოფელი და მისი მიდამოები ანტონოვისათვის მხოლოდ შემთხვევითი გარემოება იყო, მისი აკვანი ქალაქში დაირწა და, როგორც ბავშვობის, ისე ყმაწვილობისა და ვაჟკაცობის (რომ არ დასცალდა! სულ 34 წლისა გარდაიცვალა ცოფიან, ძაღლის კბენისაგან) საუკეთესო

შთაბეჭდილებანი აქ ჰქონდა შეთვისებული. გ. ერისთავის მიერ ქალაქის მიღება უფრო მონაფიქრები იყო, ვინემ ნაგრძნობი, უფრო თავისმიერი, ვინემ გულისმიერი. ანტონოვის შესახებ კი პირიქით ითქმის.

ანტონოვის ქალაქი მოფუსფუსე და მრავალფეროვანი ადგილია, აქ განუწყვეტლივ ხედებიან ერთმანეთს სხვადასხვა ჯურის ადამიანები; ეს შეხვედრა მოკლე და წუთიერია; ერთ მომენტში ერთნაირი სურათი იშლება, მეორეში — სულ სხვაგვარი. გამახვილებულია მხედველობა, სმენა! მოძრაობა, ნაირნაირი ინტერესების დაჭახება, მოულოდნელი შეხვედრანი, სხვადასხვა ხასიათების შეჯიბრი, ძველი, ახალი, დიდი, პატარა, ქალი, კაცი, მოსაქმე და უსაქმური, სხვადასხვა ერის შვილები, პატროსანი მშრომელი და გაიძვერა, ნაძირალა... ყველა ერთმანეთში არეულა და მუდმივ ფუსფუსშია. სხვადასხვა ტიპები, სხვადასხვა მდგომარეობის ხალხი ჩუმად იხრაკება ძველი ფეოდალური ეკონომიკის რღვევისა და ახალი ვითარებით შექმნილ ტაფაში, აქ ატყუებენ ერთმანეთს, შარლატანობენ, გაიძვერობენ, ვალიანდებიან და კოტრდებიან... მაგრამ ჩვენმა ავტორმა კიდევ უფრო მეტ სააშკარაოზე გამოიყვანა ისინი: ეკონომიკურად დაქვეითებულთ ახლა მზის დაბნელებით დასცა თავზარი და მათი ნერვიულობა კიდევ უფრო გააძლიერა, მათი თავდაცვის ინსტინქტები კიდევ უფრო ამოძრავა, არსებობისათვის ბრძოლა კიდევ უფრო გაამწვავა. და რა ვნახეთ? სოფლებიდან ფულის სასესხებლად ჩამოცენილი ძველი თავადები, გზადაბნეული ქართველი და რუსი გლეხები, მსუნავი შარლატანები, და ყველა ისინი, ვისაც აგრე ემარჯვება მღვრიე წყალში თევზის ქება და წუმპლაობა.

გ. ერისთავის ტიპებივით ანტონოვის თავადებიც მარჯვნივ და მარცხნივ ფულებს სესხულობენ, ახლაც კარს მოადგნენ გეურქა ოქროებიან ქისას. თქვენ ფულების მგლები ხართო, — ეუბნება მათ გეურქა, რომლის თვალში არც ერთი თავადი უკვე ჩირადაც არ ღირს: ქონება მათ არა აქვთ და კაცური ღირსება. ეს უკანასკნელი კიდევ რომ ქონდეთ, კაპიტალის დაწყებითი დაგროვების უკულტურო გმირის გეურქას თვალში მაინც რა მნიშვნელობა უნდა ექნეს!

გეურქების ქისას, თავადებს გარდა, სხვაც ბევრი გაუმსუნაგებია: ნაძირალები, აფერისტები, მონელე და უსაქმური. ყველა ფერხულს უღლის „ოქროს კერპს“ და ყველა მოწადინებულა, რომ მზის დაბნელებს წინ — მათი აზრით, ეს ქვეყნის დაქვევაც იქნება — ცოტაოდენი სიტკბოება წაილოს ამ ცოდვილი წუთისოფლიდან.

კომედიისაში აქა-იქ ჩართულია ახალი ყოფის, „გავერობილების“ შემოსელის მომენტები: ძველებური სუფრის მაგიერ მაგიდების შემოღება, ჭიხვის რქის მაგიერ — ჭიქები, დანა-ჩანგალი, საჭმე-

ლების თეფშებით ჩამოტარება, ჩაის სმა, პაპიროსის მოწვევა და სხვ. თათქარიძის ღორმუცელა წინაპრებს განსაკუთრებით არ მოსწონთ ის, რომ სუფრაზე თხლად დაკრილი პური მოაქვთ.

— მთელი პური დასდონ, რასაც შევექამ, შევექამ, რასაც არა და იქვე დარჩებათ, — ამბობს ერთი მათგანი.

— ზოგს ნიკაპზე გამოუშვია პატარა წვერი თხასავით, ზოგს ყბებზე გაბანჯღლული დათვივითა, ზოგს სადა და ზოგს სადა... ამ თმებზედაც რაღაცას იგლესენ, ფერი კი ღორის ქონისა აქვს და არ ვიცი, თუ რა არისო, — ჩივის ზაალი, რომელიც ვერასგზით ვერ შეგუებია „ამდენ სიახლეს“.

მეორე პიესაც — „მე მინდა კნინა გავხდე“ — ქალაქის არემარეშია გაშლილი. მოქმედ პირთა ცენტრში დგას ბებრუხანა, კბილებჩაცვენილი ბარბარე, რომელსაც გარდაცვლილი ქმრის ქონება ყელში ამოსდის. ახალი ღროის კერპმა — ოქრომ, ამასაც გონება აურია, თავისი თავი ახალგაზრდად წამოუდგენია და დაქვრივების უმაღლე მეორე ქმარს ეძებს. კნინაც უნდა გახდეს, ახალი ცხოვრების დაწყებას აპირებს, აფასებს, ვისაც უთქვამს: „თავსა ახლად ვერვინ იშობსო“. განა თუკი ფულები აქვს, ამას ვერ შესძლებს!

ვაჭარმა შაყულოვმა ღირსეული საქმროც მალე გამოუნახა: ეს პატივცემული გვამი გახლავთ გაღარიბებული ქართველი თავადი შერმანიძე, რომელსაც ძველი დიდებიდან მარტო თავადის სახელი და ზოგიერთი რაინდული თვისება შერჩენია, — ეკონომიური უპირატესობა კი კარგა ხანია გამოცლია ხელიდან. ოღონდ კი ისეე დაიბრუნოს ეს უპირატესობა და მზადაა უკბილო ბებრუცუნა შეირთოს, მზადაა ხელი აიღოს ფეოდალურ რაინდობაზე — გულის სატრფოდ ბაჭ-ბაჭა დედაბერს ისვამს. დიდი ამბით ენახდება ღირსეული ნეფე-დედოფალი საქორწილოდ, მაგრამ სრულიად მოულოდნელად ირკვევა, რომ ჩვენი საპატარძლო გვარიანი გაიძვერა და ხელცივი ყოფილა: მაზლის ქონება მიუთვისებია და მაზლის შვილი — კეკელა, მშრალზე დაუტოვებია. ბარბარე ქონებასაც კარგავს და საქმროსაც. კეკელა კი ბედნიერდება — ფულსაც იშოვის და ლამაზ სატრფოსაც შეირთავს. ბოროტება ისჯება. დევნილი სიკეთე იმარჯვებს... სწორედ ისე, როგორც ეს ხდება ევროპის ბურჟუაზიულ ნიადაგზე შექმნილ „ბურჟუაზიულ ან კრემლიან“ კომედიაში.

ერთსა და იმავე საზოგადოებრივ კლასს — აუნდაც სსვადანსხვა ქვეყნებისას — ერთნაირი აზროვნება და ლიტერატურული მიზნები ახასიათებს. საგულისხმო გარემოება: ჰკავს, რომ ჩვენმა ანტონოვიმ კარგად იცოდა. ვისთვის უნდა მიუბაძა!

„განა ბიძიამ ცოლი შეირთო“? მშვენიერი კომედიაა, რომელიც გამოყვანილია მეტი სიმდიდრით წონასწორობიდან გამოყვანილი ვაჭარი — გალუსტ თანდოევი. ბებრუცუნა ქვრივის — ბარბა-

რეს მსგავსად სიბერის ეამს ამასაც დავეთრები აებნა, ლამაზ საცო-
ლეს ეძებს: იცის, რომ სიმდიდრეს მიწაში არ ჩააყოლებენ და მო-
წადინებულთა თავისი ქონება ან თითონ შევამოს, ანდა საკუთარ
შვილს — სიბერის დროს რომ ლამაზ ცოლთან შეეძინება — იმას
დაუტოვოს. გალუსტის ჰყავს ერთადერთი მემკვიდრე — მანუჩარი,
რომელიც დღე-დღეზე მოელოდა ბიძიას უძეოდ სიკვდილს. მანუჩა-
რი ბორჯომში დაუახლოვდება ერთ ლამაზ ქალს, რომელიც თურმე
მის ბიძას — გალუსტას უნდა შვირთოს და სააგარაკოდ გაუგზავ-
ნია. მდგომარეობა ფრიად კომიკურია, როგორც მოსუცი ბიძის,
ისე მანუჩარისა და ქალისათვის. მაგრამ საქმე კეთილად ბოლოვდე-
ბა ორთავეთათვის: მანუჩარი თავის სიყვარულს უცებ სხვაზე გადა-
იტანს.

აქაც ბედნიერად დასრულებული კოლიზია — „ცრეზლიანი კო-
მედიის“ ნიშანდობლივი თვისება. ჩვენი ჩარჩიც ისე ეტრფის ტკბილ
ცხოვრებას და მყუდროებას, როგორც ევროპის ბურჟუა, სატრაგე-
დიოდ არც ერთი არ გამოდგება, ბრძოლა და ხიფათი არც ერთს
არ უნდა, თავიანთ ძვირფას სიცოცხლეს სარისკოდ არც ერთი არ
იმეტებს; ისინი მხოლოდ საკომედიო მასალას წარმოადგენენ.

გაიძვერა ჩარჩის სახეა მოცემული აგრეთვე კომედიაში „ქორ-
წილი ხევსურთა“: კაკოლა ფინაჩოვი წურბელივით შეძრომია მიყ-
რუებულ მთიულეთს და, ვისაც კი წაეწევა, ყველას ტყავს აძრობს.
ამ კომედიაში მოცემულია ეთნოგრაფიული-მასალა ხევსურთა სა-
ხეებით და მათი ლაპარაკის კილოს დაცევით, ნინიკო ფანტელაური,
ბესო ქვეყორაული, ქალთაზე ლუმსაური, ხოსრო ხეთაგური, ზინ-
ჩლა ლეკია, ძაღლია და სხვები ხევსურთა კილოთი ლაპარაკობდნენ
და ადგილობრიობის სურნელებას მშვენიერად იცავენ.

— ბესოო, ბესოო! თუ გიყვარვარ ჩვენი და სალოცაეები. და-
მეხსენ, შენი კენესამე, მე არა მცალს ცხორთა საპატრონოდა,
კმუნვა რაიმე მეწვიეს ჩემდა ტანჯვად, — ამბობს ნინიკა ფანტელა-
ური.

— სატანა რაიმ შემოვდებიო, თუ რაიო, ქრისტიან ხარ, გა-
ნაი თათარო ახსენე აი ჩვენდა სალოცაეებიო და მათ გარიდონი შენ-
და მოდებული მაცთურაიო.

ასეთნაირადაა მთელ პიესაში გადმოცემული ხევსურთა ლაპარა-
კის კილო.

ცნობილია, რომ მთიულებს პირველად ილია ჰავეჟაეაძე შეეხო
„მგზავრის წერილებში“. ზ. ანტონოვს, როგორც ჩანს, ათი წლით
ადრე უცდია მათი ცხოვრების სურათების დახატვა.

ორმოქმედებიან კომედიაში, რომელსაც ანტონოვი ნამდვილს
უწოდებს, და, რომლის სათაურია „ტივით მოგზაურობა ლიტერა-
ტორთა“, აღწერილია ინტელიგენტთა საქმიანობა — წვრილბურ-

უუაზიული წრე, რომელიც არაფრით არ ჰგავს ფეოდალური ცხოვრების ანარქიას, ეს ლიტერატურული ფაქტიც დამახასიათებელია.

გ. ერისთავის მსგავსად, ზ. ანტონოვი თითქმის ყოველ პიესაში გვიხატავს იმერელი ბიჭების გიორგას, პეტრიკას, სიმონიკას სახეებს.

ასეთია ანტონოვის მიერ ასახული პორტრეტების ხეივანი, რომელშიაც მოუსვენრად დაფუსფუსებენ ეს ახალი დროისა და ახალი ტიპის ადამიანები: მთლიანობას მოკლებულნი, გაბზარულნი, გატეხილნი და გამრუდებულნი, რომელთაც არც წარსული გააჩნიათ და არც ხვალისდელი დღე აინტერესებთ. მათი ინტერესი მარტო მიმდინარე ყოველდღიურობაზეა მიბმული, მათ არ იციან, რა არის. მაღალი ინტერესი, აღმაფრენა და ადამიანური აღტაცება. მთელი თავის სიცოცხლით დახურდავებულნი არიან და მარტო კომედიის მეორეხარისხოვან გმირებად თუ გამოდგებიან.

მოულოდნელ ნიაღვარივით მოეარდნილმა ახალმა ეკონომიურმა ტალღამ ძირფესვიანად შეარყია მათი დასაყრდნობი ნიადაგი, ლუკმაპურის პირიდან გავარდნის შიშმა ერთიანად დაცხრილა მათი სული და გული, ქალაქი და მისი ქუჩები შათთვის ეშაფოტად გადაიქცა.

ანტონოვის პერსონაჟების ენაც ისეთია, როგორც მათ მდგომარეობას შეეფერება: უბრალო, სადა, მარტივი, ცოცხალი და სურათოვანი. არსად თავადური პოზა, არც ერთ ადგილას არა ჩანს სამღვთო წერილის უბრალო გავლენაც კი. ავტორს მშვენიერად ესმის, თუ რა მნიშვნელობა აქვს ადგილობრივი სურნელების გადმოსაცემად ენის თავისებურობას. ეს გარემოება განსაკუთრებით ჩანს „ხევსურთა ქორწილში“ და „ქმარი ხუთი ცოლისაში“.

ამნაირად ზ. ანტონოვი ნიჭიერი განმამტკიცებელია გიორგი ერისთავის მიერ ჩვენს ლიტერატურაში დაკავებულ პოზიციებისა და თავისი შემოქმედების ძირითადი მოტივებით — შინაარსით და ფორმით, ანუ საერთოდ რომ ვთქვათ — სტილით, ერთიანად განირჩევა ალ. ჰავჭავაძის, გრ. ორბელიანისა და სხვებისაგან. ანტონოვის შემოქმედება წარმოშობილია ქალაქური ცხოვრების მიდამოებში, თავადური ხოდაბუნები მისთვის შორეული წალკოტებია, იქაურობის პოეზია მას არ ხიბლავს.

ანტონოვი იყო ნიჭიერი არტიტიცი, გრ. ერისთავის მარჯვენა ხელი და, რომ უდროვოდ არ დაღუპულიყო, კიდევ უფრო დიდ ამავს დასდებდა ქართულ ლიტერატურას, საზოგადოდ კულტურას. მისი პიესები დიდხანს აცოცხლებდა ჩვენს სცენას. „მზის დაბნელება“ ახლაც იღვმება. თითქმის ყველა მისი კომედია მის დროს ცალკე წიგნებად იბეჭდებოდა, უკანასკნელად კი პიესათა კრებული ცალკე წიგნად 1876 წელს დაიბეჭდა.



გრიგოლ რჩეულიშვილი (1820—1877). რჩეულიშვილი პირველი სტრიქონიდანვე იწვევს მკითხველის ყურადღებას. არ შეგიძლიათ მისი მოთხრობა დაუსრულებელი მიატოვოთ. ეს დიდი ბედნიერებაა მწერლისათვის. თუ არ ვცდები, ჩვენი კრიტიკოსები მარტო იმისათვის აფასებენ მას, რომ თავისი დროის მკითხველს საინტერესო საკითხავ მასალას აწვდიდა და მით კითხვას აჩვევდაო. მე კი მგონია, რომ რჩეულიშვილის მნიშვნელობა უფრო ღრმა არის და თანაც მისი შემოქმედება საინტერესო საზოგადოებრივ მოვლენას წარმოადგენს. ვეცდები ნათელეყო ჩემი აზრი.

ეს მწერალი რაღაც განცალკევებულად დგას სამოციანი წლების დასაწყისის ლიტერატურაში; ერთი შეხედვით თითქოს ისე ჩანს, რომ მის შემოქმედებას ძალიან ცოტა სცხია ქართული ელფერის; მეორე მხრივ, კი არც იმის უარისყოფა შეიძლება, რომ რჩეულიშვილიც სხვებივით გულდამწვარი ქართველია და მთელი მისი გულისყური და ცეცხლოვანი ტემპერამენტი იქითაა მიმართული, რომ მშობლიური ლიტერატურა გაამდიდროს და რაც შეიძლება მალე გააცნოს ყველას თავისი სასუქვარი გრძნობები და აზრები.

მისი დროის მწერლობა მაინცდამაინც დიდად არ აფასებდა მას, არც შემდეგ თაობას შეუცვლია აზრი მასზე. მას მარტო „თამარ ბატონიშვილის“ და ზოგჯერ „ანუკა ბატონიშვილის“ ავტორად თუ იხსენიებენ. ამ ბოლო წლებში კიდევ „ქვრივის ლიმონების“ გამოცემით მოიგონეს. ეს მოთხრობები ეროვნული რომანტიკის სამსხვერპლოზე მიტანილი ხარკია. მე კი ვფიქრობ, რომ რჩეულიშვილის შემოქმედების პათოსი ამ მოთხრობებში არაა ჩამარხული. ვნახოთ, რას გვეტყვიან ლიტერატურული ფაქტები.

რჩეულიშვილი დიდი ხნის ავადმყოფობის შემდეგ გამომრთელების გზაზე შემდგარ ადამიანს მაგონებს. ასეთი ადამიანის დამშეული სხეული უამრავ საკმელს მოითხოვს და ისიც გამგელებული კვამს. ხან ერთ საკმელს მივარდება, ხან მეორეს, როცა ერთს კვამს. მეორეს ხელით მიითრევს და მესამეს კიდევ ანერწყვებული თვალებით მისჩერებია.

რჩეულიშვილი დიდ უბედურებაგადახდილი საქართველოს შეილია, იმ ქვეყნის, რომელმაც დიდი სისხლის ღვრისა და აფორიაქებათა შემდეგ, როგორც იყო ცოტათი მოისვენა და ქონებრივად შედარებით მოღონიერებასთან ერთად, ფიზიკურადაც წელში გასწორდა... მიიხედ-მოიხედა და, რა დაინახა ირგვლივ?

დაწინაურებული ქვეყნები, კულტურული ერები, უჩვეულო

ცხოვრება, რუსეთის გზით მოხეტიალი ახალი ნიაღვარი... ხოლო შინაობაში კი საშინელი სიღარიბე, უკულტურობა, ჩამორჩენილობა, გაუნათლებლობა. მაგრამ... მაგრამ, იმავე დროს, დიდი სურვილები, დიდი შესაძლებლობანი!.. იმიტომ, რომ საქართველო კულტურული ერი იყო, დიდი წარსული ჰქონდა... დიდი როლი უთამაშნია მცირე აზიაში: გორგასალი, დავით აღმაშენებელი, თამარი, სააკაძე, ერეკლე... შოთა რუსთაველი, ჩხრუხაძე, მოსე ხონელი, საბასულხან ორბელიანი, გურამიშვილი, ბესიკი, ანტონ კათალიკოსი...

ეს აჩრდილები არ ასვენებდნენ რჩეულიშვილის დროის საქართველოს, არ ასვენებდნენ თვითონ რჩეულიშვილსაც... იგი ხარბად ეწაფება ყველაფერ იმას, რაც მის ქვეყანას აკლია... ქონებრივად და ფიზიკურად სულმოთქმულ ქვეყანას სულიერ მოთხოვნილებათა დაკმაყოფილებაც მოუნდა, მისი საუკეთესო შვილები მოწადინებული არიან, რომ ეს სულიერი შიმშილი დაიკმაყოფილონ. რჩეულიშვილი ერთი ამათვანია.

ვეროპაში ამ დროს უდიდესი ლიტერატურული მოძრაობა იყო. ბურჟუაზია დავაყვაცებული კლასი იყო. უკვე რევოლუციითა მთელი რიგი ჰქონდა გადახდილი და გამარჯვების გვირგვინით მიაბიჯებდა წინ. გონებრივი შემოქმედების თითქმის ყველა პოზიცია მის ხელთ იყო და მის წიაღში შექმნილი ლიტერატურაც მთელ მსოფლიოს რწყავდა. საქართველომდეც აღწევდა ამ დიდი მდინარის ტალღათა ტლაშანი... გამაღებით ეწაფება ამ ზვირთებს გრიგოლ რჩეულიშვილიც... იგი ხან თარგმნის, ხან მოთხრობებს გადმოაკეთებს, ხანაც ორიგინალურ მოთხრობებს წერს წაყითხულის მიბაძვით... თხზავს ლექსებს, პატარ-პატარა ამბავ-ანეკდოტებს. კერესელიძის „ციცკრის“ თანამშრომლებიდან იგი ყველაზე ნაყოფიერი, ცოცხალი და ენერგიული მწერალია. ნიქითაც საკმაოდ არის დაჯარღობებული.

როგორც ვთქვით, რჩეულიშვილის მისაბაძი საგანი ბურჟუაზიული ლიტერატურა იყო. უნდა ითქვას, რომ ამ ადამიანის ტემპერამენტი სავსებით შეეგუა ამ ლიტერატურის ერთ-ერთ დამახასიათებელ თვისებას — ფსიქოლოგრზმს — ნივთთა მოძრაობით გამოწვეულ ნერვიულობას და მოძრაობას. ვერცხლის წყალივით თრთოლვა და მუდმივი ცახცახი რჩეულიშვილის მოთხრობების დამახასიათებელ მომენტს შეადგენს. მისი ტაჟები აჩქარებულად მოქმედებენ და აზროვნებენ. რჩეულიშვილის მოთხრობების შინაარსი კინემატოგრაფიული სისწრაფით ვითარდება.

ეტყობა, რომ რჩეულიშვილი აღტაცებული იყო საქართველოში ბურჟუაზიული ურთიერთობის შემოქრით. ერთი მისი საკმაოდ ლამაზი, ორიგინალური მოთხრობა — „შეშლილი“, ასეთხაირად იწყება:

„საზოგადოდ საქართველო და საკუთრად ტფილისი ბევრით არიან დაეალებულნი განსვენებულის ფელდმარშლის, თავადის ვორონცოვისაგან. 1845 წელსა გადმოვიდა ვორონცოვი საქართველოში ნამესტნიკად და მაშინვე შეუდგა ის განხილვასა მისს საქიროებისასა, ჰპოვა საქართველო ძირს დამხობილი მრავლის წყულულებისაგან. მხოლოდ იმის შემძლებელ მარჯვენას შეეძლო იმჟამად საქართველოს აღდგინება და იმის დიდკაცურმა სიუხვემ არა დაზოგა რა ამ წყულულების განსაყურებლად. მან დააწინაურა ვაჭრობა, გლეხთ გაუჩინა მუშაკობა, ობოლთ და ოხერთ შეაფარებინა თავი სასწავლებლებში. კეთილშობილთ დაანახვა კეთილშობილური გზა ხელმწიფის სამსახურისა; აგრეთვე არა დაიშურა რა საზოგადოს სიამოვნებისათვის; ამის გამო მან დააფუძნა ქართული თეატრი. კეთილი საქმე თავადის ვორონცოვისა არ დარჩა უნაყოფოდ: მრავალთა მისის ჩვენებით იწარმართეს და ჰპოვეს წარმატება, ევროპიული ცხოვრება შემოვიდა ჩვენში, ახალი აზრები დაგვებადნენ; ერთის სიტყვით, გაიღვიძა რა ხალხმა ძილიდამ, სრულიად უსწავლელნი თითქმის განვითარდნენ; უცებ მოულოდნელად დაიბადნენ წარჩინებულნი კომიკურნი მწერალნი, რომელთა შორის ბრწყინავს თავ. გიორგი ერისთავი, ეგრეთვე აქტიორნი, რომელთაც გააძვირვეს ევროპიელნი.

ამ აქტიორებსა და აქტრისებს შორის იყვნენ იმ დროს ორნი საყვარელნი საზოგადოებისა: აქტიორი გიორგი და აქტრისა კეკე“...

ასეთი პუბლიცისტური შესავლის შემდეგ იწყება გიორგისა და კეკეს სიყვარულის ამბავი, რომელიც სხარტულ დიალოგებში ვითარდება. კეკეს ეცილება მეორე არტისტი ქალი — ანა, რომელიც ამბობს, რომ მას „უნთია გულში შემქმელი ცეცხლი გიგოსადმი“. ეგ „შემქმელი ცეცხლი“ თავისას შვება და საბედნიეროდ გამზადებულ ახალგაზრდებს სამუდამოდ გააუბედურებს.

მე არ შევუდგები მოთხრობის შინაარსის გადმოცემას, ვიტყვი მხოლოდ იმას, რომ ნაწარმოები იძლევა წვრილბურჟუაზიული ინტელიგენციის ყოფაცხოვრებას და ფსიქოლოგიურ განცდებს. თავდება სენტიმენტალურ-ლიტერატურული მიმდინარეობის მოთხრობების მსგავსად გულჩვილობით და სასაფლაოს ქვებ შორის „ნაზის ნაბიჯით“ სიარულით. მოთხრობა დაბეჭდილია 1862 წლის „ცისკარის“ № 4-ში. წვრილბურჟუაზიული წრე და განცდებია მოცემული აგრეთვე მეორე მოთხრობაში — „ლუნატიკი“ („ცისკარი“, 1860, № 9), რომელიც ეხლაც დიდი ინტერესით იკითხება.

„ეს იყო თებერვლის მოთხმეტსა, 1855 წელსა უკანასკნელს დღეს ყველიერისასა, როდესაც, დღისით სადილს უკან, არდგენდენ იტალიანურს ოპერაში, ტფილისში, საძლო ლუნატიკსა“...

ასე იწყება ეს მოთხრობაც, რომელშიაც აწერილია ერთი ინტე-

ლიგენტის, თავ. ბაგრატის, უბედური სიყვარულის ამბავი. მომაკვდავი ულამაზო ცოლი შინ ეგულება და იგი თეატრში სიყვარულის აღში გაეხვევა, ლამაზმა ქვრივმა დაეთრები აუბნია. შინ როცა შოდის და მომაკვდავ ცოლს დაამტერდება, გულში მისი სიკვდილის სურვილი გაუბრუნს, ტკივილების დასაწყენარებლად მომარაგებულ ბანგს თვალს ამორებს. „ეშმაკს შეაფურთხებს“ და თავის ლოგინში წეება. ბაგრატის აზრი და გრძნობა ცოლისა და სატრფოს გარშემო ტრიალებს. ბოლოს მან „დაიძინა ღრმის და მძიმეს ძილით“.

„რა მეორე დილას გაიღვიძა, მან იგრძნო, რომ თავი მძიმეთა აქვს და თითქოს სრული სხეულიც დაუფილი. ლოგინის აქოთების კვალად მან იფიქრა, რომ ღამე გაუტარებია მძიმედ და მოუსვენრად. მაგრამ რა სახით, ვაოცდა იგი, როდესაც მან ნახა სტოლზედ, თავის კრავოტთან, მინა ბანკითა, ის მინა, რომელიც გუშინ ღამ იმას ენახა თავის ცოლის ოთახში“...

ბაგრატი გაოცებული შედის ცოლის ოთახში და... ჰოი, საშინელებზე! ცოლი გარდაცვილილი დახედება... თავისით მოკვდა, თუ ბაგრატმა მოწამლა? ბაგრატს არ ახსოვს, რომ თითონ მოეწამლოს და ამნაირად გზა გაეკაფოს სატრფოსთან საბედნიეროდ. მაშ რა მოხდა: საიდან გაჩნდა ბაგრატის მაგიდაზე საწამლაი? უცხო ვინმე არ ყოფილა ოთახში... აშკარაა, რომ ბაგრატმა რაღაც საშინელება მოიშოქმედა მისი ნებისყოფის გარეშე...

ეს მომენტი, რომლის გადმოცემაზე ჩვენ განგებ შევჩერდით, ერთ-ერთი დამახასიათებელი თვისებათაგანია ევროპის ბურჟუაზიული კლასის ფსიქოლოგიისა, რომელსაც დეკადენტური მიმართულების მწერლები ხატავენ. განა სწორეთ აგრე არ იქცევიან ევროპიული მოდერნიზმის დამამშვენებლის — კნუტ ჰამსუნის ნერგებად გადაქცეული გმირები! მოვიგონოთ მისი „მისტერიების“ გმირი ნაპელი. რომელსაც ერთიანად გაწყალებია გონება — ნებისყოფა და გრძნობებს აყოლილი სრულიად შეუგნებლად მოქმედებს. იგი ხშირად ვარდება ბაგრატისებურ მდგომარეობაში.

მე სრულებით არ მინდა იგივეობის ნიშანი დავსვა რჩეული-შვილსა და ჰამსუნს შორის, მაგრამ ჩემი აზრის ნათელსაყოფად არ შემეძლო არ მომეყვანა ეს საინტერესო მსგავსება. რჩეულიშვილი შორსაა მოდერნიზმისაგან, მაგრამ არ მგონია, რომ მის „ლუნატიკს“ ხელი არ მოაწეროს თუნდაც პირველად მოხვედრილმა კულარესილმა დეკადენტმა მწერალმა...

რჩეულიშვილის მესამე მოთხრობაშიც — „მოტყუებული ბრილიანტიკი“, ახალ ეკონომიურ პირობებში წარმოშობილი აფერისტების სახეებია მოცემული. ევაჰი ევაჰანტირაძის შორეული ნა-

თესავეები, რომელთა პროფილები ანტონოვის პიესებშიც ჩანან, ჩვენს კვაკიზე არა ნაკლები მოხერხებით წუმპლაობენ ქალაქის პირობების ამღვრეული წყლის ტალღებში. ბურჟუაზიული ქალაქი არაა ფეოდალური კარმიდამო, სადაც ადამიანები დაბადებიდანვე პირადად იცნობენ ერთმანეთს და სადაც უცხო ვინმე ფენსაც კი არ დაადგამს. აქ, ქალაქში, მიღეთის ხალხი ირევა, ეინ გიცნობს, ეინ იცის შენი ავკარგი, საით მოხვევლ, სად მიხვალ!... ამიტომ მოტყუებაც იოლი საქმეა, ათასნაირი ნილაბით შეგიძლია იარო: აქ პატროსან კაცად დაისახები, იქ იგაიძვერებ... ეინ შეგატყობს, ეის სცალია ყოველი შენი ნაბიჯის და მოქმედების ერთი მეორეზე გადასამელად. აქ ხომ სოფელი არაა, სადაც სულ ერთი ქუჩაა ორობებებში გაწოლილი და ბუზის გაფრენაც კი არაეის გამოეპარება...

„მოტყუებული ბრილიანჩიკის“ გმირებმა კარგად იციან ყოველივე ეს და მოხერხებულათაც აღწევენ მიზანს.

რჩეულიშვილს აქვს აგრეთვე ნათარგმნი თუ გადმოკეთებული მოთხრობები: „მასკარადში შეცდომილება“ და „ცოლის სიყვარული“. ორივე ამ მოთხრობაში მკითხველის თვალწინ იშლება ბურჟუაზიული წრეების ავან-ჩავანი და სულისკვეთება. რჩეულიშვილის ფსიქოლოგიური განწყობილების შესაცნობად დამახასიათებელია ის გარემოებაც, რომ იგი სწორედ ასეთი შინაარსის მოთხრობებს თარგმნის.

გ. ერისთავის განხილვის დროს ჩვენ ვილაპარაკეთ იმის შესახებ, თუ რა გავლენას ახდენდა რჩეულიშვილის წრის მწერლებზე თავადაზნაურული შემოქმედება. ეს გავლენა განსაკუთრებით თვალსაჩინოა გრ. რჩეულიშვილზე, რომელიც სხვებზე ნაკლებად არ გრძნობდა საქართველოს ეროვნულ ტრაგედიას. მის ცეცხლოვან ტემპერამენტს მოსვენებას არ აძლევდა მისი ქვეყნის როგორც აწმყო, ისე წარსული. ეროვნული რომანტიკის ცეცხლი განსაკუთრებულის სიძლიერით გიზგიზებდა მის არსებაში. ამ თემაზე მას დაწერილი აქვს სამი მოთხრობა: „თამარ ბატონიშვილი“, „ანუკა ბატონიშვილი“ და „ქერივის ლიმონები“.

ეს უკანასკნელი მოთხრობა ერეკლე მეორეს შეეხება და უნდა ითქვას, რომ ძალზე სუსტია და ნაკლებად ახასიათებს რჩეულიშვილის ნიჭს. მოთხრობა ვერ იძლევა სინამდვილის ილუზიას: დაუჯერებელია, რომ ღვაწლით მოსილი მოხუცი ერეკლე მეფე ასეთ მდაბიურ დარბაზობებს ეწეოდა და თავისი თავისადმი პატივისცემა ისე უმნიშვნელოდ ჰქონდა სულსა და გულში გამჭდარი, რომ რაღაც ბავშვური კომედიის გათამაშებას თითონვე აკისრებდა თავის თავს. ეს მოთხრობა ამას წინეთ გამოსცა გამომცემლობა „შრომამ“, ვფიქრობ, რომ არჩევანი არ ყოფილა მართებული.

„თამარ ბატონიშვილი“ და „ანუკა ბატონიშვილი“ ისტორიული

მოთხრობებია, თუმცა ისტორიულ ყოფა-ცხოვრებას და კოლორიტს იქ ძალიან ნაკლებად ნახავთ. ხშირად ისტორიული ფაქტიც კი დამახინჯებულადაა გადმოცემული. ეს საყვედური სიცოცხლეშიც ხშირად ესმოდა რჩეულიშვილს. მე მგონია, რომ ეს აზრი მხოლოდ იმდენად იყო საფუძვლიანი, რამდენადაც რჩეულიშვილი თავის მოთხრობებს ისტორიულს არქმევდა. ხოლო თუ ამ ნაწარმოებთა მთავარ ტენდენციას დაეაკვირდებით, ამ საყვედურის დოზას უსათუოდ უნდა დაუვკლოთ.

ორივე ამ მოთხრობას, განსაკუთრებით „თამარ ბატონიშვილს“, ახასიათებს ფსიქოლოგიზმი და კინომატოგრაფიული მოძრაობა. მოთხრობა განსაკუთრებული სისწრაფით ვითარდება და მთავარი პერსონაჟი — შალვა — ისე ნერვიულობს და თრთის, როგორც რჩეულიშვილის „შეშლილისა“ და „ლუნატკის“ გმირები. აჩქარებული მოქმედება, აჩქარებული აზრი და გრძნობა, მოულოდნელი შეხვედრანი, სხარტული ლაპარაკი. ყოველივე ეს ნაკლებად შეფერება იმ ზღაზნვით მიმავალ ცხოვრებას, რომელშიც ეს მოთხრობა ვითარდება. მე-12 საუკუნეში ფეოდალური ვითარება მეფობდა: უგზობობა, უმოძრაობა, მშვიდი და წყნარი ცხოვრება... ნერვების მაგიერ მავთულები, შინაგან განცლებზე კუნთების მოძრაობის ბატონობა. მაშინდელი ადამიანი უშუალოდაა დაკავშირებული ბუნებასთან და მისი თანდაყოლილი თუ შენაძენი ინსტინქტები შეუფერხებლად ამკარავდებიან; შინაგანი სულიერი მოთმინებითი წვა და განცდა მაშინდელ ადამიანს არ ეხერხება. ეს მიდრეკილებანი ბურჟუაზიული ეპოქის ადამიანის ნიშანდობლივი თვისებებია, ფსიქოლოგიზმი და ნერვიულობა მისი დამახასიათებელი ნიშნებია, „თავმდაბალთა საუნჯის“ ფილოსოფია მორის მეტერლინკმა ბურჟუაზიული ბელგიის პირობებში შექმნა.

რჩეულიშვილს კი ეს თვისებები ფეოდალური ურთიერთობის ადამიანებზე გადააქვს და ეს იმიტომ, რომ თვითონ რჩეულიშვილს ძვალსა და რბილში ჰქონდა გამჯდარი ახალი ბურჟუაზიული ეპოქის სუნთქვა და მაჯისცემა. ასე რომ, მისი ისტორიული მოთხრობების სურნელება და სული და გული წმინდა ბურჟუაზიულია, გარეშე ქარგა კი ისტორიული. „თამარ ბატონიშვილის“ და „ანუკა ბატონიშვილის“ გმირები, ჩემი აზრით, ღვიძლი ძმებია „ლუნატკისა“ და „შეშლილის“ პერსონაჟების, სულ ტყუილად დააშორა ავტორმა ისინი ერთმანეთს რამდენიმე საუკუნით.

ზევით ვთქვით, რომ რჩეულიშვილს სანტიმენტალიზმის ელემენტებიც მოეპოვება-თქო. ეს სიტყვა მე შემთხვევით არ წამომცდენია: სანტიმენტალიზმის გავლენა საკმაოდ ძლიერია ამ მწერალზე, მისი ცნობილი ლექსი:

ახ. მთვარე. მთვარე. დამწვართ იმედო,
მსურს ჩემი ტანჯვა შენ გაგიბედო...

თავიდან ბოლომდე სანტიმენტალურია. ცრემლები — ხშირად ხელოვნურიც კი. ნაზი მთვარე, სასაფლაო, მწუხრი და სხვა ასეთე-ბი ამ სკოლის მწერალთა გულის ამაჩუყებელი საშუალებებია, ევროპელი მწერლებისაგან ნასესხები. ეს თვისებები რჩეულიშვილის კალამსაც ახასიათებს.

რჩეულიშვილის ენა თუმცა ვერაა საბოლოოდ დახვეწილი და ხშირად განიცდის იგი საეკლესიო ენის გავლენას, მაგრამ საერთოდ — ბოლო ხანების მაინც, ერთობ სადაა და მხატვრული. მას ახასიათებს სხარტული გამოთქმანი, მოკმედეგების შესაფერი მოკვეთილობა და დიალოგის შესანიშნავად დაწურვა... ასე რომ, ხშირად მისი მოთხრობები პიესასაც კი მოგაგონებენ. ყოველივე ეს ხშირად მშვენივრადაა შეხამებული მისი მოთხრობების საერთო მიმართულებასთან.

მამსიმ გორკი

ფირსი. (მიღის კარებთან, სცდილობს გააღოს) დაკე-ტილია... წასულან (ჯდება). მე კი აღარაეის მოვაგონდი... მე, ადამიანი... წავიდა სიცოცხლე, თითქო არც კი მიცხოვრია ჩემო თავო, აღარაფერი დავრჩენია, აღარაფერი.

ჩენოვი — „აღუბლის ბალი“.

სატიანი. ადამიანი — აი სიმართლე და კეშმარტება! ვინ არის ადამიანი? შენ, მე, ისინი, მოხუცი, ნაპოლეონი, მამალი, ყველა ერთად! (თითო მოხაზავს ადამიანს) გესმის? ეს დიდებულია! ამაშია დასაწყისიც და დასასრულიც! ყველაფერი ადამიანშია! ყველაფერი ადამიანისათვის არის... არსებობს მხოლოდ ადამიანი და სხვა არაფერი. ადამიანი! ყველაზე უმაღლესია! ეს სიტყვა ყველგან ამაყად გაისმის. ადამიანი!.. თავიანი. ეცით ადამიანს!..

გორკი — „შსპარჯა“.

სტიროდნენ და გოდებდნენ ჩეხოვის პერსონაჟები, ცრემლად იღვენთებოდა თითოეული მათგანი. ნისლიანი ზეცა, შექმუხვნილი შუბლი, დაყრილი წარბები, მოკუმული ტუჩები. და ქვითინებდა სამი და მოსკოვზე ოცნებაში, ბედგადაწურულნი, ყრუ ქალაქში ჩაკარგულნი... დასტიროდა თავის აწმყოს ბიძია ვანო: „მე ვიყავ ოდეს-ღაც ბრწყინვალე პიროვნება, მაგრამ არაეის კი არ ეუნათებდი“... იღუპებოდნენ ფირსები, არაეის არ ახსოვდა მათი პიროვნება... პროფესორი და მეკარე, გენერალი და უბრალო ქარისკაცი, ბატონი და

მისი მოსამსახურე... ყველა, ყველა უპიროვნო იყო... უკვალოდ
ქრებოდნენ, უმოქმედონი, ხელებ დაკრეფილნი, თავებჩაქინდრულ-
ნი... ირველივ ოხერა, გოდება, გულის გამგმირავი ამოკვნესანი...

ასე გმინავდა მთელი იმპერია, ვეებერთელა იმპერია, ბალტი-
ის ზღვიდან დიდ ოკეანემდე გადაჭიმული, პოლონეთიდან სახალი-
ნამდე ფეხმოდგმული, არარატიდან თეთრ ზღვამდე განფენილი...
მრავალმილიონიანი რუსეთი, ბიბლიური ბაბილონის განმეორება,
ეგვიპტისებურ შრომაში ჩამხრჩვალნი, მეფეთა პირამიდების მაშე-
ნებელი, რომელსაც თავს ადგა ალექსანდრე მესამის უტლანქესად
მოზვავებული იმპერატორული აღნაგობა...

და კულტურული კაცობრიობის წინაშე აღიმართა მეორე ჩინე-
თი, რომლის უდიდესი შვილი მედიდურად ქადგებდა: არა აღუდგე
ბოროტებას! ტოლსტოის გენია დაცარა და დააარბია ახალი ბაბილო-
ნის გამანადგურებლმა წნევამ, ჩეხოვის გმირები მიწაზე განართხა.
„ჩვენს თხზულებებს რაღაც აკლიაო“, — ამბობდა 1892 წელს ჩე-
ხოვი. არიან მწერლები, რომლებიც „საითყენდაც მიდიან და თქვენც
აქეთკენ გიტაცებენ; თქვენ გრძნობთ არა მარტო გონებით, არამედ
მთელის თქვენის არსებით, რომ მათ დასახული აქეთ რაღაც მი-
ზანი. ჩვენ კი არა გვაქვს არც ახლობელი და არც შორეული მიზ-
ნები, ჩვენი სული ერთიანად დაცალიერებულა. პოლიტიკა ჩვენ-
თვის არ არსებობს და რევოლუცია ჩვენ არ გვწამსო“, — დასძენ-
და მგრძნობიარე მწერალი.

ტოლსტოი უმაღლესი ინტელიგენციის ფენებიდან იყო გამო-
სული, ჩეხოვი კი ტიპიური რაზნოჩინელი იყო. საზოგადოების და-
ბალ ფენებს არც ერთი მათგანი არ იცნობდა. თავადთა სახლ-კარი,
ბურჟუაზიის მიერ ალუბლის ბაღების გაკაფვა და ვერშიდონების
კენესა, — მხოლოდ ამ ქვეყნას იცნობდნენ ისინი.

ალექსანდრე მეორის მოკვლის შემდეგ კი იატაკქვეშ შერეკი-
ლი გმირული რწმენა და პატიოსანი აზრი ამ დროს ახალ გზებს
ეძიებდა. 1889 წელს სამშობლოს ბნელეთიდან გაქცეულმა პლე-
ხანოვმა პარიზში სოციალისტების კონგრესზე განაცხადა: რუსეთში
რევოლუცია მხოლოდ მუშათა კლასის ბრძოლით გაიმარჯვებსო...
ხალხოსანთა დამარცხების შემდეგ ეს ახალი საბრძოლველი პოზი-
ციის მონახვა იყო. ძნელი იყო მაშინდელ პირობებში იმის დაჯერე-
ბა, რომ ეს პოზიცია სანდო და საიმედო იყო. მაგრამ ეს სიძნელე
იყო ზედაფენებისათვის, იმათთვის, ვისი თვალებიც ძველი რუსე-
თის ბრწყინვალეების ცქერას შეეჩვია. ხოლო იმათთვის კი, ვინც
პლენხანოვების ქვეყანას იცნობდა, ეს თვალსაზრისი სრულიად ბუ-
ნებრივი იყო...

ალექსანდრე მესამის მათრახებითა და პობედონოსცევის ფილო-
სოფიით შესალტულ რუსეთს კრიზისი დაუდგა. 90-იან წლებში და-
.18. ე. ხურობე

იმშა მრავალი მილიონი მცხოვრები და ვეებერთელა იმპერიის შექა-
ნიზმიც საშიშრად აკრიტინდა. გაიბზარა ბაბილონის სიძლიერე, და-
ირღვა იდილია...

და მაქსიმ გორკის შევარდენმაც ფრთები დაიბერტყა... ქარიშხ-
ლის მახარობელმაც ზღვის მკერდზე შეინავარდა.

„გზა, რომელიც ჩვენ უნდა გადავიაროთ, ჩემთვის უცნობია,
მაგრამ მე ვწამს, რომ სულ წინ უნდა ვიარო... იქით — ბედნიერე-
ბისაკენ, იქით, — საიდანაც ეს ბრწყინვალე — წინ „მოისმის“—ამ-
ბობს გორკის მეოცნებე ჭიჭიკავი

ახლად გაღვიძებული საზოგადოებრივი ძალები მთვრალეებივით
გაიწვედნენ სულ წინ, შეუჩერებლივ მიბარბაცებდნენ ბედნიერები-
საკენ და გარინდებულნი გაჰკიოდნენ: — მძლავრად, მძლავრად
ამოსკდი, გრიგალო!

მაქსიმ გორკის დაკვირვებულმა თვალმა და ფხიზელმა გონებამ
იმთავითვე მოსძებნა ძველი რუსეთის ბნელეთში ჩაკარგული პი-
როვნება, რომლის გულის სიღრმიდან უნდა აღმოხეთქილიყო ქვეყ-
ნის დასახსნელი ამოძახილი გრიგალისადმი.

„სულის მოღუნების ეამს, — როდესაც მეხსიერება თვალწინ
მიყენებს სულის გამყინავ წარსულის აჩრდილებს, — როდესაც
აზრი, ვით შემოდგომის ვნებადაშრეტილი მზე, მკრთალად მინა-
თებს გარშემო ჰოსს და შავბედითად ტრიალებს ერთ ადგილას —
ვერც ზევით დაძრულა, ვერც წინ წაწეულა. — სულის მოქანცვის
ამ უმძიმეს წამებში, ოცნების მეოხებით მე ვიწვევ თვალწინ ადა-
მიანის შარავანდელით მოცულ ხატებას! ადამიანი! თითქო მზე იმა-
ლება ჩემს სულსა და გულში დ მის ბრწყინვალე სხივებში, ნელა
და მელიდურად მიბრძანდება — წინ! და სულ მალლა! მიუწვდომე-
ლივით სამყარო — ტრაგიკულად მშვენიერი ადამიანი...“

ასე აღტაცებით ლაპარაკობდა დიდი მწერალი რუსეთის მუშა-
თა მოძრაობის გარიჟრაჟზე.

ლამაზი იყო ეს სიმღერა, წარმტაცი იყო მასში ჩაქსოვილი აზ-
რი. და ამიტომაც მთელი რუსეთი უსმენდა მას. გორკი პირველ მო-
თხრობიდანვე (1892 წ.) საყვარელ მწერლად იქცა. ერთხელ ტოლ-
სტომი სთქვა: არ შემიძლია, რომ გორკის გულახდილად მოვეკიდო,
არ ვიცი რა მიზეზია, მაგრამ არ შემიძლია კი... გორკი ბოროტი ადა-
მიანია. ის ჰკავს იმ სემინარიელს, რომელიც ძალით აკურთხეს ბე-
რად და ამის გამო ყველა და ყველაფერი შეაძლეს. მას მოყური-
ადეს სული აქვს, ის საიდგანდაც მოვიდა მისთვის უცნობ ქანაანის
ქვეყანაში, ყველაფერს ყურს უგდებს, ყველაფერს აკვირდება, იხ-
სომებს და ყოველგვარ ცნობებს აწვდის თავის ღმერთს. ხოლო მისი
ღმერთი კი მახინჯი რაღაც არსებააო.

ქეშმარიტად, სხვა ქვეყნიდან მოსული იყო მაქსიმ გორკი, თა-

ვადაზნაურული კულტურის გენიალური შვილის გენიალურმა თვალ-
მა მაშინვე იცნო იგი. სხვა რამეში დიდი ტოლსტოი გორკის შესა-
ხებ დიდად შეცდა, მაგრამ გორკის მომავლინებელი ქვეყანა კი
მაშინვე იცნო.

რას წარმოადგენდა ეს ქვეყანა?

რისი თქმა უნდოდა ამ ქვეყანას?

იშვიათია მეორე მწერალი, რომელიც გორკივით გარკვეული
სახით და კანდიერული ნაბიჯებით შემოქრილიყოს ლიტერატურაში
და თანაც ერთის შეტევით დაეპყროს არა თუ ეროვნული, მსოფ-
ლიო მნიშვნელობის პოზიციებიც კი. მის საყვირს სრულებითაც არ
დასჭირებია იერიქონისათვის შეიდჯერ შემოვლა, პირველ კამარის-
თანავე დაემხო ციხე-ქალაქი.

— ჩვენც ადამიანები ვართ! ჩვენც სიცოცხლე გვიყვარს! ჩვენც
ვიბრძოლებთ ბედნიერ სიცოცხლისათვის! გაგვიღეთ კარები! —
გაპკიოდენ გორკის ტიპები პირველ გამოჩენისთანავე.

გაპკიოდნენ ლამაზად, მომხიბლავედ, ვაჟკაცურად...

ეს იყო რუსეთის პროლეტარიატის პირველი ამოძრავება. და
როგორც ასეთი უსისტემო, შემთხვევითი ინდივიდუალური, ანარ-
ქიული, უორგანიზაციო... მაგრამ სამაგიეროდ ლამაზი, წარმტაცი,
სისხლის ამჩქეფი.

გორკი სამწერლო ასპარეზზე გამოსვლისთანავე ცხოვრების.
ერთგვარ ფილოსოფოსად მოგვევლინა. ის საზოგადოებრივი ფენა,
საიდანაც იგი გამოვიდა, ყველაზე უუფლებო, მიწასთან გასწორე-
ბული და გაცამტვერებული იყო. ახალი ბაბილონის საშინელმა წნე-
ვამ ის იყო გასრისა პიროვნება და გორკის შემოქმედებამაც გულის
გამგმირავად ამოიკენესა.

პირველი მოთხრობიდან უკანასკნელამდე გორკი თავისებური
რომანტიკოსია. არც ერთი მისი პერსონაჟი არსებული სიხამდვილით
კმაყოფილი არ არის. გარეშე წრე და ყოველდღიური ფაქტების
გროვა სულს უხუთავს თითოეულ მათგანს, ისინი ვერ თავსდებიან
მოცემული სინამდვილის ფარგლებში და მძლავრად მიისწრაფიან
წინ, სულ წინ! ზევით, სულ ზევით!

უმეტესი მათგანი ყოფილი ადამიანებია, სიცოცხლის საუკეთე-
სო ხანას მათთვის უკვე გაუვლია, შედეგად მხოლოდ უიმედობა
დარჩენიათ და თანაც ფილოსოფიით გატენილი თავები აქვთ, ყველა
მათგანი ცხოვრების სიბრძნით არის დაყურსული.

მაშინდელი რუსეთის საშინელება საკუთარ თავზე გამოსცადა
გორკიმ, ოცდახუთ წლამდე მასაც კისერზე ედგა თავისი ქვეყნის
მშრომელთა მძიმე უღელი და ისიც ცხოვრებისაგან უარყოფილთა
შორის შოულობდა ლუკმა პურს. ჯერ უბრალო ხელოსანი-მღებავი
იყო, მერე ფეხსაცმელების მაღაზიაში უბრალო შეგირდადაა, ცო-

ტა ხნის შემდეგ გეზე ამოყოფს თავს მზარეულად, მუშაობდა სა-
შაქარლამოში, იყო მხერხავი, მეკურტნე, მეფურნე, ვაჭრობდა
ფრინველებით, ვაშლებით, გალობდა საეკლესიო ქორთში, ბოლოს
ვიღაც ვეჟილთან დადგა მწერლად, ერთხანს რკინიგზის დარაჯად
იყო, რამდენიმე ხანს ტფილისის რკინიგზის სახელოსნოებშიც მუ-
შაობდა. მოიარა მთელი რუსეთი, არ დაუტოვებია არც ერთი მნიშ-
ვნელოვანი ადგილი... და ყველგან ცხოვრების უმდაბლეს საფეხურ-
ზე იდგა, სინამდვილეს მუდამ ქვედა სართულიდან ათვალიერებდა...
არსად, არც ერთ ადგილას მისი პიროვნება არავის დაუფასებია,
მისი პირადი ღირსება არავის უცვნია, ყველგან დამცირებული,
ყველგან დამდაბლებული... ამავე მდგომარეობაში ხედავდა იგი
ყველა თავისიანს, ათასებს, ასიათასებს, მილიონებს...

გორკის აქვს მოთხრობა: „ოცდაექვსი და ერთი“. ოცდაექვსი
მუშა თავაუღებლად მუშაობს ერთ საშინელ ფურნეში. უსუფთაო-
ბა, გარყენილება, გახრწნილება. იღუპებიან ამ საშინელ ქაობში ად-
ამიანები, იღუპებიან სულით, ხორციით... და უცებ გამოჩნდა ერთი
მშვენიერი არსება, რომელმაც თავისი სილამაზით, სულით აამაღლა
ეს დაცემული არსებანი, ოცნების ფრთები შეასხა მათ დაცხრილულ
სულსა და გულს და სანატრელი მერმისისაქენ გააქანა ეს სულიან-
ხორციანად დაობებული ადამიანები...

ამ ძირითად აზრზეა გორკის ყველა მოთხრობა აგებული: ყო-
ველდღიურ წუმპეში დასაღუჟავად ჩაყურყუმელავებული სულის
„ზეცისკენ“ ლტოლვა, — ასეთია გორკის რომანტიკა.

ტოლმაჩიანთ ქვრივს („ტოლმაჩიანთ უბანი“) გლახაკი შვილი
ჰყავს, მახინჯი, საზარელი. მისმა მოელამ დედაც დააგლახაკა და მი-
წასთან გაასწორა. ტოლმაჩიანთ ქვრივი იტანჯება და გამოსავლს
ეძებს, უნდა სულით ამაღლდეს და რაიმენაირად თავი დააღწიოს მი-
სი პიროვნების გამანადგურებელ პირობებს... დიდი ძიების შემდეგ
ასეთი ხერხი მოიგონა: გლახაკი შვილი წმინდანად გამოაცხადა და
მისი ოჯახიც მთელი უბნის თვალში იღუმალის შარავანდღით შეი-
მოსა: ყველას თვალში ამაღლდა, იცენეს, დააფასეს, ყველაზე მე-
ტად აღიარეს და მის წინაშე ქედიც მოიხარეს. ქვრივი ბედნიერია:
სხვაზე ამაღლდა და სიმდიდრეც უხვად შემოდის, — მორწმუნე
ხალხმა საჩუქრებით აავსო მთელი მისი ოჯახი.

ცხოვრების გერები გორკის მუზამ კანონიერ შვილებად დაავ-
ვირგვინა, ყველა უარყოფილი მან შეიფარა და ბრძოლის ცეცხლით
აღქურვა; ცხოვრებისაგან გარიყულნი სინამდვილის ფარვატერ-
ში მოაქცია... გორკის გამოსვლამდეც ყოფილა ასეთი ცხოვრება აღ-
წერილი, მაგრამ გორკისებურად არავის მოუფუთვინია ეს მოძულე-
ბული არსებები. „შეიბრალებთ და გაიკითხეთ ეს საწყლები“-ო, —
ამბობდნენ გორკის წინა დროის მწერლები... „რას მიქვია თქვენი

შებრალება?! ზიზლი თქვენც, და თქვენს ფილანტროპიასაც!“ — გააკიოდენ გამოჩენისთანავე გორკის პერსონაჟები, რომელთა კბილების ღრქენა ინდივიდუალიზმის ცეცხლს ანთებდა. ყველა ეს ჩელკაშები, ბარონები, იცეკვეფენოები და მაკარ ჩუღრები ნიცშეს პირ-ბადეს იკეთებენ და მთელ ბურჟუაზიულ ცხოვრებას ზიზლით გადმოჰყურებენ... მათთვის უცნობია ბრძოლის კოლექტიური ფორმები, ესენი უღისციპლინო ხალხია, ინდივიდუალისტები, გაშიშვლებული ეგოისტები, არსებულის უარის მყოფენი, მოხუც ლუკასავთ ბედნიერების ქვეყნის ხეტიალში მძიმებელნი...

ერთი ხაზით მოდიოდა გორკის მაწანწალების საპროტესტოდ მოღერილი მუშტი, მეორე მხრიდანაც იკუმშებოდა რუსეთის პროლეტარიატის მძლავრი ხელი... თუშცა სხვა და სხვა მხრიდან, მაგრამ ერთ ადგილს დასარტყამად კი ეპირებოდა ორივე ეს მუშტი... და ამიტომაც იყო, რომ გორკის მუზა მთელი რუსეთისთვის სათაყვანო შეიქნა. არა მარტო რუსეთისთვის — მთელი ევროპაც აღტაცებული იყო გორკის დამიზნებით...

მაგრამ დატრიალდა პირველი რევოლუცია და გორკის საყვარელი ტიპები ებრაელების დარბევაში ჩაერივნენ, ბარიადის იქეთა მხარეს მოექცნენ და სრულიად გამოუდგვარნი შეიქნენ ახალი ცხოვრებისათვის. მათი ძლიერი ნებისყოფა და ფილოსოფიით სავსე თავები ერთის დაკვრით ჩაყლაპა მათმავე ინდივიდუალიზმმა და კოლექტიური ფორმები მათთვის მიუღებელი აღმოჩნდა, საწარმოო პროლეტარიატის იდეალები რომის ტიპის ლუმპენპროლეტარებისთვის სრულიად მიუღებელი შეიქნა...

მაქსიმ გორკი დაიღუპა, მის შემოქმედებას აღსასრული დაუდგა, მისი ნიჭი სამუდამოდ მოკვდა, დღეიდან იგი ვერას შექმნისო, — ასტეხეს მისმა მტრებმა განგაში. რევოლუციის მესაფლავენი დღესასწაულში იყვნენ, მისტიკოსი მერუჟკოვსკი დაგლურს უვლიდა, არციბაშევის „ს ა ნ ი ნ ი“ დაუცხრომლად ნადირობდა ლამაზ სხეულზე, ბერდიაევი მიტროპოლიტ ანტონისთან მივიდნენ კანოსაში, ანდრეევმა „ჩემი ჩანაწერების“ ფილოსოფია შექმნა, კუზმინები და სოლოგუბი საროსკიპობებში წავიდნენ... ყველანი ერთად კი რევოლუციას ასაფლავებდნენ და ბურჟუაზიას უგალობდნენ.

მხოლოდ მუშათა კლასი იდგა უცვლელად ისევ იმ პოზიციებზე, სადაც მან უმანკო სისხლი დააქცია და სადაც არა ერთი სამარე გაუთხარა საყვარელ მებრძოლებს... იდგა და ფიქრობდა, იდგა და ელოდა... ძალ-ღონეს იკრეფდა ახალი ბრძოლებისათვის, ახალ პოზიციებს ეძებდა, ახალ იარაღს ილესავდა...

მასთან იდგა მაქსიმ გორკიც, რომელიც მითიურ ანთეოსივით დედა მშობელთან შეხებით ახალ ძალებს იკრებდა... და სწორედ აქ, კპოვა დიდი მწერლის დიდმა ნიჭმა ის ცხოველმყოფელი ძალა, რომ-

მელმაც უკვდავების სული შთაბერა მას და ხელახლა გააახალგაზრდა მისი ღრმა ნიჭი და ბრძნული აზროვნება.

ჯერ კიდევ რევოლუციის წინა წლებში ჩადგა გორკი მებრძოლი პროლეტარიატის რიგებში და სავსებით იწამა მისი პარტიის მემარცხენე ფრთის (ბოლშევიკური ფრაქციის) ტაქტიკა. მხურვალე მონაწილეობას იღებდა იგი ამ პარტიის ბრძოლაში და არ ყოფილა წამი, რომ პოლიტიკის გარეშე დაეყენებინოს თავისი თავი. ციხე და სამშობლოდან გაძევება მრავალჯერ ყოფილა მისი ხვედრი.

სწორედ იმ დროს, როდესაც მისი ბურჟუაზიული მტრები სულთანანას უგლობდნენ მას, მაქსიმ გორკიმ გამოაქვეყნა თავისი ახალი პიესა „მტრები“, დიდი რომანი მუშათა ცხოვრებიდან „დედა“ და რუსეთის დაუსრულებელ ველ-მინდვრებიდან თაიგულად შეკრული „აღსარება“... და დაიწყო გორკის შემოქმედებაში სულ ახალი თავი, რომელიც მრავალგზის დაკავშირებულია მოღვაწეობის პირველ თავთან. გამოირკვა, რომ ხალხის გულის სიღრმიდან გამოსულ მწერალს, რომელიც თავისი არსების ყოველ წერტილში დიდი რუსეთის ხალხის გულისცემას გრძნობდა, ძველი იარაღები ახლად გადაედლებოდა და ისევ ახალგაზრდული ენერჯით იწყებდა ახალ პოზიციებზე სასახლოდ დაწყებული ბრძოლის გაგრძელებას.

მეორე პერიოდის გორკისათვის უკვე აშკარა იყო სამი მთავარი დებულება: პირველი — სამრეწველო პროლეტარიატის კოლექტიური ბრძოლის აუცილებლობა არსებული წესწყობილების დასამხობად და სოციალიზმის დასამყარებლად. მეორე — მუშათა კლასის საქმე — ეს ეროვნული მნიშვნელობის საქმეა. და მესამე — ისტორიის შემოქმედი ძალა თითონ მასაა, რომელიც დევ-გმირის ძალას სძენს ცალკე პიროვნებებს და სასწაულსაც კი მოახდენს. კოლექტივი ახალი ღმერთია — ყველაფრის შემძლე, ყველაფრის დამძლევი.

პროლეტარიატის ბრძოლების მიზნების და მეთოდების შესანიშნავი ასახვა მოგვცა გორკიმ პიესაში „მტრები“. აქ დაგმობილია ბრძოლის ინდივიდუალური ფორმები — ტერორი და პირველ ადგილზე დგას შეკავშირებული კოლექტივის მოძრაობა. „დედა“-ში ჩვენს თვალწინ დგანან მთელი ხალხის მეთაურ ძალად გადაქცეული მუშები „აღსარება“ — ეს კოლექტივის სასწაულთმოქმედებაა კერძო პიროვნებებზე. ძნელია მაქსიმ გორკის მრავალმხრივ მდიდარი მოთხრობების ასე სქემატურად მოცემა, ბევრი რამ ხელოვნურად არის ასეთ გადმოცემაში, მაგრამ ამჟამად ჩვენ სხვა გზა არ გვაქვს.

თავისი განვითარების მეორე ხანაში გორკიმ შექმნა შესანიშნავი ნაწარმოებთა მთელი რიგი: „ზ ა ფ ხ უ ლ ი“ (1909 წ.), „ქალაქ-ოკუროვის ქრონიკა“ (1909—11 წ. წ.), „მთავი კოედიაციანი“ და მრავალს.

ვალი სხვა. დაუღალავი შემომქმედი ამჟამად ბექდაეს ახალ ეპოპეიას „ცხოვრება კლიმ სამეგინისა“.

თითოეული ეს ნაწარმოები უფართოეს მხატვრულ ტილოს შლის ჩვენს თვალწინ; რომელი წრის და სოციალური მდგომარეობის ადამიანებს არ შეხვდებით აქ, რუსეთის რომელი კუთხის პეიზაჟი არ გეშლებათ თვალწინ! მუშები, ხელოსნები, ვაჭრები, მემამულეები, მღვდლები, ბერები, გლეხები, ბავშვები, მოხუცები, მეზღვაურები, პროსტიტუტკები, მაწანწალები... ამაზე რთულ და წარმტაც პანორამას ძვირად შეხვდება ადამიანი. გორკის მდიდარმა ბუნებამ და მხატვრული ასახვის ნიჭმა უხვად ისარგებლა იმ დაუშრეტელი სიმდიდრით, რომელიც ძვირფას ფენებად ეწყობოდა მის არსებაში ახალგაზრდობის ხანაში რუსეთის სხვადასხვა კუთხეებში ხეტიალის დროს. დონის ლერწმები, ვოლგის ზღაზნვა, დუნაის დუდუნი, კავკასიის მწვერვალები, შავი ზღვის აზურმუხტებული ნაპირები, კასპიის ამომშრალი ფერდობები, ხიტროვის ბაზარი და ზამოსკოვრეჩიე, ვოლგის ნაოსნობანი, პროვინციალური ოკუპროვის ერთფეროვანი ღოღვა... ვინ მოსთვლის გორკის სამხატვრო მოზაიკური ტილოების წარმტაც ფერადებს.

არც ერთ თემას გორკი არ გაუტრბის, არც ერთი სოციალური წრის ასახვისა მას არ ეშინია. მისთვის არ არსებობს მისაღები და არ მისაღები თემა, შესაყვარებელი და უარსაყოფი წრე... და ეს იმიტომ, რომ გორკის ყოველ ფეხის ნაბიჯზე აქვს თავისი თავის იმედი, მისი იდეოლოგია წელში გასწორებულია, თავისი მდიდრობა და თვალსაზრისი არასოდეს არ ავიწყდება... იგი მოსისხლე მტერია ყოველგვარი უკულტურობის, უაზრობის, ორპირობის, უმოძრაობის, დამყაყების, კმაყოფილების, მოდუნების, უსიცოცხლობის, გაიძვერობის, ძველის, დრომოქმულის და ობმოდებულის... მაქსიმ გორკის სული მუდამ ეთიეზს, ბუდამ ლეიძილშია, მუდამ მოძრაობს, მუდამ დინამიურ მდგომარეობაშია. მან არ იცის კმაყოფილება, სიმამძრე, მოსვენება, ის გამოუსწორებელი რომანტიკოსია, რომელიც მუდამ წინ მიისწრაფის და ალტაცების ფრთებით დანავარდობს.

გორკი მთელი თავისი მდიდარი შემოქმედების გზაზე მუდამ ნაპრალებზე დადის, ოღროზრობებში დანავარდობს, მას არ ეხერხება სწორ მინდორზე სწორად სიარული. ის ყოველთვის იქ არის, სადაც რღვევა და დისპარმონიაა, სადაც უკმაყოფილება და გაბზარულ გულთა წუხილია. დამსხვრეული ცხოვრება, დამახინჯებული არსებობა, აი რა იზიდავს მის შემოქმედებას... და ყოველივე ამას სჩადის სახელითა ჰარმონიისათა, სახელითა მთლიანი და ლამაზი ცხოვრებისათა. სიცოცხლის რეალურ პირობებიდან მძლავრად ამოკვეთილ ამ დიდ რეალისტს ულამაზესი იდეალიზმის ფრთები ასხია და დაუღალავად მიისწრაფის მუდამ ახლისკენ. მისი

დაკვირვებული თვალი სინამდვილეს ჩასცქერის და ერთის ხელით რომ ფაქტებს აგროვებს და ანალიზის ქარცეცხლში ატარებს, მეორეთი მომავალი ბედნიერების კოშკს აშენებს, კოშკს წარმტაცს და შვების მომგვარელს, სადაც გამეფდება ქვეშაირიტება და სიმართლე, შრომა და პოეზია.

მაქსიმ გორკის ფიქრი ნიადაგ იქით იყო მიმართული, რომ მის შემოქმედებას ნაციონალური ელფერი არ დაჰკარგოდა. მას სწამდა ერთგვარი რუსული მესიანიზმი, რომელსაც მთელი მსოფლიო უნდა განეახლებინა. თავის ცნობილ წერილში „პიროვნების დარღვევა“ (1909 წ.) ის წერდა ამაზე და საზოგადოდ „სლავიანური სულის“ დიდ შესაძლებლობაზე. გორკი აქ საკმაოდ ასცდა დიალექტიკურ მატერიალიზმს, მაგრამ მისი სულიერი განწყობილება მაინც დამახასიათებელია. ეროვნული სულით გაქლენთა და მისი თავისებურობის შეცნობა მან შემოქმედების ქვაკუთხედად დაისახა, უდიდესი ინტერნაციონალისტი იმავე ღრთს უაღრესად ნაციონალური იყო. გორკის არ შეეძლო სხვაფრივ მოქცეულიყო, ვინაიდან რუსული სინამდვილე ღრმად იყო ჩაჭრილი მის არსებაში, რუსული მდინარეების ზღაზნვას თავის ძარღვებში გრძნობდა იგი. რუსულ ველებში შავარდენივით დასრიალობდა მისი სული, რუსული სიმღერა ატებობდა მის სმენას და, რაც ყველაზე უძვირფასესია, რუსული სიტყვა ჩხრიალებდა მის თვალწინ ათასფეროვან მარგალიტებად... ამიტომ არის, რომ გორკი წერს და არ იშრიტება, ლაპარაკობს და გაცვეთილ სიტყვებს არ ხმარობს... ერთ სურათს მეორედ არ დახატავს, ერთხელ ნაგრძნობს, მეორედ არ იგრძნობს, ერთხელ ნათქვამს მეორედ არ იტყვის...

გაზეთები წერენ: გორკის გადაწყვეტილი აქვს ყველა იმ ადგილების ჩამოვლა სსრკ-ში, სადაც მას ოდესღაც უცხოვრიაო. როგორ-ჰგავს გორკის ბუნებას ეს ულამაზესი გადაწყვეტილება! დიდი კჳუის პატრონმა მწერალმა იცის, რომ მას ხელახლა განაახლებს ზღაპრულ ანთეოსივით „მშობლიური მიწის“ შეხება, ხელახლა შთაებერება შემოქმედების ცეცხლი, იგრძნობს დავიწყებული აკენის ხელახლა წარწევას, აზრთა და გრძნობათა ხელახალ აშლას და ამიტომაც მიეშურება თავის განახლებულ სამშობლოში, სადაც მუშათა კლასი აშენებს იმ სამეფოს, რომელსაც ასე შეტრფოდა ახალგაზრდობიდანვე მშრომელთა დიდი მწერალი.

მომხიბლავია გორკი როგორც პიროვნება: უზადო, უანგარო, საზოგადოებრივის გრძნობებით გაქლენილი, მოწამებრივის შარავანდელით შემკული. სრულებით არ ჰგავს იგი უპრინციპო კალმოსნებს, კალმით მოვაჭრეებს; სინიღისით მოთამაშეებს, ნაყიდს და გაყიდულ სულებს, ბურჳუაზიული ტიპის ლობემძვარალებს. ტოლსტოის რუსეთის სინდისს ეძახდა მთელი ევროპა. ეს ეპითეტი ერ-

თხანს ვ. კოროლენკოს მიმართაც იხმარებოდა. შემდეგ კი ამ საპატრიო სახელის ღირსეული მატარებელი ერთადერთი მაქსიმ გორკი შეიქმნა, რუსეთის მშრომელთა სინიღისის ემბლემა—მაქსიმ გორკი!

ჰენრიხ იბსენი

(დაბადებიდან ახი წლის შესრულების გამო)

როგორც მოაზროვნეს, იბსენს შტირნერისა და ნიუშეს გვერდით იხსენიებენ და როგორც ხელოვან დრამატურგს — შექსპირს ადარებენ. ათეული წლების განმავლობაში მისი პიესები არ მოშორებია ევროპის ხალხთა სცენებს, მხატვრული კრიტიკა მის გარშემო ტრიალებდა და ლიტერატურული საზოგადოებანი მის შესახებ მსჯელობდნენ.

დიდი ვატაცება იყო იბსენით რუსეთში პირველი რევოლუციის ხანაში და რეაქციის დროსაც.

იბსენის პიესების მოქმედნი პირნი ექიმი შტოკმანი, ნორა და სხვ. დიდ თანაგრძნობას იწვევდნენ რევოლუციურ ახალგაზრდობასა და მუშებშიაც.

პლენანოვი ამბობს, რომ იბსენს ალტაცებით უკრავდნენ ტაშს მთელი ევროპის რევოლუციონერები და გახსაკუთრებით ახარქისიტებიო. როგორც ეტყობა, თითონ პლენანოვსაც არა ერთხელ დაუკრავს მისთვის ტაში, თუმცა მარქსიზმის თეორეტიკოსი ანარქისტებისაგან ისე შორს იდგა, როგორც ზეცა დედამიწისაგან.

მაგრამ ეს იყო მსოფლიო ომის წინა დროინდელ ხანაში. დღეს კი რევოლუციების დროს, ასეთნაირად არ გვიტაცებს იბსენი და მისი სახელი საკმაოდ დაიჩრდილა თანამედროვეების გამო. რითი აიხსნება ეს გარემოება?

ამ საკითხზე პასუხს მაშინ მივიღებთ, როდესაც დაახლოებით მაინც ვავეცნობით ამ შესანიშნავი ადამიანის შემოქმედების ძირითად ხაზებს.

ჰენრიხ იბსენი დრამატურგია, მას აქვს დაწერილი ოცდაშვიდი პიესა, ეს პიესები თარგმნილია ევროპისა და აზიის თითქმის ყველა ენაზე. რამდენიმე მათგანი თარგმნილია ქართულ ენაზედაც, დაბეჭდილია უმთავრესად ჟურნალ „მომამბეში“.

იბსენის პიესები თავიდან ბოლომდე იდეურობითაა გაჯღენტილი და უდიდეს შთაბეჭდილებას ახდენს კითხვის დროს. პიესის პირველი აქტიდანვე მკითხველი ავტორის მონა ხდება და სულის მოუთქმელად მიისწრაფვის უკანასკნელი მოქმედებისაკენ, პირველი ნაბიჯიდანვე ავტორი თვალწინ გიყენებთ ძლიერ პიროვნებას, რომელიც ოსტატურად არის გახლართული საზოგადოებრივი ცხოვ-

რების ქსელში და რომელიც გმირულის სიმტკიცით და თავდადებით ებრძვის მოშხამულ საზოგადოებრივ ატმოსფეროს. რევოლუციონური სიტყვები, გაბედული მოქმედება, იდეისათვის თავდადება, — აი იბსენის საყვარელი გმირების სულიერი თვისებები.

იბსენს „ადამიანის აჯანყებულს“ სულის“ პოეტს უწოდებენ და მართლაც, მთელი მისი შემოქმედება — ეს მეზრძოლი პიროვნების ყოყინაა და იერიშები ქაობად ქცეულ ბურჟუაზიული საზოგადოების წინააღმდეგ. იბსენის ტიპები ებრძვიან ბურჟუაზიულ ზნედაცემულობას, ორპირობას, უხასიათობას, ოპორტუნიზმს, ეგოიზმს... იბსენი მართლაც „აჯანყებული სულის“ პოეტია.

მაგრამ მარქსისტული თეალსაზრისით ამ ეპითეტის იბსენისათვის მითვისება ერთგვარი მეტაფიზიკოსობა იქნებოდა. საქმეც ისაა, რომ მარქსიზმს არ სწამს ადამიანი და მისი „სული“ კონკრეტული პირობების გარეშე. ქვეყანაზე არ არსებობს საზოგადოდ ადამიანი — განყენებული არსება, არა. ამ მოძღვრების მიხედვით ყოველი ადამიანი, უპირველეს ყოვლისა, კლასობრივი არსებაა და აქედან უნდა იქნეს შესწავლილი მისი „სულის აჯანყებაც“ და სიმშვიდეც. სქემებსა და აბსტრაქციებს იძლევა ის მწერალიც, რომელიც ადამიანის მოცემას დროისა და სივრცის გარეშე შეეცდება.

აჯანყების უფლება და მიზეზი ყოველგვარი წრის ადამიანს აქვს. ამ თეალსაზრისით, სრულიად კანონიერია იბსენის ტიპების ბრძოლაც, მაგრამ საქმე კიდევ კონკრეტულ პირობებზეა და ჩვენს წინაშე ხელახლა ისმება ასეთი საკითხი: რა მიზეზია, რომ იბსენის პერსონაჟები დღეს ჩვენ არ გვაინტერესებს?

მწერალი სტილით გამოიყვანება — ამბობენ. ეს აზრი შესანიშნავადაა დამტკიცებული გოგოლისა და დოსტოევსკის სტილის შედარებითი განხილვით დღევანდელ კრიტიკაში. საზოგადოების რომელი წრიდან ასახულ პერსონაჟებს გვიჩვენებს ავტორი და რა სიტყვებით გვიხატავს მათ — თანაუგრძნობს თუ ჰკიცხავს? ამ საკითხის ნათელყოფა პირდაპირ გვაგებინებს მწერლის საყვარელ ტიპებსა და ოდეებს.

იბსენის პიესების მოქმედი პირნი არიან: ეჭიმები, მოხელეები, გლეხები, ბანკის დირექტორები, სტუდენტები, პასტორები, ვაჭრები, ხელოსნები, მეფეები, მღაბიო მოქალაქეები და სხვა ასეთები. ეს ელემენტები ეკუთვნიან ბურჟუაზიულ და წვრილ ბურჟუაზიულ ფენებს, მათი სასიცოცხლო ინტერესები მჭიდროდაა გადანასკვეული ამ კლასის საარსებო ინტერესებთან.

ეჭიმი შტოკმანი თავისი მდგომარეობით ბურჟუაზიულ წრეებზე დამოკიდებული ინტელიგენტია, ნორა ბურჟუაზიული წრის ქალია, ბრანდი პასტორია, ბორკმანი ბანკის დირექტორია, რუბეიკი მოქანდაკეა და ა. შ.

ეს პიროვნებები გაათვრებულ ბრძოლას აწარმოებენ მათ გარშემო არსებული პირობების წინააღმდეგ და გააღმასებულნი ეკვეთებიან მათი პიროვნების შემბოჭველ ატმოსფეროს.

„სიყვარულის კომედიაში“ ჩვენ ვხედავთ უწმინდესი გრძნობის — სიყვარულის — სავაქრო საგნად გადაქცევის ბურჟუაზიულ საზოგადოებაში. პოეტი ფალკი უარყოფილია მისი სატრფოს მიერ მდიდარი კომერსანტის გაუღდსტატის გამო, რომლებმაც პოეტის იდეალიზმს და სიყვარულის პოეზიას ყოველ მხრივ უზრუნველყოფილი ოჯახური ცხოვრების იდილია დაუპირისპირა.

„საზოგადოების ბურჯნი“ გვისურათხატებს იმ ორპირობას, ეგონიზმს, გამყიდველობას და გაუტანლობას, რომელიც მეფობს უმაღლეს საზოგადოების წრეებში. მდიდარი კონსულის ბერნიკის სახით იბსენმა მოგვცა ბურჟუაზიული პოლიტიკური მოღვაწის სიცრუეზე აგებული კარიერა.

„ჭაბუკთა კავშირში“ ვეჭილი სტენსგორი ასე ახასიათებს წვრილ ბურჟუაზიას: „ოჯახში გათახსირება და ზნეობრივი არარაობა. სკოლაში ვითომ ფრთას შლის აღმაფრენა, მაგრამ ჭკუა, ხასიათი, ნებისყოფა, ნიჭი — ყოველივე ეს ცალ-ცალკე მიიწევს. და რა გამოდის აქედან? პიროვნების გახლეჩა, გაპობა და ბოლოს დაცემა“.

შეუბრალებლად ილუპებიან ადამიანთა პიროვნებანი წვრილი ბურჟუაზიის მიერ შექმნილ „ტიკინათა სახლებში“. ვეჭილმა ჰელმერმა წარმტაცი იდილია შექმნა თავის ოჯახში, არაფერი არ აქლია მის მეუღლეს ნორას, ჩიტის რძეც რომ მოინატროს, იმასაც კი მოგვრის მასზე მზრუნველი ქმრის დაუღალავი ხელი. ამავე დროს ნორა გაგვივებით უყვარს ჰელმერს... მაგრამ სინამდვილეში ყოველივე ეს სპობს და ანადგურებს ნორას პიროვნებას, ნორას „მე“-ს, რომელიც ერთიანად გაითქვიფა ოჯახურ ჭაობში და ლამის არის სამუდამოდ დაკარგოს ადამიანური აღმაფრენის უნარი. ბურჟუაზიულმა ოჯახურმა იდილიამ ნორა ტიკინად გადააქცია: ყოველივე იმის სამაგიეროდ, რაც მას მოსიყვარულე ქმარმა მიუძღვნა, ნორა ვალდებულია თავისი პიროვნება შეზღუდოს და ქმარი გასართობად გამოიყენოს, ხოლო თავისი თავი სხვის საბედნიეროდ მოაქციოს.

„როდესაც უკან მოვიხედავ და ჩემს განვლილ ცხოვრებას გადავავლებ თვალს, მე ვხედავ, რომ აქ გამიტარებია ჩემი სიცოცხლის სავალალო დღენი, — ეუბნება ნორა პიესის ბოლოში ქმარს, — მე მშვენიერად მასმეედნენ, მაქმეედნენ, მაცმეედნენ და მახურავდნენ, ჩემი საქმე იყო შენი გართობა და თავის შექცევა. აი რა პირობებში გაიარა ჩემმა სიცოცხლემ. შენ მოაწყვე ეს აგრე. ტორვალდ! შენ და მამაჩემი ბევრ რამეში ხართ დამნაშავე ჩემს წინაშე. თქვენი ბრალია, რომ ჩემგან არაფერი გამოვიდა“.

ცოლ-ქმართა ურთიერთობის თემას ამუშავებს იბსენი პიესაში „მოჩვენებანი“. ბურჟუაზიული ქორწინება საშინელი ბორკილია ადამიანთათვის, ქალს ერთი საზომით განიხილავენ და მამაკაცს მეორეთი. აქ არ არსებობს სიყვარულის უანგარობა, ორი არსება სრულიად შემთხვევით უახლოვდება ერთმანეთს და თუ ქორწინების უღელში შეებნენ, მერე მათი დაშორება უდიდეს დანაშაულად ითვლება ფართო საზოგადოების თვალში: გარყენილ და გათახსირებულ ქმარს უფლება აქვს უკანასკნელი სისხლის წვეთამდე სტანჯოს ცოლის პიროვნება.

არსად, არც ერთ პიესაში იბსენი არ ღებულობს ბურჟუაზიულ საზოგადოებას, მის ყოფა-ცხოვრებასა და ზნეობრივ კოდექსებს. ყოველ ფეხის გადადგმაზე ებრძვის იგი ამ საშინელ ჰაობს, სადაც ერთგვარი თვითმეტყველების ფილოსოფიაც კი არის შექმნილი. „გარეული იხვი“ ამის მნატვრული განსახიერებაა. მდიდარი კომერსანტი და მექარხნე ვერლე, რომელიც თავიდან ფეხებამდე გაიხლართა ცხოვრების ბადეში, სიცრუის ფილოსოფიას ქმნის. დეე, სიყალბეზე იყოს აგებული ადამიანის ბედნიერება, დეე, სიცრუე მეფობდეს მის გარშემო! საქმე ის არის, რომ მან არ იცოდეს ყოველივე ეს, ვერ გრძნობდეს ამ სიყალბეს და თავისი თავი ბედნიერად მიაჩნდეს. არავის არა აქვს უფლება აუხილოს მას თვალები, აჩვენოს ქვეშაირიტება და მით სიცოცხლე მოუწამლოს მას. ასეთია ამ დრამის ფილოსოფია.

მაგრამ ბურჟუაზიულმა საზოგადოებამ ერთიანად ვერ ჩაახრჩო უდიდესი მისწრაფებანი ადამიანის არსებაში და ყოველ ფეხის გადადგმაზე ჩვენ ვხედავთ მებრძოლ ძლიერ პიროვნებებს, რომელიც თავდავიწყებით ეკვეთებიან მომშხამველი სინამდვილის ზღუდეებს. იბსენის ყველა პიესაში ჩანან ასეთი მებრძოლი პიროვნებები, შეუბრალებლად იხრაკებიან საზოგადოებრივი სიყალბის, ეგოიზმისა და გაუტანლობის ტაფაში. მათი არსება ვერ შეთვისებია არსებულ სისაძაგლეს, რომელიც მოსპობას უპირებს ყოველგვარ ადამიანურს და დაუზოგველ ომს უცხადებენ მას. ჩვენ აქ შეეჩერდებით ორ შესანიშნავ პერსონაჟზე — ბრანდზე და ექიმ შტოკმანზე. ეს ორი პიროვნება და მათი ფილოსოფია იბსენის შემოქმედების მწვერვალებია, მათი ბაგეებით და მოქმედებით გვისურათხატებს დრამატურგი თავის უსაყვარლეს იდეებს.

ბრანდი არის „აჯანყებული სულის“ პატრონი, რომელიც გმირულად მიაბიჯებს ცხოვრების მოედანზე და ყოველ ფეხის გადადგმაზე იბრძვის. მოვალეობა მოყვასის წინაშე, — აი მისი დევიზი, თავისი თავი მას სხვებისათვის დაუნაცვლებია. არაფრის წინაშე იგი არ დრკება: თავისი მრევლის კეთილდღეობისათვის იგი ერთადერთ შეილსაც ვასწირავს და საყვარელ მეუღლესაც გაიმეტებს.

მან არ იცის კომპრომისები: „ან ყველაფერი, ან არაფერი“, ასეთია მისი პრინციპი.

„ახალგაზრდულის ცეცხლით გულანთებულნო, მომყევით მე! დეე, აღგავოს თქვენმა სულისთქმამ დამყაყებული ცხოვრების მტერი. მე თქვენ წაგიყვანთ გამარჯვებისაკენ. ადრე თუ გვიან უნდა გაიღვიძოთ, უნდა განიწმინდოთ და გაკეთილშობილდეთ, კომპრომისების ჯაჭვები უნდა დაღეწოთ. „იჩქარეთ გაექცეთ სულმოკლეობას და გარებბის ჭაობს, იერიშები მტერზე, ეკვეთეთ მთელი ძალ-ღონით, ან სიკვდილი, ან სიცოცხლე!“ ასე ენერგიულად მოუწოდებს ბრანდი წვრილ ბურჟუაზიულ ბრბოს, რომლის კეთილდღეობას ყველაფერი შესწირა მან, მაგრამ მაინც მარტო დარჩა და მაინც ვერ ამოიყენა გვერდით ვერც ერთი თანამებრძოლი წვრილ ბურჟუაზიულ ბრბოდან. ბრანდი განმარტოვებული იღუპება მთის ნაპრალებში. ის უძლიერესი პიროვნებაა, რომლისათვის სრულებით არ არის საშიში სიკვდილი, ოღონდ კი თავის ცხოვრების დანიშნულებას მიაღწიოს და ადამიანთა საკეთილდღეოდ მიმართულმა მისმა ბრძოლამ ნაყოფი გამოიღოს. ბრანდი უსარგებლოდ დაიღუპა, თუმცა თავის იდეალებს თავგახწირვით ემსახურა.

სწორი იყო თუ არა მისი ბრძოლის მეთოდები?

ჯერ შევხვებით ექიმ შტოკმანს და მერე დავუბრუნდეთ ამ საკითხს.

შტოკმანიც ძლიერი პიროვნებაა, მისი სიძლიერე დაფუძნებულია მეცნიერულ საფუძვლებზე, მისი გული ისე მტკიცეა, როგორც მის მიერ აღმოჩენილი მეცნიერული დასკვნა: ის აგარაკი, რომელიც სარჩო-საბადებელს აძლევს მრავალრიცხოვან მის მფლობელთ, მოწამლული წყლების ექსპლოატაციით არის მდიდარი. დაუყოვნებლივ უნდა დაინგრეს ყველა შენობა და, თუ არ გვინდა სამკურნალოდ მომავალ დასნეულებულთა ამოხოცვა, ახლავე უნდა შეეუდგეთ საქმეს. ეს ისეთი ნათელი ჭეშმარიტებაა, რომ აბა, ვინ სულელი იქნება, წინ აღუდგეს და ექიმი შტოკმანიც მზადაა გამარჯვება იღღესასწაულოს, მაგრამ მწარედ მოტყუებუბა: აგარაკების დანგრევა და ხელახლა აშენება აუარებელ თანხას მოითხოვს და სახლების მეპატრონენი როდი აპირებენ ხარჯის გაწევას. დეე, მოწამლული იყოს წყლები, დეე, მორჩენის მაგიერ საიჭიოს წავიდნენ ავადმყოფები, რა ენაღვლება წვრილ ბურჟუას, მის გაზეთებს და მისი ქალაქის თავს! ოღონდ ფული კი აიღონ და სხვას რას დაგიდევნენ. იწყება საშინელი ბრძოლა ძლიერ ადამიანს — შტოკმანსა — და შეკავშირებულ უმეტესობას შორის. გამარჯვებული, რასაკვირველია, უმეტესობა გამოდის, შტოკმანი კი ბრანდივით განმარტოვებული რჩება და სრულებითაც არ იხრის ქედს ბრბოს წინაშე.

იგი მზადაა ხელახლა მიიღოს გადაწყვეტი ბრძოლა და უკანასკნელ სისხლის წვეთამდე დაიცვას „ქეშმარიტება“.

ეს არის პიესის საერთო ხაზები; გავეცნოთ უფრო ახლო შტოკმანს. აი რას ამბობს იგი პიესაში: „ყველაზე უფრო საშიში მტერი ქეშმარიტებისა და თავისუფლებისათვის არის შეკავშირებული უმრავლესობა. უმრავლესობა არასოდეს არ არის მართალი, ღიახ, არასოდეს! ეს არის საზოგადოდ მიღებული აზრი, რომლის გარშემო უნდა ილაშქრებდეს ყოველი თავისუფალი და გონიერი ადამიანი. ვინ შეადგენს უმეტესობას თითოეულ ქვეყანაში? განათლებული ადამიანები თუ უცილები? რასაკვირველია, უცილები და ჩერჩეტები, ასე არის მთელი დედამიწის ზურგზე, და განა სამართლიანია, რომ უცილები განაგებდნენ განათლებულთა ცხოვრებას?“

შტოკმანს უსასტიკეს ბრძოლას უცხადებენ მის შიერ ასეთნაირად უარყოფილი თანამემამულენი და ისიც სრულიად გარიყული რჩება. „ყველაზე ძლიერი პიროვნება მთელ ქვეყანაზე ის არის, ვინც განმარტოებულად დარჩენას შესძლებს“, ამბობს ამ დროს შტოკმანი, რომელიც თავიდანვე ქადაგებდა რჩეული ადამიანების ერთგვარ თეორიას.

შტოკმანის პირით იბსენმა შექმნა დოსტოევსკისა და ნიცშეს ზეკაცის თეორია, იმ ზეკაცისა, რომელსაც ყველაფრის ჩადენის უფლება აქვს. დოსტოევსკის რასკოლნიკოვივით — ადამიანის მოკვლაც კი ეპატიება.

ჩვენ აქ მივადგებით იბსენის ფილოსოფიაში შესასვლელ მთავარ კარებს. რჩეული ადამიანები, ზეკაცები, აი მისი საყვარელი სახეები. მაგრამ უნდა ვიცოდეთ, რომ ეს თეორია იბსენის საკუთრებას არ შეადგენს: ამ იდეის სათავე დოსტოევსკის რასკოლნიკოვივით („დანაშაული და სასჯელი“) იწყება და გერმანელი ფილოსოფოსის ნიცშეს მოძღვრებით გვირგვინდება. ინდივიდუალიზმი და ზეკაცი — ეს არის ორი დიდი მოაზროვნის შტირნერის და ნიცშეს საყვარელი იდეები. იბსენი კი ამ აზრების პოეტურად გამომსახველია, შტირნერი და ნიცშე იმას ამბობენ ფილოსოფიაში, რასაც იბსენი მხატვრულად გვიშლის თვალწინ თავის საქვეყნოდ ცნობილ დრამატულ თხზულებებში.

დაევფდოთ ყური რას ლაპარაკობს ექიმი შტოკმანი: „ბუნებისმეტყველების საშუალებით მე თქვენ დაგიმტკიცებთ, როგორც ორჯერ ორი ოთხია, რომ „სახალხო მოამბე“ უსინდისოდ სტყუის, როცა თქვენ გეუბნებათ, რომ ბრბო, მასა, ხალხი — ეს მთელი ერის ნამდვილი და ჭანსალი საძირკველია. ეს არის საგაზეთო სიცრუე და მეტი არაფერი: ბრბო—ეს ის ნედლი მასალაა, რომლისაგანაც ხალხმა უნდა შექმნას ნამდვილი ადამიანები. და განა ამასვე არ ვხედავთ მთელ ცხოველთა სამეფოში? შეადარეთ, თუ რა განსხ-

ვაგება პირველყოფილ პირუტყვთა ჯიშებსა და ბუნებრივის შერჩევის გზით გაუმჯობესებულ და გაკულტუროსნებულ იმავე სახის ცხოველთა შორის. მაგალითისათვის მოიგონეთ ჩვეულებრივი სოფლის ქათამი. რა მდარე ღირსების ხორცს იძლევა ეს საბრალო ქათამი! ერთი ისიც ნახეთ, როგორ კვერცხებს დებს ეს უმწეო არსება! ასეთივე სიდიდის კვერცხებს დებს ყოველი წესიერი და თავისი თავის პატივისმცემელი ყვავიცი კი! აიღეთ და ახლა შეადარეთ ამ საცოდავ ქათამს ესპანეთის, ან კოხინხინის უმაღლესი ჯიშის ქათამი, ან კიდევ ჯიშიანი ხოხობი, ან ინდაური და აშკარად დაინახავთ განსხვავებას. ან თუ გნებავთ, ავიღოთ ძაღლები, რომლებთანაც ჩვენ ადამიანებს, ამდენი ნათესაობა გვაქვს. წარმოიდგინეთ ჯერ უბრალო ძაღლი, ე. ი. მუნით შეკმული გლეხის ნაგაზი, რომელიც ქუჩა-ქუჩა დაწანწალებს და კედლებს ბილწავს. და აი ეს ნაგაზი დაუყენეთ გვერდით ჯიშიან ფინიას, რომლის წინაპრები არისტოკრატიულ სახლებში იზრდებოდნენ, სადაც ისინი შერჩეულ საკმელებს კამდნენ, პარმონიულ ხმებსა და მუსიკას ისმენდნენ. ამ ჯიშიან ფინიებს, ზომ ცირკში წრთვნიან და ათასნაირ ფოკუსებს აკეთებინებენ. უბრალო ძაღლი კი ვერაფერ ამის მაგვარს ვერ შეითვისებს, ამაში დარწმუნებულნი იყავით“.

ამ სიტყვების აზრი აშკარაა: იბსენის მიერ შექმნილი ძლიერი პიროვნებები ერთიანად ეწინააღმდეგებიან ადამიანთა თანასწორობის იდეას, უარყოფენ თანამედროვე დემოკრატიულ აზრებს და ქადაგებენ გონებრივ და ფიზიკურ არისტოკრატიზმს. ამიტომაც, რომ ბრანდი, შტოკმანი და სხვა მისი პერსონაჟები ცალკე პიროვნულ ბრძოლას აწარმოებენ და არასოდეს ისე არ იმდაბლებენ თავს, რომ „ბრბოს“ ამოუდგნენ გვერდით. ხალხი, ბრბო მათ ხელში უბრალო მასალაა უმაღლესი ტიპის ადამიანის ძიების გზაზე.

იბსენის და მისი პროტოტიპის — ექიმ შტოკმანის აზრთა სიყალბე აქ აშკარაზე აშკარაა. აზრთა მტკიცების მეთოდი, რომელსაც ისინი მიმართავენ უდიდეს შეუსაბამობაზეა აგებული: დარჯინის ევოლუციონური თეორია, რომელიც ცხოველთა საშეფოს წარმოშობა-განვითარებას შეეხება, აქ ადამიანთა საზოგადოებრივი ცხოვრების მოსაგვარებლად არის გამოყენებული და ლოგიკური აბსურდიც აშკარაა. ბუნებისმეტყველების კანონები და ადამიანთა სოციალური ცხოვრება სულ სხვადასხვა ტიპის მოვლენებია და მათ შორის იგივეობის ნიშნის დასმა არ შეიძლება.

ასე რატომ იბნევა ეს დიდი მწერალი და შეუსაბამო აზრებს გამოთქვამს? იბსენი „აჭანყებული სულის“ მგოსანიყო, ვთქვით. დავაკვირდეთ, რომელი წრის, ანუ კლასის, ადამიანთა სულის აჭანყებას გულისხმობს იგი? პასუხი აშკარაა: ყველა ეს ბრანდები, შტოკმანები და ნორები წვრილი ბურჟუაზიის შვილებია და თავგან-

წირვით იბრძვიან თავისივე კლასის მიერ შექმნილი წესებისა და ზნეობრივი კოდექსების წინააღმდეგ. ეს უსათუოდ საყურადღებო მოვლენაა: საზოგადოებრივ კლასს აღმოაჩნდა ისეთი პატიოსანი შეილები, რომელნიც ერთიანად ამალღდნენ ამავე კლასის ეგოიზმზე, დაჰკმეს პირადი ინტერესები და უკეთესი მომავლისათვის იბრძვიან. თავისივე კლასის გარეწარი ეს სიმპათიური მოვლენაა და ამიტომაც, რომ იბსენის ტიპები ხშირად გვიტაცებენ. მაგრამ ეს აღტაცება მაშინვე ნელდება, როდესაც ამ პერსონაჟების მეთოდებს და აზრთა შემდგომ განვითარებას ვეცნობით: ინდივიდუალიზმი და ზეკაცის იდეა მიუღებელია, ადამიანთა საზოგადოება ამ პრინციპით ვერ იხელმძღვანელებს. წერილ ბურჟუაზიას ბრძოლის მეთოდებიც წერილბურჟუაზიულ-ანარქსისტული აქვს.

რა მიზეზია, რომ ასე თავგანოდებით იბრძვიან იბსენის ტიპები? რისთვის ვერ ეტყვიან ისინი თავისივე კლასის ფარგლებში, რისთვის ეხუთება მათ სული?

ბურჟუაზია, შედარებით რომ ვთქვათ, ახალგაზრდა კლასია, ევროპის კონტინენტზე მისი ბატონობა საფრანგეთის რევოლუციის შემდეგ იწყება. მაგრამ ტექნიკის ზღაპრულმა განვითარებამ საშინელი სისწრაფით განავითარა იგი და თანაც მისსავე წიაღში წარმოშვა ახალი საზოგადოებრივი კლასი — პროლეტარიატი, — რომელიც თავიდანვე დაუპირისპირდა კაპიტალიზმს, მიწი მესაფლავებოდა იკისრა გარდა ამისა, პროლეტარიატის განვითარება თავზარს სცემს ბურჟუაზიულ წარმოებას და მასზე დაყრდნობილ მთელ გაბატონებულ კლასს... და ეს შედარებით ახალგაზრდა კლასი სულ რაღაც ერთი საუკუნის განმავლობაში საშინელ ეკონომიკურ და იდეურ წინააღმდეგობათა ქსელში გაიხლართა, მან არ იცის, რითი დააღწიოს კრიზისებს თავი და რითი იხსნას თავისი წესწყობილება პროლეტარიატის იერიშებისაგან. ამ ნიადაგზე იქმნება ურთულესი და უმძაფრესი გონებრივი მოძრაობა, შეიქმნა მთელი ფილოსოფიური და სოციალური სისტემები, წარმოიშვა ძლიერი ლიტერატურული მიმდინარეობანი.

ბურჟუაზიულ წარმოებას, უპირველეს ყოვლისა, კონკურენცია და დაუნდობელი ბრძოლა ახასიათებს, აქ მეფობს ეშეებგალესილი ეგოიზმი. ადამიანი აქ მგელია ადამიანისათვის.

ამ დაუნდობლობის ატმოსფეროში წარმოიშვა შტირნერის ინდივიდუალისტური ფილოსოფია, რომელსაც სწამს მხოლოდ პიროვნება და მისი ინტერესები. ნიცშეს ზეკაციც ამ ატმოსფეროს ნაყოფია. აქვე აღიზარდნენ იბსენის შტოკმანები და ბრანდები.

ბურჟუაზიული ურთიერთობის ტექნიკური განვითარება ამავე დროს სპობს ადამიანის პიროვნებას და არაარობად აქცევს მას. ამ კლასმა ყოველგვარი ღირსება დაუკარგა ადამიანის პიროვნებას.

ბურჟუა ყველადრით ვაჭრობს. ფული და ფული, სხვა იდეალი მან არ იცის, მაგრამ ასეთ ატმოსფეროს უძლებენ მართო საშუალო ადამიანები, ხოლო მაღალ საფეხურზე მდგომთათვის ყოველივე ეს მომწამვლელია და გამანადგურებელი. ამიტომ არის, რომ ამ წრის ზოგი „კეთილშობილი შვილი“ ებრძვის თავისავე „შშობელს“, ამისათვის არის, რომ ჩვენ განსაზღვრულად თანაუგრძნობთ შტოკმანს და ბრანდს.

ეს პირები, უპირველეს ყოვლისა, იმიტომ იბრძვიან, რომ შეინარჩუნონ თავიანთი პიროვნება, მათი იდეალი მთლიანი და თავის თავთან შეთანხმებული პიროვნებაა, რომელმაც არავითარ შემთხვევაში არ უნდა უღალატოს თავისთავს, მუდამ გაუტეხელი უნდა იყოს, უკვირდებოდეს არსებულ ბოროტებას.

ასეთი რეცეპტით უპირებდა ომის წინადროინდელი ბურჟუაზია თავის თავს მკურნალობას. მისი იდეოლოგიები და მოწინააღმდეგენიც ამ კლასს მთელ კაცობრიობად ასალებდნენ, ამიტომ მათი აზრით ნიციშეს ფილოსოფიას მთელი კაცობრიობა უნდა დაეხსნა. იბსენის პერსონაჟებიც „საკაცობრიო იდეებს“ ქადაგებდნენ.

მაგრამ კაცობრიობას ბურჟუაზია არ წარმოადგენდა, იყო მეორე საზოგადოებრივი კლასი — შრომელთა კლასი, რომელიც ერთა უმრავლესობას შეადგენდა.

კ. მარქსმა და ფრ. ენგელსმა გამოაქვეყნეს „კომუნისტური მანიფესტი“, რომლის მთავარი აზრი ისაა, რომ არსებული ბურჟუაზიული წარმოება უნდა მოისპოს და მის ადგილას გაბატონდეს სოციალისტური წარმოება. ბურჟუაზიულ ეკონომიკას მოსპობს არა „გმირების“ ბრძოლა, არამედ კოლექტიურად შეკავშირებული მუშათა კლასი, რომელიც ისტორიის მიერ მოწოდებულია მთელი კაცობრიობის გარდასაქმნელად, ახალი აზროვნებისა და მორალის განსამტკიცებლად. შეკავშირებული მუშათა კლასი ის ძალაა, რომელმაც უნდა გარდაქმნას მთელი ჩვენი ცხოვრება, შექმნას ახალი საზოგადოებრივი ფორმები და გადაასხვაფეროს მთელი მსოფლიო. ასეთია პროლეტარიატის იდეოლოგია.

კოლექტივი და მასთან ერთად ბრძოლა არ სწამს არც ნიციშესა და არც იბსენს, ისინი ერთიანად ეწინააღმდეგებიან იმ სოციალურ ფორმულას, რომელსაც აღიარებს პროლეტარიატი. მიზანი თითქმის ერთი და იგივეა: ორივე მიმდინარეობა ბურჟუაზიულ წესწყობილებას „ებრძვის“, მაგრამ ბრძოლის საშუალებანი ისე სხვადასხვაა, რომ ბოლოს და ბოლოს მიზანიც სხვადასხვა გამოდის. ბურჟუაზიასთან ბრძოლა ზეკაცების საშუალებით ზეკაცთა ტიპების შესაქმნელად; — ასეთია იბსენის ფორმულა. ბურჟუაზიასთან ბრძოლა მუშათა კლასის დარაზმვის საშუალებით იმავე მუშათა

კლასის გასათავისუფლებლად — აი მეორე ფორმულა. ამიტომ იყო, რომ პროლეტარული იდეის მატარებელი კარგა ხანს უკრავდნენ იბსენს ტაშს, მაგრამ ბოლომდის როლი ვრძელდებოდა ეს ტაში.

გ. პლენანოვი ამბობს: ანარქისტები კი თითქმის თავისად თვლიდნენ იბსენს და ყველა ჯურის რევოლუციონერებთან შედარებით ისინი უფრო ხანგრძლივი ტაშით აჯილდოვებდნენ მასო. მაგრამ იბსენმა ანარქისტებიც ბევრჯერ ჩააფიქრა. იგი ამბობდა: მე მწამს ერთადერთი რევოლუცია — ეს მსოფლიო წარღვნა არისო. უნდა მოისპოს მთელი ამ ქვეყნიური სისაძაგლე და ისე უნდა აშენდეს ახალი ცხოვრებაო, — ამბობდა იბსენი და ანარქისტებიც აღტაცებაში მოდიოდნენ. მაგრამ როდესაც იბსენმა განაცხადა, რომ მისთვის მთავარი მნიშვნელობა აქვს ადამიანის სულის აფეთქებას და არა პოლიტიკურ ფორმას, მაშინ კი მდგომარეობა შეიცვალა. მისი აზრით, ჩვენთვის სავალდებულოა ადამიანად გადაქცევა, ხოლო მოქალაქედ გახდომა სრულებით არ გვევალება. ყველაზე უფრო კარგი სახელმწიფოებრივი ფორმა რუსეთის თვითმპყრობელობაა, ვინაიდან იგი ადამიანში ბრძოლის ცეცხლს აღვივებსო, — მისწერა იბსენმა გამოჩენილ კრიტიკოს ბრანდესს და ანარქისტებსაც ცივი წყალი გადაასხა.

ასეთი არის საერთო ხაზებში ის დიდი მწერალი, რომელიც ერთ დროს მთელ ევროპაში უდიდეს აზრთა გამძაფრებას უწყობდა ხელს. დღეს ჩვენ სხვა პროლეტარიატის დიქტატურის ეპოქაში ვცხოვრობთ და სხვაგვარი იდეალებისაკენ მივისწრაფით. ამიტომაც არის, იბსენის მხოლოდ მოგონებით ვკმაყოფილდებით.

გამონაწილი კადავრები-მეთოდისტი

ვარლამ ხუროძე მალაქიაშვილის ფსევდონიმით აქვეყნებდა თავის მხატვრულ თხზულებებს და ჩვენი საუკუნის 10-იანი წლებიდან პოპულარული მწერალი იყო. ამის პარალელურად, იგი წერდა კრიტიკულ წერილებს ქართულ, რუს და უცხოელ მწერალთა შემოქმედებაზე, აგრეთვე პუბლიცისტურ წერილებს ქართული ხელოვნებისა და კულტურის საკითხებზე, რომელთა ერთმა ნაწილმა წინამდებარე კრებულში მოიყარა თავი.

ეს კრიტიკულ-პუბლიცისტური წერილები თავისი დროის აზროვნების დონეზე იღვა და მაშინდელი თვალთახედვით იხილავდა მხატვრულ მოვლენებს. ამიტომ საგანგებო ცვლილებების შეტანას მათში მოეწოდებდა და მომეტებულად პირვანდელი სახით ქვეყნდება ილექსანდრე სიგუას შერჩევით, დალაგებით, წინასიტყვაობითა და შენიშვნებით.

ვარლამ კრიტიკული წერილებისა, ვ. ხუროძეს მლიდარი მემკვიდრეობა დარჩა ბელეტრისტიკაში, პედაგოგიკასა და სწავლების მეთოდოლოგიაში. იგი იყო გამოჩენილი პედაგოგი, მეთოდისტი, უანგარო საზოგადო მოღვაწე, ქართული კულტურის ერთგული მსახური, შრავალმხრივ განათლებული, მგზნებარე პატრიოტი და ინტერნაციონალისტი, ფურცარივით შრომელი, მეტისშეტად თავმდაბალი, უზმავური, მაღალზნობრივი, სრულფასოვანი ინტელიგენტი — ყველა მაღალადმიანური მოქალაქეობრივი თვისებით დაჯილდოებული პიროვნება, რომელთანაც შეხვედრა, ურთიერთობა ყოველთვის დიდ სიამოვნებას ჰკვირდა ადამიანს.

ამის თაობაზე და მის პედაგოგიურ-მეთოდოლოგიურ შრომებზე ზოგა რამ 1984 წელსაც აღინიშნა პრესაში დაბადების 100 წლისთავთან დაკავშირებით, მაგრამ ეს საკმარის არაა; საჭიროა მომავალში, როცა გამოიყვანოს ვარლამ ხუროძის ლიტერატურული და მეცნიერულ-პედაგოგიური რჩეული ნაწერების რამდენიმე სრული კრებულები, საჭიროა დაიწეროს და გამოიცეს მისი ავტორის შესახებ ვრცელი მონოგრაფია, სადაც მოთავსდება ვ. ხუროძის შრომების სრული სია და სათანადოდ შეფასდება ამ უანგარო მოღვაწის წვლილი ქართული კულტურის განვითარების ისტორიაში.

აქ, ვარლამ ხუროძის კრიტიკული წერილების გამოქვეყნებასთან დაკავშირებით, დაეკმაყოფილებით მხოლოდ მისი მეთოდოლოგიური მუშაობის ზოგიერთი ცნობის წარმოდგენით მისი მოღვაწეობის ბიოგრაფიის შესახებ, ვინაიდან ვ. ხუროძესთან ჩვენ გვექონდა როგორც პირადი ნაცნობობა, ისე სამსახურებრივი დაშოკიდებულება. იმ დროს ვიყავი ქართული ენისა და ლიტერატურის მასწავლებელი, სკოლის სასწავლო ნაწილის გამგე, დირექტორი და მეთოდისტიც.

ვარლამ ხუროძე 20-იან—30-იან წლებში მუშაობდა ქ. თბილისის განათლების განყოფილების ქართული ენისა და ლიტერატურის პედაგოგიური კაბინეტის მეთოდოლოგის თანამდებობაზე და ამ საპატიო და ევთილშობილურ საქმეს იფიქროს დღე გულმოდგინებით და კვალფიციურად ასრულებდა. კვირაში გამოყოფილი იყო ერთი დღე თბილისის სკოლების ქართული ენისა და ლიტერატურის მასწავლებელთა შესაკრებად და სამეცადინოდ. ქალაქის განათლების განყოფილებამ პედაგოგიკის კაბინეტში შედიოდა სხვადასხვა სასწავლო საგნის მეთოდური კაბინეტები. ეს კაბინეტები მოთავსებული იყო მაშინდელ მე-14 საშუალო სკოლის შენობაში (ფ. მახარაძის ქუჩაზე). მასწავლებელთა შეკრება და მეცადინეობა

ტარდებოდა საღამოს საათებში, როცა სკოლაში სწავლა იღარ იყო. დედაქალაქის სკოლების ქართული ენისა და ლიტერატურის მასწავლებელთა კვალიფიკაციის სისტემატური ამაღლების საქმეს სათავეში ედგა ვარლამ ხუროძე, რომელიც ამავე დროს თავადაც ასწავლიდა ქართულ ენასა და ლიტერატურას ქ. თბილისის სხვადასხვა სკოლაში.

ეს იყო საბჭოთა სკოლის მუშაობის ახალი ფორმებისა და სწავლა-აღზრდის ახალი მეთოდების ძიების წლები. საქართველოში საბჭოთა ხელისუფლების დასყარების შემდეგ რევოლუციამდელი სკოლის მასწავლებელთა კადრები განაგრძობდნენ მუშაობას. ამიტომ მასწავლებელთა ახლებურად გადასაზრდებელ ხდებოდა როგორც პერიოდულად — ზაფხულობით — გადასაზრდებელ კურსებზე, ისე სისტემატურად პედაგოგიკის კაბინეტებში მეცადინეობით.

ზაფხულობით მასწავლებელთა გადასაზრდებელ კურსებზე (რომლებიც სხვადასხვა აკრებულზე იყავნობოდა), მომეტებულად გაქონდათ განსახილველად და დასამუშავებლად ახალი პროგრამების პროექტები და იკითხებოდა ლექციები პარტიისა და მთავრობის ხელმძღვანელ მუშაკთა, განათლების ხელმძღვანელ მუშაკთა და მეცნიერთა მიერ სწავლა-აღზრდის ახლებურად დაყენების თაობაზე. ამ კურსებზე მასწავლებელთა გამოცდილების ურთიერთგაზიარებასაც დიდი ადგილი ეთმობოდა.

საგანგებო აღნიშვნის ღირსია ის ფაქტი, რომ იმ დროსაც დედაქალაქის სკოლებში ქართველი ინტელიგენციის საუკეთესო ნაწილი ასწავლიდა. ქართულ ენასა და ლიტერატურას; ამათგან ზოგიერთი მშინაც იყო ცნობილი მეცნიერი, ლიტერატორი, პედაგოგი, სახელმწიფო მოღვაწისა და მეთოდოლოგიური შრომების ავტორი და ა. შ. მხოლოდ ზოგიერთს თუ დაეკავებოდათ: მიხეილ ზანდუკელი, კონსტანტინე კაბანელი, ვარლამ თოფჩოია, ვარლამ ხუროძე, გიორგი ჭავჭავაძე, ილია სიხარულიძე, ფილიპე ჩურუა, შალვა თაბუკაშვილი, მარიამ ბურჭულაძე, პარმენ კანიშვილი, შალვა დოლაჟიძე, ივანე გვიგინიშვილი, გრიგოლ ბარამიძე, ვლადიმერ ზამბახიძე, ელადიმერ ცომაია, აეთანდრე კვასხვაძე, ბაბო წულუკისკორი, ივლიტა ქარცივაძე, ელენიან მუშუქლიანი, დომინდე ტყეციტინიძე, ბართლომე პატარაია, გრიგოლ ვაგნაძე, კარპეზ დონაძე, სოფიო ეხალაძე, გრიგოლ შენგელია, ბაბო მკვიდრიძე, ვარა ვარდიაშვილი, ივანე ბახტაძე, ეკატერინე ბერიძე, ქეთევან ხარაძე, თამარ აბაშვიძე და სხვ.

ვარლამ ხუროძე ერთდროულად ეწეოდა მრავალმხრივ მოღვაწეობას: ასწავლიდა სკოლაში, წერდა კრიტიკულსა და მეთოდოლოგიურ წერილებს, ქმნიდა მხატვრულ ლიტერატურას. ამ სამუშაოებთან ერთად საგანგებო ყურადღებას აქცევდა დედაქალაქის ქართული ენისა და ლიტერატურის სწავლების პროცესის ახალი სკოლის ამოცანების შესაბამისად გარდაქმნას. დასახულ ამოცანას ის ღრმად გააზრებული გეგმით ახორციელებდა: მასწავლებელთა თეორიული, მეთოდოლოგიური დონის ამაღლებითა და მათდამი ადგილზე სწავლების პროცესის გაუმჯობესებაში პრაქტიკული დახმარებით, აგრეთვე გამოყენებითი მოწინავე გამოცდილების განზოგადებით.

ამ რთული ამოცანების ერთდროულად გადასაწყვეტად ვარლამ ხუროძე ყველაფერს აკეთებდა და მასწავლებლებიც კარგად გრძნობდნენ, რომ მათ წინამძღოლად ჰყავდათ ქვეშაობითად ღრმად ერუდირებული, გამოცდილი მეცნიერი პედაგოგი.

როგორც ზემოთაც აღინიშნა, იმ დროს სკოლაში სწავლა-აღზრდის ახალი გზების ძიება ხდებოდა და ადვილი არ იყო სიტუაციების მასწავლებლობა. ენათმეცნიერებასა და ლიტერატურისმცოდნეობაში, პედაგოგიკასა და მეთოდოლოგიაში ექსპერტობდნენ ერთმანეთს ახალი და ძველი მიმართულებანი; ერთიმეორეს უბიპირისპირდებოდნენ ლაგოცისტური და ფორმალისტური გრამატიკის პრინციპები,

კიდევ უფრო მწყავედ იდგა ლიტერატურისმკოდნეობაში მწერლის შემოქმედების კრიტიკული ანალიზის პრობლემა: სოციოლოგიაში, ესთეტიკაში თუ მწერლის შემოქმედების ფორმისა და შინაარსის შთლიანობაში განხილვა... პედაგოგიკასა და სწავლების მეთოდოლოგიაში შემოქრილი იყო ასკოლის კვდომის ანტილენინური მიმართულება, რომლის არსი ის იყო, რომ სწავლება აკებულყო პროექტორულ კომპლექსურსა და პროექტთა მეთოდებზე და მეცნიერების საფუძვლების სისტემატიზებულ სწავლებას დასაყრდენი გამოცდილდა; ამას მთელი ძალით დაუპირისპირდა მოწინავე მასწავლებელთა გამოცდილება და კლასიკური პროგრესული პედაგოგიური შეხედულებანი, პარტიამ და მთავრობამ მიიღეს არაერთი სახელმძღვანელო დადგენილებანი სკოლის ცხოვრების გაჯანსაღებისა და მოსწავლეთა სწავლ-აღზრდის სწორ გზაზე დასაყენებლად.

მშობლიური ენისა და ლიტერატურის სწავლების პროცესის მარქსისტულენინური თვალსაზრისისა და მეცნიერულ დონეზე დასაყენებლად დედაქალაქის განათლების განყოფილების ქართული ენისა და ლიტერატურის მეთოდურმა კაბინეტმა ვარლამ ხუროძის ხელმძღვანელობით დიდი მუშაობა გასწია. ვარლამ ხუროძე მეტად რთულ სიტუაციაში თავისი გამჭირავი გონებისა და ფართო განათლების მფიხებით ყოველთვის სწორ პოზიციაზე იდგა და ადვილად ახერხებდა მასწავლებელთა მასის თავის პოზიციაზე გადმოყვანას, ქართული ენისა და ლიტერატურის სწავლებაში რუტინისა და გადახრების დამღევას და სიახლეთა დანერგვას.

ვარლამ ხუროძე მასწავლებელთა გადამამზადებლად მეთოდურ კაბინეტში ლექციების წასაკითხად იწვევდა ისტორიის, ქართული ენის, ქართული ლიტერატურის გამოჩენილ მეცნიერებს, რომლებიც მეცნიერების ახალ მიღწევებს დაწერის მეთოდით აცნობდნენ ქართული ენისა და ლიტერატურის მასწავლებლებს; ესენი იყვნენ: სიმონ ქანაშია, ნიკო ბერძენიშვილი, სიმონ ხუნდაძე, გიორგი ახუციანი, აკაკი შანიძე, კორნელი კეკელიძე, არნოლდ ჩიქობავა, ვარლამ თოფურია, სიმონ ყაუხჩიშვილი, ალექსანდრე ბარამიძე, მიხეილ ზანდუკელი, ვახტანგ კორტიშვილი და სხვ. ზოგიერთი მათგანი მეცნიერებაში ახალი მომართულების შესახებ ლექციების მთელ ციკლს კითხულობდა. ენათმეცნიერებაში კვლევის ახალ შედეგებზე ლექციების ასეთი ციკლი წაიკითხეს არნოლდ ჩიქობავამ და ვარლამ თოფურია.

მეცნიერთა ლექციებში ჯერ კიდევ გამოქვეყნებულ, სრულიად ახალ ინფორმაციებს ეცნობდნენ მასწავლებლები, იწერდნენ მათ და იყენებდნენ ქართული ენისა და ლიტერატურის სწავლებაში. ასეთი ლექციები დიდად იზიდავდა ქართული ენისა და ლიტერატურის მასწავლებლებს, ამიტომ მეცადინეობას არავინ აკლდებოდა და გაურკვეველ საკითხებზე, გადაუჭრელ პრობლემებზე ხშირად ცხარე კამათი იმართებოდა.

მეცნიერთა და მასწავლებელთა შორის ასეთი კონტაქტი ძალიან სასარგებლო, ნაყოფიერი აღმოჩნდა ქართული ენისა და ლიტერატურის მასწავლებელთა მეცნიერული და პედაგოგიური კვალიფიკაციის ასამაღლებლად, რაც, რასაკვირველია, ვ. ხუროძის ინიციატივას მიეწერება.

ვარლამ ხუროძე მთელი სასწავლო წლის მანძილზე ორჯერ შინეც ამოწმებდა დედაქალაქის სკოლების ქართული ენისა და ლიტერატურის სწავლების მდგომარეობას. ფიზიკურად ამის გაკეთება ერთ კაცს არ შეეძლო მასწავლებელთა სიმრავლის გამო. ამიტომ მეთოდურ კაბინეტთან მან შექმნა ქართული ენისა და ლიტერატურის მოწინავე მასწავლებლებისაგან შტატგარეშე მეთოდისტთა დამხმარე ჯგუფი, რომელიც ეხმარებოდა მას მასწავლებელთა დიდი ადგილებზე დასახმარებლად. მეთოდური დახმარების ამ ფორმამაც დადებითი შედეგი გამოიღო.

ვ. ხუროძეს მასწავლებელთა მუშაობის შესწავლა-გაცნობისა და დახმარების თაისი მეთოდი ქჷონდა: იგი მასწავლებლის მუშაობას შედეგებით აფასებდა. ამიტომ ხშირად მიმართავდა კითხვებით მოსწავლეებს განვლილი მასალის ცოდნის გამოსავლენად და შესამოწმებლად, შემდეგ ვულდასმით ამოწმებდა მოსწავლეთა ნაწერებს და მათი გასწორებისა და შეფასების ნიშნებს. ამით კარგად არკვევდა არა მხოლოდ მოსწავლეთა მოზადების დონეს, არამედ მასწავლებელთა საგნის ცოდნისა და წიგნიერების დონესაც. ქართული ენისა და ლიტერატურის გაკვეთილს დიდი სიფრთხილით იკვლევდა: მასწავლებელს თაისი კეთილშობილური, თბილი დამოკიდებულებით უქმნიდა ბუნებრივ სიტუაციას — აუღლევებლად წარმართა სწავლების პროესი. გაკვეთილის მსვლელიობისას ერიდებოდა შთაბეჭდილების ჩაწერას, რათა მასწავლებელზე უარყოფითად არ ემოქმედნა. გაკვეთილის დამთავრების შემდეგ დაქდებოდა მყუდრო ადგილას და თაის შეხედულეზას დაწერდა. აუცილებელზე აუცილებელ შენიშვნას იქვე მოახსენებდა პირადად მას, დანარჩენს ჰედაგოგიური საბქოს სხდომაზე განაცხადებდა და იმას თაის წერილობით დასკვნაშიც შეიტანდა.

ვარამ ხუროძე დიდ მნიშვნელობას აძლევდა მოწინავე გამოცდილების განზოგადებას და საქალქო მეცადინეობაზე ხშირად პირადად გამოქჷონდა ასეთი გამოცდილება განსახილველად. ყოველმხრივი შემოწმების, მასწავლებელთა განსყისა და მოწონების შემდეგ იძლეოდა სანქციას დადებითი გამოცდილება სხვა მასწავლებლებსაც გამოეყენებინათ მუშაობაში. ამ შემთხვევაში იგი, როგორც გამოცდილი მეთოდისტი, დიდ დაკვირვებასა და ზომიერებას იჩენდა.

ვ. ხუროძე ქართული ენისა და ლიტერატურის მასწავლებელს სთხოვდა არა მხოლოდ ქართული ენისა და ლიტერატურის მეცნიერულ ცოდნას, არამედ მონათესავე სასწავლო საგნების ცოდნასაც — საქართველოს ისტორიის, ეთნოგრაფიის, ჰედაგოგიური ფსიქოლოგიისა და ფილოსოფიის ცოდნას, ვინაიდან სწამდა, რომ, თუ მშობლიური ენისა და ლიტერატურის მასწავლებელი განათლებლია და მაღალი კულტურის მქონე, სკოლაში ცოდნის კულტი შეიქმნება, ყველა საგნის მასწავლებელი მშობლიური ენისა და ლიტერატურის მასწავლებლის კვალს გაკვეება და მომავალი თაობის აღზრდის საქმე სწორად წარიმართება. ამიტომ ხშირად მოუწოდებდა სიტყვიერების მასწავლებლებს — დასწრებოდნენ მწერალთა კავშირში გამართულ დისკუსიებს ლიტერატურისა და ხელოვნების საკითხებზე, ეთანამშრომლათ ეურნალ-გაზეთებში, ევლოთ მუზეუმებსა და არქივებში კულტურის ძეგლების გასაცნობად და ა. შ. ხშირად იტყოდა მეცადინეობაზე: ზოგჯერ უშუალოდ ნანახი და განცდილი მეტს აძლევს ადამიანს, ვიდრე სხვისი გადმოცემული ან წიგნებში წაკითხული.

ერთხელ ქართული ენისა და ლიტერატურის მასწავლებელთა წარმომადგენლების დიდი ჭკუფი შეკრა და ალექსანდრე ყაზბეგის სახლ-მუზეუმის გახსნაზე ყაზბეგში წავიყვანა. მას თან ახლდა თაისი ვაჟი ადოლფი, რომელიც მაშინ მოსწავლე იყო.

ჩვენ ერთად აეტობუსით ვიმგზავრეთ და ყოველ ისტორიულ ადგილზე ეჩერდებოდით, სადაც ვარამ ხუროძე ისტორიულ ძეგლებსა და საქართველოს წარსულზე გვესაუბრებოდა. ღრმა განცდების კაცი იყო და მიმზიდველი საუბარი იყო. ამყობდა იმით, რომ ქართველ ერს დიდი კულტურული წარსული აქვს, რომ ჩვენმა მთებმა ისეთი დიდი მწერლები მოგვეცეს, როგორც ვაჟა და ალექსანდრე ყაზბეგია — მგზნებარე პატრიოტები, სიტყვის განუმეორებელი ოსტატები.

როცა ყაზბეგში ჩავედით, უკვე შუაღლე იყო. იმ დროს, რაც თბილისში მსუბუქი მანქანა და აეტობუსი იყო, თითქმის ყველა იქ იდგა. მთელმა ქართველმა ინტელიგენციამ მოიყარა თაი ერის სათაყვანებელი მწერლის სახლ-მუზეუმის

გახსნაზე. აი, საზეიმო მიტინგი იწყება, ალექსანდრე ყაზბეგის სახლ-მუზეუმის კარებთან გაკრულ ლენტს ჭრის ტიციან ტაბიძე. ვაისმის მქუხარე ტაში. დარბინი დღეა, ჩაუფრვფრვად დგანან ალექსანდრე ყაზბეგის გმირთა პროტოტიპები — შხალო, ელგუჯა, მათია, ზევისბერი გოჩა, ელისო, ვაჟია, ონისე თავიანთ კუთხურ ტანსაცმელში, აქ არიან მოხევეები, ინგუშები, ჩეჩნები თავიანთი ქაშა-ხანჯლითა და საკრავი იარაღებით. ისინი ერთმეორეს ცვლიან სიმღერაში, ცეკვაში... ერთი ეთნოგრაფიული სურათი ცვლის მეორეს და ზეიმის მონაწილენი შეუმჩნეველად მოკყვნენ ალექსანდრე ყაზბეგის შემოქმედების საშუალოს ტყვეობაში... ამ სანეტარო წუთებში ვაისმა შალვა ნუცუბიძის ერთნაირად მომგვრელი ხმა. სწორ-უპოვარი ორატორი განუმეორებელი სურათით აღგზნებული დიდი ოსტატობით ხტავს ამ საოცარ პანორამას და ხოტბას ასხამს დიდი მწერლის მხატვრულ შემოქმედებას...

ქართული ენისა და ლიტერატურის მასწავლებლებმა რაც აქ უშუალო შთაბეჭდილებით მიიღეს, რასაკვირველია, მას სხვა არხით ვერ მიიღებდნენ.

3. ხეროდის მოღვაწეობის პერიოდში იშვიათი იყო შემთხვევა, რომ ლიტერატურისმცოდნეს, კრიტიკოსს, ლიტერატურის სწავლების საკითხები ეკვლია. ასეთი მეცნიერი იმ დროს მხოლოდ მიხეილ ზანდუკელი იყო, რომელმაც ახალი ლიტერატურის ისტორიის კურსთან ერთად საშუალო სკოლაში ლიტერატურის სწავლების მეთოდოლოგი შექმნა. ეს იმით შეძლო, რომ ლიტერატურას თავად ასწავლიდა თბილისის I სანიმუშო სკოლაში (სადაც ის ღირებულოდ მუშაობდა) და თავის მეთოდურ დებულებებს ექსპერიმენტულადაც ამოწმებდა.

3. ხეროდე, მსგავსად მ. ზანდუკელისა, ეკლავდა რა მხატვრული ლიტერატურის საკითხებს, იმავე დროს ასწავლიდა კიდევ ქართულ ლიტერატურას სკოლაში და დაკვირვების ობიექტად იყენებდა თბილისის მოწინავე მასწავლებელთა მუშაობის პრაქტიკას. სხვაგვარად, სახელმძღვანელო მეთოდოლოგიის რეკომენდაციების შექმნა შეუძლებელი იყო და არის.

ვარლამ ხეროდე, თუ რა სიღრმითა და სტრუქტურით განიხილავს მხატვრული ნაწარმოების სწავლების მეთოდოლოგიის საკითხებს, ნიშნისათვის ორიოდ სიტყვით შევხებით მის მხოლოდ ერთ ნარკვევს, რომელიც „ვეფხისტყაოსნის“ სწავლებას ეძღვნება („ვეფხისტყაოსნის“ სწავლება სკოლაში“ („მეთოდური წერილი“), ეურნ. „კომუნისტური აღზრდისათვის“, № 11, 12, 1937). ეს ნარკვევი გამოქვეყნებულია მისი ავტორის სიცოცხლის ტრაგიკულ დასასრულამდე ერთ წლით ადრე.

3. ხეროდეს, როგორც კრიტიკოსს, სხვა მხატვრულ ნაწარმოებთან ერთად, ლიტერატურისმცოდნეობის თვალსაზრისით განხილული აქვს შ. რუსთაველის „ვეფხისტყაოსანიც“, რომელიც ამ კვებულში ქვეყნდება.

3. ხეროდე მხატვრული ნაწარმოების სწავლების საკითხთა კვლევისას ნაწარმოების თავისებურებიდან ამოდიოდა და ფართოდ ითვალისწინებდა მოსწავლეთა ასაკსა და შესაძლებლობას. ამიტომ მისი მეთოდოლოგიური ნარკვევები ლიტერატურის სწავლების საკითხებზე დღესაც ინარჩუნებს თავის თეორიულსა და პრაქტიკულ ღირებულებას, დღესაც აქტიურად დაეხმარება მასწავლებლებს ლიტერატურის სწავლების ხარისხის ამაღლებაში.

ზემოაღნიშნულ წერილში ავტორი „ვეფხისტყაოსნის“ სწავლების საკითხებს ორიგინალურად, თავისებურად განიხილავს.

უპირველესად ხდება იმ ცოდნის აღდგენა-განმეორება და სისტემაში მოყვანა, რომელიც „ვეფხისტყაოსნის“ შესწავლამდე მიიღეს მოსწავლეებმა ქართული ლიტერატურული ძეგლების შესახებ. ავტორი შესავალ ნაწილში აღნიშნავს, რომ „თითოეული ეს მასალა განიხილება განსაზღვრულ საზოგადოებრივ-ისტორიულ ვარდემოში: მოწაფეები ზოგადად ეცნობიან საქართველოს ეკონომიურ სტრუქ-

ტერას, წოდებებსა და წოდებრივ ურთიერთობას, საერთო კულტურული განვითარების დონესა და ლიტერატურულ მოვლენებს“. მისი აზრით, „ვეფხისტყაოსნის“ შესწავლის დაწყებამდე მე-8 კლასის მოწაფეებს საკმაო გარკვეული წარმოდგენა უნდა ექნეთ საქართველოს ისტორიული გზების შესახებ. მთლიანი სახელმწიფოებრივი ორგანიზაცია საქართველოს ტერიტორიაზე მე-9 საუკუნიდან ისახება“ და ა. შ.

ამით მეთოდოლოგიური ნარკვევის ავტორი ქმნის სოციალურ-ისტორიულ ფონს, საიშედო წინამძღვრებს, რასაც უნდა დაეფუძნოს ამ გენიალური მხატვრული ქმნილების ახსნა-გაგება.

ავტორი აფრთხილებს მასწავლებლებს, რომ „ისტორიული მოვლენების დაწვრილებით შესწავლა ქართული ლიტერატურის მასწავლებელს არ ევალება, მისი საქმეა საერთო მიმოხილვა“. განვლილი მასალის განმეორებაშიც უნდა დავიცვათ ზომიერება. მაშასადამე, ისტორიული ფონი და ისტორიული მიდგომა ლიტერატურული მოვლენების ახსნისას საჭიროა, მაგრამ ისტორიული და სოციალური საკითხებით გატაცება საჭირო არ არის. ასეთ საკითხებზე ხანგრძლივად შეჩერება შეიძლება შეიანელოს მოსწავლეთა ყურადღება ნაწარმოების მხატვრულ ანალიზზე.

წინასწარ უნდა მიეწოდოს მოსწავლეებს აგრეთვე ის ცნობები, რომლებიც გვაქვს შოთა რუსთაელის პიროვნების შესახებ და ამის შემდეგ იწყება ტექსტის კითხვა „იმ ადგილიდან, საიდანაც ფაბულა იწყება: „იყო არაბეთს როსტევიან“ და სხვ. ნაწარმოების შესავალი, როგორც ერთგვარი თეორიული ნაწილი შესწავლილ უნდა იქნეს მას შემდეგ, რაც საკუთრივ პოემა გარჩეული და შეთვისებული იქნება. მხოლოდ ამ შემთხვევის შემდეგ შოთას პოეტიკის თეორიული მოსაზრებანი ადვილად დასაბუთდება პოემიდან შესაფერი ადგილების მოყვანით“.

ვ. ხუროძეს სკოლის გამოცდილება უკარნახებს, რომ მოსწავლეები დაინტერესებული არიან ტექსტის ორიგინალობისა და ისტორიის საკითხებით. ამიტომ ზოგიერთი აუცილებელი ცნობა ამ საკითხებზე უთუოდ უნდა მიაწოდოს მასწავლებელმა საშუალო სკოლის მოსწავლეებს. ასეთ საკითხებზე საუბარი ჩაუტარდეს ტექსტის გარჩევის შემდეგ. ამას იმით ასაბუთებს, რომ მოსწავლეებს ამდროს „საგნისადმი დამოკიდებულება და ინტერესი გაცილებით უფრო შეგნებული და ძლიერი ექნება, ვინემ პოემის დამუშავების წინ. მაგალითად, „ვეფხისტყაოსნის“ ორიგინალობაში მოწაფეები მხოლოდ მის შემდეგ დარწმუნდებიან, როცა დოკუმენტურად გაეცნობიან პოემის იდეებისა და მხატვრული სახეების ნათესაობას ქართულ სინამდვილესთან: ლიტერატურასა, იდეოლოგიას, ეკონომიურ ფორმაციასა და სახელმწიფოებრივ წყობილებას“.

ვ. ხუროძე მასწავლებლის პირად უნარს, ცოდნას, გამოცდილებას დიდ მნიშვნელობას ანიჭებს: მთავარი ისაა, თუ მასწავლებელი როგორ გამოიყენებს მის ხელთ არსებულ მასალას „ვეფხისტყაოსნის“ ტექსტის საფუძვლიანად დამუშავებისათვის.

ვ. ხუროძე ვერცხად ჩერდება „ვეფხისტყაოსნის“ წაკითხვის ორგანიზაციისა და მეთოდოლოგიის საკითხებზე. იგი სამართლიანად აღნიშნავს, რომ ტექსტის შეგნებულად წაკითხვას აფერხებს ენობრივი სიძნელე — მე-8 კლასის მოსწავლეს უჭირს ენობრივი ბარიერის დაძლევა. ეს პრობლემა ამჟამადაც ძალაშია და მასწავლებელთა ერთი ნაწილი მოითხოვს „ვეფხისტყაოსნის“ სწავლების უფროს კლასებში გადატანას.

გამოსავალს ე. ხუროძე ჯერჯერობით იმაში ხედავს, რომ კითხვის სიმძიმის აწევა, პირველ ხანებში მაინც, მასწავლებელმა იყისროს. ამას იმით ასაბუთებს, რომ მასწავლებლის „გარკვეული და სანიმუშო კითხვა თანდათან შეიყვანს მოს-

წავლენებს რუსთაველის შემოქმედების მომხიბვლელ სფეროში და სიტყვათაგან აწყობილ მუსიკაში. მოქმედების დრამატისში და სწრაფი განვითარება, მომხიბლავი პოეტური სურათების კინემატოგრაფიის სისწრაფით ცვლა და მომაქადლებელი მუსიკალობა პირველი ტაეპებიდანვე იმორჩილებს მოწაფეთა წარმოსახვის უნარს. ძლიერი სურათები და მაღალი პოეტური მეტყველება თავიდანვე უდიდეს ინტერესს აღვიძებს და მოწაფეებში გულისთანაყოლოთ უგდებენ ყურს მასწავლებლის კითხვას. მასწავლებლის კითხვაში წერილის ავტორი, რასაკვირველია, გულისხმობს გამომეტყველებით კითხვას, როცა ბევრი უცნობი, გაუგებარი სიტყვა-გამოთქმის, მხატვრული გამოთქმების მნიშვნელობას საგანგებო ახსნის გარეშეც სწავლობს.

ვ. ზუროძე მოითხოვს, რომ „ეფესისტაოსნის“ ცალკეული შინაარსობრივად დასრულებული ნაწილის წაკითხვის შემდეგ რამდენიმე წუთით შეჩერდეს კითხვა და ახსნას წაკითხული ნაწილის გაუგებარი ადგილები. მაგალითად, მასწავლებელი „პირველი თავის კითხვის დროს ჩერდება მე-8 ტაეპის დასასრულთან, ამ სიტყვების წინ: „ავთანდილ იყო სპასნეტი“ და სხვ. უკვე წაკითხულის შინაარსს ასე გადასცემს: არაბეთის მეფე როსტევანი, რომელსაც სიბერე მიუახლოვდა, გადასწყვეტს, თავის სიცოცხლეშივე ტახტზე აიყვანოს თავისი ერთადერთი ასული — თინათინი. ამ გადაწყვეტილებას მეფე ეეზირებს აღნობებს. ეეზირები თანხმობას გამოთქვამენ: მართალია, ქალაი, მაგრამ მეფობა მასაც შეუძლიათ — მოახსენებენ.

„თუა ქალაი, ხელმწიფედ
მართ ღმრთისა დანაბალია;
არ გათნეუთ, იცის მეფობა,
უთქვენოდ გვეთქვამს კვლა დია;
ლეკვი ლომისა სწორია,
ძე იყოს, თუნდა ხვადია.“

ამგვარადვე გაგრძელდება პირველი თავის ბოლომდე კითხვა და ახსნა ერთ გაკვეთილზე. „კითხვის პროცესში საგანგებო ყურადღება ექცევა აფორისტულ გამოთქმებს და ძლიერ პოეტურ სურათებს“. როცა ამგვარად წაკითხავენ მასწავლებელი ამ თავს, მოსწავლეებს საშინაო დავალებად მიეცემათ მასწავლებლის წაკითხული თავის დამოუკიდებლად წაკითხვა, მისი ავეგმვა, აგრეთვე მომდევნო თავის („ნახევ უცხო მოყმე ვინმე...“) წაკითხვაც. მეორე გაკვეთილზე მასწავლებელი მოითხოვს პირველი თავის შეკუმშულად გადმოცემას აფორიზმებისა და პოეტური სურათების შესაფერი ადგილების ცირირებით (უმთავრესად წიგნიდან, ნაწილობრივ ზეპირადაც), შემდეგ გადადის მეორე თავის კითხვაზე“.

ვ. ზუროძე გვარწმუნებს, რომ, თუ მოსწავლეებმა ეს თავი დამოუკიდებლად ყურადღებით წაკითხეს, მასწავლებლის წაკითხულს მეორე გაკვეთილზე გაცილებით უკეთ გაიგებენ, „ვინემ ამას პირველ გაკვეთილზე ჰქონდა ადგილი“. თანაც დასძენს: „თუნდაც წაკითხული არ ჰქონდეთ, მეორე თავს პირველთან შედარებით მაინც უკეთ გაიგებენ: უკვე აღძრული ინტერესი, მარტივი და ძლიერი სახეები და თხრობის წარმტაცი სიღრმე უდიდეს შთაბეჭდილებას ახდენს ბავშვის განცდაზე, ენობრივი სიმწლე სრულიად შეუმჩნეველად ქრება, პოემის მომხიბლავი შინაარსი გაუგებარ სიტყვებს მთლიანად წაკითხული ფრანხის საშუალებით ნათლად და გასაგებად ხდის. მესამე და მეოთხე თავებიდან თითქმის ყოველგვარი სიმწლე ქრება: მოწაფეები მშვენივრად ითვისებენ პოემის შინაარსსა და თანდათან ხდებიან აქტიურ მკითხველებად“.

ვ. ზუროძის ეს ფსიქოლოგიური დასკვნები სარწმუნოა და უთუოდ გასაზი-

რებელი, ვინაიდან „ვეფხისტყაოსნის“ სწავლების პრაქტიკაც ამასვე ადასტურებს. „ვეფხისტყაოსნის“ კითხვა-დამუშავება ასე გაგრძელდება ბოლომდე. მოსწავლეები თანდათან დაეუფლებიან ამ გენიალური პოემის მხატვრულ ლექსიკა-ფრაზეოლოგიას, გაიძლიერებენ მეტყველებას მათი მნიშვნელობის გაგებით, დაიხეპირებენ და გამოიყენებენ შოთასეულ აფორიზმებს თხრობაში.

ვ. ხუროძე დასაშვებად თვლის, რომ, როცა მასწავლებელი რამდენიმე თავს სანიმუშოდ წაიკითხავს, შემდეგ შეიძლება კითხვაში ძლიერმა მოსწავლეებმა წაიკითხონ მომდევნო თავები. ისიც შეიძლება, რომ ზოგიერთი თავი შინაუწავით და მათი შინაარსი სათანადო აღვილების ციტირებით კლასში გადმოსცენ.

ვ. ხუროძე წინააღმდეგია „ვეფხისტყაოსნის“ შემოკლებული ტექსტის სწავლებისა. მოითხოვს, რომ ამ დიდი საუნჯის შესასწავლად გამოიყოს 40 საათი. ფართოდ იქნეს გამოყენებული უცნობი სიტყვა-გამოთქმებისა და ტექსტის შესასწავლად მოსწავლეთა დამოუკიდებელი ძალები, ვასწავლოთ მოსწავლეებს სათანადო ლექსიკონების გამოყენება, გამოიყენოთ კლასგარეშე და საწრეთა მუშაობა „ვეფხისტყაოსნის“ საფუძვლიანი შესწავლისათვის.

ვ. ხუროძე „ვეფხისტყაოსნის“ მთლიანი შინაარსის გადმოცემის რამდენიმე ფორმას გვთავაზობს, მაგრამ ყველა ფორმაში განსაკუთრებულ მნიშვნელობას ანიჭებს ტექსტის ფაქტობრივი მასალის საფუძვლიან ცოდნას, ტექსტიდან აღვილების ზეპირად ციტირებას.

მართალია, თითოეული თავის კითხვის დასრულების შემდეგ ხდებოდა შინაარსის გადმოსაცემი გეგმის შედგენა, მაგრამ, როცა სტოთი გზით ყველა თავი დამუშავდება, შემდეგ საჭიროა ტექსტის მთლიანი შინაარსის გეგმის შედგენა. წერილის ავტორი ამ გეგმის ნიმუშსაც იძლევა: „1. თინათინის გაშეფება და აეთანდლი-როსტევეანის გასვლა სანადიროდ, 2. უცხო ყმის ნახვა და მიშალვა, 3. თინათინის დავალება აეთანდლის მიმართ, 4. აეთანდლის წერილი ყმების მიმართ, 5. აეთანდლი მიდის ტარიელის საქებრად, 6. აეთანდლი ნახავს ტარიელს, 7. ტარიელი უყვება თავისი ბავშვობისა და გამიჯნურების ამბავს, 8. ტარიელი ასრულებს სატრფოს დავალებას ხატელთა შესახებ, 9. ნესტან-დარეჯანის დაკარგვა, 10. ტარიელი ეძებს ნესტანს, 11. ფრიდონთან შეხვედრა, 12. ტარიელი და ასმათი, 13. აეთანდლის დაბრუნება არაბეთს და ტარიელთან ხელახალი წასვლის გადაწყვეტილება, 14. ანდერძი აეთანდლისა როსტევეანისადმი, 15. აეთანდლი ეკლავ მიდის ტარიელთან. 16. ფრიდონის სამეფოში აეთანდლის წასვლა და მისი განცდანი, 17. აეთანდლი გულანშაროში და ფატმან ხათუნთან შეხვედრა, 18. აეთანდლი მიივანებს ნესტანის კვალს, 19. წერილი ნესტან-დარეჯანისა საყვარლისადმი, 20. აეთანდლი ბრუნდება ფრიდონსა და ტარიელთან, 21. სამი რაინდის თათბირი ქაქეთის ციხის ასაღებად, 22. ნესტან-დარეჯანის განთავისუფლება, 23. ტარიელისა და აეთანდლის გამაჩვენებით დაბრუნება და მათი ქორწილები, 24. სამი სამეფოს ბედნიერი ცხოვრება“.

შინაარსის ამგვარი დამუშავების შემდეგ ვ. ხუროძე იძლევა ტექსტის მხატვრული მხარის ღრმა ანალიზს. იგი აღნიშნავს, რომ „პოეტური ნაწარმოების მხატვრულად შეგრძნება კითხვის პროცესში ხდება, ფორმა განუშორებელია შინაარსისაგან, მაგრამ სასკოლო მუშაობის პირობებში მანაც აუცილებელი ხდება მხატვრული ანალიზის გამოცალკეება, — ეს იმ მიზნით, რომ მოსწავლის ყურადღება გამახვილდეს ნაწარმოების ფორმასა და აზრის გამოთქმის საშუალებებზე“. აქედან ნათელია, რომ „ვეფხისტყაოსნის“ სწავლებისას ავტორი არ აცილებს ერთმეორეს ფორმასა და შინაარსს, მაგრამ ნაწარმოების მხატვრული ღირებულების გამოვლენისა და აღქმისათვის აუცილებელი ხდება პოემის მხატვრული კომპონენტების საფუძვლიანი ანალიზი.

აეტორი, უწინარესად შოიხოვს, აეუხსნათ მოსწავლეებს, რა ეანრას ნა-
წარმოებია „ვეფხისტყაოსანი“, რა არის პოემის ფაბულა, როგორია პერსონაჟთა
პორტრეტები, მათი გარეგნობა, ხასიათი, მოქმედებები, ურთიერთობა, მაღალი
იდეალებისათვის ბრძოლის სურათები. „შოთა რუსთაველი გენიალური ოსტატო-
ბით შლის თავისი პოემის არაკს, ფაბულას... მისი თბრობა მკითხველს იტაცებს,
აქაღობს... მკითხველის ფანტაზიას აცხოველებს და აქაღობებს მძლავრი სურა-
თების მოკვეთილად და სწრაფად ჩვენება: ჭერ ერთი, სანახაობის სიმშვენიერის
ცქერით ვერ დამტკბარზარ და მეორეს გაჩვენებს, ერთი პოეტური სახის გვერ-
დით მეორე აელვარდება, მეორეს მესამე მოსდევს კიდევ უფრო ძლიერი“... და
შემდეგ აეტორი კონკრეტულად მიგვითითებს სათანადო დეტალებზე პოემაში,
რათა მოსწავლეები უშუალოდ გაეცნონ გენიოსი პოეტის პოეტური გამოსახვის
ზერხებს, ღრმად შეიციონ მისი მხატვრული მეტყველების საიდუმლოება. „სიტყ-
ვათა და პოეტურ გამოთქმათა შერჩევა მიუღწეველ სიმადღებზე აიყვანა მან, მისი
გენიალობა აზრის ოსტატურად გამოთქმაში აქ აღწევს მრავალ მიუღწეველ მწვერ-
ვალამდე: მისი შედარებები და მეტაფორები თვალს გვეკრის, მისი რითმები მუ-
ხიკით გვიმონებენ“. შემდეგ აეტორი ეხება ხალხურ შემოქმედებასთან რუსთავე-
ლის შემოქმედების კავშირს, ლექსის ფორმასა და ზომას და აღნიშნავს: „შოთას
ლექსის ფორმა 16-მარცვლიანი შაირია, რომელიც ძირითადად ახასიათებს ქარ-
თულ ხალხურ შემოქმედებას: ჩვენი ხალხური ლექსების უდიდესი ნაწილი ამ
ფორმით არის შეთხზული. რუსთაველის გენიოსობის ერთ მხარეს ისიც გვიმ-
ტიციებს, რომ იგი ასეთის სიღრმით მისწვდა... ხალხის აზრთა გამოთქმის ფორმებს
და თავისი ნაქის წყალობით უმაღლეს ხარისხამდე აიყვანა ეს ფორმა. შოთა
წერს მაღალი და დაბალი შაირით“.

აეტორი შემდეგ ასე მაგალითების ანალიზის საფუძველზე არკვევს რუსთა-
ველის ლექსის სხვა თავისებურებებს, აანალიზებს „ვეფხისტყაოსნის“ პოეტური
გამოსახვის საშუალებებს: შედარებებს, ეპითეტებს, მეტაფორებსა და სხვ. მიუ-
თითებს იმაზე, თუ პერსონაჟების დახასიათებისას მოსწავლეებმა დამოუკიდებლად
ჩოგორ ამოკრიბონ პოემიდან საჭირო მასალა, როგორ გამოიტანონ დედააზრი
და გაარკვიონ მწერლის დამოკიდებულება პოემაში გატარებული აზრების მიმართ,
რა თემების შერჩევა შეიძლება საწერად, რა აღმზრდელობითი, სოციალური და
ესთეტიკური ღირებულება აქვს ახალგაზრდობისათვის ამ გენიალური ნაწარმო-
ების საფუძვლიანად შესწავლას.

ე. ხუროშის ამ შრომაში „ვეფხისტყაოსნის“ ყველა ძირეული საკითხი დიდი
დაკვირვებითაა განხილული. ასე ღრმად და მაღალ დონეზე აქვს ე. ხუროშის
დამუშავებული ალექსანდრე ჰავკავაძის, ილია ჰავკავაძის, ალექსანდრე ყაზბეგი-
სა და სხვათა მხატვრული თხზულებების სწავლების საკითხებიც, რომელთა
გაცნობა-შესწავლა დაეხმარება მასწავლებლებს ქართული ენისა და ლიტერატურის
სწავლების დონის ამაღლებაში.

პროფ. ვ. რ ა მ ი შ ვ ი ლ ი

30. IV. 1985.

ზ ე ნ ი ზ ვ ნ ე ბ ი

ვარლამ ხუროძე (მალაქიაშვილი) წერდა რომანებს, მოთხრობებს, ესეიზებს, ნოველებს, ეტიუდებს, მინიატურებს, ლექსებსა და კრიტიკულ წერილებს. მწერლის რომანები „შოთა ბროლიძე“ და „სამნი“ რამდენჯერმე დაისტამბა, მაგრამ კრიტიკული წერილების კრებული ავტორს ცალკე წიგნად არ გამოუცია, თუ არ მივიღებთ მხედველობაში „ქართული ლიტერატურის თემატიკურად განხილვას“, რომელიც 1927 წელს გამოვიდა. წიგნი სახალხო განათლების მიერ ნებადართულ იყო, როგორც დამხმარე სახელმძღვანელო შრომის სკოლებისათვის.

ვარლამ ხუროძის — „ქართული ლიტერატურის თემატიკურად განხილვა“ სცილდება სკოლის დამხმარე სახელმძღვანელოს ფარგლებს და ამიტომ აღნიშნული წიგნიდან ჩვენ ვაღმოვებუდეთ და კრებულში შევიტანეთ ზოგიერთი მწერლის შემოქმედების განხილვა. შენიშვნებში კი მითითებული გვაქვს წიგნის გვერდები. ავტორი წიგნის ხასიათისა და დანიშნულების გამო შეზღუდული იყო, რადგან თავისი კრიტიკული წერილები, რომლებიც სისტემატურად იბეჭდებოდა ქართულ ეურნალ-გაზეთებში, შეეტანა სკოლისათვის გათვალისწინებულ დამხმარე ხელმძღვანელოში. ამიტომ ჩვენ შეეცადეთ მკითხველისათვის მიგვეწოდებინა სხვადასხვა ეურნალ-გაზეთში დაბეჭდილი კრიტიკოსის რჩეული კრიტიკულ-პუბლიცისტური წერილებისა და ესეების კრებული.

წერილები კრებულში დალაგებულია ქრონოლოგიურად — ამა თუ იმ მწერლის ცხოვრების დროის მიხედვით და არა დაწერა-გამოქვეყნების თარიღის მიხედვით.

ფიქრობ, ინტერესს მოკლებული არ იქნება, მკითხველს გაეაცნოთ, თუ სადა რომელ წელს დაიბეჭდა ქართულ ეურნალ-გაზეთებში ვარლამ ხუროძის კრიტიკულ-პუბლიცისტური წერილები.

„ვეფხისტყაოსანი“, როგორც მებრძოლი წიგნი, დაიბეჭდა გაზ. „კომუნისტში“ 1937 წელს (№ 299).

„ვეფხისტყაოსნის“ ეთიკა და ხოციალური იდეალები, დაიბეჭდა გაზ. „ლიტერატურულ საქართველოში“ 1938 წელს.

ნიკოლოზ ბარათაშვილი, ორ წერილად დაიბეჭდა ვარლამ ხუროძის „ქართული ლიტერატურის თემატიკურად განხილვაში“. პირველ წერილში ავტორი არჩევს ნ. ბარათაშვილის ეროვნულ შეხედულებას, მეორეში კი — პოეტის ზოგადსაქაობრივ საკითხს. ორივე წერილი გავერთიანეთ და ერთმანეთისაგან გამოეყავით სამი ვარსკვლავით.

ლავრენტი არდაზაიანი, ვაღმოვებუდეთ 1927 წელს ცალკე გამოცემული წიგნიდან.

ოსსებ დავითაშვილი, დაიბეჭდა ეურნ. „მნათობში“ 1927 წ. (№ 4).

ილია ჭავჭავაძე, სამ წერილად დაიბეჭდა „ქართული ლიტერატურის თემატიკურად განხილვაში“. პირველ წერილში ვაშუქებულია ეროვნული საკითხის ილია ჭავჭავაძის შემოქმედებაში, მეორეში ილიას შეხედულება ბატონყუმობის შესახებ, მესამე წერილში კი განხილულია ილიას ზოგადსაქაობრივ საკითხები; სამივე წერილი გავერთიანეთ და გამოეყავით სამი ვარსკვლავით.

ილია ჭავჭავაძე როგორც ლიტერატურული კრიტიკოსი, დაიბეჭდა ეურნ. „მნათობში“ 1937 წელს (№ 5).

ილია ჭავჭავაძის შემოქმედების ზოგიერთ მხარეთა გაგებისათვის, დაიბეჭდა „ლიტერატურულ საქართველოში“, 1937 წელს.

აკაკი წერეთელი, „გადმოვებულეთ ქართული ლიტერატურის თემბათურად განხილვიდან“.

ვაჟა-ფშაველა, გადმოვებულეთ „ქართული ლიტერატურის თემბათურად განხილვიდან“.

ალექსანდრე ყაზბეგი, გადმოვებულეთ „ქართული ლიტერატურის თემბათურად განხილვიდან“.

ევანტე ნინოშვილი დაიბეჭდა ჟურ. „მნათობში“ 1929 წელს (№№ 11—12).

იროდიონ ევლავილი, გადმოვებულეთ „ქართული ლიტერატურის თემბათურად განხილვიდან“.

კოლა ლომთათიძე, გადმოვებულეთ „ქართული ლიტერატურის თემბათურად განხილვიდან“.

შოი არაგვისხიარელი, დაიბეჭდა ჟურ. „მნათობში“ 1925 წელს (№ 5).

გალაკტიონ ტაბიძის შემოქმედება, დაიბეჭდა ჟურნ. „ციხარტყელაში“ 1920 წელს (№ 2).

ელადიმერ მესხიშვილი როგორც მოქალაქე, დაიბეჭდა ჟურ. „საბჭოთა ხელოვნებაში“, 1938 წელს (№ 2).

მხატვრული ლიტერატურა 1808 წელს, დაიბეჭდა „რევოლუციის მატანეში“, 1930 წელს № 1, (23).

წერილები ლიტერატურის შესახებ, დაიბეჭდა გაზ. „ერთობაში“, 1919 წელს (№№ 91—93).

გაკერით ჩვენს ლიტერატურაზე, დაიბეჭდა გაზეთ „თანამედროვე აზრში“, 1916 წელს (№№ 248—249).

მშობლიური ენის სწავლების ზოგიერთი საკითხი, დაიბეჭდა ჟურ. „განათლების მუშაკში“, 1928 წ. (№ 8).

„ვეფხისტყაოსანი“ სკოლაში, დაიბეჭდა ჟურ. „კომუნისტური აღზრდისათვის“, 1937 წელს (№№ 11—12).

ალექსანდრე ჭავჭავაძის შემოქმედების შესწავლა სკოლაში, დაიბეჭდა ჟურ. „კომუნისტური აღზრდისათვის“ 1938 წელს (№ 3).

გრიგოლ ორბელიანის შემოქმედების გარჩევა საშუალო სკოლის მე-8 კლასში, დაიბეჭდა ჟურ. „კომუნისტური აღზრდისათვის“, 1938 წელს, (№ 6).

„ორი ხტილი“, დაიბეჭდა ჟურნალ „მნათობში“, 1929 წელს (№№ 8—9).

მაქსიმ გორკი, დაიბეჭდა ჟურ. „მნათობში“ 1928 წელს (№ 4).

ბენიის იბსენი, დაიბეჭდა ჟურ. „მნათობში“ 1928 წელს (№ 3).

გარდა ამისა, ეარლამ ხუროძე ავტორია მრავალი საინტერესო კრიტიკული წერილისა და რეცენზიისა, რომლებიც ამ კრებულში არ შესულა.

კრებულში ზოგიერთი წერილი იბეჭდება მცირე შემოკლებით.

ს ა რ ა ვ ე ზ ი

წინასიტყვაობა	3
„ვეფხისტყაოსანი“, როგორც მეტროლოგი წიგნი.	11
„ვეფხისტყაოსნის“ ეთიკა და სოციალური იდეალები.	16
ნიკოლოზ ბარათაშვილი	21
ლავრენტი არდაზიანი	34
იოსებ დავითაშვილი	49
ილია ჭავჭავაძე	69
ილია ჭავჭავაძე როგორც ლიტერატურული კრიტიკოსი	89
ი. ჭავჭავაძის შემოქმედების ზოგადი მხარეთა გაგებისათვის	101
აკაკი წერეთელი	106
ვაჟა-ფშაველა	122
ალექსანდრე ყაზბეგი	132
ეგნატე ნინოშვილი	136
იროდიონ ევლოშვილი	144
ქოლა ლომთათიძე	151
გალაკტიონ ტაბიძის შემოქმედება	160
შიო არაგვისპირელი	174
ვლადიმერ მესხიშვილი როგორც მოქალაქე	180
მხატვრული ლიტერატურა 1905 წელს	185
წერილები ლიტერატურის შესახებ	208
გაკერიტ ჩვენს ლიტერატურაზე	218
მშობლიური ენის სწავლების ზოგი საკითხი	225
„ვეფხისტყაოსანი“ სკოლაში	229
ალექსანდრე ჭავჭავაძის შემოქმედების შესწავლა სკოლაში	243
გრიგოლ ორბელიანის შემოქმედების გარჩევასაშუალო სკოლის მე-9 კლასში	250
ორი სტილი	261
მაქსიმ გორკი	272
ჰენრიხ იბსენი	281
გამოჩენილი პედაგოგი-მეთოდისტი	282
შენიშვნები	283

გამომც. რედაქტორი ო. შალამბერიძე
მხატვრული რედაქტორი გ. ზაკალაშვილი
ტექნიკური რედაქტორი ზ. შახარაშვილი
უფ. კორექტორი ე. ბაბალაშვილი
კორექტორი მ. გონაშვილი
გამომშეები ქ. ნიკოლაშვილი

ИБ № 3295

გადაეცა ასაწყობად 23.10.85. ხელმოწერილია დასაბუქდად 15.02.86 ქალაქის
ზომა 60×90¹/₁₆. საბუქედი ქალაქი № 2. გარნიტურა ეენა. ბუქედის ხერხი მა-
ლალი. ნაბუქედი თაბახი 19. პირ. საღუბაეგატარება 19. სააღრიცხვო-საგამომ-
ცემლო თაბახი 16,36. უე 10712. ტირაჟი 3 000. შუეკეთა № 1033.
ფანი 1 შანი. 80 კაბ.

გამომცემლობა „განათლება“, თბილისი, ორჯონიკიძის ქ. № 50.
Издательство «Ганатლება», Тбилиси, ул. Орджоникидзе № 50
1986

380060, ქ. თბილისი, ვ. ფუეეღას პრ. მეღქალაქი
II: სასწ. კორპ., საქ. სსრ. გამსახეომის № 4 სტაბბა.
380060, რ. ტბილისი, პრ. ვაჟა-ფშავეღა, მეღგოროდოკ,
II უჩებ. კორპ., ტიპოგრაფია № 4 გოსკომიზდატა გრუზ. სსრ.